


**JOHANNIS
HENRICI URSINI,
... DE
CHRISTIANIS
OFFICIIS...**

Johann Heinrich Ursin,
Francesco Barberini, ...






BIBLIOTECA NAZIONALE VITT. EMANUELE

14

23 1


10M



1211

L. B. F. 19.

Don Hilario Nancali ex dono
Cmra D. Carlos Fran. Barberini



JOHANNIS HENRICI URSINI,
Ecclesiæ Ratisponensis Pastoris
& Superintendentis, *Laminar*

DE

CHRISTIANIS OFFICIIS

Analecta Theologica
& Philologica:

*Ex S. Scriptura, SS. Patribus, aliisq̃
Scriptoribus Ecclesiasticis &
Profanis.*



NORIMBERGÆ,
Typis & Sumptibus MICHAELIS ENDTERI,
ANNO M. DC. LX.

~~SECRET~~



W. H. & C. S. 1875
NEW YORK



Serenissimi Saxo-Aldenburgici
Principis,

Confiliario Intimo,

& ad Conventum Ratisponensem
p. t. Legato Amplissimo,

*Magnifico, Nobilissimo atque
Excellentissimo VIRO*


DN. JOHANNI
THOMÆ,

Jurisconsulto longè celeberrimo,

Domino & Patrono suo Magno,

D. D. D.

AUTOR.



Uæ ante hos viginti quatuor annos, altero Ministerii mei Spirensis tum in-
 unte, Tabulam, quam dicunt, Oeconomicam enarraturus, præ-
 meditatus postea horis subcesivis conscripsi, ea nunc demum in lu-
 cem prodire jubeo, offerente o-
 peram suam, amicorum suasu, Bi-
 bliopolâ: & quidem eodem pla-
 nè filo, quo olim pleraque con-
 cinnaveram. Adeò enim nihil
 immu-

DEDICATORIA.

immutavi, ut ante editionem ne
quidem ad relegendum tempus
aliquod infumere potuerim, aut
infumendum esse putaverim.
Non id ullâ ingenii confidentiâ;
à qua ut longissimè absim sem-
per, DEUM cordium nostro-
rum inspectorem & arbitrum
supplex nunquam non veneror
& oro; sed bonâ fretus consci-
entiâ, functum me hac in parte
munere meo, quâ par est indu-
striâ & fide: Tum ut & juventu-
ti monstrarem, cui hæc omnia
scribo, à quibus progressus ini-
tiis, quâq; viâ, Divinâ ducente
providentiâ, quò tandem præter
):(3 spem

EPISTOLA

spem expectationemq; omnem pervenerim? Non enim pecco, si me, ad æternam DEI laudem, in exemplum Bonæ Spei proponam illis, qui in flore adhuc ævi constituti, destitutiq; omnibus humanis opibus, unam omnemq; spem in DEO positam habent, & ut eum sibi servant propitium, omnem curam, operam, studiumq; suum consumunt.

De Scripto ipso præfari superfedeo. Commendabit piis tum materiæ dignitas & utilitas, cùm & formæ concinnitas ac brevitās. Aurea illa, de Christianis Officiis, S. Scripturæ Oracula sunt;

sunt ; cum in finem ex diversis
diffusisq; commentariis, quorum
in re tenui copia erat, explanata,
aliorumq; sacrae ac profanae sapi-
entiae consultorum testimoniis
consentientibus illustrata, ne ad
dicendum in frequenti Ecclesiae
concione imparatus exurgerem.
Eo in studio sic me versatum bo-
na spes est, ut quae juveni placue-
runt, sumus enim naturâ Φιλό-
τεχνοι, non putem erubescenda
esse senescenti. Et est alioqui Pa-
rentum hoc ingenium, ut tene-
riùs ament, quos primos in spem
posteritatis genitos majore curâ
aluerunt.

Huic foetui meo, cùm eo ipso tempore praeli officio in lucem eniteretur, quo Tua, Vir Magne, me nec meritum, nec ambire ausum complecti coepit eximia humanitas; Patronus pro more Tutorq; quærendus non erat: nam & benevolentia Tua, & supremi Numinis favor obtulisse, non temerè videbantur. Qui Scripta sua magnis nominibus inscribunt, aliâ aliâque ratione duci solent. Ego neque invidiæ metuens; nam qui mereri sperem his studiis? neque turpis lucelli vel egens vel sitiens; absit, ut Musas Virgines, quod Simo-

nidi


DEDICATORIA.

nidi Poëtæ vitio datum recordor,
peffimi facinoris autori, prostitu-
am ! Amicos mihi isto honore
vel concilio, vel demereri ftudeo.
Fieri poteft, ut tantis nominibus
ambitione quâdam abuti, non
nemini fortè videar : ut autem
mihi optimæ voluntatis debitæq;
venerationis confcius non fim, id
profectò fieri nunquam poteft.

Tuame certè incredibilis hu-
manitas, cujus non tantùm fru-
ctum percepi jucundiffimum,
fed etiam pignus ac chirogra-
phum habeo immortale, secu-
rum planè effe jubet, &, ut ef-
sem, effecit; hanc æquè fidu-
ciam

EPIST. DEDICATORIA.

ciam Tibi meam iri probatum,
atque ego certissimus sum in cul-
tu ac honore nominis Tui me
constanter perseveraturum. Sal-
ve, Patrone optime, & fave sem-
per, cui tanta cum amabilitate se-
mel coepisti ! Scribebam in Mu-
séo Ratisponæ X. Februarii, An-
no M. D. C. L. X.



INDEX MATERIA- RUM.

I.

P*raefatio : MARTINALIA Lu-
therana : Dissertatiuncula de
summīs Dei beneficiis Ecclesiæ
per D. M. Lutherum præstitis.*
pag. 1

*II. De OFFICIIS Christianis in ge-
nere.* II

*III. De CHRISTIANISMO , ex
1. Johann. 3. v. 25. Ulrim & Thum-
mim quid? Fides, Charitas. 21. 25. 28*

*IV. SAPIENTIA Christiana, ex Jo-
hann. 17. v. 3.* 39

V. VITA Christiana, ex Tit. 2. v. 11.

54

VI.

INDEX MATERIARUM.

VI. VII. OFFICIUM Ecclesiæ Pa-
storum, ex 2. Tim. 4. v. 1. Verbum
Dei prædicandum constanter, pru-
denter, patienter, sapienter, &
1. Tim. 3. v. 1. Episcopatus deside-
rium, Episcopi Officium. 70. 74. 76.
83. 86. 93. 95. 101

VIII. AUDITOR VERBI DEI,
ex Jac. 1. v. 21. Sacra insitio Hor-
tulani Spir. Sancti. Speculum Ver-
bi Divini, & 1. Tim. 5. vers. 17.
PRESBYTERI Ecclesiæ Veteris.
Eorum Honos & Stipendium. 119.
120 121. 130. 133. 139. 142

IX. MAGISTRATUS Christianus,
ex Rom. 13. v. 1. Compendium Po-
liticæ Christianæ. Consilium JE-
THRONIS, ex Exod. 18. v. 20. 21.
Bonus Civis. 144. 145. 148. 169. 174

X. CONJUGES, ex 1. Pet. 3. v. 1.
Mun-

INDEX MATERIARUM.

*Mundus Muliebris, Bonus Mari-
tus.* 177. 179. 197

XI. *VIDUÆ, ex 1. Tim. 5. v. 3. Vi-
duatus in Ecclesia primitiva Uni-
viræ. Votæ. Multiviræ.* 208. 210.
215. 218. 233


XII. *LIBERI & PARENTES, ex
Ephes. 6. v. 1. 248. AUREA SI-
RACIDÆ Bulla, ex cap 3. v. 1. &
seqq. ubi & de SENIBUS.* 268. 294

XIII. *PUERPERÆ, ex 1. Tim. 2.
v. 12. Mulier Modesta, Genitrix
Sollicita.* 303. 305. 309

XIV. *DOMINI & SERVI, ex E-
phes. 6. v. 5. 9.* 318

XV. *SENESES & JUVENES, ex
1. Pet. 5. v. 5. 6. & ex Tit. 2. v. 1.*
350. 379

IN-



INDEX Locorum quorundam

S. Scriptura enuclea- torum.

G Enes. 2. de Paradiso,	pag. 11
cap. 12. 15. & 20. 3. Saræ Amor,	194
cap. 37. Josephi Somnium,	319
Exod. 18. Consilium Jethronis,	169
cap. 28. Urim & Thummim,	21
eodem, ꝑ. 36. Lamina aurea,	39
Levit. 21. 19. Sacerdotis requisita,	93
Num. 24. 23. Bileami votum,	351
2. Paralipom. 19. 6. Josaphati Judices,	171
Psal. 34. 13. Regula Vitæ,	206
Psal. 102. 25. Suspirium Senum,	351
Psal. 128. 5. Felix Conjugium,	248
Proverb. 1. 7. Timor Domini,	50
cap. 31. 10. Uxor bona res optima,	316
Jerem. 1. ꝑ. 13. Visio Prophetæ,	54
Sirach.	

INDEX LOCORUM S. SCRIPTURÆ.

Sirach. 3. v. 1. 18. Aurea Liberorum Bul-	
la,	268
cap. 21. 1. Triapulchra,	178
Matthæi 15. 3. Honor Parentum,	290
Joh. 17. 3. Sapientia Christiana,	39
Rom. 13. 1. Magistratus & Subditi,	145
Ephes. 6. v. 1. Parentes & Liberi,	248
v. 5. Domini & Servi,	318
Philipp. 1. 3. Martinalia,	3
cap. 2. 12. Cum Timore & Tremore,	330
1. Thessal. 5. 12. Honor Pastorum Eccl.	139
Hebr. 13. 17. Obedientia iis debita,	140
1. Tim. 1. 5. Finis Legis Charitas,	30
v. 14. Verbum Dei,	74
1. Tim. 2. 12. Puerperæ,	303
cap. 3. 1. Episcopus,	93
cap. 5. 3. Viduæ,	208
eod. v. 17. Auditores,	133
2. Tim. 4. 1. Pastores Ecclesiæ,	70
Tit. 2. 11. Vita Christiana,	54
v. 1. Senes,	379
Jacob. 1. 21. Auditores,	130
cap. 3. 17. Sapientia,	51

1. Petr.

INDEX LOCORUM S. SCRIPTURÆ.

1. Petr. 2. 13. Magistratus,	152
c. 3. 1. Mundus muliebris,	177
eod. v. 7. Maritus,	197
eod. v. 10. Conjuges,	206
cap. 5. 5. Senes & Juvenes,	350
1. Johann. 3. 24. Christianismus.	21






MEDITATIO PRIMA,

GRATA REFORMATI-
ONIS RECORDATIO,

in Epist. Dom. XXII. Trin.

THEMA: Prolegomenon loco,
*de summis DEI beneficiis Eccle-
siae novissimis his temporibus per
D. M. Lutherum praestitis.*



Xordium praemittatur à lau-
danda consuetudine Ecclesiae V. Te-
stam. & fidelium id ævi, qui, ut divi-
norum beneficiorum sibi quâ pu-
blicè quâ privatim praestitorum me-
moriam æternaretur, operam dederunt

1. *Psalms & Cantica componendo*, ut in popu-
lum eximia Dei opera disseminata in choris publi-
cè concinerentur. Exemplo & argumento sunt
Moses, Exod. 15. 2. Anna, 1. Sam. 2. 1. Hiskias, Esai.
38. 6. adde Jonam, Habacuc, Tres pueros in for-
nace Babylonica, &c. David quoque sæpè in Psal-
mis, vide 2. Sam. 22. 1.

2. *Monumenta & memorialia erigendo*, de quibus Gen. 28. 19. Jos. 4. 7. 1. Sam. 7. 12. &

3. *Festa solennia instituendo*, in quibus divina beneficia deprædicarentur, ut Esther. 9. 21. Ὑμνοθεῖς. Ejus piæ consuetudinis meritò recordamur hoc anni tempore, quo summum illud beneficium reformationis Deus Opt. Max. inchoavit, quodq; antè olim per Prophetas prædixerat, Zachar. 14. 7. Apoc. 14. 6. Dan. 11. 44. opere ipso complere cœpit. Adde brevem *διήγησην*, quo pacto D. M. Lutherus Theologiæ Doctor & Professor, An. 1517. hoc mense Octobri zelo Domini inflammatus, & impudentissimis Tecelii nundinationibus incitatus, Theses contra putidissimam Indulgentiarum mercem conscripserit, & Witebergæ pro more Academiæ ad pulpitem affixerit, exorsus stupendam illam Ecclesiæ repurgationem iisdem verbis, quibus olim Dominus fermentum Pharisaicum expurgare, & Ecclesiam hominum commentis oppressam renovare inceperat: *Pœnitentiam agite, & credite Evangelio!* Marc. 1. 15. Quanquam ille etiam tûm ignoraret, quantam rem adorsus esset, Deoq; suum negotium agenti nesciens famularetur.

Propositio. Par est tanti beneficii conservari memoriam, Tob. 12. 7. Considerabimus igitur, quid boni nobis Deus hoc opere contulerit, & quo nos pacto gratitudinẽ declarare deceat?

Exergasia. Orditur Apostolus suam ad Philippenses, de quibus Actor. 16. 12. Epistolam, pro recepto suo more Gratiarum actione, cujus spectare

Etare convenit I. OBJECTUM. II. MODUM, ex illo elucescet Dei beneficium, ex isto Nostrum officium.

DE DIVINO BENEFICIO

fic ait Apostolus: *Gratias ago Deo super communicatione vestra in Evangelio*, v. 3. & 5. ad Philipp. c. 1. expendere omnia non est instituti mei. Hoc indicat, præclarissimum Dei in terris munus esse, si quos ex perdita colluvie hominum vocet ad communicationem in Evangelio. Conf. 1. Cor. 1. 4. Rom. 1. 8. 1. Thess. 1. 2. 2. Thess. 1. 3. Col. 1. 2. Magnū profectò & incomparabile donum, sed latens in exiguo paucorum verbulorum involucro ! Quod ut evolvamur, collatio instituenda erit inter Philipenses & Germanos, spectandumq; , quid illis per S. Paulum, his per Dn. Lutherum emolumenti obvenerit ? Attulit autem Apostolus Philipensibus

I. Veram Viam Salutis : Ignorabant eam Gentes. Nam & qui laude Sapientiæ inter illas florebant, animas cum corporibus interciderere arbitrantur Summam beatitudinis in belluinis voluptatibus constituebant, quales illi Sap. 2. 1. Eccles. 3. 19. alii altiùs animo evecti, in actione virtutis *Ευδαιμονίαν* posuere ; nec hilo sapientiores erant etiam Judæorum eximii Doctores, qui gentili stultitiæ, jam tum per orbem dispersi aliquam medellam afferre potuissent, si non & ipsi in eodem ludo fuissent eruditi. Compendium ergò putabatur

Salutis, Vitæ secundum Rectam Rationem institutio, cui Judæi legis & traditionum additionem junxerant, sed cum neque Ratio neque Lex neque Traditio vel humanæ naturæ originariam labem & extremam corruptionem satis nōssent, vel ullam certam & firmam conscientis opem ferrent, Via Salutis præcipitium tandem erat desperationis, vide Ephes. 2. 12. & 4. 18. Itaq; ante omnia patefecit Deus per S. Paulum Philippensibus Veram Viam Salutis, quam & quomodo? docebit S. Lucas in Actib. cap. 16. 17. 31. & S. Apostolus ipse ad Philipp. 4. 9. Verbo est: Sola Vera & Viva Fides in Christum. Eandem nobis per Dn. Lutherum re-
 rectam, cum spinis humanarum traditionum, ambagibus Philosophicarum opinionum, lutoq; meritorum profundo facta fuisset invia, orbis terrarum ipse clamitabit. Quâ ad Cœlum Viâ tenderint majores nostri, quis ignorat? Per merita operum suorum, aut si sibi diffisi essent, aliorum quâ vivorum, quâ mortuorum. Christi vix ulla ratio habita fuit. Fuerunt, qui dubitârint, an ad eum aliò se potiùs verterent? Quomodo Masium Episcopum in Busco Ducis ajunt videri in quadam sacra æde medium inter Deum Filium, & Deiparam, dicentem: *Consisto in medio, quò me vertam, nescio?* Quam stoliditatem rectè taxavit, qui subscripsit: *D grotte Gott / Heert u tot Gott. Te verte ad verum, Morio magne, Deum.* Vide Sandæi Testam. Deip. in Maria Patrona p. 342. Periisset mundus universus, nisi pereuntibus succurrisset in ipso sæpè
 ultimo

ultimo agone : *Miserere mei Deus !* nisi aliquos Deus subindè excitâisset, qui jam jam animam agentibus unicam Salutis Viam ostenderent , qua de re præclara leges apud D. Calixtum tum alibi , cùm in Digress. de Arte Nova : Deniq; nisi Deus ipse multos inspirâisset , ut valere jussis hominum meritis spem & fiduciam in solo pretioso Christi sanguine collocarent, dicentes cum Gersone : *Spes mea crux Christi, Gratia, non opera !* Hac viâ insistere nos jussit Lutherus : Justitiam & Salutem quærere in solo Christi merito : Cætera omnia ut detrimentum & ut stercora arbitrari, ut istum lucrifaciamus. Hæc Lutheranismi Acropolis est.

II. Rectam Rationem Religionis : Nam hæc altera piæ mentis cura est, ut de Salute edocta, obvenire eam credentibus in Christum nullo suo merito, Ephes. 2. 8. jam porrò de Gratitude veroq; Dei cultu sollicita sit. Atque hîc S. Apostolus quoad Proprium & Internum Dei cultum Philippensibus suis ostendit 1. *Verum Religionis objectum*, exhibendum eam non Idolis, sed Deo Trinuno, de quo Concio ejus celeberrima extat Athenis habita, Actor. 17. 22. 2. *Verum modum*, præstandam non juxta deliram rationis, sed juxta certissimam divinæ voluntatis in verbo patefactam regulam, Coloss. 2. 23. Gal. 6. 16. & 3. *Verum exemplar*, imitando Christum & ejus fidos ministros, Phil. 2. 3. cap. 3. 17. 1. Cor. 13. 1. Eandem rationem nobis demonstravit Dn. Lutherus. Errabant majores nostri, circa *Religionis objectum*, cultum reli-

giosum non Dei modò Creaturis, sed & suis facturis conferendo, cùm *Religio vera nulla nisi unius Dei*, Lactant. l. 1. cap. 20. at *creatura in maledicto sit*. Hilarius l. 8. de Trinit. Inprimis cùm Sanctorum cum Deo regnantes immortales Spiritus religiosè invocarent, eàdem cum gentilibus Idololatris usi *miserà excusatione*, dicentes, *per istos posse ire ad Deum, sicut per Comites pervenitur ad Regem*. Ambros. in cap. 1. ad Roman. Nunc apud nos Lutheri doctrinâ imbutos personat illud: Soli Deo gloria! *Maledictus, qui confidit in homine!* Jer. 17. 5. Errabant illi *in modo*, quilibet enim fermè novum inveniebat, undè tot ἐθελοντες αὐτοθρησκείαι: nunc apud nos nemo dubitanter anquirat: *Quid dignum offeram Domino? Curvabo genu Deo excelso?* Indicavit enim nobis per servum suum Lutherum, quid sit bonum! &c. Mich. 6. 6. 8. Errabant illi *quoad exemplar*, desertoq; Eo, qui dixit: *Si quis vult post me venire, abneget semetipsum, & tollat crucem suam, & sequatur ME*, Matth. 16. 24. ad sua desideria coacervârunt sibi Magistros, 2. Tim. 4. 4. faciliùs per viam Francisci quàm per viam Christi ad Patrem perveniri palàm professi. Nunc Christus nobis omnia est, ejus ἀποχεαμὸν sequi jubemur à Dn. Luthero, atque *ambulare, sicut & ille ambulavit*, 1. Joh. 2. 6. 1. Pet. 2. 21. Ut Vaticinium Apocalypticum clarissimè in nostro Luthero impletum agnoscamus, quod vide cap. 14. ψ. 7. Hæc de Cultu Dei interno.

Externum, communem & publicum exornavit

vit Dn. Lutherus Triplici Cimelio, quod & Apostolus Philippenſibus attulerat.

I. Erat S. Scripturæ communicatio, quam Philippenſes in ſua lingua legere & poterant, & ſolebant, & adeò quoq; debebant, vide Act. 17. 11. Coloff. 3. 16. Hoc tam inæſtimabili theſauro caruiſſe ante D. Lutherum majores noſtros, nemo negabit. Jam olim, ut S. Auguſtinus ſcribit, *Scriptura divina ab una lingua proſecta, per varias Interpretum linguas longè lateq; diſſuſa, innotuerat gentibus ad ſalutem*, l. 2. de Doctr. Chriſt. cap. 5. Legebant eam Græci, Romani, Syri, Ægyptii, Indi, Perſæ, Æthiopes, imò & Scythæ & Sarmatæ, teſtanti- bus Chryſoſtomo hom. 1. in Johan. & Theodoreto ſerm. 5. de Cur. Græc. affect. Soli Germani nos aut legere non poteramus, aut lectam non intelligere. Nam quæ ante Dn. Lutherum extitit, parùm in Vulgus nota, Vernacula Verſio Platoniciſ numeris obſcurior fuit. Capiemus guſtum è Pſalterio Davidico, quod ad manum eſt. In Pſalm. 7. v. 14. erant iſta: und er bereit in ihm die Baß des Tods/er macht ſein Geſchoß den Prinenden. In 28. qui Hebræis 29. v. 6, und er wird ſie zermalmen als ein Kalb/ oder als ein Aſt des Libans/ und iſt lieb gehabt/recht als ein Sohn der Eingehürn. In 42. v. 5. In der Stimm der Freud/und der Beicht/iſt der Thon des Eſſenden. v. 8. der Abgrund anruſt den Abgrund/ in der Stimm deiner Fenster oder Wolkenbruch. Pſalm. 79. v. 1. O Gott/ die Heyden kamen in dein Erb/ ſie vermeiſtigten dein

H. Tempel / und setzten Jerusalem in die Hutt der
 Depffel / sie setzten die toden Ding deiner Knecht /
 die essen den Vögeln des Himmels. 2^e. O nos fe-
 lices ! qui sine istis verborum prodigiis præunte
 Regio Prophetâ Deum bonas preces precari , &
 glorificare possumus ! Ita fit ! Psalterium , ocel-
 lus S. Scripturæ , & planè , ut ait Cassiodorus de Div.
 Lect. cap. 4. *Paradisus animarum prima continens*
innumera, quibus suaviter mens humana saginata
pinguescat , primò confusis Versionibus malè Græ-
 cè , deindè à Græculo quòdam , vide Lindan. l. 3. de
 opt. gen. Interp. c. 6. pejùs Latinè , tandem ab in-
 docto Monacho ita Germanicè versum est , nem-
 pè pessimè. Si nihil aliud fecisset Lutherus , quàm
 quòd S. literas nobis nostra in lingua imbibendas
 tam purè propinâsset , gratiæ tamen ei deberentur
 eadem , quæ Hieronymo propter Versionem Dal-
 maticam , Chrysostomo propter Armenicam , Ul-
 philæ propter Gothicam , imò & tantò meliores ,
 quantò ejus Versio omnibus antecellit : sed de hoc
 Dei munere , Ecclesiæq; nostro ornamento vide
 plura apud Dn. D. Walther. in Off. Bibl. de Vers.
 Vernac.

II. Hymnorum Ecclesiasticorum
 compositio , ut exemplo Philip pensium , Colos-
 sensium & aliorum , monituq; Apostolico , nunc
 quoque nos invicem docere & commonere possi-
 mus *Psalms & Canticis* , Coloss. 3. 16. Ephes. 5. 19.
 Si in laudes sanctissimi & efficacissimi instituti ire
 vellem,

vellem, iret dies hæc & altera, nec esset finem habitura oratio. *Est Psalmodia opus Angelorum, Cælestis Hierosolymæ societas, spirituale thymama & suffimentum.* Basilius in Psalm. 1. Ut quibusdam viperarum moribus, juxta Theophrastum, ut tarantulâ ictis Musica medetur. Alex. ab Alex. Gen. Dier. l. 2. cap. 17. sic contra infernalis viperæ morsus nullum præsentius alexipharmacum est. Itaque Davidem authorem sequuti, vide 1. Paral. 16. 26. & 26. 1. canendi morem instituerunt in Ecclesiis Nepos Ægyptiâ, Flavianus Antiochenâ, Pontianus Romanâ, & post omnes Lutherus Germanicâ, cujus & textus & melodix plenum S. Spiritu pectus habuisse proclamant: Vide Mich. Prætorii Tom. 1. Syntagm. Mus. p. 452. Nos adversarios Lutheri *miseramur*, ut S. Augustinus Manichæos, *quòd illa sacramenta, illa medicamenta nesciant, & insani sint adversus antidotum, quo sani esse potuissent*, l. 9. Confess. c. 4.

III. Doctrinæ Catechetice comprehensio, præstat autem de ea omninò tacere, quàm pauca loqui. Paulum Philipenses Catechismo instituisse palàm est ex Actuum cap. 16. 32. & indicat recepta consuetudo Apostolica Hebr. 5. 12. & 6. 3. 1. Pet. 2. 2. retenta à SS. PP. qui cum Clemente Alex. rectè censebant, *ὅτι ἐν ἑστὶ κατήχησις ἀνδρὶ κατηχήσεως*, quòd sine Catechesi credere nemo possit, donec progressu temporis intermissa & eò perventum est, ut M. Carolo Imp. Germanorum Primo opus fuerit præcipere, ut unusquisque fide-

lium ad minimum Symbolum Apostolicum & Orationem Dominicam memoriter ediscat, l. 5. Capitul. quòd *in his duobus omne sit fidei Christianæ fundamentum*, juxta Theodulph. Aurelian. Episcop. Coævum. Tandem pro Christiano Catechismo Ethica Aristotelis ambonem occupârunt, questusq; est paulò ante Dn. Lutherum Trithemius sæpius in suggestu Christi audiri Aristotelem, quàm Paulum aut Petrum. Sed de Catechismo Dn. Lutheri pluribus loci vetat locus & tempus, ne donum Dei incomparabile dicendi infantia deteram. Ejus pars est Doctrina de Statibus, Tabulam Oeconomicam vocant. In qua una quantum præstiterit, quantum, in repurgando Augiæ stabulo, egresserit sordium Lutherus, docebit D. D. Meisner, p. 3. præf. Phil. Sobr. proposito in exemplum statu Magistratus Politici. Nos parte primâ defuncti, ad alteram properamus.

DE NOSTRO OFFICIO,

Et quomodo grati esse debeamus, docet Apostolus suo exemplo, nempe 1. *Semper, Gratiarum ago Deo meo in omni memoria vestri, semper &c.* &c. 3. 4. Sic quoties memoria tantorum beneficiorum animus subit, subire autem debet quàm sæpissimè, gratias agamus, non nos modò, sed & qui post nos erunt,

Et nati natorum, & qui nascentur ab illis &c.

Præcinent Ecclesiæ ministri, tubamq; gratitudinis inflent, accinant Magistratus, succinant pii omnes,
Psalm.

Psalm. 78. 4. Joël. 1. 4. 2. *Lato animo: Cum gaudio*, inquit Apostolus, *deprecationem faciens*; quippe confidebat Deum inchoata consummaturum, *ψ. 4. & 6.* Eadem nos lætitia incessat, eadem confidentia refocillet, 1. Cor. 1. 8. Esai. 40. 8. 3. *Etiā in adversis*, quomodo & in vinculis Apostolus, *ψ. 7.* imò in ipsa fornace Babylonica, ut tres pueri Dan. 3. in fragm. Est enim Evangelium verbum Crucis &c. Denique 4. *cum precibus*, ut Charitas nostra magis ac magis abundet in omni scientia & in omni sensu, *ψ. 9. & seqq.* Epilogus constet ἀνακεφαλαιώσας & precibus exlectione Epistolica emedullatis.

MEDITATIO SECUNDA,

TABULÆ OECONOMICÆ

D. M. LUTHERI EPIGRAPHE.

EXordium ab encomio Catechismi. Est ille quasi *Paradisus*. Etenim sive hoc vocabulum *Græcum* est, ut Suidæ visum, ἀὐτὸ δὲ εὖω derivatum, Catechismus noster hortus irriguus est. Cardinali Blanco, qui postea Papa Benedictus XII. fuit, quidam Vicinus Romæ Episcopus somnio monitus prædixit Pontificem fore; addebat autem: *Pater, qui mihi monstravit faciem vestram, introduxit me ad stabulum immundissimum, stercoribus plenum, ubi vidi arcam marmoream albissimam, sed vacuam, vos estis illa arca, quam debetis in officio vestro implere virtutibus. Et ô Pastor & Stabularie, Curiam & Sedem Apostolatus, jam immundissimum stabulum,*

bulum, ab avaritiis & fumosis stercoribus expurgate, vobisq; Sanctam Romanam Ecclesiam & urbem recommissas habete. Hæc in M. Alberti Argentinensis Chronico, Augiæ stabulum ergò fuit Pontificia ante Lutherum Ecclesia, cujus expurgationem tot Imperatores, Reges, Præsules, omniumq; Populorum vota exoptabant, exspectabant. Purgavit Hercules noster Germanicus, inductis cum Catechismo non Alphei, sed S. literarum purissimis undis, Ezech. 47. 9. Psalm. 46. 5. ubi olentia olim fuerant fimeta, ibi fragrantia nunc adulescunt Domini viridaria: Sive *Persicum* est, eoq; Reges Persarum vivaria sua appellârunt, authore Philostrato de Vit. Apollonii, in quibus Leones, Pardos, Tigres aliasq; immanissimas feras educabant: Catechismus quoque noster ejusmodi vivarium est, in quo quinq; belluarum genera reperire est, quibuscum homini Christiano *in hoc quasi Mundi amphitheatro*, ut loquar cum Bachiario de recip. Laps. Tom. 2. Monum. Orthod. semper conflictandum est. Hic *peccatum* est, Serpens venenosissimus, Sir. 21. 3. quem ex cavernis suis protrahit Lex in Decalogo. Hic *Mundus* monstrum tricipitinum, 1. Joh. 2. 15. quod Fides sola superat in Symbolo, 1. Joh. 5. 4. Hic *Diabolus* Leo rugiens precibus nostris profligandus, 1. Pet. 5. 8. Hic *Caro ἀπό τῶν ζῶων, καὶ πολυκέφαλον θηρίον*, ut Pythagoræi quoq; vocârunt, teste Jamblichio ad aur. Carm. Pythag. *Peregrinum animal, multiceps bestia, mortale Vitæ specimen, ab ipso ortu nobis connatum*, quam belluam

S. Baptismus submergit & occidit. Hic *Mors* omnium terribilium terribilissimum; contra quam animus Panopliâ Dei & Sacramento altaris obarmandus est. Sive denique *Hebraum* est, à *Parah* & *Hadas* derivatum, v. Corn. à Lap. in 2. ad Cor. 12. §. 4. Catechismus quoq; noster pucherrimus hortus, fecundissimum Myrtetum est, est ibi Sapientia Cœlestis, Sir. 24. 14. est arbor scientiæ, Lex; arbor Vitæ, Evangelium. &c.

Propositio; Hujus horti partem ultimam ingressuri, in Vestibulo subsistemus & Inscriptionem considerabimus, &c.

TABULA OECONOMICA QUORUNDAM S. SCRIPTURÆ DICTORUM, de variis Vitæ humanæ ordinibus & statibus, undè quisq; sui officii admoneatur.

Si quis populariter explicare velit, aget de Libelli hujus 1. Dignitate. 2. Utilitate. Nos sequemur Scholasticam Methodum, agemusq; 1. de Nomine. 2. de Re.

Nomen accepit Libellus vel à simili; ut in magna domo Tabula figi solet, quæ sui quemq; officii admoneat: Ita hæc in domo Dei, 1. Tim. 3. 15. cum lemmate:

Ein jeder lern sein Section!

So wird es wol im Hause stohn.

Esto, quod es, quod sunt alii, sine quemlibet esse!

Vcl

Vel à pari: Publicæ constitutiones olim tabulis incisæ: Apud Romanos æreis, 1. Macc. 8. 22. Plinius l. 34. c. 9. Talem, ait Plato in Minoë, apud Cretenſes Leges in æreis tabulis circumtuliffe, unde Æreo cognomen inditum. Axes Solonis ligneis inſcriptæ erant, A. Gellius l. 2. cap. 12. Aliæ plumbeis, Job. 19. 23. Plinius l. 13. c. 11. Babyloniorum coctilibus laterculis, Alex. ab Alex. l. 2. Dier. Genial. c. 30. Romanorum Principum edicta libris elephantinis, id eſt, eburneis l. 32. Pandect. lex Dei in Sapphiro Suidas in Moſe, & Lyrân. in Exod. aut in Silice, juxta alios. Ægyptii morum præcepta in Pyramidibus propoſuere ſcripta figuris animalium & literis, ut ait Apulejus, ignorabilibus. Deniq; tabulas Domæſticas habebant veteres, Romanæ Diaria, Græci *Ephemerides* vocabant, in quibus unusquisque domæſticam ſibi rationem totius vitæ ſuæ per ſingulos dies ſcribebat. Budæus in Pandect. p. 727. Ex quibus de Nominis ratione conſtat. Rei ipſius Natura ex cauſis ſpectanda eſt.

1. *Cauſa Principalis.*

Deus eſt, continet enim libellus niſ aliud præterquam Sacra dicta, ut, quod de Socrate dictum fuit, rectè in Lutherum quadret, qui poſt S. Dei Præcones ultima miniſterialis libelli cauſa eſt, *Eum Sanioſorem de moribus Philoſophiam de Cælo devocâſſe*. Nam ut omnis à Deo eſt Sapientia, Sir. 1. 1. ab eo q ſolo expetenda, Jac. 1. 5. Sap. 9. 3. ita hæc inprimis de Beata Vita, Pſalm. 25. 4. & 119. 33. Lucretius,

quamvis

quamvis ex Epicuri Schola, rectè tamen affirmavit, Deum esse,

*Qui primus Vitæ rationem invenit eam, quæ
Nunc appellatur Sapientia - -*

Quod de hujus libelli multò certius, quàm quòd Minos leges à Jove in antro Cretensi, Lycurgus Delphis ab Apolline, Zaleucus Locris à Minerva acceperint, ut creditum olim, de quo Clemens Alex. l. 1. Stromat.

2. *Materia.*

Ἐξ ὧν dicta sunt Biblica, καὶ ὧν Officia Christiana. *Officium* veteres dixere *quasi effcium*, Ambros. l. Offic. c. 8. Græcè καθήκον ἀπὸ τῆς καὶ ὕψους ἡκεῖν, Laërt. l. 7. Quod ad aliquos veniat, relativa enim sunt fermè officia, & respiciunt se mutuò, sic ait Epictetus, τοῖς χεῖροις ὡς ἀμετρεῖται, relationibus mensurari, c. 28. Enchirid. *Estq; officium* juxta Stoicos [qui soli primò de officio enucleatè scripserunt, & ut censet S. Hieron. *nostro dogmati in plerisq; concordant*, in c. 11. Esai. ipsum nomen Zenonem habet authorem, Laërt. l. c. fuitq; Philosophia eorum de moribus divisa in partem δόγματι καὶν Generalem, καὶ ὡς ἀνελικὴν Propriam. Seneca epist. 94. & 95. ubi videndus Muretus & Schioppius in Epit. Phil. Moral. Stoicæ.] *quod cur factum sit, probabilis ratio reddi potest. Vel: Officia sunt, quæ fiunt, ut decet & convenit*, Simplic. in c. 37. Epictet. vel *quæcunque ratio suadet facere, ut Præter-officium, quæ non suadet*, apud Laërt. *Estq; vel Perfectum*

fectum κατόρθωμα, quod omnes Virtutis numeros continet, Cicero 3. de Finib. quo corriguntur omnia, quæ potuerunt aliquos lapsus habere, Ambros. l. I. Off. cap. II. ἀπὸ τῆς κατὰ φύσιν, à corrigendo: vel Μέσον, *Medium*, quod probabili ratione factum defendi potest, Cic. l. c. & I. Offic. Nostra Institutio non de Zenonis, sed de Salomonis porticu venit. *Officium Christianum* est actio ad normam divini verbi per fidem convenienter Deo, sibi & proximo viventis. Requisita sunt 1. *Norma*, Lex Dei perfecta, quicquid extra hanc suscipitur, Præterofficium est. Vide D. Gerhard. de Bon. Op. c. 5. & 6. 2. *Anima*, Fides.

Omne etenim probitatis opus, nisi semine veræ Exoritur Fidei, peccatum est!

S. Prosper de ingratis, ex Rom. 14. ult. 3. *Oculus simplex*, recta intentio, 1. Cor. 10. 31. Matth. 6. 23.

3. *Forma.*

Partium Dispositione cernitur, earum altera agit de statibus, altera de ætatibus hominum: Vel Minervâ subtiliore; Doctrinæ de Officiis Christianis partes sunt duæ, 1. *Communis*, de officio Christiani, quâ talis est: quod consistit in Rectè credendo & Sanctè vivendo, vide Sir. præf. Prov. 1. 6. Eccl. 12. 13. 1. Joh. 3. 23. D. Stegman. p. 2. Christogn. præfat. 11. *Propria* de officio ejus quoad certum statum. *Status* est certa vitæ conditio. Græci videntur χέσιν appellâsse, definit Simplicius in cap. 28. Epicteti: χέσις ἐστὶ σύνταξις τινῶν πραγμάτων, *Status* est munia quorundam coordinatio.

Estq;

Estq; *Φοικὴν ἢ ἀγαθὴν*, *Naturalis aut voluntaria. Illa inter Parentes & Liberos: hac inter Maritum & Uxorem.* Latini dixisse videntur μετὰ Φορὰ à gladiatoribus, qui dicuntur *statum aut gradum ad praliandum componere*, Petron. in Satyr. in statu stare, Seneca ad Polyb. Plaut. Mil. Glor. deq; statu movere, Laberius apud A. Gell. vide Lipsium l. 2. Saturn. cap. 20. & Woweren. in Petron. Est autem status hominum varius, non tantum *fortune*, de qua tamen nihil hoc loco agemus, sequuturi vestigia D. M. Lutheri, sed & cum primis *Ordinis & Aetatis* respectu. Respectu *Fortune*, alii Divites-pauperes, alii Nobiles-ignobiles, alii Sani-ægroti sunt &c. Respectu *Ordinis* status alius est *Theologicus, Doctorum*, Esai. 58. 1. Ezech. 3. 17. 1. Tim. 3. 1. & c. 4. 10. Tit. 1. 7. 9. & *Auditorum*, 1. Cor. 9. 9. Gal. 6. 6. 1. Theff. 5. 12. Sirac. 7. 33. alius *Politicus*, in quo sunt *Supremi*, Magistratus, Deut. 17. 15. Psalm. 82. 1. Dan. 4. 8. Sap. 6. 3. Rom. 13. 1. Medii, *Officiales* in pace, ut qui Justitiæ serviunt, 2. Paral. 19. 5. Esai. 3. 2. Deut. 17. 2. Prov. 23. 24. & qui corporum salubritati Medici, Sir. 38. 1. 6. &c. in bello, Luc. 3. 14. Esai. 3. 2. infirmi, *Subditi*, Matth. 22. 21. 1. Pet. 2. 13. Alius *Oeconomicus*, in quo quoad primam Vitæ societatem sunt *Conjuges*, Ephes. 5. 22. Coloss. 3. 18. 1. Pet. 3. 1. quoad secundam *Parentes & Liberi*, Ephes. 6. 1. Sir. 3. 1. quoad tertiam *Domini & Servi*, de quibus Ephes. 6. 9. Coloss. 3. 22. *Ætates* hominum septem vulgò numerantur: *Infans, Puer, Adolescens, Juvenis, Vir, Senex, Decrepitus.* Philo de

Mundi Opif. Alia autem est *incipiens*, puerilis, Ecclef. 11. 10. Marc. 10. 14. Sir. 30. 1. alia *crescens*, juvenilis, Psalm. 119. 9. Eccl. 12. 1. 1. Pet. 5. 5. alia *stans*, virilis, Gen. 1. 27. Exod. 12. 4. 5. 1. Cor. 11. 2. Gal. 3. 28. alia *decrefcens*, senilis, Lev. 19. 32. Psalm. 71. 9. Prov. 20. 29. Sap. 4. 8. Tit. 2. 2. &c. Hæc libelli summa est, etfi de singulis fortè non agemus, Commentarium enim texo, non Systema. Subtiliùs fortè exfequentur, qui διχοπνεῖν amant. Sed *simile confuso est*, quicquid usq; in pulverem sectum est, Seneca Epist. 89. *Nihil in rebus humanis vel utilius vel pulchrius est ordine*, Xenophon de Oeconom. *Apes ergò quodammodo debemus imitari, quæ vagantur & flores carpunt, deindè quicquid attulerc, disponunt ac per favos dividunt*, Macrobi. præf. Saturn. *Quomodo enim fieri possit, ut non confusione multarum rerum, aut dicentis aut audientis impediatur ingenium*, S. Valerian. hom. 8. in Princ. sed abesse tamen debet *Cura Isocratica*, ut quod in Protogene desideravit Apelles, *manum de tabula tollere possimus*, Plin. 35. c. 10.

4. Finis.

1. Παιδεία, *informativus*, ut quisque discat, quæ sui sint muneris. 2. Ἐλεγχ, *confutativus*, ut confundantur, qui cum Pyrrhone Eliensi sentiunt, ἔδὲν ἔπ'ε καλόν, ἔτε αἰσχρόν, *Nihil reipsâ honestum esse, aut turpe*, Laërt. 1. 9. Ita apud Persas incestus, ut docet Sotion, apud Spartanos adulteria, apud Cretenses raptus puerorum erant honesta.

Alex.

Alex. Sard. de Morib. Gent. c. 6. & II. lib. I. apud Babylonios publicè prostabant Virgines nobiles ad Veneris Mylittæ ædem, Baruch. 6. 42. Herodot. &c. Ægyptii omnibus gentibus adversabantur suis moribus adeò, ut lutum manibus subigerent farinam pedibus, vide Tzezen in Jamb. & Anaxandridam Comicum apud Athenæum. Sic Pontifex Romanus omnes ordines confuderat: Episcopos, quos decebat esse *verissimos & intrepidus Christi prædicatores*, ut habet P. Diacon. de Incarn. Dom. cap. I. Missificatores, imò etiam rerum mundi curatores fecerat; Principes mancipia; qui mutire contrà ausi essent, in monasteria detrudebantur, velut in carceres. Conjugatos disputabat servitute carnis mancipari, vide Joh. Domin. Candelam de Bono Virgin. l. I. cap. 4. Diaboli retibus involvi, Hieron. Platus l. I. de Bono Stat. Relig. cap. 4. &c. Hinc varia 3. Ἐπαινεθῆναι & usus *exhortatorius*, ut & 4. Παρηγορηθῆναι, *consolatorius*, ut animus in Dei ordinatione & conscentiæ tranquillitate acquiescat. Ex quibus utilitas doctrinæ clarescit. *Nulla enim vitæ pars vacare officio potest: in eoq; colendo sita vitæ est honestas omnis & in negligendo turpitudo*, Cicero. I. Offic. Denique habes hic 1. *Lucernam Vitæ tuæ*, Psalm. 119. 104. Prov. 6. 23. 2. Pet. I. 19. & *Columnam quasi Igneam*, Exod. 40. 36. Ἐπὶ δὲ γὰρ ἄνθρωποι ἀπωκισμένον ἔσῃµα juxta dictum Ecphantis de Regno, *Homines in terra degimus ut in exilio: Et quidem septi Cimmeriis tenebris: Ergò*

Exneret Deus ut tetrâ caligine mundum,

Doctrina accendit lumen Apostolica,

Prosper in Epigram. II. *Tabulam Domesticam*, ubi exputare poteris quotidie, quid à Deo acceperis, quem statum, quæ dona, & quomodo usus aut abusus sis? Ne de aliis sollicitus sis. Nam ut ajunt:

Ædibus in nostris quæ prava aut recta gerantur.

De se quisq; rationem reddet Deo, 2. Cor. 5. 10.

Qui mores suos ad seipsum conversus adspicit, non requirit, quod in aliis specialiter reprehendat, sed in seipso, quod lugeat, Prosper l. 2. de Vir. Contempl. cap. 6. Hinc conscientia tranquillitas, contra minas aut mendacia improborum, 1. Joh. 3. 21. Psalm. 139. 1. & 7. 6. III. *Regulam Ordinis*, non Augustiniani, Benedictini; sed Christiani, ab ipso Deo profectam, ab omnibus Sanctis observatam. Ergo, ut ait Ausonius:

Nil dubites authore bono. Mortalia quarunt

Consilium, certus jussa capeffe Dei.

Fac tua, quæ tua sunt, Sir. 3. 22.

Noli adfectare, quod tibi non est datum,

Phædrus fab. 57. *Nusquam est, qui ubiq; est*, Seneca Epist. 2. Quiesce igitur, in vocatione mane, 1. Theff. 4. 11. Rom. 12. 7. 1. Cor. 7. 20. Sic aderit divina benedictio, Prov. 12. 11. Sir. 20. 30. Nam

Qui sua rura colit, solet horrea plena tenere,

Venant. Fortunat. de Patient. l. 3.

MEDITATIO TERTIA,
DE
CHRISTIANISMO.

TEXTUS, I. Joh. 3. v. 25. *Et hoc est præceptum ejus, ut credamus nomini Filii ejus Jesu Christi, & diligamus nos invicem, sicut dedit mandatum nobis.*

EXordium ab Oraculo *Urim & Thummim*, cujus breviter spectata Nomen, Rem, Usus. *Nomen* explicatur vel propriè, sic *Urim* ab *Or* significat inflammationes & illuminationes, *Thummim* à *Tham*, perfectiones atque simplicitates Arias M. in Aarone: Juxta Aquilam & Theodotionem Lev. 8. 8. φωτισμός καὶ τελειώσεις, Dn. Luthero: sieht und Recht. Vel μετνουρικῶς, *Doctrina & Veritas*, à Vulgato, ut à LXX, δόλωπις καὶ ἀλήθεια. Ratio nominis vel ab adjunctis gemmarum, quæ fuerunt splendidissimæ & in suo genere perfectissimæ, vel ab effectis τῶν λογίων. *Urim* dicuntur, quia illustrant, quæ dicunt, *Thummim*, quia perficiunt, Thalmud. in Tract. Joma. cap. 7. De Reipsa variæ extant sententiæ, 1. est τῶν ἐπεχόντων, qui nescire se fatentur, & explicari non posse sentiunt, ut R. Kimhi! S. August. q. 117. in Exod. aliiq;. 2. Eorum, qui putant non differre à XII. gemmis Rationalis, quas tamen alii à fulgore & perfectione ut Oleaster & ex nostris D. Marbach. in Ex. cap. 28. alii ab effecto & usu hoc nomen accepisse malunt, quoniam illis

præsentibus & ex illis, consulentibus doctrina reddebatur verissima, ut ait Barrad. Tom. 2. l. 3. c. 46. Cajetanus per hæc nomina duas condiciones intellexit induendi pectoralis, ut scilicet absque rugis & aptè ad totum corpus adplicetur. 3. Eorum, qui putant à gemmis differre, sed hîc multa diverticula opinionum sunt. Quidam *certum* quid fuisse definiunt, quidam *incertum* quid, nempè datum divinitus Mosi, ut rationali inferetur; ex nominum tamen figura & numero multitudinis intelligi fuisse rem multiplici figurâ distinctam, claram, lucidam, & speculi instar tersam, ut ait Arias M. l. cit. confer Tremell. & Jun. ut & Robert. Steph. ac Vatabl. in Exod. 28. Sed qui certum quid afferunt, mirè variant, alii *Rem* fuisse censent, ut gemmam decimam tertiam, nominatim adamantem, Suidam in Ephod, ut & Epiphan. de gemm. & c. qui ad prospera & adversa nuncianda colorem mutaret, quos ait Augustinus fabulari, l. cit. aut laminam geminam, auream & argenteam divinis nominibus plenam, ubi tamen iterum non eodem omnibus placuere, vide Serarium l. 1. Comm. Josuæ cap. 9. q. 24. Alii solam *Scripturam* horum vocabulorum, Urim & Thummim, in pectorali exaratam: quod visum Hugoni & antè S. Augustino, ut & R. Kimhi, Bellarm. l. 4. de R. Pontif. cap. 3. Calvino. Alii *Sculpturam* Astrolabii similem, ut R. Aben Esra, aut Angelorum & stellarum & c. Non differre à gemmis verissimilimum, estq; doctiorum ferè hodiè sententia communis, vide, præter Barrad. & Serarium citatos, etiam

etiam Riberam de Templo l. 3. cap. 12. Deltii Disquis. Mag. l. 4. cap. 1. q. 2. sect. 1. &c. quorum curiosissimas & fusissimas Disputationes contraxi, *annum*, ut ajunt, *in mensem*. Si *usum* quærimus, 1. *Oraculum* fuit Populi Judaici, per quod responsa divinitus reddebantur petentibus, non quidem scripto, ut putabat R. Aben Esra, aut per sortes, ut Hugo, sed partim per gemmarum insolitum fulgorem, partim per internam Sacerdotis aut quærentis inspirationem, partim per vocem Angelicam externam, pro quæditorum diversitate. 2. *Documentum* Summo Sacerdoti, ut Ephod indutus meminisset *se studiis Veritatis & Doctrina inquirendis fuisse consecratum*, Beda, aut, ut ait Radulphus in Levit. *Quia doctrina Veritatis in pectore Pontificis debet esse reposita*. 3. *Typus* Christi Domini unici Aaronis in N. Testamento, qui nobis Lux, Veritas & Sanctitas, vide D. Erasum. Marbach. in Exod. c. 28.

Applicatio & Propositio: Enimverò cum & Christiani omnes Regale simus sacerdotium, 1. Pet. 2. 9. Apoc. 1. 5. *Omnes enim in Christo regeneratos crucis signum efficit Reges, Sancti verò Spiritus unctio consecrat Sacerdotes*, ait S. Leo M. in serm. par est, ut Urim quoq; & Thummim in corde gestemus, Lumen puta Fidei & perfectionem Charitatis.

Hortator nobis est S. Johannes, cujus Verborum spectabimus *Sensum, Usus*.

I. De Sensu.

Proponit nobis I. *Conjunctas officii Christiani partes.*

partes. II. *Conjunctionis necessitatem.* Ac partes quidem sunt, πιστεῖν καὶ ἀγαπᾶν. Sic S. Martyr Ignatius Epist. 7. *Totum est fides in Deum, & Charitas erga proximum.* Quærunt quidem de hoc loco interpretes,

An aliud Præceptum Dei sit quàm dilectionis?

Non putat Augustinus: *Videtur, inquit, quia nihil aliud nobis præcipitur, nisi ut diligamus invicem?* Sequitur cum Benedict. Justinian. in h. l. ut sit sensus: Hoc est Præceptum, ut credamus, hanc esse Dei Patris & Filii ejus voluntatem, ut diligamus nos invicem. Ratio expositionis, quia Apostolus utatur numero singulari, hoc est mandatum ejus: Quia credere τῷ ὀνόματι, nomini Christi, est credere ejus voluntati: Quia Præceptum Christi est dilectio, Johan. 13. & 15. Rectius tamen sentiunt, qui duo Præcepta proponi putant, Fidei unum, & alterum Charitatis, ut Beda & Commun. Scopus enim est Apostoli, complecti τὰς ἐντολάς, Præcepta Dei, καὶ τὰ ἀγαπᾶν, & placita coram eo, quæ Christianos doceat, exsequi, ψ. 22. præced. Atqui mandata duo sunt, Fidei, additâ Evangelii luce, pertinens ad primam tabulam, de quo Johan. 5. 45. & Dilectionis, in quo est summa secundæ tabulæ, Matth. 22. 38. Deindè & placita duo, credere, Joh. 6. 40. Hebr. 11. ψ. 6. per quod placemus Deo in Filio, in quo ei complacitum, Luc. 2. 14. Matth. 17. 3. & diligere, quod intuitu fidei placet, cùm per se imperfectum & carnis vitiis contaminatum sit. Nam plenissima Charitas, quæ jam non potest augeri, quamdiu
hic

*hic homo vivit, est in nemine: quamdiu autem augeri potest, profectò illud, quod minus est, quàm debet, ex vitio est, ait S. August. ad Hieron. epist. 29. Hinc Ambrosius: Carnalis infirmitas operibus impedi-mento est, sed fidei claritas factorum obumbrat errorem, quæ meretur veniam delictorum, de Jacob. & Vit. Beat. l. 2. c. 2. Objecta facilè solvuntur. Credere nomini, in nomen, & in nomine Christi acqui-pollent; sic enim illud *Beth contactus*, quod vocant Hebræi, interpretes alio atque alio modo expo-nunt. Est autem nihil aliud quàm credere in Chri-stum, Estius h. l. ut I. Joh. 4. 2. *Nomen enim more Hebræorum pro re ponitur*, Corn. à Lap. h. l. *Ἐν το-λῇν* vocat Evangelista, quod versu præced. & seq. *ἐν τολᾷς*, & accipitur singulare pro plurali, Lyran. h. l. quia Fides & Charitas ita cohærent, ut alterum sine altero nec præcipi possit nec exhiberi. Nam *Fides sine Charitate Fides est Demoniorum, non Chri-stianorum*, August. de Fide & Oper. c. 16. *Qui di-cit; novi illum, & non servat præcepta, mendax est*, I. Joh. 2. 4. quod concedit Bellarminus ex Beda & Oecum. dici verè de *Notitia Amicitie*, Oecumeni-us vocat *γῶσιν τῆς παντελῆς πρὸς ἡμᾶς ἀναγγελί-σεως*, qualis est Fides, non otiosa notitia, sed affe-ctiuosa & actuosa.*

Primum ergò Christiani est FIDES. Est au-tem *Fides Gratix Dei in Christo Jesu per Evange-lium patefactæ certa & fiducialis apprehensio ad Vitam æternam. Causa Efficiens Principalis Spiritus Sanctus*, mentitur Pelagius: *Fides, per quam ju-*
B 5
stificor,

stificor, ex me est, & hoc bonum, ex quo justus vivit, non accepi per gloriam, sed habeo per naturam,
 S. Prosper ad excerpta Genuens. Dub. 5. Donum enim Dei est, Eph. 2. 8. non ex nobis. *Ministerialia* sunt συνεργοὶ Θεοῦ, 1. Cor. 3. 9. *Instrumentum* vivum & efficax, Verbum Dei, Hebr. 4. 12. quod cor nostrum durum conterit ut malleus, Jer. 23. 29. obscurum penetrat, ut gladius, Esai. 49. 2. aridum fecundat ut pluvia, Esai. 55. 10. inq̃; eo sic disposito ut vivum semen se explicat, Fidei radices agit, operum germina protundit, totumq̃; agrum humani cordis renovat. Quod contra Swencofeldium ejusq̃; assecclas Calvin. Pontific. Weigelian. Photinian. Rhatmann. suis locis satis ostenditur. *Actus* denique Notitia, quâ credimus Deum; Assensus, quo credimus Deo; & Fiducia, quâ credimus in Deum, quorum actuum hîc ultimus rectè Anima Fidei appellatur; Est enim Fides propriè λήψις καὶ κατάληψις, receptio, Joh. 1. 12. apprehensio, Phil. 3. 12. ἡρσθῆ, confidentia, Joh. 16. ult. πλῆρηρθε εἰς, firmissima persuasio, Rom. 4. 20. πεπίθῃσις, fiducia, 2. Cor. 3. 4. παρρησία, libertas loquendi & agendi cum Deo, Hebr. 4. 16. &c. Undè *objectum* ejus proprium Deus in facie Jesu Christi, quatenus ejus Gloria in Evangelio illuminatur, 2. Cor. 4. 6. vel quod idem, Evangelica promissio de gratia Dei per Christum nobis parta. Obedientia autem, cujus perfecta plenitudo in Dilectione posita est, non forma Fidei, ut putant Photiniani, Pontificii, Calviniani, aliiq̃, sed immediatus & inseparabilis fructus est.

est. De his in locis suo loco agitur copiosius. Ex his satis constat, *Fidem Christianam* non esse *Cacam*; est enim *ᾠγνωσης τῆς ἀληθείας*, agnitio veritatis, quæ est secundum pietatem in *spe* vitæ æternæ, Tit. 1. 2. 2. Pet. 1. 2. Coloss. 1. 9. Quid credunt, qui nesciunt, quid credant? quorum Fides in Corde Doctorum recubat in suo meræ tenebræ & nox Cimmeria? Tales sunt *Asinae pascennes juxta boves*, ut ex Job. cap. 1. ait Lombard. l. 3. dist. 25. sect. 2. Quarum maximus heu inter Christianos proveniunt! Arabes tandem infernales & asinas & boves auferunt. *Et erit sicut populus, sic sacerdos!* Osee 4. 9. Interim tamen Notitia salutaris suum habet modum. Profectus quidem injungitur, 1. Cor. 14. 20. Ephes. 1. 17. Coloss. 1. 11. Sed ad salutem sufficit cognitio Fidei articulorum quoad τὸ ὄν, quæ in Regula Fidei, in Symbolo, totoq; Catechismo comprehensa, basis est totius Christianismi. *Nihil ultra scire, omnia scire est*: ait Tertullian. de Præscript. cap. 14. Τὸ δὶδῶν linquat Christianus simplicior Fidei Doctoribus & defensoribus: *Nam nunquid omnes Prophetae? nunquid omnes Doctores?* 1. Cor. 12. 29. Quæstiones & *Scultiloquia*, loquar cum S. Hilario ex 10. de Trinit. hæreticorum sunt, dijudicanda ab iis, qui habent Donum discretionis Spirituum, 1. Cor. 12. 10. *Melius est nihil omnino scientem quempiam, ne unam quidem Causam cujuslibet eorum, quæ facta sunt, CUR factum, & credere Deo, & perseverare in ejus dilectione, quæ hominem vivificat, nec aliud inquirere ad scientiam, nisi Jesum Christum, Filium*

Filium Dei, qui pro nobis crucifixus est, quàm per questionum subtilitatem & multiloquium in impietatem cadere, S. Irenæus l. 2. cap. 45. Deindè & illud liquet, Fidem Christianam non esse *Oralem*, non nudam persuasionem, quæ in summo corde fibras agens in ore semper supernatat! Credo! Credo! Non est fides, per quam non cum fiducia accedimus ad Deum & audemus dicere: Pater noster. Non est Fides, per quam non Christus habitat in cordibus nostris. Non est Fides, ubi non est arrhabo salutis, testimonium Spiritus Sancti testantis cum Spiritu nostro, quòd simus filii Dei. Non est Fides, ubi non est balsamum gratiæ divinæ, ubi non adipe & pinguedine repletur anima, ut labiis exultationis os laudet Dominum, & Spiritus exultet in Deo salutari nostro. Habet quidem suos Paroxysmos, & infirma est quoq; sæpè, sed & infirmâ Fide clamamus: *Domine salvum me fac!* Matth. 14. 31. *Salva nos, perimus!* Matth. 8. 25. *Deiq; virtus in infirmitate perficitur*, 2. Cor. 12. 9. Deniq; non est Fides Christiana *infructuosa*. Sicut corporis vitam ex motu suo dignoscimus; ita Fidei vitam ex operibus bonis, Bernh. serm. 2. de result. Viva ergò & ἀντιχεῖται Fides est, quæ per Charitatem est efficax, Gal. 5. 6. de qua mox plura.

Alterum Officium Christianum est *Charitas*. Qui *Charitatem non habet, Deum non habet*, Cyprian. de simpl. Prælat. Johannes Evangelista, cùm extremâ senectute, non posset in plura verba vocem contexere, hoc tantùm in collectis dicebat, *Fi-*
lioli

lioli diligite mutuum! Tandem auditores tædio affecti, cur idem semper loqueretur, interrogârunt: Respondit: *Quia Verbum Domini est, & solum sibi fiat, sufficit*, Hieron. in Epist. ad Ephes. *Objectum* Charitatis indicet Apostolus, cùm ait: ἀγαπῶμεν ἀλλήλους, diligamus alter alterum. Est enim Deus & proximus: Nominatur solus proximus, quia ejus dilectio ex divina dilectione oritur, eamq; præsupponit, 1. Joh. 4. 19. 20. *Omnis homo, in quantum homo est, diligendus est propter Deum: Deus verò propter semetipsum*, August. l. 1. de Doctr. Christ. c. 27. *Proximi nostri credendi sunt omnes homines natura nostra participes*, Prosper de Vit. Contempl. l. 3. cap. 15. *Nam non cognatio facit proximum, sed misericordia*, Ambros. in c. 10. Lucæ. Præcipuâ tamen ratione, ut ait S. Valerian. hom. 12. *Proximus tuus est omnis homo, qui eâdem tibi est Christianitatis lege conjunctus: Proximus tibi est, qui ab Ecclesiæ consortio non videtur alienus: proximus tibi est, quicumque est proximus Christi. Modus* includitur vocabulo ἀλλήλους: mutua enim debet esse. Juxta legem, quam Natura cordis tabulis insculpsit: *Quod tibi non vis fieri, alii ne feceris*, Tob. 4. Matth. 7. & exemplo firmavit, χεῖρας ὡς συναρξίας, ὡς πόδες, ὡς χεῖρες, ὡς βλέφαρα, ὡς οἱ στήθοι τῶν ἄνω καὶ τῶν κάτω ὀδόντων, ait Antonin. Imp. in Vita sua l. 1. pag. 11. *Ad mutuam opem facti sumus, ut manus, ut pedes, ut oculi & supercilia, ut series dentium superior & inferior. Et si sic amare nos voluerimus,* ait Augustinus, *quomodo se invicem amant membra*

corporis nostri, perfecta in nobis Charitas poterit custodiri, serm. 15. in l. Quinquag. Hæ sunt conjunctæ Christiani hominis partes.

Necessaria est conjunctio istarum, *non quidem ad Salutem*, fallitur Estius, cum ait: Repetere S. Johannem mandatum fraternæ dilectionis, ut intelligamus, præter Fidei præceptum & *Charitatis præcepta ad salutem esse nobis observatu necessaria.* Necessaria fatemur, sed ad salutem, [ut media nempe, & ut observatio causa habeatur ejus meritoria] negamus, nec ab Apostolo verbulo ullo insinuat. Dogma Sectariorum, quod Estius carpit, nostrum non est: *Nihil præceptum esse in Evangelio, præter Fidem; Cetera esse indifferentia, neque præcepta, neque prohibita, sed libera.* Necessitatem enim novæ obedientiæ nos propugnare, non nesciunt Pontificii. Bellarminus l. 4. de Justif. c. 7. ait docere nos: *Opera bona non esse necessaria ad salutem, nisi ratione præsentia.* Ergò ratione præsentia necessaria docemus ad salutem, ratione efficientiæ tantum negamus. Modo tamen loquendi isto gravibus de causis abstinemus, vide D. Gerhard. de Bon. Oper. cap. 9. &c. Conjungenda igitur Fidei Charitas 1. *Necessitate mandati*, Deus utrumque exigit, ut credamus & ut diligamus. Fides Evangelii opus & apex. Charitas finis præcepti, non Evangelici, ut sentit in 1. Tim. 1. 5. cum Vatablo Corn. à Lap. sed Legalis & Mosaici, ut Ambros. ibid. & Aug. c. penult. Enchirid. attestantibus Christo Domino, Matth. 22. 38. & S. Paulo. Rom. 13. 10. Gal. 5. 14.

Tamen:

Tamen quia Charitas à Lege præcepto intenditur, ab Evangelio gratiâ acquiritur, rectè à S. Paulino modò *plenitudo Legis & finis præcepti*, Epist. 2. & 5. ad Sever. modò *plenitudo Evangelii* dicitur, Epist. 1. ad Eund. 2. *Necessitate consequentiæ*, aut affecti & adjuncti inseparabilis, Fides enim à Charitate, Charitas à Fide divelli nequit. Ubi Fides intùs animat, ibi Charitas extùs amat. Homo fidelis est arbor inversa, radix in cælo est Jesus Christus, ex quo vitalis succus; furculus Fides, rami alii fursum protendentes, alii deorsum inclinati, illi fructibus Deum, hi homines exhilarant, fructibus Charitatis. Palmæ similis est, quæ medullam, quam Philo de vita Mosis *cerebrum* vocat, Plinius *cor*, in summo habet cacumine inter ramos: adhæc tot affert commoditates, quot in anno sunt soles, & singulis mēsis singulos prorrudit ramos, undè apud Ægyptios picta annum denotabat, Horus Apollo l. 1. Hierogl. cap. 3. vide de ista conjunctione Fidei & Charitatis Dn. D. Gerhard. de Justif. per Fid. th. 183. & seqq. 3. *Necessitate debiti*, aut si mavis proprii: Proprium Christiani est, credere & diligere, utrumq; debet, illud Deo per se, hoc in proximo. Tolle alterutrum, sustuleris totum. Quid est Christianus? Imperante Tiberio cœpit hoc nomen Antiochiæ ex Act. 11. 26. Tertull. in Apologet. Inditum à Fidei Authore. *A Christo Christiani & sumus & nuncupamur*, Athana 1. Orat. 2. adv. Arian. secundariâ ratione ab unctione, 1. Joh. 2. 27. *unguentum autem gratia spiritalis vocatur, quâ Christus refertus est, quamq; ex*

ple-

plenitudine sua nobis impertivit, ait Theodoret. in Cant. Christianus quantum interpretatio est, de unctione deducitur: Sed & cum perperam Chrestianus pronunciat; nam nec nominis certa notitia est penes vos, de suavitate, vel benignitate compositum est, Tertull. in Apologet. Est hoc nomen novum, Esai. 62. 3. & 65. 15. interprete Eusebio l. 2. demonstr. Evang. c. 49. & glossâ l. cit. Nomen bonum, quod invocatum est, super nos, Jac. 2. 7. Hebraismus: quo vocati & nuncupati sumus, Balthasar Baës ibid. sic Gen. 48. 16. Esai. 4. & c. Nomen gloriosum, Regium & Sacerdotale, propter unctionem. Unctio autem invisibilis Spiritus Sanctus est, unctio invisibilis Charitas est, Augustin. in Epist. Johan. Ergo si non credimus, Christiani nequaquam sumus, Salvian. l. 2. de Avarit. at quomodo dicit, se credere in Christum, qui non facit, quod Christus facere precepit? Cyprian. de simpl. Prælat. De debito fidei res clara est! Quomodo Christianum se vocat, qui non credit in Christum? de dilectionis debito vide Rom. 13. 8. Debeamus id proximo, quia Naturæ depositum est, omnes homines, quia naturaliter sunt mansueta & communia animalia, diligunt proximos, Didym. Alex. in 1. Johan. 2. Quid? nonne videmus omne animantium genus congregatione & concordia testari Charitatem? S. Zeno de Fide, Spe & Charit. Debeamus quia Dei tributum, Christi peculium, Quicquid libet, homo pro Deo perferat, solvi omnino non potest, quod Deus pro homine perpeffus est, Salvian. 2. de Avarit. Jam cogita, quot beneficiis quotidie ci
. obstri-

obstrictus fias? Rex est tuus, debes ergò *coronarium*; Propheta, ergò *Evangelium*; Doctor, ergò *didactrum*; Medicus, ergò *sostrum*; Mediator, ergò *proxeneticum*: Tot nominibus ut te expedias, Dilige! 4. *Necessitate periculi*, aut hypotheseos, nam, ut canit Alcimus Avitus,

- nisi doctrina jungatur vita fidei,

Majores pariet conjuncta scientia pœnas.

Et nisi Fidem sequatur Charitas, nihil est Fides, excussa est & simul cum ea Gratia Dei, Christus Fide receptus, Spiritus Sanctus. Apage insaniam Valentinianorum, τὸ πνευματικὸν in renatis non corrumpi posse, in quibuscunque versetur facinoribus, ut aurum etiam in cœno pulchritudinem suam servat, Iren. l. 1. cap. 1. &c. Vides, quàm necessaria sit istarum partium conjunctio?

II. De Usu.

Facit hæc Doctrina 1. Πρὸς ἑλεγχον Pontificiorum, qui Fidem ita à Charitate divellunt, ut & fornicarios, molles, adulteros, masculorum concubito- res, fures, avaros, ebriosos, maledicos, rapaces, ceterosq; omnes, qui Leithalia committunt peccata, fideles credant esse & doceant, juxta Concil. Trident. sess. 6. cap. 15. Ita Christianum ajunt esse, *Qui Jesu Christi veri Dei & hominis salutarem doctrinam in ejus Ecclesia profitetur*. Canisius in opere Catech. cap. 1. *Sunt autem Tria Christianorum genera, Hæretici occulti, mali Catholici, boni Catholici*, Bellarm. l. 3. de Eccl. Milit. cap. 10. &c. At 1. *Apostoli Chri-*
C
stianum

ftianum furibus, homicidis, facinorosisq; contradistinguunt, 1. Pet. 4. 15. 1. Cor. 6. 11. 2. *Patres* sequuntur, rationibus & autoritate propugnantes, non esse dicendum Christianum, nisi qui sit Fide & opere. Audiemus aliquos: *Docet non modò vocari Christianos, sed & esse*: Ὁυ γὰρ τὸ λέγειν, ἀλλὰ τὸ εἶναι μακάριον ποιεῖ, non enim dicere, sed esse beatum facit, ait S. Ignátius ad Magnesían. Ἀμεινόν ἐστι σιωπᾶν καὶ εἶναι, ἢ λαλεῖν καὶ μὴ εἶναι, *Præstat tacere & esse, quàm dicere & non esse*: *Regnum Dei non est in sermone, sed in virtute*. Idem ad Ephes. *Christianismus est imitatio divinæ naturæ: Si Christianus es, Christum Deum imitare*. Gregor. Nyssen. Ὡς τελεότυπός. *Corona est nomen Christianum: Christianis igitur factis, velut ardentibus pyropis splendeſcat*. Procop. in 66. cap. Esai. Aug. serm. 215. de Temp. Πᾶς χριστιανὸς, ὁ μὴ πλετῶν πίστεϊ, καὶ ἐλπίδι, καὶ ἀγάπῃ, οὐκ ἐστίν, ὁ λέγεται, *Omnis Christianus, qui non est dives Fide, Spe, & Charitate, id, quod dicitur, non est*. Proclus Episc. Constantinop. ad Armenios. *Magna res est signum Christi, & crux Christi, & ided de isto tam pretioso signaculo res magna & pretiosa signari debet. Quid enim prodest, si de annulo aureo sigillum facias, & putridas paleas intus recondas*. August. serm. modò cit. *Nemo quodcunq; nomen sine causa sortitur: Sutor ut dicatur, necesse est, ut calceamenta conficiat. Quis faber vocetur & aurifex, nisi qui peritiam artis & novit & facit? Negotians nuncupatur, qui quod vilius emit, carius distrahit. Talibus exemplis cognoscimus, nullum nomen sine actu,*

actu, sed omne nomen ex actu causari. Ergò tu quomodo Christianus diceris, in quo nullus Christi actus apparet? Christianus Justitia, Bonitatis, Integritatis, Patientia, Charitatis, Prudentia, Humilitatis, Innocentia & Pietatis nomen est. &c. Idem de Vita Christiani. Mendacium est, Christianum se dicere, & opera Christiani non facere. Ambrosius in Corpore Canon. 20. cavete Fratres, 22. q. 5. Nomen inane, crimen immane. Idem de Dignit. Sacerd. c. 3. Salviani ista sunt: *Quid est aliud sanctum, vocabulum sine merito, nisi ornamentum in luto?* Christianum vocabulum quasi aureum decus est, quo si indignè utimur, fit, ut Sues cum ornamento esse videamur. Christiani esse dicuntur & non sunt, qui per flagitia & turpitudines suas nomen religionis infamant. Cùm hæc sit Christiani hominis fides, fideliter Christi mandata servare, fit absq; dubio, ut nec fidem habeat, qui infidelis est; nec Christum credat, qui Christi mandata conculcat: ac per hoc totum in id revolvitur, ut qui Christiani nominis opus non agit, Christianus non esse videatur. l. 4. de Gubern. Dei. Paulini sequentia: Proximus infideli est, qui mortuam sine operibus Fidem vacuo Christiani nomine gerit. Epist. 20. ad Amand. Inter Christianum & Gentilem non Fides tantum debet, sed etiam Vita distinguere, & diversam religionem per diversa opera monstrare. Idem ad Celantiam.

Pietas abesse Christiano quî potest?

Namq; argumentum mutuum est,

*Pietatis esse Christianum & Impii
Non esse Christo subditum.*

Idem ad Auson. Alia vide apud D. Gerhard. de Justif. l. cit.

2. Πρὸς ἐπαινοῦ ὧσιν, *Totus ferè mundus* Petronio videtur *Mimum implere & exercere histrioniam*, in Satyr. Nihil verius, si Pseudo-Christianos nostros adspexeris. *Legem legimus, & legitima calcamus: Deum colere nos dicimus, & Diabolo obtemperamus!* Salvian. l. 5. de Gubern. Dei. *Lucere debamus ut luminaria in mundo*, Phil. 2. 15. nempè, *Vitâ, conversatione, moribus*. Ambros. ibid. uti

Lumina noctivaga tollit Pharus emula Luna.
Noster municipatus in cœlis est. Tertull. de Coron. Mil. Phil. 3. 19. *Statutorum municipalium summa, ut Christianus*

Sit forma, speculum, lux & imago Dei.

S. Prosper in epigramm. Ratio ipsa dictat, quòd non faciat *Philosophum pera & pallium, nec Isacum linea vestis & rasura*. Plutarch. de Iside & Osyr. Et Christianum faciat sola nominis extrinsecùs superficies? Indignatur Musonius: *Athenienses decreto publico sanxerunt, ne Aristogitonis & Harmodii nomina servis indere liceret, qui Hippium Tyrannum interficere adorsi erant: Cur ergò nos patimur nomen Philosophiæ illustrissimum in hominibus deterrimis exsordescere?* A Gell. l. 9. c. 2. Imò cur nos, inquam, sanctissimum Fidei? Veteres Philosophi censuere, pingendam esse imaginem Sapientiæ pro foribus omnium templorum, cum isto Pacuvii dicto:

Odi

Odi homines ignavâ operâ Philosophâ sententiâ.

Idem Gell. aut A Gell. l. 13. c. 8. & Saresber. l. 4. Policrat. c. 6. Hieronymus cùm frequenter tereret Ciceronem, dictum sibi divinitus refert: Non esse Christianum, sed Ciceronianum! Et Christiani erunt, qui ne Vitâ quidem Ciceronem exprimunt, sed Therfitas, & Rhinopolitanos, ac si juramentum dixissent in Legem ileam Ephesiorum: μηδεὶς ἡμεῶν οὐνίς & ἔσω! *Nemo nostrum frugi esto!* Quid multa? incidimus in extrema temporum, 2. Tim. 3. 1. 2. & seqq. Instemus ἐν κείῳς ἀκείῳς, clamemus: *Non sufficere Christiano, si partem unam justitiæ impleat, cui utrumque præcipitur.* Paulin. ad Celantiam. Ecce, dicamus! Tu Christianus diceris, & in Deo gloriaris &c. quî igitur doces alium & non teipsum? Rom. 2. 20. Facinus horrendum! propter te blasphematur nomen Dei! *Ecce, inquiunt, hostes Veritatis, quales sunt, qui Christum colunt! Talis profecto est secta, quales & sectatores!* Salvian. l. 4. de Gub. Dei. *Officia & feræ sentiunt, nec ullum tam immansuetum est animal, quod non cura mitiget, & in amorem sui vertat.* Seneca l. de Benef. cap. 3. Leonem gratum legimus apud Agell. l. 5. c. 14. Draconem & Pantheram apud Plinium l. 8. cap. 17. Et tu Deo tuo hanc rependis gratiam? Deut. 32. 6. Esai. 52. 5. Ezech. 36. 20. Esto tandem, quod audis? Nam

si re privéris, nec nomen habere mereris. &c.

3. Πρὸς ὡρθόκλησιν; Christianum etenim nomen

men ubique *infularum loco est*, quod de Philosophia dixit Seneca epist. 14. Fremat orbis & orcus, ad Christi signum conspectum trepidabunt! Salvum habemus conductum! *Christos meos nolite tangere!* Psalm. 105. 15. Participes sumus unctionis Christi, omnia possumus in illo, Phil. 4. 13. Psalm. 45. 8. Oviculæ sumus summi Pastoris, signati signo nominis ejus, non patietur nos sibi eripi: &c. Non ergò frustra de nomine hoc gloriamur. Gregor. Nyssenus, *Maximum, divinissimum & primum omnium nominum* vocat, de Perfect. Casarius Frater S. Gregorii Naz. ut est in Epitaphio ejus; Hoc putabat esse *dignitatis apicem*, Χειρῶν καὶ εἶναι καὶ ὀνομάζεσθαι, *esse & dici Christianum*: Omnia reliqua ludum & jocum esse fortunæ: Μόνον δὲ ἴδιον ἀγαθὸν εἶναι καὶ ἀθάνατον ἀσφαλῶς, τὴν εὐσεβείαν, *unum proprium & æternum esse bonum, Pietatem*. Hoc nomen Basilii & Gregorius Naz. ut hic scribit de Laudib. Basilii, *omnibus opulentiis, imò & Gygis annulo & Mida auro prætulerunt*. Hoc nomine multi Martyres omnia Diaboli tormenta superârunt, vide Euseb. l. 5. hist. cap. 1. Meritò: *Non enim Principis, non terrena alicujus potestatis, non Angeli, non Archangeli, sed ipsius omnium Regis nomine dignati sumus*. Chrysost. Hom. 18. in Johann. sed abrumpo potiùs, quàm finio.

MEDITATIO QUARTA,

DE

SAPIENTIA CHRISTIANA.

TEXTUS, Johan. 17. v. 3. *Hac est autem Vita aeterna, ut cognoscant te, Pater, qui es ille solus Verus Deus, & quem misisti, Iesum Christum.*

Exordium à lamina aurea, quam tioræ affixam Pontifex gestabat in fronte, Exod. 28. 36. significat ea Sapientiam Christianam, testibus Origene & Bedâ, confer Lauret. in Silva allegor. vocabulo, Lamina: ratione dignitatis; est enim Sapientia summum omnium bonorum, Prov. 3. 15. ut illa ornamentorum fuit Pontificalium: ratione objecti; continebat illa lamina Sanctissimum Dei Nomen inscriptum, vel hoc emblema: *Sanctitas Jehovæ!* vide Pelarg. in Exod. & Corn. à Lap. sic Sapientia Christiana Nominis divini præfert Notitiam, Jer. 9. 24. cujus sententiam exprimit Phocylides,

Ne quæso Sophien, vel opes, vel robora jactes,

Unus enim Deus est sapiens, divesq, potensq,

Denique ratione situs, nam & in fronte & in aurea cordis lamina ferri debet Nomen Dei, Rom. 10. 10.

Propositio. Id ipsum explicat Dominus Noster hoc loco, indicans Sapientiæ Christianæ Præstantiam, est enim Vita aeterna; Objectum, quod

est Deus Pater, & quem misit, Filius ejus: Situm, in corde puro, & in ipsa quasi fronte, 1. Joh. 2. 4. Non enim de otiosa notitia loquitur.

Est autem in dicto Domini *κεῖν*, quia ordo verborum naturalis inversus est. Præcedit Prædicatum, sequitur Subjectum, ut & D. Tarnov. in Joh. p. 2046. observavit. Sic ergo jacet naturaliter:

Cognitio Patris, qui est ille solus Verus Deus, & quem misit, Jesu Christi, est Vita æterna.

In Originali textu paucis nota: Pronomen *αὐτοῦ*, hæc est Vita æterna, positum videri per Hebraismum pro *ταῦτα*, carent enim Hebræi genere neutro, q. d. hoc est Vita æterna, seu in hoc consistit; vel etiani, hoc est causa Vitæ æternæ. Sic Dn. D. Glæssius in Gramm. Sacra Tract. 1. can. 19. δὲ Maldonatus explicat per *καὶ*: hæc enim est Vita &c. citra tamen necessitatem. Denique illud *ἵνα*, ut cognoscant, *εἰδικῶς* poni ait D. Tarnovius, non *πλικῶς*, vide ipsum. Considerabimus *Subiectum & Prædicatum*.

I. DE SUBJECTO; Cognitio est non quævis, sed determinata 1. Respectu Objecti; est autem Objectum Notitiæ salvificæ Deus, verum non omnimodis, sed *ἐν ὁμοιωσέω*, in facie Jesu Christi, 2. Cor. 4. 6. ubi glossa: *In facie Jesu Christi, id est, per Jesum Christum, qui est facies Patris, quia sine ipso non cognoscitur Pater.* Confer Joh. 8. 55. & 14. 7. & 2. Pet. 1. 2. Hinc Cyrillus: *Connexa est cognitioni Patris cognitio Filii, atque eo pacto cognitio Dei vivifica est: Si verò altera separetur ab altera,*

altera, claudicabit scientia Dei. Vide de Rect. Fide ad Regin. & l. 5. contra Julian. Sic & Ambrosius: *Non Patrem solum verè Deum cognoscere Vita aterna est; sed etiam Christum cognoscere Verum Deum, Verum de Vero, Deum de Deo, Vita est sempiterna.* Lib. 1. in Lucam. Dubium tamen hîc est: I. An cùm Pater dicitur ille solus Verus Deus, excludantur Filius & Spiritus Sanctus? Affirmant Ariani veteres & novi, de quibus vide Maldonat. h. l. & Dn. D. Tarnovium, p. 2085. adde Barrad. Tom. 4. l. 5. cap. 16. Bellarm. l. 1. de Christo cap. 17. & qui omnium loco erit Dn. D. Gerhard. Exeg. Tom. 1. de Nat. Dei. § 100. Respondent Sancti Patres variè: Summa tamen huc redit; Patrem dici solum Verum Deum, opponendo *Mendacibus Gentium Diis.* Theophylact. in c. 14. Johan. ex Epiphan. hæres. 69. &c. Confirmatur 1. Quia Filius Dei & in ipso textu efficaciter demonstratur esse Verus Deus, & expressè dicitur, 1. Joh. 5. 20. *Ex hoc itaque debes Patris & Filii unitatem agnoscere, quoniam sicut Patrem, ita etiam Filium Scriptura divina Deum Verum non desinet prædicare,* ait Idacius Clarus adv. Varimad. 2. Quia vocabulum ἀληθινόν opponitur illis, qui non naturâ, sed opinione & cæcitate hominum Dii dicuntur, 1. Cor. 8. 5. 3. Quia Ordo verborum est, ut te, & quem misisti, Jesum Christum, cognoscant solum Verum Deum, juxta Augustin. in Joh. Tract. 105. Certè si Dominus se noluiſſet etiam Deum intelligi,

cur addidit, & quem misisti, Jesum Christum, nisi quoniam & Deum accipi voluit? Tertull. aut Novatian. de Trinit. 4. Quia scopus est, ostendere, quomodo det Christus Electis scil. Judæis & Gentibus Vitam æternam v. 2. præc. nempe offerendo illis cognitionem Messiaë, his Dei Veri, quem utriq; ignorabant. 5. Quia si excluderetur hoc loco Deitas Filii, excluderetur simul etiam sapientia, quia Pater dicitur solus sapiens, Rom. 16. 27. & immortalitas, quia idem solus immortalis, 1. Tim. 6. 16. Non hoc; quod non negabunt Ariani. Ergò nec illud. Sic Gregor. Naz. apud Maldonat. Deniq; 6. Quia exclusiva *μόνον* non est exclusiva Subjecti, sed Prædicati. Lyran. h. l. pertinet enim ad *ἀληθινόν*: sensus igitur non est: Solus Pater est Verus Deus, sed Pater est ille solus Verus Deus. Vel potius: unus, ut *μόνον* & unitatem significat. Hinc Arabs: *Hæc est Vita æterna, ut cognoscant te, quòd tu es Deus Verus, solus tu, & quem misisti, Jesum Christum*, q. d. non Dii gentium, sed tu & Filius tuus. Sed hîc porrò quæritur: Cur Spiritus Sancti nulla mentio? Placet ex parte Responsum Maldonati: Dominus voluit significare, in quo potissimum Fides ea, quæ causa hominibus salutis, hoc est Vitæ æternæ esset, versaretur. Benè: Fidei objectum proprium est Christus, quem misit Pater, in qua missione omnia de Christi officio & beneficiis ad Vitam æternam creditu necessaria latent. Deitas Spiritus Sancti, etsi salvo Fidei fundamento nec ignorari nec negari possit, de quo D. Hunnius in fundam. dissen. th.

272.427. Ejus tamen Fidei, quæ justificat & Vitam æternam in solo Christo apprehendit, definitionem non ingreditur, nisi implicite, nam Christus à Patre missus à Spiritu Sancto unctus est, ut sit Christus. Hoc voluit Maldonatus, quod contra Bellarminum & alios notandum, vide D. Gerhard. de Justificat. cap. 4. de Fide. sect. 5. ubi de objecto Fidei. Sed pergo:

2. Respectu principii, non enim, quæcunque cognitio ex principiis naturalibus, *συμφύτῳ ἢ ἐκτικτῳ*, est Vita æterna, sed supernaturalis illa *θεοδοτῳ*, Divina, Fidei puta, cujus principium Verbum Dei olim prædicatum postea in literas redactum, ut esset *fundamentum & columna Veritatis*, juxta Irenæum l. 3. præfat. Cognitio Dei in Christo mysterium est absconditum, Rom. 16. 25. Coloss. 1. 26. Esse Deum naturâ noscimus: *Deus naturâ noscitur, doctrinâ recognoscitur: naturâ, ex operibus: Doctrinâ, ex prædicationibus* Tertull. 1. adv. Marcion. At esse Deum Patrem & mississe Jesum Christum, naturæ captum excedit. *Ubi igitur ratiocinatio defecit, fides subvenit.* Orosius l. 6. adv. Gent. in princ.

3. Respectu connexi, aut formæ potius, & animæ. Nam cognitio illa salvifica non est *nuda & speculativa, sed affectuosa & practica*, Corn. à Lap. in c. 8. ad Hebr. v. 11. *Quia non intellectu solum, sed etiam affectu & effectu oportet Christianum cognoscere Deum.* Barrad. Tom. 3. l. 1. cap. 21. *Dei cogni-*

cognitio non unius duntaxat mentis atque intelligentie finibus includitur, sed porrigitur ad voluntatem. Bened. Justinian. 1. Joh. 4. v. 8. Sic autem Verba Notitiæ apud Hebræos animi affectum consignant. Promptum hinc concludere: Ergò Fides, quæ est cognitio illa salutaris, de qua h. l. teste Maldonato loc. modò cit. non est in solo intellectu, sed & in Voluntate, atque adcò propriè Fiducia cognitioni & assensui superaddita. Satis de Subiecto.

II. DE PRÆDICATIONE: est Vita æterna. Hic quæritur 1. An Vita æterna h. l. significet ipsam consummatam Beatitudinem, an ejus inchoationem? & an probari hinc possit, consistere illam in visione Dei & actu intellectus? Affirmant non modò Theologi Scholastici, sed & nonnulli antiquiores Patres apud Maldonat. De cognitione Dei intuitiva explicat locum Augustinus, cum illo Lyrannus, Carthusianus, Thomas &c. Argumentum Augustini est: Quia Christus dicat: *hæc est Vita æterna, ut cognoscant*, non ut credant, l. 2. de Lib. Arb. c. 2. Negent Barrad. Bellarm. Maldonat. & Lorinus, qui aliter literaliter sensu quàm de Fide hæc verba intelligenda negat, in cap. 15. Sap. v. 3. Assentimur libenter & sophisticari dicimus hinc Bellarminum, cum disputat: *Fides distinguitur contra scientiam, & melius per ignorantiam quàm per notitiam definitur*, l. 1. de Justif. c. 7. Quæris 2. In quo ergò Beatitudo æterna essentialiter consistat? Resp.

Resp. oculus non vidit! &c. 1. Cor. 2. 9. Patrum tamen pias cogitationes de visione Dei non reprobamus: vide D. Tarnov. q. 6. h. l. p. 2085. Et pertinere hanc visionem ad Essentiam Beatitudinis, per consequentiam ex h. l. patescit. *Est enim una & eadem Beatitudo nostra & Vita aeterna, cujus inchoatio est in hac, consummatio in futura Vita.* Id. D. Tarnov. l. c. confer Dñ. D. Gerhard. de Vit. Ætern. th. 59. & 119. Jam 3. Dubium est: Quomodo Prædicatum hoc competat Subjecto? Respondet Lorinus, *Fides est Vita aeterna, quia à Fide salutis inchoatio est.* Ut sit sensus: *hac est causa & dispositio ad consequendam Vitam aeternam.* Bar-rad. Sed rectius respondemus, Cognitionem salutarem Dei in Christo dici Vitam æternam 1. *Causaliter*, quia est instrumentalis causa eam in Christo oblatam apprehendens. *Cognitio Dei*, ait Cyrillus in Joh. l. 11. c. 16. *rectè Vita aeterna est appellata, quasi Mater & radix Virtute Naturæq; suæ Vitam æternam pariens.* Est autem ex parte nostra unica & totalis causa. Non tantum prima in ordine aliarum dispositionum. Nam qui credit, eo ipso, quo credit, Vitam æternam possidet: jure hæreditatis, spe & Fide, quia Christum habet, quia pignus Spiritum Sanctum, Joh. 3. 36. 1. Joh. 5. 11. Patres, cum docent Fidem esse initium, de renovatione loquuntur, non de regeneratione, aut justificatione, quâ hæreditatem Vitæ æternæ adipiscimur. Sic S. Ignatius: *Principium Vita est Fides, finis verò dilectio:*
ambæ

ambæ autem simul junctæ hominum Dei perficiunt, ad Philippenſ. *Præcedit Fides, timor ædificat, Charitas perficit,* ait Clem. Alex. 1. Strom. *Domus Dei credendo fundatur, ſperando erigitur, diligendo perficitur,* ait S. Auguſtinus ſerm. 22. de V. Apoſtol. 2. Etiam aliquo modo *formaliter*, nam ut Vita æterna in re ex parte conſiſtit in cognitione Dei oculari, 1. Cor. 13. 13. 1. Joh. 3. 3. Ita Vita æterna in ſpe, in cognitione Dei ſpeculari. Ib. &c. Superest, ut explicetur 4. Cur ergò Vita æterna tribuatut ſoli cognitioni? Quia ſolâ Fide Juſtificamur, ſine operibus, de quo h. l. Dn. Lutherus Tom. 6. Jen. German. fol. 109. & D. Tarnov. p. 2046. Animadvertit Maldonatus acutiſſimus Jeſuita. Hinc ait: *Eos, qui ex h. l. colligunt Vitam æternam conſiſtere in actu intellectus in viſione Dei,* quos dixit eſſe *magnam Scholaſticorum partem & nonnullos Patres*, fermè omnes dicere debuiffet, *affines eſſe errori novorum hereticorum,* qui ſolâ nos *Fide juſtificari dicunt.* Quod tamen ſubdolè exponit, quaſi doceamus, Beatitudinem hujus Vitæ in ſolo intellectu ſitam eſſe. Nam nos Fidei animam ponimus in Voluntate. Ergò ut Patres rectè colligunt ex h. l. Vitam æternam conſummatam conſiſtere in cognitione Dei fruitiva; ſic nos quoque non minùs rectè colligimus; inchoationem ejus in præſenti conſiſtere in ſola Fide viva & efficaci. Hæc de vero ſenſu.

Uſus

I. Informatorius, de Christianæ Sapien-
tiæ Natura, Mediis, & *κεκτημένοις* sive proprietati-
bus. 1. De Natura. Sapiencia à sapiendo nomen
habet. Proprium extat apud Symposium, veterem
Poëtam, in ænigm. de Perna.

De fumo facies, sapientia de mare nata est!

Undè S. Bernhardus definit: *Saporem boni*, serm.
85. in Cant. Est enim, ut idem ait de Verb. Apost.
Sapiens, cui quoque res sapiunt, prout sunt. Græcè
σοφία dicitur, vel quasi *σαφία*; est enim de rebus na-
turâ suâ clarissimis apud Aristot. 5. Metaph. &c. vel
quasi *ζοφία*, quòd multa sit circa eam caligo vitio
humanæ mentis, vide Sirac. 6. 23. & ibid. Tufon.
Neapolitan. Multis modis dicitur. Alia enim est
increata ἀρχέτυπον, *Essentialis*, aut *Personalis*, quo-
modo Filius Dei dicitur Sapiencia: Alia *creata*
ἐκ τυπῶν, Eaq; *Angelica*, aut *humana*. Hæc iterum
vel *mala*, *ψυχικὴ, δαιμονιώδης*, Jacob. 3. 15. vel *bona*,
Naturalis aut *Supernaturalis*, & quidem hæc *ordi-*
naria, aut *extraordinaria*. Hanc describit Aposto-
lus singulare donum, 1. Cor. 12. 8. Illa *habitus Fi-*
dei est, aut *habitus defensivus Fidei*, quorū illa *com-*
munis omnibus Christianis, hæc *propria* Doctori-
bus. Nos hîc loquimur de Sapiencia Christianorum
communi, de Fide puta, quatenus est cognitio Dei
Patris & Filii ejus, Jesu Christi, ad Vitam æternam.
Huic enim & nomen Sapienciæ convenit, 1. Cor. 2.
7. & officium, 2. Tim. 3. 15. & definitio, sive illa
per-

pervulgata, quam Patres à Platone receperunt: *Sapientia est rerum divinarum & humanarum causarumq;*, quibus ea continentur, *scientia*: Sive hæc Scholasticorum: *Sapientia est Deum contemplari non quocunque modo, sed ex dilectione, cum quadam experimentalī suavitatē & affectu.* Bonavent. in Tract. de Dono Sapient. cap. 1. adde requisita Sapientia, vide D. Gerhard. in Exeg. Tom. 1. de Theologia th. 9. Brochm. System. de Theolog. c. 1. sect. 3. & cap. 2. q. 2. &c. *Partes hujus Sapientia ab aliis alio & alio modo proponuntur.* Si latè eam spectes, ut complectitur omnia, credenda, speranda, facienda, pars ejus I. est *Theoretica*, quæ de Fide propriè agit, II. *Practica*, quæ de Spe & Charitate. Prior pars est *ἀνθρωπολογικὴ*, considerans *hominem antè lapsum*, creatum ad Dei imaginem, in statu integritatis: *Post lapsum*, in statu peccati, gratia, gloria: *Θεολογικὴ*, considerans *Deum & Jesum Christum*, illum quoad *Essentiam, voluntatem, opera*; hunc quoad *Personam & Officium.* Vide D. Nicol. Hunn. de Fundam. Dissent. Calv. à Luther. q. 2. c. 3. toto. 2. Media sunt 1. *Verbi Meditatio*, Sir. 1. 5. 6. & ψ. 33. Coloss. 3. 16. ubi Chrysostomus hom. 9. *Audite, hortor vos omnes, Laici, comparate vobis Biblia, animæ medicamentum. Ne expectes ullum Doctorem alium, habes Dei eloquia: nemo te docet ut illa. Hoc omnium malorum causa est ignorare scripturas.* &c. Lactantius: *Qui vult sapiens ac beatus esse, audiat Dei vocem, distat justitiam, sacramentum nativitatis suæ nôrit, humana*

con-

contemnat, divina suscipiat, ut summum illud bonum, ad quod natus est, possit adipisci, l. 3. Instit. in fine. Sacra Scriptura fons est athereo de margine scaturiens, de quo quanto amplius hauritur, tanto minus expenditur, & quanto in plures partes derivatur, tanto amplius in sensibus augmentatur, Carol. M. l. 2. de Imaginib. Sacra Scriptura mentis oculis quasi speculum quoddam opponitur, ut interna nostra facies in ipsa videatur: Ibi enim foeda, ibi pulchra nostra cognoscimus, Gregor. M. l. 2. Moral. cap. 1. Sic Jacob. 1. 23. Pingi solet Sapientia cum serpente & speculo. Speculum θεωρεῖν notat, cognitionem sui & Dei. Connexa & quasi concatenata sunt ista duo, ut nisi divinitatis rationem diligenter excusseris, nescias humanitatis, ait Minutius Felix in Octav. & vicissim: Ut cognoscere Deum possis, te antè cognosce! Cyprian. contra Demetrian. Serpens περὶ ἡμῶν, quotidianam renovationem, & prudentiam illam ut pro capite nostro, quod est Christus, corpus potius persequentibus offeramus, August. l. 2. de Doct. Christ. c. 16. Alterum 2. est Vitæ emendatio, qua sine nil prodest scientia. Similes Uriæ, qui sine Pietate docti sunt. Nam, ut ait Thomas in præf. Canon. Epistol. literas mortis suæ portant viri literati, qui sciunt & docent, & non faciunt. Gregor. Naz. de Laud. Basilii, ait; eos ὁ δὲν τῶν ἐπεροφθαλμῶν ἀγροφῆεν, nil differre ab iis, qui altero oculo capti sunt. Nulla est scientia, si utilitatem Pietatis non habet, quia dum bona cognita exequi negligit, sese ad iudicium arctius stringit, Gregor. M. l. 1. Moral. c. 16.

Hinc illud : *Timor Domini est initium Sapientia.*
 Psalm. III. 10. Prov. I. 7. & 9. 10. Job. 28. 28. Sir. I.
 16. *Beatus, cui donatum est, habere timorem Dei:*
Quidem tam beatificum, quàm hic timor? qui ge-
mitor, eruditorq; Sapientia est. Prosper l. 2. de Vo-
 cat. Gent. c. 9. *Rectè vivere à veteribus Sapientibus*
dictum est δεξιουσιν τὸ φρονεῖν, *Proœmium sapiendi.*
 Synesius epist. 137.

Namq; incompósitos humano in pectore sensus,
Nec liquida invisit Sapientia, nec Deus intrat,
 ex Sap. I. 5. Prudentius &c. *Nemo in vas foeti-*
dum unguentum aliquod nobile, aut mel optimum, aut
pretiosi quicquam liquoris infundit, &c. Cassian.
 Collat. 14. cap. 14. *Herodes inter porticum & do-*
rum Templi parietem argenteum & januam au-
ream fecisse legitur, super quam suspensus erat gla-
dus aureus his verbis notatus: Alienus qui accesse-
rit, interficiatur. Gorionid. histor. p. 148. editus à
 Münstero. Ita hîc: *Scitè ille:*

Mutandum tibi propositum est & Vita genus,
Intrare si Musarum limen cogitas,
 Phædrus l. 3. Fab. *Tertium 3. est Sapientum fre-*
quentatio, Prov. I. 5. c. 9. 8. c. 15. 31. Sir. 6. 34. c. 8.
 9. & 9. 21. Undè R. Chai in carm. Morali apud
 Buxtorff. in Thesauro, ut verto :

Aures tuas ori applica Sapientium,
Topaziosq; oculis ab ipsis collige.
Occursus ipse Sapientum juvat, & est aliquid, quod
ex magno viro vel tacente proficias. Seneca epist.
 94. sed de eo alibi. *Ultimum 4. Dei Invocatio,*

Sir.

Sir. 1. 1. Prov. 2. 6. Jacob. 1. 5. Sap. 8. 1, Sir. 39. 6. Impiè ille : *Judicium hoc omnium mortalium est, Fortunam à Deo petendam, à seipso sumendam esse Sapiëntiam*, Cicero de Nat. Deor. l. 3. circa fin. *Sicut nemo à seipso est, ita etiam nemo à seipso sapiens esse potest, sed illo illustrante, de quo scriptum est: Omnis Sapiëntia à Domino Deo est: Beda in cap. 1. Johann. Quod & pagani agnovère: Dii ab Orpheo vocantur-σεφίης ἐρλάμπεος ἡγεμονῆες. Phocylides vocat eam θεόπνευστον, à Deo inspiratam. Plutarchus piè: inter omnia bona imprimis à Deo flagitandam Sapiëntiam: *Quia neque majus homo accipere, neque dignius dare Deus homini munus potest, Veritate*, de Iside & Osyride. Superfunt 3. Κατήγια & Proprietates : De his Jacobi 3. v. 17. Est autem 1. *Castà*, quia se non sinit adulterari hominum commentis, aut Cæcæ Rationis commercio: Quia fugit impuros & non reperitur in terra suaviter viventium, Job. 28. 12. *Frustrà querit, qui in lectulo suo querit*, Bernhard. serm. de 7. don. Sp. S. ex Cant. 3. v. 1. quia pudicè & reverenter accedit ad Dei contemplationem, ne opprimatur à gloria: 2. Est *Pacifica*, nam ubi pax est, in disputationibus *Veritas & in operibus Justitia reperitur*. Sedulius de Rector. Christian. cap. 9. ubi maledictis certantur, *ut sepie atramentum evomunt, quo piscatorum oculos & retia effugiant*; Greg. Nazianz. Orat. 33. Ibi Sapiëntia Cœlestis reperiri nequit. *Pacifica est Sapiëntia desursum, quia per elationem se minime à proximorum societate disjungit*, Gregor. M.*

p. 3. Pastoral. 3. *Æqua est, modesta, humana & humilis, Prov. 11. 2. Ita enim decet κρῆν τὴν θύραν τῆς ἀληθείας, pulsare fores Veritatis ἀφιλαύτως καὶ φιλαληθῶς, modestè sine caco amore sui, ex studio Veritatis, Clemens Alexand. l. 8. Stromat. Fit enim studio presumptionis & contumaciæ, ut quis magis sua prava & falsa defendat, quàm ad alterius facta & verba consentiat, Cyprian. contra Epist. Stephani. 4. Suadibilis, activè & passivè: Quia oportet non tantùm docere, sed & discere: & idem meliùs docet, qui quotidie proficit & crescit discendo meliora, Id. Cyprian. apud August. contra Donatist. cap. 6. Vulgatus addit explicans: Bonis consentiens: Non enim quocunque ventulo se moveri sinit, non omnia æquè patitur sibi persuaderi. 5. Plena misericordiâ & fructibus bonis. Instar apìs ceram portat & mel, undè accendat lumen scientiæ & infundat saporem misericordiæ, vide Bernh. serm. 8. in Cant. Denique 6. est ἀδιάκριτος, non dijudicat temerè aliorum affectus, vel potiùs non discernit inter personas & ἀνυπόκριτος sincera sine simulatione. Hostis est Sapientiæ, qui*

Pelliculam veterem retinet, & fronte politus

Astitam vapidò servat sub pectore vulpem,

Persius Sat. 5. Sed de his fusiùs agere vetat proposita Brevitas. Addatur huic doctrinæ usus

II. Exhortatorius ad studium Sapientiæ,

1. ab honesto, nihil enim præstantius, Job. 28. 12. Prov. 3. 13. c. 8. 11. Sap. 7. 7. &c. *Quid est, non dicam in homine, sed in omni cælo atque terra, ratione divi-*

divinius? quæ cum adolevit atque perfecta est, appellatur ritè Sapiencia, ait Cicero l. de Legib. Quis non exclamat: Si tanti vitrum, quanti margaritum? 2. à necessario, Sapienciam investigare Deus præcipit, ipsa hominis institutio suadet, cui Deus ideò os sublime dedit cælumq; tueri Jussit: Cogit divinæ patefactionis ratio, monet miserabilis naturæ nostræ conditio. Detrahe hoc inestimabile bonum! non est Vita tanti, ut sudem, ut æstuem. O quàm contemptares est homo, nisi supra humana se erexit! Seneca præf. l. i. quæst. Natur. 3. à facili, difficilis est Sapiencia & facilis. Difficilis quidem per se, sed ut in Dei verbo præstat, & ad salutem sufficit, pieq; quærentibus exposita est, facilem habet accessum. Non enim per difficiles nos Deus ad beatam Vitam quæstiones vocat, nec multiplici eloquentis facundia genere sollicitat: In absoluto nobis & facili est æternitas; Jesum suscitatum à mortuis per Deum credere, & ipsum etiam Dominum confiteri, Hilar. l. 10. de Trinit. Profundum fidei si scrutemur, turbulentum est: tranquillum verò, si simplici animo contemplemur: non enim patitur profundum fidei, quod est aqua oblivionis, ut curiosis cogitationibus illud contemplemur: Simplicitate ergò intelligentiæ in ejus aquis navigamus, ut sic ad portum voluntatis Dei perveniamus, Diadochus de perfect. Spirit. c. 22. Denique 4. ab utili, est enim radix Vitæ æternæ, Sap. 15. 3. sed de his vide Clariss. Dn. D. Gerhard. T. i. Exeg. de Nat. & attrib. Dei, in Procem. ubi commendat Sapienciæ hujus necessitatem, utilitatem, difficultatē.

cognitio non unius duntaxat mentis atque intelligentiæ finibus includitur, sed porrigitur ad voluntatem. Bened. Justinian. 1. Joh. 4. v. 8. Sic autem Verba Notitiæ apud Hebræos animi affectum consignant. Promptum hinc concludere : Ergò Fides, quæ est cognitio illa salutaris, de qua h. l. teste Maldonato loc. modò cit. non est in solo intellectu, sed & in Voluntate, atque adeò propriè Fiducia cognitioni & assensui superaddita. Satis de Subjecto.

II. DE PRÆDICATO: est Vita æterna. Hic quæritur 1. An Vita æterna h. l. significet ipsam consummatam Beatitudinem, an ejus inchoationem ? & an probari hinc possit, consistere illam in visione Dei & actu intellectus ? Affirmant non modò Theologi Scholastici, sed & nonnulli antiquiores Patres apud Maldonat. De cognitione Dei intuitiva explicat locum Augustinus, cum illo Lyranus, Carthusianus, Thomas &c. Argumentum Augustini est : Quia Christus dicat : *hæc est Vita æterna, ut cognoscant*, non ut credant, l. 2. de Lib. Arb. c. 2. Negent Barrad. Bellarm. Maldonat. & Lorianus, qui aliter literalis sensu quàm de Fide hæc verba intelligenda negat, in cap. 15. Sap. v. 3. Assentimur libenter & sophisticari dicimus hinc Bellarminum, cum disputat : *Fides distinguitur contra scientiam, & melius per ignorantiam quàm per notitiam definitur*, l. 1. de Justif. c. 7. Quæris 2. In quo ergò Beatitudo æterna essentialiter consistat ?

Resp.

Resp. oculus non vidit! &c. 1. Cor. 2. 9. Patrum tamen pias cogitationes de visione Dei non reprobamus: vide D. Tarnov. q. 6. h. l. p. 2085. Et pertinere hanc visionem ad Essentiam Beatitudinis, per consequentiam ex h. l. patescit. *Est enim una & eadem Beatitudo nostra & Vita aeterna, cujus inchoatio est in hac, consummatio in futura Vita.* Id. D. Tarnov. l. c. confer Dñ. D. Gerhard. de Vit. Ætern. th. 59. & 119. Jam 3. Dubium est: Quomodo Prædicatum hoc competat Subjecto? Respondet Lorinus, *Fides est Vita aeterna, quia à Fide salutis inchoatio est.* Ut sit sensus: *hæc est causa & dispositio ad consequendam Vitam æternam.* Bar-rad. Sed rectius respondemus, Cognitionem salutarem Dei in Christo dici Vitam æternam 1. *Causaliter*, quia est instrumentalis causa eam in Christo oblatam apprehendens. *Cognitio Dei*, ait Cyrillus in Joh. l. 11. c. 16. *rectè Vita aeterna est appellata, quasi Mater & radix Virtute Naturæ suæ Vitam æternam pariens.* Est autem ex parte nostra unica & totalis causa. Non tantum prima in ordine aliarum dispositionum. Nam qui credit, eo ipso, quo credit, Vitam æternam possidet: jure hæreditatis, spe & Fide, quia Christum habet, quia pignus Spiritum Sanctum, Joh. 3. 36. 1. Joh. 5. 11. Patres, cum docent Fidem esse initium, de renovatione loquuntur, non de regeneratione, aut justificatione, quâ hæreditatem Vitæ æternæ adipiscimur. Sic S. Ignatius: *Principium Vitæ est Fides, finis verò dilectio:*
ambæ

*amba autem simul juncta hominum Dei perficiunt, ad Philippenſ. Præcedit Fides, timor ædificat, Charitas perficit, ait Clem. Alex. 1. Strom. Domus Dei credendo fundatur, ſperando erigitur, diligendo perficitur, ait S. Auguſtinus ſerm. 22. de V. Apoſtol. 2. Etiam aliquo modo formaliter, nam ut Vita æterna in re ex parte conſiſtit in cognitione Dei oculari, 1. Cor. 13. 13. 1. Joh. 3. 3. Ita Vita æterna in ſpe, in cognitione Dei ſpeculari. Ib. &c. Super eſt, ut explicetur 4. Cur ergo Vita æterna tribuatut ſoli cognitioni? Quia ſolâ Fide Juſtificamur, ſine operibus, de quo h. l. Dn. Lutherus Tom. 6. Jen. German. fol. 109. & D. Tarnov. p. 2046. Animadvertit Maldonatus acutiſſimus Jeſuita. Hinc ait: *Eos, qui ex h. l. colligunt Vitam æternam conſiſtere in actu intellectus in viſione Dei, quos dixit eſſe magnam Scholaſticorum partem & nonnullos Patres, fermè omnes dicere debuiffet, affines eſſe errori novorum hæreticorum, qui ſolâ nos Fide juſtificari dicunt. Quod tamen ſubdolè exponit, quaſi doceamus, Beatitudinem hujus Vitæ in ſolo intellectu ſitam eſſe. Nam nos Fidei animam ponimus in Voluntate. Ergo ut Patres rectè colligunt ex h. l. Vitam æternam conſummata conſiſtere in cognitione Dei fruitiva; ſic nos quoque non minùs rectè colligimus; inchoationem ejus in præſenti conſiſtere in ſola Fide viva & efficaci. Hæc de vero ſenſu.**

Uſus

Uſus

I. Informatorius, de Christianæ Sapien-
tiæ Natura, Mediis, & *κεκτημένοις* sive proprietati-
bus. 1. De Natura. Sapiencia à sapiendo nomen
habet. Proprium extat apud Symposium, veterem
Poëtam, in ænigm. de Perna.

De fumo facies, sapientia de mare nata est!

Undè S. Bernhardus definit: *Saporem boni*, serm.
85. in Cant. Est enim, ut idem ait de Verb. Apost.
Sapiens, cui quoque res sapiunt, prout sunt. Græcè
σοφία dicitur, vel quasi *σαφία*; est enim de rebus na-
turâ suâ clarissimis apud Aristot. 5. Metaph. &c. vel
quasi *ζοφία*, quòd multa sit circa eam caligo vitio
humanæ mentis, vide Sirac. 6. 23. & ibid. Tufon.
Neapolitan. Multis modis dicitur. Alia enim est
increata ἀρχέτυπῳ, *Essentialis*, aut *Personalis*, quo-
modo Filius Dei dicitur Sapiencia: Alia *creata*
ἔκτυπῳ, Eaq; *Angelica*, aut *humana*. Hæc iterum
vel *mala*, *ψυχικὴ, δαιμονιώδης*, Jacob. 3. 15. vel *bona*,
Naturalis aut *Supernaturalis*, & quidem hæc *ordi-*
naria, aut *extraordinaria*. Hanc describit Aposto-
lus singulare donum, 1. Cor. 12. 8. Illa *habitus Fi-*
dei est, aut *habitus defensivus Fidei*, quorū illa *com-*
munis omnibus Christianis, hæc *propria* Doctori-
bus. Nos hîc loquimur de Sapiencia Christianorum
communi, de Fide puta, quatenus est cognitio Dei
Patris & Filii ejus, Jesu Christi, ad Vitam æternam.
Huic enim & nomen Sapienciæ convenit, 1. Cor. 2.
7. & officium, 2. Tim. 3. 15. & definitio, sive illa
per-

pervulgata, quam Patres à Platone receperunt: *Sapientia est rerum divinarum & humanarum causarumq̃, quibus ea continentur, scientia*: Sive hæc Scholasticorum: *Sapientia est Deum contemplari non quocunque modo, sed ex dilectione, cum quadam experimentalī suavitatē & affectu*. Bonavent. in Tract. de Dono Sapient. cap. 1. adde requisita Sapientia, vide D. Gerhard. in Exeg. Tom. 1. de Theologia th. 9. Brochm. System. de Theolog. c. 1. sect. 3. & cap. 2. q. 2. & c. *Partes hujus Sapientia ab aliis alio & alio modo proponuntur*. Si latè eam spectes, ut complectitur omnia, credenda, speranda, facienda, pars ejus I. est *Theoretica*, quæ de Fide propriè agit, II. *Practica*, quæ de Spe & Charitate. Prior pars est ἀνθρωπολογικὴ, considerans *hominem antè lapsum*, creatum ad Dei imaginem, in statu integritatis: *Post lapsum*, in statu peccati, gratia, gloria: Θεολογικὴ, considerans *Deum & Jesum Christum*, illum quoad *Essentiam, voluntatem, opera*; hunc quoad *Personam & Officium*. Vide D. Nicol. Hunn. de Fundam. Dissens. Calv. à Luther. q. 2. c. 3. toto. 2. Media sunt 1. *Verbi Meditatio*, Sir. 1. 5. 6. & ψ. 33. Coloss. 3. 16. ubi Chrysostomus hom. 9. *Audite, hortor vos omnes, Laici, comparate vobis Biblia, animæ medicamentum. Ne expectes ullum Doctorem alium, habes Dei eloquia: nemo te docet ut illa. Hoc omnium malorum causa est ignorare scripturas.* & c. Lactantius: *Qui vult sapiens ac beatus esse, audiat Dei vocem, discat justitiam, sacramentum nativitatis suæ nôrit, humana*
con-

contemnat, divina suscipiat, ut summum illud bonum, ad quod natus est, possit adipisci, l. 3. Instit. in fine. Sacra Scriptura fons est at herco de margine scaturiens, de quo quanto amplius hauritur, tanto minus expenditur, & quanto in plures partes derivatur, tanto amplius in sensibus augmentatur, Carol. M. l. 2. de Imaginib. Sacra Scriptura mentis oculis quasi speculum quoddam opponitur, ut interna nostra facies in ipsa videatur: Ibi enim fœda, ibi pulchra nostra cognoscimus, Gregor. M. l. 2. Moral. cap. 1. Sic Jacob. 1. 23. Pingi solet Sapientia cum serpente & speculo. Speculum θεωρεῖν notat, cognitionem sui & Dei. Connexa & quasi concatenata sunt ista duo, ut nisi divinitatis rationem diligenter excusseris, nescias humanitatis, ait Minutius Felix in Octav. & vicissim: Ut cognoscere Deum possis, te antè cognosce! Cyprian. contra Demetrian. Serpens περὶ ἡμῶν, quotidianam renovationem, & prudentiam illam ut pro capite nostro, quod est Christus, corpus potius persequentibus offeramus, August. l. 2. de Doct. Christ. c. 16. Alterum 2. est Vitæ emendatio, qua sine nil prodest scientia. Similes Uriæ, qui sine Pietate docti sunt. Nam, ut ait Thomas in præf. Canon. Epistol. literas mortis suæ portant viri literati, qui sciunt & docent, & non faciunt. Gregor. Naz. de Laud. Basilii, ait; eos ὁ δὲν τῶν ἐπερὶ φθάλμιων Ἀγροφίγων, nil differre ab iis, qui altero oculo capti sunt. Nulla est scientia, si utilitatem Pietatis non habet, quia dum bona cognita exequi negligit, sese ad iudicium arctius stringit, Gregor. M. l. 1. Moral. c. 16.

Hinc illud : *Timor Domini est initium Sapientiae.* Psalm. III. 10. Prov. I. 7. & 9. 10. Job. 28. 28. Sir. I. 16. *Beatus, cui donatum est, habere timorem Dei: Quid enim tam beatificum, quàm hic timor? qui genitor, eruditorq, Sapientiae est.* Prosper l. 2. de Vocatione Gent. c. 9. *Rectè vivere à veteribus Sapientibus dictum est* *Προσέλευσιν τῷ Θεῷ*, *Proœmium sapiendi.* Synesius epist. 137.

*Namq, incompressos humano in pectore sensus,
Nec liquida inuisit Sapientia, nec Deus intrat,*
ex Sap. I. 5. 5. Prudentius &c. *Nemo in vas fœtidum unguentum aliquod nobile, aut mel optimum, aut pretiosi quicquam liquoris infundit, &c.* Cassian. Collat. 14. cap. 14. Herodes inter porticum & domum Templi parietem argenteum & januam auream fecisse legitur, super quam suspensus erat gladius aureus his verbis notatus : *Alienus qui accesserit, interficiatur.* Gorionid. histor. p. 148. editus à Münstero. Ita hîc : Scitè ille :

*Mutandum tibi propositum est & Vita genus,
Intrare si Musarum limen cogitas,*
Phædrus l. 3. Fab. Tertium 3. est *Sapientum frequentatio*, Prov. I. 5. c. 9. 8. c. 15. 31. Sir. 6. 34. c. 8. 9. & 9. 21. Undè R. Chai in carm. Morali apud Buxtorff. in Thesauro, ut verito :

*Aures tuas ori applica Sapientium,
Topaziosq, oculis ab ipsis collige.*
Occursus ipse Sapientum iuvat, & est aliquid, quod ex magno viro vel tacente proficias. Seneca epist. 94. sed de eo alibi. Ultimum 4. *Dei Invocatio*, Sir.

Sir. 1. 1. Prov. 2. 6. Jacob. 1. 5. Sap. 8. 1, Sir. 39. 6. Impiè ille : *Judicium hoc omnium mortalium est, Fortunam à Deo petendam, à seipso sumendam esse Sapientiam*, Cicero de Nat. Deor. l. 3. circa fin. *Sicut nemo à seipso est, ita etiam nemo à seipso sapiens esse potest, sed illo illustrante, de quo scriptum est: Omnis Sapientia à Domino Deo est*: Beda in cap. 1. Johann. Quod & pagani agnovèrè: Dii ab Orpheo vocantur *σεφίης ἐρλάμπεος ἡγεμονίης*, Phocylides vocat eam *θεόπνευστον*, à Deo inspiratam. Plutarchus piè: inter omnia bona inprimis à Deo flagitandam Sapientiam: *Quia neque majus homo accipere, neque dignius dare Deus homini munus potest, Veritate*, de Iside & Osyride. Super sunt 3. *Κεῖνεια* & Proprietates: De his Jacobi 3. v. 17. Est autem 1. *Castà*, quia se non sinit adulterari hominum commentis, aut Cæcæ Rationis commercio: Quia fugit impuros & non reperitur in terra suaviter viventium, Job. 28. 12. *Frustrà querit, qui in lectulo suo querit*, Bernhard. serm. de 7. don. Sp. S. ex Cant. 3. v. 1. quia pudicè & reverenter accedit ad Dei contemplationem, ne opprimatur à gloria: 2. Est *Pacifica*, nam ubi pax est, in disputationibus *Veritas & in operibus Justitia reperitur*. Sedulius de Rector. Christian. cap. 9. ubi maledictis certantur, *ut sepie atramentum evomunt, quo piscatorum oculos & retia effugiant*; Greg. Nazianz. Orat. 33. Ibi Sapientia Cœlestis reperiri nequit. *Pacifica est Sapientia desursum, quia per elationem se minime à proximorum societate disjungit*, Gregor. M.

p. 3. Pastoral. 3. *Æqua est, modesta, humana & humilis*, Prov. 11. 2. Ita enim decet κρῆεν τὴν θύραν τῆς ἀληθείας, *pulsare fores Veritatis ἀφιλαύτως καὶ φιλαληθῶς*, *modestè sine cæco amore sui, ex studio Veritatis*, Clemens Alexand. l. 8. Stromat. *Fit enim studio presumptionis & contumaciæ, ut quis magis sua prava & falsa defendat, quàm ad alterius facta & verba consentiat*, Cyprian. contra Epist. Stephani. 4. *Suadibilis, activè & passivè: Quia oportet non tantùm docere, sed & discere: & idem meliùs docet, qui quotidie proficit & crescit discendo meliora*, Id. Cyprian. apud August. contra Donatist. cap. 6. Vulgatus addit explicans: *Bonis consentiens: Non enim quocunque ventulo se moveri sinit, non omnia æquè patitur sibi persuaderi.* 5. *Plena misericordiâ & fructibus bonis.* Instar apìs ceram portat & mel, undè accendat *lumen scientiæ* & infundat *saporem misericordiæ*, vide Bernh. serm. 8. in Cant. Denique 6. est ἀδιάκριτος, *non dijudicat temerè aliorum affectus, vel potiùs non discernit inter personas & ἀνυπόκριτος sincera sine simulatione.* Hostis est Sapientiæ, qui

Pelliculam veterem retinet, & fronte politus

Astutam vapido servat sub pectore vulpem,

Persius Sat. 5. Sed de his fusiùs agere vetat proposita Brevitas. Addatur huic doctrinæ usus

II. Exhortatorius ad studium Sapientiæ,
1. *ab honesto*, nihil enim præstantius, Job. 28. 12. Prov. 3. 13. c. 8. 11. Sap. 7. 7. &c. *Quid est, non dicam in homine, sed in omni cælo atque terra, ratione divi-*

divinius? quæ cum adolevit atque perfecta est, appellatur ritè Sapiencia, ait Cicero l. de Legib. Quis non exclamat: Si tanti vitrum, quanti margaritum? 2. à necessario, Sapienciam investigare Deus præcipit, ipsa hominis institutio suadet, cui Deus ideò os sublime dedit cælumq; tueri Jussit: Cogit divinæ patefactionis ratio, monet miserabilis naturæ nostræ conditio. Detrahe hoc inestimabile bonum! non est Vita tanti, ut sudem, ut æstuem. O quàm contemptares est homo, nisi supra humana se erexit! Seneca præf. l. 1. quæst. Natur. 3. à facili, difficilis est Sapiencia & facilis. Difficilis quidem per se, sed ut in Dei verbo præstat, & ad salutem sufficit, pieq; quærentibus exposita est, facilem habet accessum. Non enim per difficiles nos Deus ad beatam Vitam quæstiones vocat, nec multiplici eloquentis facundiæ genere sollicitat: In absoluto nobis & facili est æternitas; Jesum suscitatum à mortuis per Deum credere, & ipsum etiam Dominum confiteri, Hilar. l. 10. de Trinit. Profundum fidei si scrutemur, turbulentum est: tranquillum verò, si simplici animo contemplemur: non enim patitur profundum fidei, quod est aqua oblivionis, ut curiosis cogitationibus illud contemplemur: Simplicitate ergò intelligentiæ in ejus aquis navigamus, ut sic ad portum voluntatis Dei perveniamus, Diadochus de perfect. Spirit. c. 22. Denique 4. ab utili, est enim radix Vitæ æternæ, Sap. 15. 3. sed de his vide Clariss. Dn. D. Gerhard. T. 1. Exeg. de Nat. & attrib. Dei, in Procem. ubi commendat Sapienciæ hujus necessitatem, utilitatem, difficultatē.

VITA CHRISTIANA
MEDITATIO QUINTA,
DE
VITA CHRISTIANA.

TEXTUS. Tit. 2. v. 11. *Illuxit gratia Dei salutifera omnibus hominibus; Erudiens nos, ut abnegatâ impietate & mundanis concupiscentiis, sobriè, & justè & piè vivamus in presenti seculo: Exspectantes beatam illam spem & illustrationem gloriæ Magni Dei & Salvatoris nostri Iesæ Christi.*

EXordium à visione Jeremiæ cap. I. v. 13. Vidit ille: Primò *Virgam Vigilantem*, ein wackern Stab / LXX. *βακτηρίαν καυτήν*, baculum nucum: Aquila & Symmachus ut vulgatus, *πάβδον ζηγοῦσαν*, Theodotion, *ἀμυγδαλίνην*, ut Tremellius, baculum amygdali. 2. *Ollam succensam*, *λέβητος ὑποκαίόμενον*, ein heisß stehend Topffen. Visio ista indicabat Judæis divinæ vindictæ modum & gradum: Modum; quòd maturrimè sit superventura, quemadmodum amygdalus citissimè floret, mediâ ferè hyeme, Plin. 16. c. 25. undè ab Hebræis *Schaked* dicitur à festinando: Gradum; quòd primùm in virga, deindè in igni furoris. Ita enim quibusdam gradibus peccantibus tormenta tribuuntur, ut paulatim veniant ad salutem, Hieron. ibid. Referri & accommodari potest ad duplicem Christi adventum.

tum. In primo ut baculus amygdalinus Aaronis floruit, & ad nos venit in Virga, Psalm. 23. 4. Sic Hieronym. h. l. *Quidam Virgam Vigilantem atque nucem baculum intelligunt Dominum, de quo dicit Esaias: Exiet Virga de radice Jesse, cap. 11. v. 1.* At in secundo præcedet eum ignis furoris succensus, Psalm. 97. 3. Tum qui Virgam hoc ævo sequi noluerunt Vigilantem, videbunt illam ferventem, vide Chrysost. hom. 22. ad Pop. Antioch. Qui manus amplecti noluerunt in cruce expansas, incident in manus venientis in nubibus horrendas. Duplex iste adventus, duplex ad piam vitam incitamentum est. Hinc Apostolus utrumque ob oculos ponit, &c. Dicemus

I. De Sensu.

Proscripserat Apostolus Tito *Catalogum Doctrinæ, quid senes, quid annus, quid adolescentulas & juvenes, quid ad extremum servos erudire deberet?* Hieron. in Comm. ad Tit. Addit αἰπολογίαν, & causam impellentem à fine Epiphaniæ Christi Jesu ejusq; salutiferæ gratiæ. Spectabimus 1. *Finitum.* 2. *Fines.*

I. Finitum est Epiphania gratiæ salutiferæ. *Illuxit enim Gratia Dei salutifera omnibus hominibus.* Ubi subjectum: Gratia Dei salutifera, circa quod notanda 1. varietas Versionis, apud Hieron. enim est *Gratia Dei Salvatoris*, quasi legerit σωτήριος pro σωτήρι, sed indè malè infertur ab Adamo Sasbout, periclitari fidem novitiorum Græcorum.

rum. Nam 1. constanter habent omnes, ἡ χάρις καὶ ἡ σωτηρία. 2. Consentit Syrus: *apparuit benignitas, servatrix omnium*. 3. Hieronymus non vertit, nam & in antiqua Versione legebatur Salvatoris, ut apparuit ex Com. Ambros. vide etiam Estium.

II. Quæstiuncula: *Quæ sit illa gratia?* Theophylactus intelligit remissionem peccatorum: Anselmus; Baptismum: Hieronymus; Christum ipsum, ut sit abstractum pro concreto. Cassianus: *exinde apparere donum gratia nova cæpit, ex quo Deus, Dei Filius, in mundo natus apparuit*. l. 2. de Incarn. cap. 4. Hinc Cornel. à Lap. Gratia hæc est misericordia & benevolentia Dei omnibus hominibus exhibita in incarnatione Christi. Estius: Gratia Dei ipsa ejus beneficentia est, quam seq. cap. benignitatem & humanitatem ejus appellat. Optimè & simplicissimè Ambrosius: *Donum Dei, quo Veritas nobis unius Dei est manifestata in Christo, ut piâ professione creatorum prædicemus in Trinitatis unitate*. Chrysostomus quoque de Doctrina Christi salutifera explicat, & sequitur cum Oecumen. ut & ex nostris Clariss. Viri D. Calixt. & D. Quistorp. Quæris hinc III. *Quomodo Doctrina Exangelii gratia σωτηρία?* Resp. non sensu Pelagiano, quasi gratia Dei nihil sit nisi doctrina externa dirigens hominem in actionibus suis & commonens; ut rectè reprehendit Estius: sed 1. quia salutem offert. 2. quia cum gratia Dei vivum & efficax organum est ut dicitur 1. Cor. 3. 6. & 2. Thim. 2. 11. Hebr. 2. 3. vide Actor. 13.

26. & 14. 3. Estius, dum à Pelagio recedere vult, in alium errorem se induit: *Nulla doctrina*, inquit, *auribus admoſa præſtabit, ut ſanctè vivamus, niſi Deus hoc ipſum per gratiam ſuam in nobis efficaciter operetur.* Oppoſitionis elenchus, quo ſæpè Anabaptiſtæ, aliq; hoc in puncto, fallunt & falluntur. *Prædicatum* eſt: Illuxit, *Ἐπεφάνη*, quo vocabulo Græci uſi ſunt apparitiões Deorum ſuorum deſcripturi, propter quas feſta quoque inſtituta τὰ *Ἐμφανία* dicebantur. Retinuit nomen Eccleſia vetus, quæ Epiphaniſi diem inſtituit, id eſt, *apparitionem ſive manifeſtationem Dominici Sacramenti*, ut ait Oroſius l. 6. cap. 20. celebrari juſſit. De quo vide Caſaubon. Exercit. 2. ad Baron. Annal. p. 185. edit. Londin. Meminit autem S. Scriptura triplicis *Ἐμφανείας* Chriſti, prima fuit *Carnis*, 1. Tim. 3. 16. 2. Tim. 1. 10. Secunda *Gratiæ*, Tit. 2. 11. & 3. 4. Tertia erit *Gloriæ*, Tit. 2. 12. 2. Tim. 4. 8. Indicatur iſto verbo, Manifeſtationis Gratiæ Divinæ 1. Claritas, 2. Inopinabilitas, 3. Celeritas, 4. Universalitas. Confer Oſcæ cap. 6. v. 3. Eſai. 60. 1. Luc. 1. 79. *Hæ rectiſſimè apparuiſſe dicitur, quod ſubitâ quaſi apparitionis luce monſtratur: Sicut in Evangelio apparuiſſe ſtellam Magis Orientalibus legimus: & in Exodo, apparuit, inquit, Moſi angelus in igne flammæ rubi. In omnibus & hiſ & aliis viſionibus ſacris, hoc utendum & maxime verbo ſcripturæ exiſtimavit, ut apparuiſſe hæc diceret, quæ inſolitâ charitate fulgerent.* Caſſianus l. cit. Hinc ad Dubium, quod Eſtius ſuggerit; *An ex h. l. pro-*

bari possit, singulis quibusq; hominibus Gratiam adesse
 sufficientem & salutem? Responsio affirmativa.
 Confirmatur ex vocabulo, illuxit: *Audite, qui estis
 longè, audite, qui estis propè: Nullis celatum est ver-
 bum. Lux est communis. Omnibus illucescit homi-
 nibus. Nullus est in verbo Cimmerius.* Clem. Alex.
 in Protrept. ex objecto, cui illuxit? Omnibus ho-
 minibus. Ergò omnes vocantur, ac quantum ad
 Gratiam Dei per se trahuntur sufficienter & effica-
 citer. *Universi ad Dei regnum vocamur: Omnes
 post offensam Patri nostro reconciliandi sumus,* Hie-
 ronym. h. l. *Nam si dies omnibus aequaliter nascitur,
 & si Sol super omnes pari & equali luce diffunditur;
 quanto magis Christus Sol & dies verus in Ecclesia
 sua [nam de hoc quæritur, quid mihi de iis, qui fo-
 ris sunt, judicare? 1. Cor. 5. 12. damnosa curiositas
 est & damnauda ingratitudo, Dei beneficium no-
 bis collatum dissimulare, & cur aliis negatum sit,
 rimari. Sinamus in judiciis Dei aliquid occultum
 esse, quod tamen injustum aut patefactæ voluntati
 contrarium esse non potest] lumen Vitæ æternæ pari
 æqualitate largitur?* Cyprian. l. 4. Epist. 7. Acce-
 dit exhortationis Apostolicæ scopus, de quo Theo-
 phylact. h. l. & Hieronym. suprâ citat. confer D.
 Calixt. & Quistorp. & inciditur ei nervus, si Gratia
 Dei non omnibus & singulis illuxisse dicatur. Lo-
 cus Parallelus est Actor. 17. v. 30. Quæ contra E-
 stium & Calvinianos notare operæ pretium est.
 Quæ objicit ille, facilem habent solutionem, si ob-
 serves. 1. Gratiam Evangelii jam Apostolorum
 tem-

tempore omnibus & singulis, quantum satis erat, innotuisse; Coloss. I. 23. Matth. 28. 28. Marc. 16. 16. 2. Eandem etiam ab initio mundi prædicatam, nunc tamen apparuisse dici, propter diuturnas præcedentium temporum tenebras justo Dei judicio mundo inflictas, Rom. I. 18. & seqq. Ephes. c. 4. v. 18. &c. & propter subitam insolitamq; charitatem.

II. Fines hujus apparitionis non in universum, nec principales, sed qui faciunt ad nostram παιδείαν & eruditionem in Vita piè colenda, sunt 1. ut abnegemus impietatem & mundanas concupiscentias. Ἀγνοούμενοι, ait Apostolus, quod à gestu recusantium aliquid derivatum videtur, ἀπὸ τοῦ αἰγεῖν τὰς χεῖρας, & ut docet Oecumenius, multam præ se fert elongationem, abalienationemq;. Estius putat respici ad eam abnegationem & abrenunciationem, quæ de more fit in Baptismo. De repudio nuptiarum usurpat Homerus Odyss. α. Si Christo desponsari cupimus Proxenetis Apostolis, 2. Cor. II. 2. Osee 2. 19. nuntium Carni & Mundo remittamus, jubeamus Res sibi suas habere. Sicut quandam adolescentem ferunt post amores meretricios peregrè profectum, abolito amore regressum veteri occurrissè dilectæ; quæ se non interpellatam mirata & se non cognitam rara, rursus occurrens dixerit: Ego sum! responderit ille; sed Ego non sum! Ambros. I. 2. de Pœnit. c. 10. Per impietatem intelligit Ambrosius tenebras erroris Dei ignorantiam, h. l. Bernhard. serm. II. inter Paryos, incredulitatem, quâ Deus

Deus nec credebatur, nec colebatur: Occum en-
 prava dogmata. Propriè complectitur ἀσέβεια om-
 nia peccata in primam tabulam: *Desideria secula-*
ria, in primis, quicquid est contra secundam. Sunt
 autem illa, *qui à mundi istius principe suggeruntur*
& cum seculi huius nube pertranseunt. Hieron. Hæc
 abneganda sunt. Quomodo: Impietas Fide, Cu-
 piditas Charitate. *Abnegabimus Impietatem &*
mundi concupiscentiam, si pii inveniamur in paren-
tem omnium Deum, profitentes eum in Veritate, quam
tradit Evangelium Filii ejus, & ut huius rei merce-
dem habere possimus, bona opera faciamus. Am-
 brof. h. l.

2. *Ut vivamus sobriè, justè, piè:* Syrus; ut vi-
 vamus in sobrietate, & in justitia & in timore Dei.
Pudicè corpore, justè mente, piè exspectatione spei
beatæ. Hieronym. Inò *sobriè erga nos, justè erga*
proximum, piè erga Deum. Bernh. l. cit. Sic Ful-
 gentius quoque apud Estium: *Quisquis vult ad re-*
gnum pervenire Cœlorum, vivat sobrius in semet-
ipso, justitiam servet in proximo, pius perseveret in
Deo. Σωφροσύνη generaliter significat temperan-
 tiam & mediocritatem non modò in tactus volu-
 ptatibus, sed in omnibus. Σωφρων eum notat, qui
 in rebus agendis prudentiam servat, cui mens nullis
 affectibus, quos Plato amentes consiliarios vocat, ebria,
 immota manet. Hemming. h. l. in c. i. Dictus est
 enim quasi σῶς τὴν φρένα, cui sana mens est. Sic
 Chrysostomus, & infert: ὁ χηναίων ἐγὼν, ἔσω-
 φρων, *avarum non esse sophrona, sobrium aut pru-*
dentem.

dentem. His ergò Virtutibus animum excolamus,
& id in *præsenti seculo*. Præsens seculum certamen
habet, futurum mercedem. *Oecumen.* Τὰ μὲν τῆδε
ἀγώνων ἐστὶ καὶ σφάων ὑπόθεσις. Τὰ δὲ ἐκὲν γεγὼν
καὶ ἡμῶν, ait in eandem sententiam Isidorus Pelus.
l. 3. Epist. 60. *Isthic moriamur peccatis, ne illic vi-*
vamus in pœnis. Mors enim, quæ secunda dicitur,
nihil aliud est, quàm Vita pœnarum. Paulinus Epist.
26. *Tempus sementis est tempus præsens, & Vita,*
quam currimus: In hac licet nobis, quod volumus,
seminare, cùm ista Vita transierit, operandi tempus
aufertur. Hieron. in c. 6. ad Galat.

3. *Ut exspectemus gloriosum Christi adventum.*
Quid! Beatam illam Spem, hypallage, pro: Spera-
tam illam beatitudinem, & adventum gloria, He-
braisimus, genitivus adjuncti pro adjectivo; est au-
tem adventus gloriae secundus ille gloriosus Domi-
ni reditus, quo & ipse apparebit in gloria, Matth.
24. 30. & 25. 31. & suos glorificabit, 2. Thessal. 1.
5. 10. vide hîc D. Quistorpium. Cujus? ὁ μέγας
Θεὸς καὶ σωτὴρ ἡμῶν, Magni Dei & Salvatoris
nostri Jesu Christi. Quæris; quis ille Magnus Deus?
Respondeo, Salvator noster Jesus Christus! Con-
firmo 1. ex articulo Græco, qui si de duobus de Pa-
tre & Filio distinctis sermo esset, repetendus fuit,
ut Col. 2. 2. ubi semel ponitur, argumento est de uno
eodemq; subjecto dici, 2. Cor. 1. 3. Gal. 1. 3. Col. 1. 3.
2. ex attributo, de eo enim sermo est, qui apparitu-
rus est in gloria ad judicium. At ille Filius est non
Pater, cui ἐμφάνειν nulla Novi Testamenti scri-
ptura

ptura tribuit, ut post Estium observavit D. Calixtus. *Venit Christus primò in ignominia, sed secundo veniet in gloria*, Occumen. Apparuit olim in forma servi, redibit ut Magnus Deus conspiciendus omnibus. Nam nunc sæpè apparet ut parvus & infirmus, non ut *El-Gibbor*, Etai. 9. & 6. vide D. Lutherum apud D. Quistorp. *Quomodo?* Pœnitentiâ, filiali fiduciâ, ardenti desiderio, piæ Vitæ studio, Luc. 21. 28. 34. &c.

II. De Usu.

I. Refutatio *Libertinorum*, sentientium per Evangelii Libertatem *licere cuiq; vivere juxta carnis desideria*, adeò, ut & adulteris & fornicationibus sanctiores fiant mulieres, & nisi se prostituant aliis suæ sectæ hominibus, salvari nequeant, de quibus ex D. Schlüsselburgio Mchlführ. Disp. VI. in Epist. ad Titum, thes. 49. *Pelagianorum*, vires naturales nimis extollentium, quâ ratione Gratia Dei salutifera obscuratur, nam si omnibus illuxit, omnes salute caruerunt, si omnes erudiit, omnes impietati & mundanis desideriis dediti fuerunt. Idem Dn. Mchlführ. th. 59. *Calvinianorum*, contra quos voluntatem Dei antecedentem, & gratiam omnibus expositam, hic locus firmissimè stabilit, vide apud Eund. thes. 52. *Pontificiorum*, Doctrinam de Gratia & remissione peccatorum Evangelicam calumniantium, quasi studium Bonorum operum impediat, de quibus Ibid. thes. 64. Inprimis *Arianorum* vete-

veterum, & recentium, Deitatem Salvatoris nostri impugnantium, vide Ibid. th. 70. & seqq. *Ubi sunt, qui Patre minorem Filium dicunt?* exclamat Chrysostomus hom. 4. h. l. addit bene, Magnum in Deo dici non $\sigma\epsilon\iota\varsigma$ η relativè, aut $\alpha\tau\tau\eta$ $\sigma\upsilon\gamma\kappa\rho\epsilon\iota\tau\omega\varsigma$, per Comparisonem, sed $\delta\sigma\omega\lambda\acute{\iota}\tau\omega\varsigma$ η $\alpha\sigma\upsilon\gamma\kappa\rho\epsilon\iota\tau\omega\varsigma$, absolute & incomparabiliter. Refer huc etiam Nestorianos, contra quos Hieronym. h. l. *Eundem & ante secula & post secula, & ante mundum & post Mariam, imo ex Maria Magnum Deum appellamus Salvatorem nostrum Jesum Christum*. Confer Casian. l. 2. de Incarn. cap. 4. ubi hunc locum explicat. Hæc exsequi pluribus qui volet, poterit, mihi non vacat post Homerum Iliada.

II. Informatio, de Vita Christiana. Nam *Sapientia Mundi Virgo stulta est, quia non est juncta atque subiecta legi atque Sapientiæ Dei, & lucerna ejus facile extinguitur, quia non habet oleum veritatis, vacua Spiritus Sancti*. Paulin. Ep. 26. *Sapientia verò Christiana Virgo prudens est!* Matth. 25. 1.

Hinc Dominus cunctos ardentes ferre Lucernas Admonet: hoc opus est; hac clara gloria Vitæ!

Alcimus Avitus ad Fuscin. Soror. ex Luc. 12. 35. Matth. 5. 16. Hujus Piæ Vitæ proponit nobis Apostolus 1. Fundamenta. 2. Incitamenta. Fundamenta, dum ostendit Fugienda, Facienda. *Fugienda sunt* 1. *Impietas*, cujus duplex est soboles, $\pi\omicron\lambda\upsilon\theta\epsilon\acute{o}\tau\eta\varsigma$, quæ multos colit Deos, & $\alpha\theta\epsilon\acute{o}\tau\eta\varsigma$, quæ nullum. Utrumq; monstrum Hydra quasi Lernæa & mul-

VITA CHRISTIANA
MEDITATIO QUINTA,
DE
VITA CHRISTIANA.

TEXTUS. Tit. 2. v. 11. *Illuxit gratia Dei salutifera omnibus hominibus; Erudiens nos, ut abnegatâ impietate & mundanis concupiscentiis, sobriè, & justè & piè vivamus in presenti seculo: Expectantes beatam illam spem & illustrationem gloriae Magni Dei & Salvatoris nostri Iesu Christi.*

EXordium à visione Jeremiæ cap. I. v. 13. Vidit ille: Primò *Virgam Vigilantem*, ein wackern Stab / LXX. *βακτηρίαν καρυίνην*, baculum nucceum: Aquila & Symmachus ut vulgatus, *ῥάβδον ρηνοῦσαν*. Theodotion, *ἀμυγδαλίην*, ut Tremellius, baculum amygdali. 2. *Ollam succensam*, *λέβητος ὑποκαίόμενον*, ein heß siedend Topffen. Visio ista indicabat Judæis divinæ vindictæ modum & gradum: Modum; quòd maturrimè sit superventura, quemadmodum amygdalus cûssimè floret, mediâ ferè hyeme, Plin. 16. c. 25. undè ab Hebræis *Schaked* dicitur à festinando: Gradum; quòd primùm in virga, deindè in igni furoris. Ita enim *quibusdam gradibus peccantibus tormenta tribuuntur, ut paulatim veniant ad salutem*, Hieron. ibid. Referri & accommodari potest ad duplicem Christi adventum.

tum. In primo ut baculus amygdalinus Aaronis floruit, & ad nos venit in Virga, Psalm. 23. 4. Sic Hieronym. h. l. *Quidam Virgam Vigilantem atque nuceum baculum intelligunt Dominum, de quo dicit Esaias: Exiet Virga de radice Jesse*, cap. II. 1. At in secundo præcedet eum ignis furoris succensus, Psalm. 97. 3. Tum qui Virgam hoc ævo sequi noluerunt Vigilantem, videbunt illam ferventem, vide Chrysost. hom. 22. ad Pop. Antioch. Qui manus amplecti noluerunt in cruce expansas, incident in manus venientis in nubibus horrendas. Duplex iste adventus, duplex ad piam vitam incitamentum est. Hinc Apostolus utrumque ob oculos ponit, &c. Dicemus

I. De Sensu.

Proscripserat Apostolus Tito *Catalogum Doctrinæ, quid senes, quid annus, quid adolescentulas & juvenes, quid ad extremum servos erudire deberet?* Hieron. in Comm. ad Tit. Addit αἰτιολογίας, & causam impellentem à fine Epiphaniæ Christi Jesu ejusq; salutiferæ gratiæ. Spectabimus 1. *Finitum.* 2. *Fines.*

I. Finitum est Epiphania gratiæ salutiferæ. *Illuxit enim Gratia Dei salutifera omnibus hominibus.* Ubi *subiectum*: Gratia Dei salutifera, circa quod notanda 1. varietas Versionis, apud Hieron. enim est *Gratia Dei Salvatoris*, quasi legerit σωτήριος pro σωτήρι, sed indè malè infertur ab Adamo Sasbout, periclitari fidem novitiorum Græco-

rum. Nam 1. constanter habent omnes, ἡ χάρις ἡ σωτηρία. 2. Consentit Syrus: apparuit benignitas, servatrix omnium. 3. Hieronymus non vertit, nam & in antiqua Versione legebatur Salvatoris, ut apparuit ex Com. Ambros. vide etiam Estium.

II. Quæstiuncula: *Quæ sit illa gratia?* Theophylactus intelligit remissionem peccatorum: Anselmus; Baptismum: Hieronymus; Christum ipsum, ut sit abstractum pro concreto. Cassianus: *exinde apparere donum gratia nova cepit, ex quo Deus, Dei Filius, in mundo natus apparuit.* l. 2. de Incarn. cap. 4. Hinc Cornel. à Lap. Gratia hæc est misericordia & benevolentia Dei omnibus hominibus exhibita in incarnatione Christi. Estius: Gratia Dei ipsa ejus beneficentia est, quam seq. cap. benignitatem & humanitatem ejus appellat. Optimè & simplicissimè Ambrosius: *Donum Dei, quo Veritas nobis unius Dei est manifestata in Christo, ut piâ professione creatorum prædicemus in Trinitatis unitate.* Chrysostomus quoque de Doctrina Christi salutifera explicat, & sequitur cum Oecumen. ut & ex nostris Clariss. Viri D. Calixt. & D. Quistorp. Quæris hinc III. *Quomodo Doctrina Exangelii gratia σωτηρία?* Resp. non sensu Pelagiano, quasi gratia Dei nihil sit nisi doctrina externa dirigens hominem in actionibus suis & commonens; ut rectè reprehendit Estius: sed 1. quia salutem offert. 2. quia cum gratia Dei, cujus vivum & efficax organum est eam efficit, undè dicitur *δύναμις Θεῶ ἐν σωτηρίᾳ*, Rom. 1. 16. & σωτηρία, Hebr. 2. 3. vide Actor. 13.

26. & 14. 3. Estius, dum à Pelagio recedere vult, in alium errorem se induit: *Nulla doctrina*, inquit, *auribus admota præstabit, ut sanctè vivamus, nisi Deus hoc ipsum per gratiam suam in nobis efficaciter operetur.* Oppositionis elenchus, quo sæpè Anabaptistæ, aliq; hoc in puncto, fallunt & falluntur. *Prædicatum est*: Illuxit, Ἐπιφάνη, quo vocabulo Græci usi sunt apparitiones Deorum suorum descripturi, propter quas festa quoque instituta τῇ Ἐπιφανίᾳ dicebantur. Retinuit nomen Ecclesia vetus, quæ Epiphaniarum diem instituit, id est, *apparitionem sive manifestationem Dominici Sacramenti*, ut ait Orosius l. 6. cap. 20. celebrari iussit. De quo vide Casaubon. Exercit. 2. ad Baron. Annal. p. 185. edit. Londin. Meminit autem S. Scriptura triplicis Ἐπιφανείας Christi, prima fuit *Carnis*, 1. Tim. 3. 16. 2. Tim. 1. 10. Secunda *Gratiæ*, Tit. 2. 11. & 3. 4. Tertia erit *Gloriæ*, Tit. 2. 12. 2. Tim. 4. 8. Indicatur isto verbo, Manifestationis Gratiæ Divinæ 1. Claritas, 2. Inopinabilitas, 3. Celeritas, 4. Universalitas. Confer Osee cap. 6. v. 3. Esai. 60. 1. Luc. 1. 79. *Hoc rectissime apparuisse dicitur, quod subitâ quasi apparitionis luce monstratur: Sicut in Evangelio apparuisse stellam Magis Orientalibus legimus: & in Exodo, apparuit, inquit, Mosi angelus in igne flammæ rubi. In omnibus & his & aliis visionibus sacris, hoc utendum & maximè verbo scripturæ existimavit, ut apparuisse hæc diceret, quæ insolitâ charitate fulgerent.* Cassianus l. cit. Hinc ad Dubium, quod Estius suggerit; *An ex h. l. probari*

bari possit, singulis quibusq; hominibus Gratiam adesse
 sufficientem & salutem? Responsio affirmativa.
 Confirmatur ex vocabulo, illuxit: *Audite, qui estis*
longè, audite, qui estis propè: Nullis celatum est ver-
bum. Lux est communis. Omnibus illucescit homi-
nibus. Nullus est in verbo Cramerius. Clem. Alex.
 in Protrept. ex objecto, cui illuxit? Omnibus ho-
 minibus. Ergò omnes vocantur, ac quantum ad
 Gratiam Dei per se trahuntur sufficienter & effica-
 citer *Universi ad Dei regnum vocamur: Omnes*
post offensam Patri nostro reconciliandi sumus, Hie-
 ronym. h. l. *Nam si dies omnibus equaliter nascitur,*
& si Sol super omnes pari & equali luce diffunditur;
quantò magis Christus Sol & dies verus in Ecclesia
sua [nam de hoc quæritur, quid mihi de iis, qui fo-
 ris sunt, judicare? 1. Cor. 5. 12. damnosa curiositas
 est & damnaunda ingratitudo, Dei beneficium no-
 bis collatum dissimulare, & cur aliis negatum sit,
 rimari. Sinamus in judiciis Dei aliquid occultum
 esse, quod tamen injustum aut patefactæ voluntati
 contrarium esse non potest] *lumen Vitæ æternæ pari*
equalitate largitur? Cyprian. l. 4. Epist. 7. Acce-
 dit exhortationis Apostolicæ scopus, de quo Theo-
 phylact. h. l. & Hieronym. suprâ citat. confer D.
 Calixt. & Quistorp. & inciditur ei nervus, si Gratia
 Dei non omnibus & singulis illuxisse dicatur. Lo-
 cus Parallelus est Actor. 17. v. 30. Quæ contra E-
 stium & Calvinianos notare operæ pretium est.
 Quæ objicit ille, facilem habent solutionem, si ob-
 serves. 1. Gratiam Evangelii jam Apostolorum

tem-

tempore omnibus & singulis, quantum satis erat, innotuisse; Coloss. 1. 23. Matth. 28. 28. Marc. 16. 16. 2. Eandem etiam ab initio mundi prædicatam, nunc tamen apparuisse dici, propter diuturnas præcedentium temporum tenebras justo Dei judicio mundo inflictas, Rom. 1. 18. & seqq. Ephes. c. 4. v. 18. &c. & propter subitam insolitamq; charitatem.

II. Fines hujus apparitionis non in universum, nec principales, sed qui faciunt ad nostram παιδείαν & eruditionem in Vita piè colenda, sunt 1. ut abnegemus impietatem & mundanas concupiscentias. Ἀγνοούμενοι, ait Apostolus, quod à gestu recusantium aliquid derivatum videtur, ὅτι τὸ αἰεὶν τοῖς χεῖρεσσι, & ut docet Oecumenius, multam præ se fert elongationem, abalienationemq;. Estius putat respici ad eam abnegationem & abrenunciationem, quæ de more fit in Baptismo. De repudio nuptiarum usurpat Homerus Odyss. α. Si Christo desponsari cupimus Proxenetis Apostolis, 2. Cor. 11. 2. Osee 2. 19. nuntium Carni & Mundo remittamus, jubeamus Res sibi suas habere. *Sicut quendam adolescentem ferunt post amores meretricios peregrè profectum, abolito amore regressum veteri occurrisse dilectæ; quæ se non interpellatam mirata & se non cognitam rara, rursus occurrens dixerit: Ego sum! responderit ille; sed Ego non sum!* Ambros. l. 2. de Pœnit. c. 10. Per impietatem intelligit Ambrosius tenebras erroris Dei ignorantiam, h. l. Bernhard. serm. 11. inter Parvos, incredulitatem, quâ Deus

Deus nec eredebatur, nec colebatur: Occuinen-
prava dogmata. Propriè complectitur ἀσέβεια om-
nia peccata in primam tabulam: *Desideria secula-*
ria, in primis, quicquid est contra secundam. Sunt
autem illa, *qui à mundi istius principe suggeruntur*
& cum seculi huius nube pertranseunt. Hieron. Hæc
abneganda sunt. Quomodo: Impietas Fide, Cu-
piditas Charitate. *Abnegabimus Impietatem &*
mundi concupiscentiam, si pii inveniamur in paren-
tem omnium Deum, profitentes eum in Veritate, quam
tradit Evangelium Filii ejus, & ut huius rei merce-
dem habere possimus, bona opera faciamus. Am-
brof. h. l.

2. *Ut vivamus sobriè, justè, piè:* Syrus; ut vi-
vamus in sobrietate, & in justitia & in timore Dei.
Pudicè corpore, justè mente, piè expectatione spei
beatæ. Hieronym. Imò *sobriè erga nos, justè erga*
proximum, piè erga Deum. Bernh. l. cit. Sic Ful-
gentius quoque apud Estium: *Quisquis vult ad re-*
gnum pervenire Cælorum, vivat sobrius in semet-
ipso, justitiam servet in proximo, pius perseveret in
Deo. Σωφροσύνη generaliter significat temperan-
tiam & mediocritatem non modò in tactus volu-
ptatibus, sed in omnibus. Σώφρων eum notat, qui
in rebus agendis prudentiam servat, cui mens nullis
affectibus, quos Plato amentes consiliarios vocat, ebria,
immota manet. Hemming. h. l. in c. i. Dictus est
enim quasi σῶς τὴν φρένα, cui sana mens est. Sic
Chrysostomus, & infert: ὁ ζήλοῦ τῶν ἐργῶν, ὁ σῶ-
φρων, *avarum non esse sophrona, sobrium aut pru-*
dentem.

dentem. His ergò Virtutibus animum excolamus,
& id in presenti seculo. Præsens seculum certamen
habet, futurum mercedem. *Oecumen.* Τὰ μὲν τῆδε
ἀγώνων ἐστὶ καὶ σφάραν ὑπόθεσις. Τὰ δὲ ἐκείνων
καὶ ἡμῶν, ait in eandem sententiam Isidorus Pelus.
l. 3. Epist. 60. *Isthic moriamur peccatis, ne illic vi-
vamus in pœnis. Mors enim, quæ secunda dicitur,
nihil aliud est, quàm Vita pœnarum.* Paulinus Epist.
26. *Tempus sementis est tempus præsens, & Vita,
quam currimus: In hac licet nobis, quod volumus,
seminare, cum ista Vita transierit, operandi tempus
aufertur.* Hieron. in c. 6. ad Galat.

3. *Ut expectemus gloriosum Christi adventum.*
*Quid! Beatam illam Spem, hypallage, pro: Spera-
tam illam beatitudinem, & adventum gloria, He-
braïsmus, genitivus adjuncti pro adjectivo; est au-
tem adventus gloriæ secundus ille gloriosus Domi-
ni reditus, quo & ipse apparebit in gloria, Matth.*
24. 30. & 25. 31. & suos glorificabit, 2. Thessal. 1.
5. 10. vide hîc D. Quistorpium. Cujus? ὁ μέγας
Θεὸς καὶ σωτὴρ ἡμῶν, Magni Dei & Salvatoris
nostri Jesu Christi. Quæris; quis ille Magnus Deus?
*Respondeo, Salvator noster Jesus Christus! Con-
firmo 1. ex articulo Græco, qui si de duobus de Pa-
tre & Filio distinctis sermo esset, repetendus fuit,*
ut Col. 2. 2. ubi semel ponitur, argumento est de uno
eodemq; subjecto dici, 2. Cor. 1. 3. Gal. 1. 3. Col. 1. 3.
*2. ex attributo, de eo enim sermo est, qui apparitu-
rus est in gloria ad judicium. At ille Filius est non*
*Pater, cui ἐνφάνεια nulla Novi Testamenti scri-
ptura*

ptura tribuit, ut post Estium observavit D. Calixtus. *Venit Christus primò in ignominia, sed secundo veniet in gloria*, Oecumen. Apparuit olim in forma servi, redibit ut Magnus Deus conspiciendus omnibus. Nam nunc sæpè apparet ut parvus & infirmus, non ut *El-Gibbor*, Esai. 9. & 6. vide D. Lutherum apud D. Quiltoꝝ. *Quomodo?* Pœnitentiâ, filiali fiduciâ, ardenti desiderio, piæ Vitæ studio, Luc. 21. 28. 34. &c.

II. De Usu.

I. Refutatio *Libertinorum*, sentientium per Evangelii Libertatem licere cuiq; vivere juxta carnis desideria, adeò, ut & adulteriis & fornicationibus sanctiores fiant mulieres, & nisi se prostituant aliis suæ sectæ hominibus, salvari nequeant, de quibus ex D. Schlüsselburgio Mehlführ. Disp. VI. in Epist. ad Titum, thes. 49. *Pelagianorum*, vires naturales nimis extollentium, quâ ratione Gratia Dei salutifera obscuratur, nam si omnibus illuxit, omnes salute caruerunt, si omnes erudiit, omnes impietati & mundanis desideriis dediti fuerunt. Idem Dn. Mehlführ. th. 59. *Calvinianorum*, contra quos voluntatem Dei antecedentem, & gratiam omnibus expositam, hic locus firmissimè stabilit, vide apud Eund. thes. 52. *Pontificiorum*, Doctrinam de Gratia & remissione peccatorum Evangelicam calumniantium, quasi studium Bonorum operum impediat, de quibus Ibid. thes. 64. Inprimis *Arianorum* vete-

veterum, & recentium, Deitatem Salvatoris nostri impugnantium, vide Ibid. th. 70. & seqq. *Ubi sunt, qui Patre minorem Filium dicunt?* exclamat Chrysostomus hom. 4. h. l. addit bene, Magnum in Deo dici non $\pi\epsilon\acute{\rho}\varsigma\ \eta\ \text{relativè}$, aut $\kappa\tau\ \sigma\acute{\upsilon}\gamma\kappa\epsilon\iota\tau\omega\varsigma$, per Comparisonem, sed $\delta\pi\omicron\lambda\acute{\upsilon}\tau\omega\varsigma\ \eta\gamma\acute{\alpha}\ \alpha\acute{\iota}\sigma\upsilon\gamma\kappa\epsilon\iota\tau\omega\varsigma$, absolute & incomparabiliter. Refer huc etiam Nestorianos, contra quos Hieronym. h. l. *Eundem & ante secula & post secula, & ante mundum & post Mariam, imo ex Maria Magnum Deum appellamus Salvatorem nostrum Jesum Christum.* Confer Casian. l. 2. de Incarn. cap. 4. ubi hunc locum explanat. Hæc exsequi pluribus qui volet, poterit, mihi non vacat post Homerum Iliada.

II. Informatio, de Vita Christiana. Nam *Sapientia Mundi Virgo stulta est, quia non est juncta atque subiecta legi atque Sapientie Dei, & lucerna ejus facile extinguitur, quia non habet oleum veritatis, vacua Spiritus Sancti.* Paulin. Ep. 26. *Sapientia verò Christiana Virgo prudens est!* Matth. 25. 1.

Hinc Dominus cunctos ardentes ferre Lucernas

Admonet: hoc opus est; hæc claræ gloria Vita!

Alcimus Avitus ad Fuscin. Soror. ex Luc. 12. 35. Matth. 5. 16. Hujus Piæ Vitæ proponit nobis Apostolus 1. Fundamenta. 2. Incitamenta. Fundamenta, dum ostendit Fugienda, Facienda. *Fugienda sunt 1. Impietas, cujus duplex est soboles, πολυθεότης, quæ multos colit Deos, & ἀθεότης, quæ nullum. Utrumq; monstrum Hydra quasi Lernæa*
& mul-

& multiceps excetra est, quam cùm Filius Dei clavâ verbi sui obtriverit, velut Hercules, cavendum nobis est, ne capita alia succrescant. *Licet enim quædam plerunq; de inanibus fabulis, ut de Vulgaribus aliqua proverbiiis, in usum veri ac serii sermonis assumere,* ait Paulinus Epist. 38. Dolendum profectò & hanc & illam etiam in Christi regno grassari! Unum Deum ore profiteamur, corde multis adhæremus, alii Baccho, alii Veneri, alii Lucrio, nam avaritia Idolorum servitus est, alii aliis. Tot enim Idola sunt, quot Spei fiduciæ. Timoris & Honoris nostri extra Deum fundi. Quid Atheismus? una inter omnes religiones religio, nulla. Hoc clamat contemptus ille Dei & omnium sacrorum vulgatissimus, hoc tot blasphemix in Deum & Divina omnia contortæ. Etiam qui rectissimam Pietatis semitam instituisse sibi videntur, ferè claudicant, 1. Reg. 19. 21. Deo in aperto operantur, Impietati in operto. *Va duplici corde! qui de suo partem faciunt Deo, & partem faciunt Diabolo! Iratus enim Deus, quia ibi sit pars Diabolo, discedit & totum Diabolo linquit,* exclamat Augustinus. Tota abneganda igitur est Impietas. Non debet ager unus diverso semine conseri, Deut. 22. 9. Degeneres aquilæ sunt, quæ pedem unum anserinum habent, & in aquis natant, Matth. 24. 28. Coloss. 3. 1. Non possunt esse σύνναοι Deus Israël & Dagon Philistæorum, 1. Sam. 5. 2. Matth. 6. 24. 2. Tim. 2. 19.

2. *Cupiditas*, eaq; triplex, undè plurali numero utitur Apostolus. 1. *Carnis*, quæ libidine ac luxuriis dele-

delectatur, cupit satiari somno, repleri cibo &c. Cassian. Collat. 4. cap. 11. 2. *Oculorum*, quæ universis exuberare copiis concupiscit, & quotidianis adulantium cuneis appetit constipari. Ibid. 3. *Fastus Vitæ*, qui honoribus & laudibus hominum confovetur. Ibid. *Qui ergo vult mundum vincere, tria ista vincat, quæ sunt in mundo. & per hæc illum etiam vincet, qui suadendo per superbiam decepit mundum.* August. l. 3. de Symb. cap. 1. Cupiditas ista in territorio vitiorum *Metropolis* est, quod de avaritia dixit Bias: φιλαργυεῖα τῆς κακίας μητρόπολις. Hæc occupatâ dedent se cætera omnia. *Dux* est in conflictu inferorum. *Totam autem belli causam finivit, qui authorem pugna superavit: Instruamus ergo Virtutum acies adversus paratas scelerum legiones, sed ante omnia adversus ipsam, quæ caput est belli, hoc est, cupiditatem pugnemus: ita non difficilis erit de illa, quam diximus, vitiorum labe victoria, matre captivâ,* ait S. Valerian. hom. 20. hæc fuge, fac ista: *Vive*

1. *Erga Deum Pié.* Pietas autem propriè *Dei cultus* intelligi solet, quam Græci *Ευσέβειαν* vocant. August. l. 10. de C. Dei cap. 1. *Ευσέβεια* à *σεβω*, hoc fortè à *Zaba* Hebræorum, quod est turmatum convenire, undè & *Sabæi* dicti videntur. Eadem Religio, à vinculo pietatis, quod hominem sibi *Deus* reliquerit & pietate constrinxerit, quia servire nos ei ut *Domino*, & obsequi ut *Patri* necesse est. Lactantius l. 4. cap. 28. Est autem *Pietas* nihil aliud nisi *Dei* notio, sicut *Trismegistus* verissimè definivit, cu-

jus cognitionis hac summa est, ut eum colas. Idem l. 5. cap. 14. Actus ejus alii in Scholis dicuntur eliciti, proprii & proximi, alii imperati remoti scilicet, cum aliarum Virtutum actus ad Dei gloriam dirigit. Est enim Regina & Imperatrix omnium. Omnes Virtutes sunt Virgines, pulcherrima autem est & velut in choro ducatum exercet Pietas cum Justitia. Philo de Præm. & Pœn. Hinc Petronius:

- - - *ô Maxima rerum,*

Et merito Pietas homini tutissima Virtus.

Objecta tamen, ut Leges Divinæ in prima tabula indicant, præcipuè tria habet, Cor reverentiæ, Os laudi, & Aurem obedientiæ dedita. Exercitia præcipua sunt, si primum objectum spectes, Cordis vacatio & quasi Sabbathismus, Esai. 30. 15. Psalm. 46. 11. Humilis resignatio, sacrificium voluntatis suæ, imò totius sui Deo acceptissimum, 1. Sam. 3. 18. 2. Sam. 15. 26. Matth. 26. 39. Judith. 8. 17. Divina præsentia cogitatio, Μνημονεύειν τῷ Θεῷ μέλλαν, ἢ ἀναπνεύειν, sæpiùs de Deo cogitandum, quàm respirandum, ait Gregor. Nazianz. 1. de Theolog. Etenim, juxta Juvenecum:

*Nil absente Deo loquimur, nihil abdita clausum
Pectoris antra tegunt, Cernit Deus omnia præsens.*

Et ut habet Prudent. in Cathemer.

Speculator adstat desuper,

Qui nos diebus omnibus

Actusq; nostros prospicit,

Abusq; mane ad vespèram!

Adderectam in omni opere intentionem, 1. Cor. 10.

31. Co-

31. Coloss. 3. 17. Pietas enim est *fundamentum omnium Virtutum*. Ambros. 1. offic. c. 27.

- - *stabilem optima facta*

Dant animum, majorq; piis audacia cceptis!

Valer. Flacc. l. 2. Argonaut. v. 263. adde *Dei sedulam imitationem*, Matth. 5. 48. 1. Joh. 3. 3. 1. Pet. 1. 15. &c. Fons autem omnium Dei filialis Timor & fiducialis Amor. Seges magna, sed non hîc mihi metenda. Ad Secundum pertinet *Oratio* eaq; omnimoda, Ephes. 6. 17. Phil. 4. 6. 1. Tim. 2. 1. Ad *Tertium Verbi Divini Meditatio*, *Sacramentorum usurpatio*, ipsa denique *fidei professio*. Nam corde credendum, ore facienda est professio & opere. Unde Persea arbor apud Ægyptios Isidi sacra, quod folia linguæ, fructus cordis speciem haberent. Plutarch. de Iside & Osyr. Nec alia de causa Judæi in festivitate tabernaculorum & in sacrificiis ramos gestabant in manibus, ex quibus Perseæ poma dependebant, teste Josepho, vide Caussin. in Horum p. 132. Hæc qui observârit, Pius erit!

2. Erga proximum *justè*: Justitiæ leges sunt: Honestè vivere, neminem lædere, suum cuiq; tribuere: Vel illa unica: *Quod tibi fieri non vis, alteri non feceris*. Quam sententiam Alexander Severus usque adeò dilexit, ut & in Palatio & in publicis operibus perscribi juberet. Lamprid. in Vita. Ita Justitia hæc Dilectionis filia, sine qua mera histrionia est, proximi honorem, vitam, pudorem, opes, famam & omnia bona quasi muro ambit & defendit.

dit. Meritò dicta *Domina & Regina Virtutum* Cicer. 3. offic. Quamubi

- - omnes cupida de mente fugârunt,
 Perfudère manus fraterno sanguine fratres,
 Destitit extinctos natus lugere parentes &c.

Denique ut verbo absolvam [Catull. de Nupt. Pelei &c.]

Omnia fanda, nefanda, malo permista furore.

3. Erga teipsum *Sobriè*, ut studeas cordis tui castitati & munditiæ, non à Venereis modò, sed ab omnibus illecebris. Nam ut corporum immundus est amor, ita & opum, & hic quidem *την ἐν τῷ σώματι*, ut hîc docet S. Chrylost. hom. 5. ad Titum. *Qui cum uxore legitime consuescit, à nemine reprehenditur, etiamsi non abstineat usque ad senectutem; qui verò opibus deditus est, ab omnibus*, inquit Chrylost. vid. locum. Pulcherrima est Castitas corporis, *qua rose instar in medio animæ & corporis floret, & universam domum odoris fragrantiam replet*, ut ait Ephrem. serm. de Castit. Sed incommitata ne veniat. Venustè S. Bernhardus: *Castitas sine charitate lampas est sine oleo. Subtrahere oleum, lampas non lucet. Tolle charitatem, Castitas non placet*, ad Henr. Archiepisc. Epist. 42. Porrò opus est ad comparandam cordis munditiam crebrâ 1. Sui in seipsum *introversione*, Esai. 46. 8. 2. Cor. 13. 5. Psalm. 77. 7. 2. à creaturis *aversione*, nam si creatura non è corde extat, Deus, à quò omnis puritas, non introibit. Taulerus &c. 3. ad Deum *conversione*, per fidei amplexum, Actor. 15. 9. Jac. 4. 7.

Campus

Campus ad dicendum spatiosissimus, sed decurrere non est mei instituti.

III. Exhortatio, Incitamenta duo sunt: Apparitio Domini 1. Gratioſa. 2. Glorioſa. *De Priore* vide Rom. 13. 12. 13. 1. Pet. 2. 10. 11. 1. Joh. 2. 8. 9. Illustrat Chryſoſtomus à Simili ſervi nequam: cui & præteritas noxias, easq; nec paucas nec parvas condonârît Dominus, & futuras cavere dederit, adhæc donis innumeris & præſtantiffimis cumulato; quem proſectò, niſi Domino deinceps frugi ſit, bipedum ingratiffimum eſſe oporteat. Accedit periculum graviffimum. Nam ad nuptias vocati, niſi veſtem nuptialem attulerimus; in vineam Domini vocati, niſi indiſtriâ laboraverimus; in Regis thalamum vocati, niſi nos intùs exornaverimus; ejiciemur. *De Poſteriore* Eccl. 12. 15. Apoc. 14. 7. Luc. 21. 34. Act. 17. 30. 1. Theſſ. 5. 8. 1. Pet. 4. 7. &c. Terreat te terribile tribunal! de quo Fortunatus:

Tunc ibi quis terror Cælo aſſiſtente Senatu?

Quid dictura anima judicis in facie?

Mox aut pœna manet miſeros, aut vita beatos,

Quisq; ſue vite ſemina jacta metet.

Excitet beata illa ſpes, promiſſaq; gloria. Vide, ut curratur, ut certetur pro corona marceſſibili! 1. Cor. 9. 25. at nos non *creſcentem*, ſed à Deo *aternis floribus vividam ſuſtinemus*, Minutius Felix in Octavio. Extimulet adventus ipſe Magni Dei, qui ſicut impiis & peccatoribus formidabilis, ita piis & juſtis vehementer optabilis erit, ut ait h. l. Eſtius.

70 OFFICIUM ECCLESIAE PASTORUM

Sicut enim Impietas Magni Dei reformidat adventum: Sic secura de opere suo & de fide illum Pietas præstolatur. Hieron. h. l. Multa amplificando & expoliendo huic argumento subministrabit Dn.D. Gerhard. de Extr. Judicio cap. 10.

MEDITATIO SEXTA, DE OFFICIO PASTORUM PRIOR.

TEXTUS, 2. Tim. 4. v. 1. *Testificor coram Deo & Iesu Christo, qui judicaturus est vivos & mortuos, & per adventum ipsius & regnum ejus. v. 2. Prædica verbum, in sta opportune, importune: argue, obsecra, increpa, in omni patientia & doctrina. v. 3. Erit enim tempus, cum sanam doctrinam non sustinebunt. v. 4. Sed ad sua desideria coacervabunt sibi Magistros, prurientes auribus, & à Veritate quidem auditum avertent, ad fabulas autem convertentur.*

EXORDIUM. Jacobus Orrhohaita, Syrus, Magni Ephremi Doctor, Noham, refert, ossa Adami in diluvio religiosè ad se in arcam recepisse, & postea cum orbe terrarum inter tres filios suos divisisse, ita ut Semo cum Judæa calvariam donârit. Hinc credi-

crediderunt pii veteres, Adami calvariam in morte Calvariae sepultam fuisse, ubi crucifixus est Dominus, ut *secundi Adami sanguis, de cruce stilans, primi Adami peccata dilueret*, ut ait Hieron. ad Paul. Eustoch. & Marcell. Tres Noë filii trium Hierarchiarum videntur fuisse Principes, Semus quidem Ecclesiastica, Japhetus verò Politica, & Chamus Oeconomica, Gen. 9. 25. 27. Hos inter meritò caput cum cerebro datur Semo, cor cum pectore Japheto, hepar cum abdomine Chamo. Summa enim Ecclesiastici status est Necessitas, Dignitas, Utilitas, Difficultas. Vide D. Gerhard. de Ministr. Eccles. §. 3. *Sacerdotium est omnium humanorum bonorum apex*. S. Ignatius ad Smyrnens. *Quantò anima corpore est præstantior, tantò sacerdotium regno excellentius*. Clemens Rom. l. 2. Constit. Apostol. c. 34. τῶν κατὰ τὸν ἥσυχον ἀξιομαίων, καρείτων καὶ πνευμαλικῶν, Patres Constant. Concilii in Trullo cap. 7. *Sed ars artium est & disciplina disciplinarum, hominem vel regere, vel imbuere*. Greg. Naz. in Apologia interp. Ruffino. Quò deploranda magis mundi stultitia, obvio cuiq; hanc provinciam demandare. *Itane lanam querit ovis à capra? molendinum aquam à forno?* Bernhard. epist. 87. Exsecranda verò temeritas eorum, qui non expendentes. - *quid valeant humeri?* involant quibuscunque modis. Rati hunc ordinem sacrum περισμὸς, 1. Tim. 6. 3. ἀφογενὲς βίη, Nazianz. in Apolog. & quasi cornu Amalthea esse, Synesius Epist. 154.

De Officiis Ministrorum Ecclesiae itaq; agemus, de quibus vide D. Gerhard. l. cit. cap. 6. &c. Breviter Hieronymus in c. 2. Malach. Quia Sacerdotes veteris Legis ex victimis acceperint pectusculum, linguam, & ventriculum, oportere eos esse Verbi Concionatores, Veritatis Confessores, Sacramentorum Dispensatores. Rabanus l. 3. in Eccles. cap. 10. *Officium Doctoris in Ecclesia est, ut auditores suos per rectam doctrinam simul instruat, & per bona exempla. Verbo: Sanctè vivere debet propter exemplum, & docere propter administrationis suae officium.* Prosper l. 1. de Vit. Contempl. cap. 20. *Gemina hæc ejus stola est, unicolor Veritatis, & versicolor Virtutum.* Philo de Temulent. p. 220. Nunc primam ei induemus: Considerabimus autem Apostoli 1. Obtestationem. 2. Exhortationem. 3. Confirmationem.

I. Obtestatio.

Tam sollicitè, inquit Ambrosius h. l. mandat inviolatè prædicandum Dei donum, ut cum testatione Dei Patris & Christi Filii ejus hoc moneat curandum. *Ut ita & exhortatio fieret gravior, & commendaretur summa divini verbi salubritas ac necessitas.* Oecumen. h. l. *Denuncio tibi,* inquit, in conspectu & coram testibus Deo Patre, qui morte Filii, & Jesu Christo, qui proprio sanguine Ecclesiam sibi comparavit, *quiq; judicaturus est vivos, quos deprehendet in die novissimo, & jam olim autè mortuos* [vide h. l. Estium, & D. Gerh. de Extr. Jud.]

in quo iudicio quoque mercenarios suos æterno supplicio, at fidos pastores gloriâ & honore afficiet, 1. Pet. 5. 2. 3. Idq; in apparitione sua & regno: [*καὶ* pro *ἐν* Græca Scholia & Syrus] his tibi quasi testibus contestor teq; adjuro, juxta Theophyl. & Anshelm., ut officio tuo cum summa fide fungaris. O verba non cedro, sed cordi omnium Ecclesiæ Pastorum inscribenda! *Quis sub tanta testificatione segnis esse audeat?* ait Augustin. l. i. contra Crescon. cap. 6.

Nam quem non extimulent 1. Apostolica abjuratio? 2. Dei Patris severa comminatio, Ezech. 3. 21. de manu vestra requiram. Cur de manu? quia occidistis. *Tot enim homines occidimus, quot ad mortem ire quotidie tepidi & tacentes videmus,* Gregor. M. epist. 114. 3. Dei Filii futurum iudicium, Luc. 19. 17. &c. & 4. Mercenariorum supplicium. Nam *Sacerdotes pro populorum iniquitate damnantur, si eos aut ignorantes non erudiunt, aut peccantes non arguunt,* Ilidorus l. 3. de Summ. B. cap. 46. *Et quid proderit & non puniri suo, qui puniendus est alieno peccato?* Prosp. de Vit. Contempl. l. 1. c. 20. Heu nihil! totus contremisco! *Si pro se unusquisq; vix poterit in die iudicii rationem reddere, quid de Sacerdotibus futurum est, à quibus sunt omniū anime requirendæ?* Aug. serm. 7. l. Quinquag.

II. Exhortatio.

In qua spectandum 1. Quid? 2. Quomodo?
Quid? Prædica verbum. Esto Præco verbi, & qui-
 E 5 dem

dem *Hujus*. Ita enim in Ambrosiano; Prædica hoc verbum, de quo modò cap. præced. 3. v. ult. Hoc depositum custodi, 1. Tim. 1. 14. & c. 6. 20. *Quid est depositum?* id quod tibi creditum est, non quod à te inventum: quod accepisti, non quod excogitasti: rem non ingenii, sed doctrina: non usurpationis privatae, sed publicæ traditionis. & c. Vincent. Lirin. contra Novat. Ergò ὁ δὲν ἀπὸ τοῦ Θεοῦ, Nihil sine Scriptura! juxta dictum Petri Apostoli apud Clement. *Hæc est thesaurus nullo bono carens, omnibus bonis redundans, ad quem quisquis devotus accedit, quicquid fide liter quarit, feliciter se acquisisse gaudet.* Carol. M. l. 2. contra Synod. Græcor. cap. 30. *Quicquid Doctor proficitur & animarum nutritor, nisi de utroq; Testamento docuerit auditores ab uno omnipotenti Deo processisse, homicida est animarum.* Apolinus in Cant. lib. 6. Sic jussere Patres Concilii Constant. in Trullo populo tradi Pietatis rudimenta, ut colligantur ex divinis scripturis Veritatis vinctura τὰ καὶ κεῖναι, can. 19. Et summo perè monet Episcopos Carolus M. l. 1. capitul. ne sinant aliquos nova vel non Canonica ex suo sensu, & non secundum scripturas sacras fingere aut predicare populo. Sed pergo:

Quomodo? Constanter, Prudenter, Patienter, Sapienter. Videbimus singula. Verbum Dei prædicandum est

I. Constanter. *Insta*, sedulò & accuratè inspicere, & cave, ne quis peccet, Oecumen. Esto Epistates in domo Dei, ut apud Sophoclem πομπύων, apud

apud Xenophontem ἔργων, aut Officium tuum instantanter exsequere *cum tempore & sine tempore*. Syrus. *Insta opportunè, quod si hoc modo non proficis importunè, utut ei videaris importunus, qui non libenter audit, quæ dicuntur in eum*. August. in Epist. ad Galat. cap. 6. *Instantia dicit perseverantiam, opportunitas convenientiam, importunitas frequentiam*. Anton. p. 3. Summæ. Tit. 18. cap. 4. §. 4. *Prædicandum opportunè volentibus, & in portu quietis consistentibus: importunè nolentibus*. Remigius. *Verbum opportunum est libenter audienti, importunum invito*. Primasius. *Ergò volentibus audire, offerendum est verbum Dei, fastidientibus, ingerendum: ne fortè contra nos ante Christum tribunal stantes dicant, se à nobis non admonitos fuisse, & animarum illarum sanguis de manibus nostris requiratur*. Cæsarius hom. 26. *Alia, ut ait Virgilius, Omnia tempus habent! & ut Lucan. ad Pison. temporibus servire decet.* - - *data tempore profunt,*

Et data non apto tempore vana nocent.

Quod intempestivum est, ingratum est, ait Isocrates. *Decet ergò modum temporis nòsse, id enim Sapientia summa est, juxta Dionem apud Stobæum serm. 129. Sic Salomon: Verbum opportunum simile ait malo aurantio, in argenteo vase calato & cancellaturis perspicuo, Prov. 25. 11. de quo Galatin. l. 5. cap. 6. ex R. Mose. Sed sit licèt refractariis audire intempestivum, Pastoribus nunquam non dicere veritatem, necessarium est. Præmittit tamen Apostolus opportunè, quia & ipsa importunitas aliquam debet habere*

bere opportunitatem, ut observat Gregor. M. p. 2. Pastor. c. 4. Sape enim, inquit, dictorum Virtus perditur, cum apud corda audientium loquacitatis incauta importunitate levigatur. Cleostratus reprehendenti: non tu erubescis ebrium te esse? Imò, inquit, non tu erubescis ebrium corrigere?

Quin etiam accendas vitia, irruesq; vetando, Temporibus si non aggrediare suis.

vide Prov. 23. 9. Sirac. 22. 6. 7. Hinc Pythagoras: *apud bruta animalia poëma ne canas.* Et vetuit Dominus: *Margaritas ante porcos,* Matth. 7. 6.

II. Prudenter. Τὰς ψυχὰς ἀλγοῖν καὶ λυγρὰ καὶ ἀγῶνι θεραπεύειν, ait Gregor. Nazianz. in Apolog. *Facere debent Pastores, sicut optimi ac peritissimi Medici dissimilibus morbis curas disparer præstant, atque aliis per dulcia medicamina, aliis per amara succurrunt. &c. Salvian. 6. de Gub. Dei. Sape namq; aliis officiunt, quæ aliis prosunt. Quia & plerunq; herba, quæ hæc animalia enutriunt, alia occidunt. Panis, qui vitam fortium roborat, parvulorum necat. &c. Gregor. M. p. 3. Pastoral. in prolego. Hinc B. Paulus: argue, obsecra, increpa. Si peccantem videris, argue, & cum delictum ostenderis, increpa, deniq; post plagam appone pharmacum, & obsecra, consolare. Sic Oecumen. Argue peccantes, obsecra bene laborantes, increpa, qui se nolunt corrigere. Remigius. Argue coæquales, obsecra seniores, increpa juniores. Prosper l. 2. de Vit. Contempl. c. 5. Redargue falsam doctrinam, malos mores increpando corrige, obsecra & exhortare,*

tare, ut justè vivant. Estius. Mihi ἔλεγχος ad malè docentes, ὑπὸ ἡμῶν ad impiè viventes, ἀδυναμία ad deficientes & succumbentes spectare videntur, ut sæpè his vocabulis utitur Apostolus. Primò itaq; malè docentes *convincendi sunt*. Quicquid Politici quidam obstrepant, qui purpuram magis colunt quàm Deum, in religione mutanda Euripo mobiliores, Themist. in Laud. Jovin. vide D. Gerhard. de Ministerio p. 431. §. 269. *Ecclesia ut magna civitas salva est nequit, nisi eam undiq; pro muro Pastoris vigilantia & prudentia ambiat*. Chrysost. in aureolo libello de Sacerd. serm. 4. *Lupus ovi guttur apprehendit, Diabolus fidei hæresin persuasit, tu taces, ne fortè offendas, non increpas? ô mercenarie! Lupum vidisti, & fugisti! &c.* Augustin. Tract. 46. in Johann. Prudentiâ tamen hîc opus quàm maximè. Prudenter falsitatem arguit, qui, nisi aliter necessitas exigat, solam veritatem fideliter suis exponit. *Hæresis de quorundam infirmitatibus habent, quod valent, nihil valentes, si in bene valentem fidem incurrant*. Tertullian. de præscript. post princ. *Sæpè solet stultitiâ notam incurrere, quisquis mavult stultissimè dicta refellere*. Vigilii in Disput. inter Sabell. Photin. Arr. & Athanas. *Confirmatâ semel ab omnibus veritate, quicquid contra id venit, hoc ipso statim falsitas esse noscendum est, quod à veritate dissentit*. Cassian. l. i. de Incarn. Dom. extr. Certè ut scelera, sic hæreses quidam foveant & alunt, dum incautè reprehendunt. Cavenda curiositas, & retinenda Regula fidei. *Nihil ultra scire,*
omnia

omnia scire est. Tertullian. l. cit. c. 14. Qui non doctis dictis, sed maledictis certant, similes sunt sepiis, vide Gregor. Nazianz. Orat. 33. Non armamentis, sed argumentis confutandæ sunt hæreses. Oro vos Episcopi, qui hoc vos esse creditis, quibusnam suffragiis ad prædicandum Evangelium Apostoli usi sunt? quibus adjuti potestatibus Christum prædicaverunt? &c. Hilarius contr. Arrian. Longè diversa sunt, carnificina & pietas, nec potest aut veritas cum vi, aut iustitia cum crudelitate conjungi. Lactant. l. 5. cap. 19. Religio cogi non potest, verbis potius quam verberibus res agenda est, ut sit voluntas. Ibid. Denique distinguendum est inter hæreticum & hæreticis credentem hominem. Hæreticus est, qui aliquis temporalis commodi & maximè gloriæ principatusq; sui gratiâ falsas ac novas opiniones vel gignit vel sequitur. Ille autem, qui hujusmodi hominibus credit, homo est imaginatione quâdam Veritatis ac Pietatis illusor. Augustin. ad Honorat. de utilit. credendi. Ille accuratè & duriter refutandus, ac nisi cedat veritati, devitandus. Devita, inquit Apostolus Tit. 3. 10. quasi viperam, quasi scorpionem, quasi basiliscum, ne te non solum tactu, sed etiam visu affligatq; percutiat. Vincent. Lirin. adv. Novat. c. 33. Idq; nitendum, ut dum in herba est mala seges, opprimatur. Scintilla statim ut apparuerit, extinguenda est, & fermentum à masse vicinia semovendum, secanda putridæ carnes, & scabiosum animal à caulis ovium repellendum, ne tota domus, massa, corpus & pecus ardeat, corrumpatur, putrescat, intereat. Hieron.

Hieron. in c. 5. ad Galat. ubi vide. Hic cum mansuetudine revocandus in viam. *Errant enim tales, sed bono animo errant, non odio, sed affectu Dei, honorare se Dominum, atque amare credentes.* Salvian. l. 5. de Gub. Dei. Sed ad alia pergendum.

Deindè impiè viventes reprehendendi.

Nam qui peccantem blandimentis adulantibus pulpat, peccati fomitem ministrat, nec comprimit delicta ille, sed nutrit. At qui consiliis fortioribus redarguit simul atque instruit fratrem, promovet ad salutem. Cyprian. de Laps. Baculo amygdalino similis est Doctor Ecclesiasticus talis, Jerem. i. v. 11. Nam *ut amygdalum amarissimam habet corticem, & testâ durissimâ cingitur, ut detractis ansterioribus & duris fructus dulcissimus reperiat. Sic omnis correptio amara quidem videtur ad præsens, sed fructus parit dulcissimos,* Hieron. in Jerem. At canes muti sunt, Esai 56. 11. qui *humanam amittere gratiam formidantes loqui liberè recta pertimescunt.* Gregor. M. p. 2. Pastor. c. 4. Nubes sunt sine aqua, Judæ Epist. v. 12. *Comparant se quidem nubibus sanctis pluentibus justitiam, sed sine aqua sunt, non habent scientiam Dei.* Didymus ibid. Non imbrem ferunt, sed caliginem. Oecumen. ibid. *Hoc sunt ejusmodi lapsi, quod grando frugibus, quod turbidum sidus arboribus, quod armentis pestilens vastitas, quod navigiis seva tempestas.* Cyprian. de Laps. Sed & hîc sale prudentiæ opus est. Omnes enim admodum laudari se volunt, nulli grata reprehensio est. Salvian. princ. l. 8. de Gub. Dei. *Miscenda est igitur comitate,*

tate, libertas reprehensionum, & vituperium Charitate temperandum est. Isidorus Pelus. l. 4. Epist. 139. Gemitibus turtureis plus efficies, quàm tonitribus Pericleis. Vide hîc D. Quistorpium invehentem in zelotas intempestivos, & ostendentem, quomodo aliquando τὰ σκληρὰ μαλθακῶς dicenda sint? Denique vitia non modò voce oris, sed & voce operis vituperanda sunt. Non potest authoritatem habere sermo, qui non iuvatur exemplo. Cassiodor. l. 11. Var. Epist. 8. Rectè Avienus:

*Stultum nimis est, quum tu pravissima tentes,
Alterius censor ut malefacta notes.*

Res est profectò indigna, si projectus in omnia gula libidinisq; flagitia, omnibus denotandus Censoribus, seculo præcepta componat. Seneca Pater l. 4. Epitom. Controv. 1. vide D. Gerh. de Meth. Studii Theolog. p. 226. & de Disciplina Ecclesiast. in Loco de Minister. §. 285. &c.

Denique succumbentes hortando & consolando erigendi sunt. His enim accenditur animus - quantum clamore iuvatur

Eleus sonipes - Lucan. l. 1.

Et quid potius ac magis curæ nostræ atque sollicitudini congruit, quàm ut commissum nobis divinitus populum & exercitum in castris Cœlestibus constitutum adversus Diaboli tela & jacula exhortationibus assiduis præparemus? Cyprian. de Exhort. Martyr. Tres sunt Pastoris voces, suavis, dulcis & alta: Suavis ad infirmum, ad morientem dulcis, ad surdum pertinet alta, Hugo de S. Viçt. de Claustro Anim.

Habe-

Habemus mandatum Esai. 40. 2. Exempla Prophetarum Sir. 49. 11. 12. Apostolorum 2. Cor. 1. 4. Filii Dei ipsius Psalmo 23. 4. Zach. 11. 7. &c. Ut in arca Testamenti cum tabulis Virga simul fuit & Manna; sic cum scientia S. Scripturæ in boni rectoris pectore *Virga distractionis esto & Manna dulcedinis*, Gregor. M. l. 21. Moral. c. 8. Sed & hîc quoque prudenter sciat, quibus, undè, quo ordine, & quâ ratione hoc emplastrum adplicandum sit? *Quibus? Consolatio non est nisi miserorum, consolatio non est nisi gementium & lugentium.* Aug. in Psalm. 125. *Undè? ex officina Spiritus Sancti: ex Scriptura sacra, in qua velut in communi quadam officina Medica quisq; conveniens suo morbo pharmacum reperire poterit.* Basil. ad Greg. Naz. de Vita solitar. Ex hac proponenda est succumbentibus Dei voluntas, ut

*Cedere discamus, dum ducimur; omne resistens
Si flecti nescit, metuat vel pondere frangi.*

Alcimus Avit. l. 4. 505. proponenda ejus bonitas; Nam

*Et cùm blanditur, Pater est, cùm punit, is idem est,
Sic, homo ne pereat deficiatve, facit.*

Prosper in Epigramm. Ostendenda crucis levitas & brevitatis; *Quid in incertum dies & horas numeras? transit hora, transit & pœna! nec accedunt sibi, sed cedunt potius & succedunt. Non sic gloria, non sic remuneratio, non sic merces ipsa laboris, nescit vicissitudinem, nescit finem, manet tota simul & manet in æternum.* Bernhard. serm. 1. de Divers. Ostendenda

denda ejus salubritas : Etenim ut ait S. Prosper iterum :

Auxilium miseris ipsa flagella ferunt.

Calamitas sæpè disciplina virtutis est. Minut. Felix in Octavio. *Virtus enim duritiâ extruitur, molli- tiâ destruitur.* Tertullian. ad Martyr. *Accedat Pa- tientiae decus, Impatientiae dedecus. Ubi Deus, ibi & alumna ejus Patientia. Impatientia matrix est in omne delictum, defundens de suo fonte varias crimi- num venas.* Tertull. de Patient. *Accedant exem- pla.* Nam ut Seneca ait : *Quosdam ratio ducit, qui- busdam clara nomina opponenda sunt, & auctoritas, quæ liberum non relinquat animum ad speciosa stu- pentem,* in Consolat. ad Marciam c. 2. *Ordo verò observandus hic est, quem & Deus observat* Osee 6. 1. 1. Sam. 2. 6. *ut miseriae præcedat agnitio. Quis- quis desolationem non novit, nec consolationem agno- scere potest : Homines dum miseriam non sentiunt, non attendunt misericordiam.* Bernhard. serm. 1. in E- piphani. *De Ratione præcepta sunt ista : Quisque perpendere sollicitè debet, ne luctus tempore verba in- crepationis inferat : Si enim sunt quedam, quæ incre- pari jure debeant, in afflictione postponenda sunt, ne consolator increpando dolorem augeat, quem lenire proposuerat.* Greg. M. l. 3. Moral. c. 8. *Ipsa corpo- ris medicina nos doceat, quæ fer ventibus molliora me- dicamenta consuevit adhibere.* Ambros. in Psalm. 37. *Dolori nempe nimio & curam non admittenti, dum recens sevit, occurrendum non est, ne illum ipsa solatia irritent & accendant.* Seneca ad Helviam

cap. I. *Fors fuit an longa dies quandoq̃, hebetet laxatum dolorem; Siquidem malis omnibus finis de tempore venit: Interim fugent verba solantium, neque aures applicat consiliis bonis surdus ex injuria animus.* Symmach. l. 3. epist. 6. *Sepè magni doloris consolatio per silentium procuratur, & in hujusmodi negotiis plus agitur nihil agendo,* ait Ennodius in Monum. Orthod. &c. *Apud Bonas tamen Mentes & præparata pectora verum est, quod ait Salvian. l. 1. de avarit. Optimè malagma vel fibula calidis adhuc vulneribus imponitur.* Et Seneca: *Vulnerum quoq̃, sanitas facilis est, dum à sanguine recentia sunt,* &c. ad Marciam c. 1. *Cavendum quoque, ne sera consolatio scindat præteriti doloris cicatricem.* Symmach. l. 9. epist. 51. *Verùm hæc ut in transcurso. Satis de Prudentia.*

III. *Patienter:* Cum omni μακροθυμία, magnanimitate habet Ambrosius, & exponit, sine amaritudine. Sic πειρόμενος requirit 2. Tim. 2. 25. & Jacobus c. 3. 13. *Opus enim multâ est patientiâ, longanimitate, mansuetudine in castigando, in expectando, in tolerando. In castigando zelus temperandus est lenitate. Giezi mortuum baculo nequii suscitare, quem Elisæus, dum se ei accommodavit, facile erexit. Non enim baculus demortuum subditum tam facile sæpè suscitât, quàm lenis accommodatio & attemperatio morum, benignaq̃, compositio,* ait Petrus Damian. de Contemptu Seculi cap. 28. *Sed & lenitas nonnunquam asperanda zelo, ut ipsum τὸ γλυκὺ sit δεικνόν, ut & mel in emplastris.*

Themistius de anima. *Sit amor; sed non emolliens: Sit rigor; sed non exasperans: Sit zelus; sed non immoderate sevens: Sit pietas; sed non plusquam expediat parcens.* Gregor. M. l. 21. Moral. c. 8. *Feris terribilis personet increpatio, intus lenitatis teneatur dilectio*, ait Augustinus. *Dilige*, ait Idem, & *dic*, quod voles, nullo modo maledictum erit, quod specie maledicti sensuerit, si meminervis senserisq; te gladio Verbi Dei liberatorem hominis esse velle ab obsidione vitiorum, in c. 6. ad Galat. Addit ibidem verè bracteatum: *Nunquam alieni peccati objurgandi suscipiendum est negotium, nisi cum internis interrogationibus examinantes nostram conscientiam, liquidò nobis coram Deo responderimus, dilectione nos facere!* Quæris hîc: Cur Apostolus Timotheo lenitatē, Tito verò præscribat severitatem? c. 1. v. 13. & 2. v. 15. &c. Vel quòd ille freno egeret, hic calcaribus: Vel quia aliis alia conveniunt, & apud Cretenses duro nodo durus erat inveniendus cuneus. Pulchrè S. Melania: *Oportet adversus stolidos tanquam cane & accipitre uti animi elatione, eamq; tempore superbia eorum in eos immittere.* Palladius hist. Lausiacæ c. 117. *In expectando*, quia si qua deviaverit ovisculā; πῶς δὲ δὲ τῷ ποιμένι τῆς πειραματείας, καὶ κατερείας καὶ ὑπομονῆς, vide Chrysost. de Sacerdot. serm. 2. Ut *Natura*, sic multò magis Dei gratia sui juris est, nec ad leges humanas componitur. Fabian. Papir. Senec. contr. 13. *Nostrium est plantare, rigare &*, ut ait Apostolus h. l. *instare, incrementum Deo in manibus est.* 1. Cor. 3. 6. *Cathedram in cælo habet, qui corda*

corda docet, ait Augustinus in 1. Joh. Tract. 7. &c. *Aspectus*, ait Heraclitus, *fallitur*. *Multi nobis multoties videntur boni, qui omnium sunt pessimi*, Chrysost. de humilit. Nam ut Phædrus ait in fabul.

*Non semper ea sunt, quæ videntur : Decipit
Frons prima multos.*

Sic quem tu fortè reris malum, coram Deo bonus est. Segetem crescere non videmus, sed crevisse. Ut ventus neque undè veniat, scitur, neque quò; sic regeneratio hominum facta deprehendi, non autem quomodo fiat, potest. Joh. 3. 8. juxta Dionys. quem Areopagitam dicunt de Cœlesti Hierarch. cap. 15. ut & Chrysost. Cyrill. Theophyl. in Johann. Denique *non est desperandum de malis, sed pro ipsis, ut boni fiant, studiosius supplicandum: quia numerus sanctorum semper de numero auctus est impiorum*. Prosper in excerpt. sentent. 184. Non ergò cessandum, non deferendum officium:

*Ut Morbo oppressis præstanda est cura medendi,
Donec in agroto corpore vita manet.*

Prosp. in epigramm. Denique *in tolerando*: Si pro fide & industria sua oporteat injuriarum messem metere. Hoc est didactrum, hoc Minerval, quod omnibus Dei servis semper solutum est. Ut *bestiarii* habiti sunt, Tertull. ex 1. Cor. 4. 9. in arenam damnati, *ubi pugnantium exitus mors est*, Seneca epist. 7. ut *ἐν ἡμέρᾳ ἁγνῆς*, purgamenta, ex veræ, & ut Syrus habet, *stercus Mundi*, ψ. 13. ibid. ut *ἐν ἡμέρᾳ πάντων*, ein Jegopffer aller / quales apud Massilienses & alibi, qui dicebantur *Pharmaci*, in

peste aut alia publica calamitate circumducti cum execrationibus, ut in ipsos reciderent mala civitatis & sic projecti &c. Petron. in fragm. Satyr. Servius 3. Æneid. Leonicen. l. 4. var. hist. Durant. Casell. l. 2. var. cap. 1. & 2. &c. Firmandus ergò animus: *Ubi major injuria, ibi necessarius injuria medela patientia.* Tertull. de Patient. confer Cyprian. de Patient. ubi exemplum Domini: Quanta ejus æquanimitas? quanta patientia? *Incredulos ad fidem suadendo flectere, obsequio ingratos fovere, contradicentibus respondere leniter, superbos sustinere clementer, humiliter persequentibus cedere.* Bene Prosper de Ingrat.

*Quid mirum, rabido si corde phreneticus aeger
Morbum amat & pellit Medicum?*

IV. Sapienter: Requirit enim Apostolus διδασκῆν, quâ voce & actus habitusq. docendi, 1. Cor. 14. 6. 26. & ipsum, quod docetur, significatur, Matth. 16. 12. 2. Joh. 8. 9. Tit. 2. 10. Apoc. 2. 14. 15. Vult igitur animarum esse Pastorem διδασκῆν, 1. Tim. 3. 2. undè nomen διδασκάλων, 1. Cor. 12. 28. Ephes. 4. 11. Clamoribus omnia miscere, de-tonare in mores, debacchari in vitam auditorum non sufficit. *Debet divinarum Scripturarum doctor esse defensor rectæ fidei & debellator erroris, & bona docere & mala dedocere.* Augustin. l. 4. de Doctr. Christ. cap. 4. *Objectum* hujus doctrinæ sit sanus sermo Domini nostri Jesu Christi &c. 1. Tim. 6. 3. cui opponuntur doctrinæ variæ & peregrinæ. Hebr. 13. 2, Estq. lac & cibus solidus. Hebr. 5. 12.

Modum

Modum indicat Apostolus Tit. 1. 9. Ad hunc actum opus habitu Sapientiae, undè Hilarius l. 8. de Trinit. *Summa omnium Virtutum episcopaliū est scientia & doctrina.* In Ecclesiis, ait Hieronymus, *quāvis quis Sanctus sit. Pastoris sibi nomen assumere nemo debet, nisi possit docere, quos pascit,* in cap. 4. ad Ephes. adde sēu ut Dominus, Luc. 21. 15 vide D. Gerhard. de Minist. §. 168. Quomodo & Julius Pollux in præfat. Onomast. ait Sapientiae duas esse partes, alteram ἐν τῇ τῆς ψυχῆς ἀρετῇ, in virtute mentis, alteram ἐν τῇ ῥητικῇ τῆς φωνῆς, in usu vocis. *Utrūq; necessarium est, & habere, quid dicas, & scire, quomodo dicas: sententiarum siquidem excellentia sermonis elegantiam querit, ut verborum dignitas rerum majestati respondeat,* ait Arnulph. Episcop. Lexov. in Concil. Turon. vixit Ann. 1181. vide Bochart. l. 1. Decret. Eccl. Gall. Tit. 3. cap. 25. confer Augustin. l. 4. de Doctr. Christ. cap. 11. Præmittenda igitur vocationi *δοκιμασία*, 1. Tim. 3. 10. *Quia ut longè ante nos dictum est,* ait Hincmarus Rhemens. *non est facile dimittendus, cui est proximus committendus. Qui enim loco docti ordinat indoctum, is facit eum Magistrum, qui debeat esse discipulus, & offert cecum animal.* At hodiè quā multi illotis manibus ingerunt se, vendicantes sibi, antequam nōrint sacrorum librorum nomina, *ῥαυματίων καὶ πῆστων καὶ νομικῶν*, primas Scribarum & Legisperitorum? ut queritur Gregor. Nazianz. in Apolog. Quos etiam umbra præveniat strepens aliquid, quod in rem sit. Synesius Epist. 154. *Quantū*

panem non habentes & vestimentum, cum ipsi esuriant, & nudi sint, aliis alimoniam & vestes promittunt, & pleni vulneribus medicos se esse jactant? Hieron. in c. 3. Esai. Posset & de Medus hinc dici ad Sapientiam hanc comparandam necessariis, quæ sunt Oratio, Meditatio, Tentatio. De prioribus Theodulphus Aurelian. Episcop. ad Compresbyt. *Hæc sunt arma, Lectio videlicet & Oratio, quibus Diabolus expugnatur. Hæc sunt instrumenta, quibus æterna beatitudo acquiritur. His armis vitia comprimuntur, his alimentis virtutes nutriuntur.* Orandum ergo cum Gregor. Nazianz.

Da, Christe, gratiam meis laboribus.

Cum Cassiodoro de anima l. extr. *Via sine errore, veritas sine ambiguitate, vita sine fine, dona noxia odisse, profutura diligere.* Vide D. Gerhard. Method. Studii Theol. & de Minister. §. 274. Deindè, si quis hoc tam sancto & angelicis humeris tremendo munere salutariter velit defungi,

Hunc lacte primo per Prophetarum ubera

Lex Pedagoga nutriat:

Hunc Angelorum pane dulcis Gratia

Et melle de petra cibet:

Inebrietur sobriante poculo

De fonte Sancti Spiritus.

Paulin. ad Cytherium. Accedant Tentationes. Patientia parit doximon, Rom. 5. 4. ut Herodianus ait: *δοξιμον σπάλωται καματῷ*, & Philo: *Certissimum animæ experimentum est in labore, & amaritudine, de migrat, Abrah. Ut corpora sequuntur umbra, sic*
Ten-

Tentationes varia praecepta: Nemo sine Tentationibus, ait Magnus Antonius, ingreditur regnum Caelorum. Dorotheus ad Fratrem Tentat. in Monum. Orthod. Vexatio dat intellectum, Esai. 28 19. Non Tentatus qualia scit? Sir. cap. 34. 9. Anfechtung macht gute Christen: unversuchte Leute sind unerfahren/ eitel unnütze Speculisten/ was solten die wissen/ verführen gleichwol alle Welt/ait D. Lutherus in marg. glossa ad Esai. l. cit. Quales sunt Theologi non tentati, pulcherrimè describit Matthaeus in Sirac. l. cit. die so wol geübt seyn/ und auf Hoffnung/ da nichts zu hoffen gewesen ist/ geglaubt haben/ und die sich in höchsten Nöthen an das Wort gehalten haben/ wie Jonas und Paulus/ die haben die Krafft/ Macht/ Safft/ und Lieblichkeit des Wortes geschmecket/ und seynd von Gott gestärcket/ gestandhaftiget/ bevestiget/ gesalbet/ gesichert/ und mit dem Pfand des Erbes versigelt und vergewissert worden/ daß Gottes Wort eine Göttliche Krafft und ein Wort des Lebens/ Heil und Seeligkeit ist. Darum kan S. Paulus/ Petrus und David tröstlich von Gottes Wort reden/ daß einem das Herz im Leibe lacht. Aber ein Mensch/ der nicht geübt und versucht ist/ und nicht in des Teuffels Netz und Sieb gefessen/ und seine Biß und Stich nicht erfahren hat/ und hat noch keine Anfechtung gehabt/ und noch nicht an seinen eignen Kräften hat dörffen verzagen und verzweifeln/ der verstehet nichts/ redet von Gottes Wort/ als wann einer von Gott prediget/ wie die Welt sagt/ den er doch nie gesehen hat.

Wann ein solcher unversuchter Mensch soll von des
 HErrn Christi Leiden aus dem Propheten Esai.
 am 53. Cap. predigen/ spricht er: Der Leib des
 HErrn Christi sey nicht im Brod: Wann er soll
 predigen; Christus ist uns gegeben und geboren /
 so macht er sein Parlat her von den Schagungen/
 und so ilt Kaiser und Könige: Wann er soll sagen;
 Christus ist umb unserer Gerechtigkeut willen
 auferstanden/ so schilt er die Weiber/ daß sie Gladen
 bachen: Wann er arme Gewissen trösten soll/so er-
 regt er der Keker und Schwärmer Gezänck. 2c.
 Sed ad finem properat animus. Superest

III. Confirmatio.

Rationem exhortationis & obtestationis su-
 mit à periculo instante: Prævidet enim animo, imò
 ex præsentibus certâ conjecturâ colligit jam jam af-
 fore periculosissima tempora, multorumq; à Divi-
 na veritate imminere defectionem, cujus graviter
 describit principium, medium, finem. *Principium:*
Tempus, inquit, erit, quum sanam doctrinam non
sustinebunt. Tempus erit: non adeò procul abest.
 Jam tum enim multi viventibus & videntibus Apo-
 stolis. resistebant Christo, ut Moysi Jannes & Jam-
 bres, 2 Tim. 3. 8. Quorum ingeniosas, sed inanes
 fabulas vulgus leve & novitatis avidum, panem cœ-
 lestem fastidiens, ac ad ollas Ægyptiorum identi-
 dem respectans, τὰν ἀμφοῖν amplectebatur. Vide
 de Simone Mago Act. 8. 9. de Hymenæo & Phi-
 leto 1. Tim. 1. 19. 20. 2. Tim. 2. 16. 17. &c. *sanam*
 fidem

fidem & doctrinam, additur enim in quibusdam
 codd. *πίστεως* ψ. 3. eleganter vocat *Sapientem*, nam
Dementia, ut ait Cestius apud Senec. Controv. 12.
res est sanitati contraria, bonam, integram, quæ à
 veritatis regula non delirat, rectoq; quasi talo ince-
 dit: Sic ab Homero dicitur *μῦθ' ὁ ὕμης*, & à Petro-
 nio *sani coloris carmen*. Contraria est morbida,
 serpens ut gangræna, 2. Tim. 2. 17. in qua *οὐδὲν ὕμης*,
 nihil sani. Hoc omnis apostasiæ omniumq; malo-
 rum primum est, non sustinere salutarem doctri-
 nam, averfari, fastidire: quomodo Equus scabio-
 sus non sustinet strigilim, quomodo Stomachus
 nauseabundus salubres cibos. *Medium* est coacer-
 vatio novorum Doctorum, *ἄπιστω γεύσασθαι*, *accumu-*
labunt sibi Doctores, ait, subindè alios aliis superindu-
 cēt, seq; ipsos in suum exitium eo acervo onera-
 bunt & obruent. Hoc enim fastidientium est, ut
 nihil diu placeat: *Nusquam facilius proficitur quàm*
in castris rebellium, ipsum esse illic promereri est.
Itaq; alius hodiè Episcopus, cras alius, hodiè Diacon-
us, cras Lector, hodiè presbyter, qui cras Laicus.
 Tertull. de præscript. c. 41. Ad hanc levitatem duci
 solet vulgus hominum, ait Apostolus, primò pravis
 suis affectibus, ut *juxta proprias cupiditates* toties
 mutant Doctores. *Nolunt argui maligna sua opera,*
quare tales volunt magistros, qui serviant moribus
eorum, ait Ambrosius h. l. Veronenses odère, Pla-
 centinos volunt *τῆς ἡδονῆς χάριν λέγοντες*, ut ait
 Chrysost. hom. 9. h. l. qui voluptatis gratiâ loquan-
 tur. *Amara sunt vitiosis ac malè viventibus præ-*
cepta

cepta iustitiae. Lactant. l. i. cap. 4. Veritas amara & insuavis est insanientibus, mendacium dulce & jucundum. Dio Prus. in pr. Troici. Deindè etiam pruritus aurium, ut sibi coacervent Doctores. Prurientes auribus: elegans Metaphora. Sic tergum, dentes, malaq; prurire dicuntur verberonibus. Illi pruriunt auribus, qui semper aures habent ad hoc intentas, ut aliquid novi audiant. Remigius h. l. Novitatis appetitus prurigo & scabitus est quædam. Ut de ira ait Petronius, omnem scabitudinem animo delere, in Satyr. Sic in Levitico luxuriam ajunt denotari per scabiem. Lev. 21. Gregor. M. p. i. Pastor. c. ii. Nam

*Fœda est in coitu & brevis voluptas,
Et statim Veneris pudet peractæ.*

Petron. in fragm. uti de scabie ait H. Junius in ænigm.

*Carnea sulcetur si glebula corneo aratro,
Non mel dulce dabit, sed feret acre piper.*

Finis deniq; est aversio à veritate & ad fabulas conversio, justissimo Dei judicio, 2. Thess. 2. 10. 11.

Quæ cum ita sint, tantò major auditoribus impendenda cura est, ut formati in fide, & bonis operibus eruditi, in disciplina sana robusti mancant. Ambros. h. l. Contemnant alii, premant, fremant, nil refert. Quotus enim quisq; reperitur, qui ferrum Medicorum aut ignem non ligatus expertus sit? August. in c. 6. ad Galat.

*Prome igitur sanctis cœlestia tela pharetris
Et medicis hostem confice vulneribus:*

Fortè

*Fortè aliqui poterunt errorum evadere noctem,
Inq³ viam visâ luce referre pedem.*

Prosper in Prol. de Provid.

MEDITATIO SEPTIMA,
DE
OFFICIO PASTORUM
POSTERIOR.

TEXTUS, 1. Tim. 3. v. i. *Indubitatus sermo, si quis Episcopatum desiderat, bonum opus desiderat. 2. Oportet ergo Episcopum irreprehensibilem esse, unius uxoris virum, sobrium, prudentem, ornatum, pudicum, hospitalem, doctorem. 3. Non vinolentum, percussorem, sed modestum, non litigiosum, non cupidum. 4. Sed suae domus bene praepositum, filios habentem subditos, cum omni castitate. 5. Si quis autem suae domui praesse nescit, quomodo Ecclesiae Dei diligentiam habebit? 6. Non neophytum, ne in superbiam elatus in iudicium incidat Diaboli. 7. Oportet autem illum & testimonium habere bonum ab iis, qui foris sunt, ut non in opprobrium incidat & in laqueum Diaboli.*

Exordium. Sacerdos Veteris Testam. Levit. 21. 19. non debuit esse 1. Cecus; est autem Cecus,
quo

94 OFFICIUM ECCLESIAE PASTORUM

qui supernæ cōtemplationis lumen ignorat. Rathulph. ex Gregor. M. Comm. Levit. l. 15. c. 3. Vel qui morbo ignorantia Dei totus laborat, inq̃, lucem Veritatis oculos intendere non valet. Hesych. l. 6. in Levit. Nam, ut canit Juvencus,

Cæcus fortè ducem cecum si nactus oberret,

Incidet in foveam pariter demersus uterq̃.

2. Non lippus; in fonte est vocabulum *Dak* à minuendo. Aben Esra putat, gracilem rejici. Nam augustissima quoque species opinione Sapientum plurimum trahit de Cælo. Latin. Pacatus in Panegyri. sed pingues aqualiculos non amat Deus, non Sapientia.

Pinguiam tenuem suffocant corpora sensum,

Et malè facta suas conculcant viscera mentes.

Juxta Einnodium. R. Salomon putat, *Dak* dicicū, cujus oculus pelliculā tenui obtectus est; suffusionem vocat Aquila. Est autem lippus, cujus menti affectus *ἡρώχουμα* ἡγὶ *οὐόταμω* afferunt: vel; cujus sensus natura exacuit, sed conversationis pravitas confundit. Rathulphus l. cit. 3. Non luscus; qui albuginem in oculo habeat, *Thiballul* vocant Hebræi. Est autem albugo vel aperta macula improbitatis, ut Hesychius; vel sanctimonix superbæ, ut Gregor. M. Luscus Gregorio Naz. in Laudib. Basilii est defocius, de gente Coclitum. Qui vel vitæ probitate, vel doctrinā solā præstant, nihil à luscis, altero oculo capis, differunt, &c. Post doctrinæ itaq; oculum, nunc videamus alterum inculpatæ vitæ. Ubi dicendum erit 1. de Episcopatus desiderio. 2. de Episcopi officio.

I. De

I. De Episcopatus desiderio.

Scopus: Vult Apostolus instruere & Eligen-
tes, ut scirent Episcopatum non sanguini aut gra-
tiæ, sed vitæ merito deferendum: Hieron. ad Tit.
cap. 1. Comm. & Eligendos, ne temerè ambirent.
*Non enim est quorumlibet, Episcopatum appetere,
sed eorum, quorum vita ex Pauli Legibus dirigitur.*
Isidorus Pelus. l. 1. epist. 104. & Electos; non enim
soli Timotheo scribit ista, sed omnibus, Chrysost.
homil. 10. h. l. Proæmium pro more suo præmit-
tit: *Fidelis sermo.* Secutus Magistros Hebræorum,
quibus usitatum talia elogia, cum doctrinam exi-
miam proposituri sunt, præmittere, verbi gratiâ:
*esse fundamentum fundamenti, esse columnam Sapi-
entia.* Vide Cameronem in Myrothecio Evangel.
in 1. ad Tim. 3. v. 15. ubi ostendit elogium illud:
Columna & firmamentum Veritatis, non referri de-
bere ad Ecclesiam, sed ad Evangelii doctrinam, &
magnum illud mysterium Pietatis, v. 16. De ipsa
sententia ut distinctè dicam, considerabo Subje-
ctum & Prædicatum.

Subjectum. *Si quis Episcopum desiderat.*
Episcopus est ὁ ἐπὶ τῶν ἐκκλησιῶν ὢν, Anastasius & E-
tymol. M. Apud Athenienses dicebantur Episco-
pi, quos in sua municipia speculatum mittebant,
velut Corycæos. Episcopi ὑποφειῖς, Gegenschreiber/
qui attenderent, quantū quisq; in ærarium deferre
deberet. Etymol. Certaminum ἐπιμαχίας apud
Pollucem l. 3. Onomast. c. 30. Dicebantur ita quoq;
Panis

Panis & rerum venalium curatores &c. vide h. l. D. Quistorpium, & D. Gerhard. de Ministr. Eccles. §. 27. ubi & vocabuli usus *πλήσιμ* : nam præter Christum Dominum; qui *ἐξαρέτως* Episcopus dicitur, 1. Pet. 2. 25. Episcopus dicitur & à Presbyteris distinctus, qui inspectionem habere debet non gregis modò, sed & cæterorum Episcoporum, id est, Pastorum; & à solis Diaconis, ut & reliqui Presbyteri hoc nomine comprehendantur. Præsullem reliquorum Pastorum, Principem Præsidentemq; Presbyterii vocat Ambros. *Superinspectorem*, Hieronym. *Superintendentem*: Hoc loco nomen commune est omnium Ecclesiæ Ministrorum, exceptis, qui tum dicebantur Diaconi, eoq; etiam curati & Parochi, qui in vicis & pagis sunt, continentur. Adamus à Sasbout & Corn. à Lap. Itaque post regulam Episcopis præscriptam statim ad Diaconos digreditur Apostolus, *ὅτι ἔ πολὺ τὸ μέσον*, quoniam parùm interest, Chrysost. h. l. homil. 11. solâ enim ordinatione superiores sunt Episcopi, inquit: non divino jure, nam & Presbyteri ordinare possunt, 1. Tim. 4. 14. D. Gerhard. de Ecclesia §. 201. sed Ecclesiastico consuetudinario, quæ Hieronymi sententia est in cap. 1. ad Tit. nec diffiteri possunt aliqui adversariorum. Certè Bessæus l. 1. de Sacerdot. Regali cap. 3 p. 14. *Scriptis*, inquit, *Apostolicis certum est. in primitiva Ecclesia qualitatem eorum & dignitatem communem fuisse.* Vide D. Gerhard. de Ministr. §. 234. Est igitur Episcopo idem, quod Diaconia Verbi Ministerium Ecclesiasticum, dicta

dicta ab inspiciendo in omnes, Chrysost. h. l. Quomodo in omnes? Quia *Episcopum invisibilium ferarum impetus, Ecclesie ignavias, Monachorum negligentias, iniquorum hominum improbitates, viduarum calamitates, pupillorum egestates, altaris suspiciones, Diaconorum morbos, juvenum flagitia, senum mala consilia speculari oportet, atque ex omni parte oculum esse omnia prospicientem.* Ilidor. Pelusiota l. 1. Epist. 149.

Prædicatum: *Opus & quidem bonum.* Si quis est, qui vehementer appetit Episcopatum, non laudo, non reprehendo simpliciter, sciat modò nomen esse *operis*, non *honoris*, & desiderare se non *eminentiam* otiosam, sed *Superintendentiam* laboriosam, Estius ferè ex Augustin. l. 19. de C. Dei cap. 19. *Opus est hæc res, non ludus, atque animi oblectatio; cura, non luxus: munus referendis rationibus obnoxium, non imperium ab omni censura liberum:* Ilidor. Pelus. l. 3. epist. 216.

Quæritur hîc: *An ergò appetere liceat Episcopum?* Petrus à Soto ait, desiderium istud regulariter esse peccatum mortale. De Instit. Sacerdot. Lect. 3. p. 12. vide Tapper. T. 2. oper. Orat. 3. p. 342. &c. Sed Patres distinguunt *αὐθεντίαν* Episcopatus καὶ *μεγαλοτίαν*, hanc si quis desiderat, non improbo, ait Apostolus, interprete Chrysost. h. l. *Opus desiderare, in se bonum est, primatum autem honoris concupiscere, vanitas est,* Author Oper. Imperf. aut limitant: Licet, modò ne quis ab Apostoli regula declinet, ne ambitione & pecunia desiderio hoc egisse videatur.

58 OFFICIUM ECCLESIAE PASTORUM

deatur. Ambros. h. l. *Ideo debet aliquis Episcopatum desiderare, ut aliis doctrinam Verbi Dei annunciet, ut bonum exemplum ostendat, & si necessitas fuerit, ut primus ad palmam martyrii currat.* Remigius h. l. *Laudo, inquit ex Greg. M. Cornelius à Lap. quod queritis, sed discite, quid queratis?* Sic I. Cor. 14. v. 1. monet Apostolus, ut cum pia æmulatione desideremus Prophetiæ donum, non studio excellendi, sed ex charitate, ut prosimus Ecclesiæ, interprete Cornelio à Lap. ex Chrysost. Et quidni liceat appetere id, quod καλὸν, pulchrum & bonum est, dictum à καλῶν, quod appetitum ad se vocet & alliciat? Plura apud D. Gerhard. §. 188. de Minist. Si nullo modo licet appetere, quis se Theologiæ studiis consecrabit? quâ spe aut intentione? *Corvos sequetur - testâq, lutoq,? Tolle spem, artes virtutesq, universa cassabunt.* S. Zeno de Spe, Fide & Charit. Verbo: absq; prava intēctione, stulta præsumptione, avida ambitione & desiderare licet bonū hoc opus, modò si ex charitate: & optare à Deo, modò si ex pietate: & petere, aliquando, à Magistratu, modò si ex humilitate. Si gravitatem operis spectes, nemo idoneus est: Si dignitatem, nemo par est: Si pulchritudinem & salubritatem, omnibus & amabile & desiderabile est. Quis reprehendat, si quis se, cum B. Martino morituro, Deo offerat? Domine, si populo tuo prodesse possum, laborem non defugio! Caveat quisque, ne per aliquam earum ingrediatur portam, per quas Salmero in Regno Pontificio non paucos ad Episcopatum ingredi queritur,

ut per *Cæsaream* aut Regiam aulicos, per *Auream* Simonis Magi hæredes, per *Sanguineam* aliorum Præfulum Pontificumq; cognatos, per *Munerariam*, qui donis & largitionibus emunt, per *Servilem*, qui vel, inquit, *longiori servitute impensâ huc tandem enituntur*, vel *scædam & obscœnam in prostituenda Sorore*, aut *Affini*, aut *Consanguinea*, aut *aliam quamcunque servitutem serviunt*. Tractat. 14. in Parabol. Evangel. Sic ubi appetere Episcopatum mortale peccatum est, pleriq; non appetunt, similes arietibus, ut fortiùs feriant retrocedentibus: vide Saresber. l. 7. Nugar. Curial. c. 18.

Deindè & illud h. l. expediendum: *An ergò sponte sine ordinaria vocatione suscipi possit Episcopatus?* Affirmant ex h. l. Sociniani, ut plerunque stulti dum vitant vitia, in contraria currunt. Fas est, ajunt, appetere Episcopatum: Ergò missione non est opus. Deindè inter requisita Boni Episcopi h. l. nulla apparet vocatio. Respondet Clariss. D. Gerhard. §. 66. de Minister. Prius inconsequens; Posterius falsum & scopo contrarium est, ideò enim Ideam quasi Boni Episcopi depingit Apostolus, ut Timotheus sciret, quales vocandi & ordinandi sint? Teste Chrysostomo hom. 10. h. l. Confer Tit. cap. 1. v. 5. 6.

Uusus hujus partis maximè in Dehortatione consistit: ne quis tumidè se & temerè ingerat. Non probamus quidem eos, qui refugiunt prorsus, ut S. Marcum quidem fabulantur sibi pollices & Ammonium ferunt aures præcidisse, ne cogi possent ad

Episcopatum, apud Bessum de Sacerd. Reg. l. 1. c. 3. Damnamus meritò damnosas Ecclesiae fabulas, quòd quidam defunctus patruo post mortem apparuit, cujus disuasui Episcopatum oblatum non suscepisset, & gratias egerit: *Scito, inquit, quia nunc essem de numero damnatorum; si fuisset de numero Episcoporum.* Legitur in Reg. Monach. Tom. 9. oper. Hieron. Et refert similia P. Blesens. ep. 102. de quodam Gaufrido, Cantipratenfis de alio apud Corn. à Lap. in h. l. Dura vox est Bernhardi: *Qui pro se rogat, jam judicatus est.* l. 2. Consider. cap. 5. & Leonis Imp. *Profectò indignus est Sacerdotio, nisi qui fuerit ordinatus invitus.* l. 31. C. de Episc. & Cleric. Sed tamen ne temerè quis tantum onus suscipiat, terrere quemque debebat & periculum, in quo explicando disertus est Chrysost. hom. 1. in cap. 1. ad Tit. & Scripturæ S. non unum monitum. *Quis ad hac idoneus?* 2. Cor. 2. 16. *Nolite plures Magistri fieri?* Jac. 3. 1. 2. ubi tamen non damnatur Episcopatus desiderium, sed propriæ utilitatis. Paës ex Dionysio Carthusiano. Sed hæc aliis post me memoranda relinquo. In sacrificiis fermentum adhibere vetitum fuit, figurato præcepto, ne quis ad altare accedat tumidus fastu, Philo de offer. Victim. Qui nituntur irrumpere & erumpere, sunt ut caprifici semina fabricarum visceribus inserta, quæ more viperæ prolem sibi fecunditate contrariâ nutriunt, undè se compago casuro dirumpat. Cassiodor. l. 11. Var. ad Architect. Aloisum.

II. De Episcopi officio.

Postquam ostendisset Apostolus, quid & quomodo appeti deberet in Episcopatu; Qualem esse deceat Episcopum, addere voluit: Quædam enim gemmæ splendidiore sunt in obscuro, quàm in luce. *Quidem ante dignitatis adeptionem satis commendabiles extiterunt, sed super candelabrū Ecclesiæ constituti lucem in tenebras & famam in infamiam converterunt.* Petrus Blesens. epist. 15. Verba Apostoli copiosè & doctissimè à multis explanata sunt, inprimis à D. Gerhardo de Minister. §. 275. & seqq. & à Bessæo in l. de Sacerdotio Regali, Coloniae apud Kink. Anno 1615. Ego pro instituto paucula annotabo. Ac quomodo quidem digerantur requisita Boni Episcopi, videndum apud D. Gerhard. §. 181. l. cit. Mihi alia pertinere videntur, ad Internam Vitæ institutionem, alia ad Externam in Ecclesia conversationem, alia ad Publicam officii administrationem, alia ad privatam familiæ gubernationem. Sed sequi *καὶ πῶς* Apostolum malo. Oportet ergò Episcopum esse

I. Irreprehensibilem. *Ἐπίληπτός* est, qui epilepsiâ, morbo Comitiali, qui despuī solebat, corripitur. Nam superstitiosi, si quem vidissent *Ἐπίληπτον*, in sinum solebant despuere, Theophrastus in Characterib. Elegant Metaphora: *Neque enim gravius est corpore, quàm corde collabi; pede potius quàm mente corruere; in cubiculo despuī, quàm in isto splendidissimo cœtu detestari*, ait Apulejus

lejus in Apolog. Ergò ἀνεπίληπτος est, qui non isto modo collabitur & publicè despuitur, vel qui est ἀνεγκλητος, sine crimine, aut ut habet Chrysost. in c. 1. ad Tit. κατηγορίας ἐλεύθερος, liber à justa criminatione. Talem docet esse Episcopum 1. Ne detrahat doctrinæ suæ auctoritatem; Non dependet quidem ejus efficacia ab hujus vita. *Etsi fur sit ille, qui seminat, recta tamen authore Deo vires germinandus frugibus subministrat. Licet sordida sit manus, aut leprosa, quæ plantat, mundus certè fructus decerpitur, quum ad maturitatem plenitudinis pervenerit*, ait Petr. Damianus de Instit. Eccles. c. 15. tamen profectò fidem dictorum minuit, qui factis non adstruit. At

Voce docens vitâq̃, docens, ne bis docet ille,

Qui facienda docet, qui faciendo docet.

2. Ne officium deturpet; Eum enim, qui aliis præest, omni luce lucidiorem esse decet, & vitâ ita immaculatâ, ut omnes eum vitâq̃ ejus intueri possint, Chrysost. h. l. 3. Ne cuiquam sit offendiculo, Ecclesiæ probro, libiq̃ ipsi æterno exitio. Bene docendo & bene vivendo populum instruis, quomodo vivere debeat: Bene autem docendo & malè vivendo Deum instruis, quomodo te debeat condemnare. Chrysost. in Matth. hom. 43. Infinita sunt in hanc rem bene & scitè dicta, sed passim obvia. Vide D. Gerhard. §. 182. & 275. Rectè tamen observant, Patres non requiri Episcopum impeccabilem, ubi enim is inter homines? sed irreprehensibilem, & qui sit sine crimine. Crimen autem est grave peccatum

catum reprehensione & damnatione dignissimum juxta Augustin. &c. Caveat tamen etiam culpas quotidianas, quantum fieri potest; *Multa levia peccata unum grande efficiunt, ut gutta torrentem.* Isidor. l. 2. de S. Bono cap. 18. & a minimis incipiunt, qui in majora corrumpunt. Bernh. de ord. Vit. Vestis, quæ scindi cœperit, neglecta tota discinditur, & tectum paucularum tegularum casu contempto totam domum diruit. Chrysost. in 1. ad Corinth. hom. 8. Vitia in alto loco valdè turpia apparent, ut verru- cæ in naso. Et

Omne animi vitium tantò conspectius in se

Crimē habet, quāto major, qui peccat, habetur. &c.

Hinc quæri solet: 1. *An prolapsi aliquando in grave crimen Episcopatus præficiendi?* vide D. Gerh. §. 277. Saresberienſis locus lectu dignus est l. 7. Nug. Curial. cap. 19. pag. 411. 2. *An electio sorti sit committenda?* D. Gerhard. §. 117. & D. Broch- mand. de Minist. Eccl. casu Conſc. 10. Sors sæpè τὴς οὐδενὸς ἀξίας λόγῳ, nullâ re dignos profert, quod Thani homini agresti & imperito accidit, ut eventu fortis ad eum Summi Sacerdotis functio deducere- tur, Chrysost. hom. 2. in cap. 1. ad Ephes. & Egesigip. l. 4. Excid. c. 6.

2. **Unius uxoris Virum**; Controver- siam de Conjugio Sacerdotum movere, nec est hu- jus loci, nec mei ingenii. Egone post Lumina illa Ecclesiæ Catholicæ, post Chemnitium in Exam. Concil. Trident. post D. Gerhard. de Minist. Ec- cles. cap. 7. sect. 2. §. 330. post Dd. alios plurimos,

& adeò nuperos etiam Excellentiss. D. Dorscheum in Prælimin. Hodegetici Cathol. contra Kircherum §. 28. & seqq. & D. Hülsemann. in Manual. Aug. Confess. Disp. 21. in scenam prodirem? actum agerem? Paucula tamen pro instituto dicenda sunt. Ac I. Certum est utrinque, *præceptum* hoc de una Episcopi uxore *non esse positivum*, quasi omnem oporteat esse uxoratum, *sed negativum*, ut si habeat uxorem, unam tantum habeat. Uxorem habere permittit Apostolus, sed unam tantum habere præcipit. *Non enim hoc velut sanciens dicit, quasi non liceat absq; eo esse: Sed immoderationem prohibens*, ait Chrysostom. h. l. & contra Vigilantium probat Estius ibid. Dos hæc Episcopalis de habenda unica uxore à Paulo censetur non positiva, sed tantum negativa, ait hætenus bene Jul. Cæsl. Coturius in Epit. Controv. Demonstr. 10. cap. 3. II. Ex quo id quoque indubium fuit; non obstare conjugium Ministerio Sacro, posse eundem & maritum & Episcopum esse. Apostolus enim *vult*, ut ait Chrysostomus hom. 2. in cap. 1. ad Tit. *Ἐπιτοκίζειν hæreticos, qui nuptias damnant, docens, non esse eam rem turpem, sed adeò pretiosam, ut quis & cum illa possit ἔπι τὸν ἄγιον ἀναβαίνειν θεόν*, in sanctum hoc solium conscendere. Fatendum est, ait Estius, Apostolum permittere, ut in Episcopum eligatur, qui uxorem habeat. Fatemur primis Apostolicis temporibus viros conjugatos sæpiùs in Episcopos assumptos. Coturius l. cit. III. Consequens est; Cœlibatum sacris ordinibus non divino, sed Ecclesiastico

stico jure annexum fuisse. Bellarmin. l. i. de Cleric. cap. 18. & quos citavi: Quæ propositio sic ex Bellarmino est explicanda, ut liceat, & Conjugatos promoveri ad sacra ministeria, & promotis uxores ducere, & tam his quàm illis uxoribus suis uti maritorum more, de jure divino. Quæ quomodo confirmet Bellarminus ipse, quem recentiores sequuntur, vide sis l. cit. Quando autem cœperit jus Ecclesiasticum, quo auctore, & quibus rationibus? aliis dicendum relinquo. Chlichtovæus præceptum Ecclesiæ à Syricio Papa primùm editum docet apud Bellarmin. & Corn. à Lap. h. l. ait: Certè constat omnes & doctissimos Episcopos, qui à mille ducentis annis vixerunt fuisse cœlibes. Quod tamen falsum esse, tota Græca Ecclesia & Orientales reliquæ clamant. Sufficit, Cœlibatum Sacerdotalem non esse institutum Ecclesiæ Catholicæ, nam nec semper observatum ut lex Ecclesiastica, nec ab omnibus, cùm multi semper contradixerint, nec ubique, ut Oriens totus usque in hanc diem ostendit. Quod nervosè & breviter demonstrat Dn. D. Hülsemann, l. cit. Quæ ex h. l. cùm evidenter demonstrari possint, Conscientiæ satisfacere possunt, animumq; Piorum Ministrorum confirmare, quod Vita eorum Conjugalis Deo placeat, sacroq; ministerio nihil obstat. Nam quòd excipiunt Pontificii, permittere Apostolum, ut Conjugati eligantur in Episcopos, *si modò ab uxoribus se contineant, & si quis non nisi unam semel uxorem habuerit*, quâ tamen in sacro ministerio constitutus abstinere velit;

id ei nunquam in mentem venisse multis convincitur. Nam *de abstinentia* primò ab usu conjugii ubi verbulum ? nonne contrarium ex ipso verborum sono colligitur, *oportet Episcopum esse εἰρῆς*, non *ἡρώεα* unius uxoris Virum ? vide D. Gerhard. l. cit. sic Tit. I. ψ. 6. ait: *Si quis est unius uxoris Vir* ; ex quibus verbis Chrysostomus colligit contra hæreticos, nuptias esse rem sacram & *πράγμα ἡμίων*, cum quo etiam Episcopalis thronus conscendi possit. At in nuptiis non animorum conjunctionem, aut vitæ societatem, sed actum Conjugalem damnant hæretici. Nolo urgere Leges Apostoli de uxoribus & liberis Episcoporum. Si abstinentia Apostoli mandatum est, quomodo, quod præcepit Apostolus, relaxat Episcopus Romanus ? Nam Græcis usum uxorum, quas ante ordinationem duxerant, permisisse à multis jam seculis, dicitur à Bellarmin. l. cit. addito testimonio Gregorii permittentis idem Subdiaconis. Ergò etiam in præcepto Apostolico dispensare potest Pontifex Romanus ? Aut cùm *Continentem* jubet Paulus esse Episcopum, id non æquè juris divini est, quàm quæ connexa sunt, *benignum, sobrium, justum, sanctum esse* ? Quæ ad Cornelii à Lap. effugium annotare volui, cùm ait, Episcopum uxoratum abstinere debere, & esse ut non habentem uxorem : idq; ob excellentem Sacerdotii dignitatem, quæ puritatem Angelicam requirit, & ut totus Christo & Ecclesiæ vacet : undè, inquit, Apostolus ut Tit. I. ψ. 9. vult Episcopum esse continentem. Reliqua ex citatis Dd. petenda sunt.

sunt. De Monogamia & Polygamia verò quod dicunt, multò ineptius est. Dicit unus uxoris Virum, qui semel conjugium inierit, sive habeat adhuc uxorem, sive habuerit, quis Grammaticus, aut Jctus, aut Philosophus sine risu audiverit? Grammaticus nunquam concedet dici, unus uxoris Virum, nisi quamdiu habet unam tantum, tametsi mille aliàs habuerit. Jurisconsultus censet, Patrem trium liberorum esse eum, qui tres superstites habuerit, quamvis viginti antè habuerit. Philosophus ait, τὼν πλεόντων ἑκαστον ἑνὶ ἄλλῳ ὑποκείμενον, sublatò altero, alterum tolli. Ergò qui uxorem habuit, sublatà eà non modò non unus uxoris Vir, sed ne quidem uxoris Vir dicendus est. &c. D. Quistorpius h. l. Hoc itaque jubet Apostolus, ut Episcopatus non deferatur Viro conjugì, nisi juxta divinam ordinationem unam habeat conjugem uxorem. Tale enim connubium, & aliud nullum, honorabile in omnibus. Hebr. 13. 4. Excipit Estius: Nulla igitur ratio fuit, cur id peculiari præcepto Episcopis prohiberetur, quia nulli Christiano unquam licitum fuit, plures simul uxores habere. Resp. Eàdem ratione peculiari præcepto non erat Episcopis prohibenda ebrietas, turpis lucri cupiditas, &c. nam & hæc vitia nulli unquam Christiano licita fuere, quorum ne nomen quidem inter Christianos audiri voluit Paulus Ephes. 5. 3. Deindè causa fuit, cur peculiari præcepto prohibere voluerit, quam afferunt Chrysostomus, Theodoretus h. l. & Hieron. in Epist. ad Ocean. Quia olim Judæi & Græci consueverant cum duabus & tribus & pluribus
etiam

etiam uxoribus simul jungi &c. *Quin etiam nunc,* ait Theodoretus, *cum Leges Imperatoriae prohibeant, duas uxores simul ducere, rem habent cum concubinis & meretricibus.* Nam quòd Corn. à Lap. h. l. negat, Polygamiam viguisse illo tempore apud Judæos & Gentiles, cum Legibus Impp. abrogata fuerit, falsum ostendit disputatio Christi cum Pharisæis & Sadducæis habita, Matth. 19. 8. & 22. 25. & paucis indicat D. Hülseman. Disp. 12. l. c. p. 483. Verbo: *Polygamia* multis modis fieri potest; nam 1. *Legitima* & honesta est illa, quia mortuâ conjuge alia ducitur, eaq; abusivè Polygamia dicitur. 2. *Vitiosa* est, sed usitata tamen fuit & permessa Judæorum Romanorumq; Legibus, quâ repudiata uxore Vir aliam ducebat, aut repudiato Viro alium uxor, de qua Matth. 19. 9. & Marc. 10. 12. 3. *Vitiosior*, quâ simul plures ducebantur uxores, concessa tamen Lege & familiaris populo Judaico exemplo Patriarcharum ac Moſis, ut in multis uxoribus liberos spargerent, cujus etiam licentiæ Sacerdotibus patebat arbitrium, ut Hieronym. ait l. cit. Denique 4. *Vitiosissima* fit per adulterium, si quis præter unam uxorem concubinis & scortis misceatur. Ergò cum Apostolus vult, Episcopum esse unius uxoris Virum, h. l. & ad Tit. 1. 5. 6. cum Diaconissas *unius Viri uxores*, refutat omnes vitiosæ Polygamix species, vide 1. Tim. 5. 9. & ibi Cameronem in Myrothecio pag. 281. Plura non addo.

3. Vigilantem, *νηφάλιον*, sobrium corpore & mente, intentum undique in gregem suum sacrum,

crum, ut Speculatorem Domini decet, ut Ducem Copiarum Christi, quem noctu atque interdium lustrare exercitum oportet, omniumq; curam gerere & sollicitudinem, ut habet Chrysostomus h. l. *Ita Pastor adjungit noctes diebus, & totum sibi tempus denegat dormiendi, ne qua Lupis suffragante somno grassandi in gregem præbeatur occasio.* Chrysologus serm. 24. Hanc dotem Boni Episcopi significabant Ægyptii συμβολικῶς pictis Leonum capitibus ad templorum claustra, dormiunt enim Leones oculis apertis, & vigilant ferè clausis. Horus Apollo l. i. Hieroglyph. 19. Eodem spectant galli in templorum pinnis, de quo vide Alciati embl. 15. & Claud. Minoëm ibid. in Comm.

4. Temperantem; σωφρονα, moderatum, qui rébus omnibus prudenter uti & modum tenere sciat. *Est enim Temperantia μετεωρίτης τῆς ψυχῆς, animi moderatio, in iis, quæ naturâ in ipso sunt cupiditatibus & voluptatibus, teste Platone in definit. Vel est habitus, quo qui præditus est, eligit, quæ sunt eligenda, & cavet, quæ sunt cavenda.* Ibid. de quo & suprâ Medit. V. Gregor. Nyssenus de Virginit. ait, esse propriè omnium animi motuum bene constitutam quandam & cum Sapientia Prudentiaq; conjunctam moderationem: Quâ qui caret, quàm ille ab omni virtutum commercio absit, quis non videt?

Est modus in rebus, sunt certi deniq; fines,

Quos ultra citraq; nequit consistere rectum!

Ut verè dixerit Lucilius apud Lactant. l. 6. cap. 5.

Virtus quarendæ finem rei scire modumq;

5. Or.

5. Ornatum, *ῥέσμιον*, in externis bene compositum moribus, ut honestatem in gestu, in-
cessu, habituq; corporis toto præ se ferat. Ista enim,
qualis quisque sit, enunciant. Sir. 19. 26. *Speculum
cordis*, ait Cassiodorus in Variis, *hominum verba
sunt*. *Superbus etiam varicatis gressibus patet, ira-
cundus luminum fervore declaratur, subdolan terre-
num semper amat adspectum, leves inconstantia pro-
dit oculorum, avarus obuncis unguibus explanatur.*
Denique ut habet Latinus Pacatus in Panegyri. *Ita
intimos affectus mentis proditor vultus enunciat, ut
in speculo frontium imago extet animorum.* De ve-
stiti breviter Hieronymus ad Nepotian. *Ornatus
ut sordes pari modo fugienda sunt: quia alterum de-
licias, alterum gloriam redolet.* Quòd præmisit *Ve-
stes pullas, aequè de vita ut candidas*, quàm æquus fue-
rit Monachorum habitui, indicat, is enim id ævi vel
albus vel ater fuerat, & probatus ille magis, vide Sy-
nesium ad Joh. Epist. 147. Sapientioribus neuter,
eâdem ratione, quâ Vestem cilicinam *omnimodis
refutârunt*, ut de vanitate suspectam, quia omnibus
circumspectam, lege Cassianum l. r. de Cœnob. In-
stitut. cap. 3.

6. Hospitalem, qui miseros ope, quâ po-
test, sublevet, in primis exules propter Christum.
Meminit solius hospitalitatis, tum quia propter per-
secutiones crebra erant exilia, cùm quia *præcipua
virtus est hospitalitas*, ut docet de operibus miseri-
cordiæ acturus Lactantius l. 6. cap. 12. Deniq; Viris
Apo-

Apostolicis spiritualia inter infideles profeminantibus & ea de causa peregrinantibus, si non aliorum certè Episcopi fores patere debebant. Undè constat, hospitalitatem Episcopi non in eo sitam esse, ut lautè mensam instruat, eamq; semper expositam habeat divitibus ac nobilibus, aut improbis mēsarum affeclis, ut rectè scribit Estius h. l. *Episcopus nisi omnes receperit, inhumanus est*, Hieron. in c. i. ad T. t. Omnes, puta, qui opus habent. Sed de his videndus Lactant. l. c. *Neque nunc tibi suaderi putes, ut rem tuam minuas vel exhaustas; sed quæ in supervacua fueras impensurus, ad meliora convertas. Undè bestias emis, hinc captos redime: undè feras pascis, hinc pauperes ale: undè homines ad gladium comparas, hinc innocentes mortuos sepeli.* Ibid. &c.

7. Aptum ad docendum, qui non modò doctus sit, sed & qui velit ac possit alios docere. Proprietas hæc Episcopo vel maximè necessaria est, sed quam in eo cum cæteris virtutibus difficulter inveniri scribit Hieronymus, ut ait Estius, addit, quæri à multis: *Uter ad Episcopatum sit aptior, Theologus an Canonista?* & respondet, Theologus, de eo enim loqui Apostolum, & non respicere ad peritiam Canonum, qui tum vix ulli erant. Quæ ille effari timuit, Scioppius palàm enunciavit, de Scholar. & Studior. ratione: *Palàm est majorem eorum partem, qui hodiè vel maximis in Ecclesia dignitatibus præsunt, & unctissimis Episcopatibus atque Sacerdotis fruiuntur, quantulâcunq; juris ac legum notitiâ tinctos ad eos honores opesq; pervenisse: Cæterum Hebraicè,*

braicè, Gracè, ac Latine indoctissimos, tum sacram literarum non magis, quàm Scythici aut Japonici sermonis intelligentes esse. Quamvis enim S. Paulus eum, qui velit esse Episcopus, Doctorem esse jubeat, qui scilicet aut ab infantia sacras literas didicerit, aut saltem in lege Domini die ac nocte meditetur; tamen adeò res hodiè redit, ut qui Theologiae Doctor sit, vix nomen inter Episcopatum Candidatos profiteri audeat, solisq; Legum ab impiis & paganis latarum Doctoribus, ad Ecclesias aditus pateat. Hi scilicet sunt, quos Ecclesia sua Deus daturum se Jer. 3. sic promisit: Dabo vobis Pastores juxta cor meum: ipsi pascunt vos scientiâ & doctrinâ. Quis enim dubitet; quin id genus Doctores scientiâ ac doctrinâ Christi oves pascere noverint, cum Jurisprudèntia vel ipsorum prædicatione sit diuinarum atque humanarum rerum notitia? Sed si S. Paulum de iis percuncteris, aberit nō longè, nisi ego longè fallor, quin sua hac verba rectè in eos conferri respondeat: Volentes esse Legis Doctores, non intelligunt, quæ loquuntur, neque de quibus affirmant. Hæc Scioppius l. c. de Episcopis Romanis ingenuè, legi h. l. digna. Sicut Speculatoris est de loco editiore prospicere, & plus omnibus cōtemplari; ita Sacerdos debet esse præpositâ sublimitate celsior cunctis, & majoris scientiæ habere gratiam, quâ possit sub se viventes instruere. Prosper l. 1. de V. Cont. cap. 20. Qui corda hominum ad ædificium spirituale, quod ex virtutis animæ construitur, parant, suos auditores fidem & opera justitiæ docere sufficiant, dum ipsi prius sacris paginis edocti, diligenter

ligerenter quæ sit fides tenenda, quo virtutum calle incendendum, certâ definitione veritatis didicerunt. Nam frustra sibi officium Doctoris usurpat, qui dissertationem fidei Catholica ignorat. Neque Sanctuarium Domino, sed ruinam sibi adificant, qui docere alios regulam, quam ipsi non didicerunt, conantur: hæc Eucherius l. 3. Comm. in Reg. libb. Et pertinet huc Canon. Apostol. LVIII. Episcopus aut Presbyter, clerum aut populum negligens nec in pietate erudiens, deponatur. Nam quod ajunt, posse Episcopos prædicare per alium, ad id bene respondit ille, qui dixit: Qui per alium prædicat, habebit salutem vicariam, sed pœnam personariam, ibit in Gehennam per se, in Paradisum per alium: apud Mortonum de not. Eccl. Apolog. Catholic. l. 1. cap. 20.

8. Non Vinosum, non obnoxium Vino, Ambros. h. l. Nam

Ebrietas quid non designat?

Ebrietas fomentum libidinis, Ebrietas incentivum insania, Ebrietas venenum insipientia! Ambr. de Helia & jejunio. Turpe spectaculum ebrius, dirum Sacerdos! Sed si omnia huc velim congerere, quæ de Ebrietate, aliisq; vitiis sequentibus dici possent, Ilias mihi scribenda esset. Id repeto ex Hieronymo: Non confundant opera tua sermonem tuum: ne cum in Ecclesia loqueris, tacitus quilibet respondeat, cur ergo hæc, quæ dicis, ipse non facis? Delicatus Magister est, qui pleno ventre de jejuniis disputat. Accusare avaritiam & latro potest: Sacerdotis Christi os, mens, manusq; concordent. ad Nepotian. Quæ

H

sequun-

sequuntur, quoniam Ebrietatis fructus sunt, huc addo: Non percussorem, D. Lutherus cum Græcis & Hieronymo, de verberibus linguæ accepit, sein Bocher / *sævus & improbus objurgator* ne sit Episcopus, multò minùs *verberator*, ut habet Ambrosius: *Manus ejus non sit præcep̃s ad percutiendum.* Syrus. Sed æquum: qui mitis & modesti animi sit, qui de jure suo aliquid remittat, & quantum fas est, aliorum se moribus accommodet. *Est enim æquus ὁ ἐλαττωλὺς τῶν δικαίων τῶν καὶ νόμον, qui jus suum, quod secundum leges ei competit, remittit.* Aristot. Magnor. Moral. l. 2. c. 1. Non pugnacem, ἀμαχον, qui lites, rixas & pugnas oderit, paci studens & mansuetudinem colens. Hæc omnia faciliùs assequetur, qui Ebrietatem cavebit, quæ & in praelia trudit inermem. Nam, ut canit Manilius l. 5. Astron.

Ardescit vitio vitium, viresq; ministrat

Bacchus & in flamma sævas exsuscitat iras.

Undè Seneca: *ferè Vinolentiam crudelitas sequitur.* Epist. 83.

9. Non turpis lucri cupidum, quod ex Epistola ad Titum huc adjectum putat Estius & Cornelio à Lap. redundat, in Græcis autem constanter legitur; prohibet autem Apostolus Episcopo non modò fœdas, sed & omnes lucrosas negotiationes, ut ex Constitut. Saxon. docet D. Gerh. Ego ex P. Blesensis epist. ad Cleric. Negotiator. quæ est 17. inter opera ejus pag. 36. hæc adjicio:

1. Si tuæ professionis ordinem & gratiam divinæ vocationis attenderes, te potius lectione quàm negotiatione, artibus quàm mercibus occupares. 2. Periculosum est in Laico, sed perniciosum in Clerico, negotiationibus augere peculium, atque rerum ambitiosâ venalitate seipsum Diabolo venalem exponere. 3. Clericus, qui leviori comparat pretio, ut vendat cariùs, filius est avaritiæ, idololatra pecuniæ, servus mammonæ, & vendundatus sub peccato. 4. Das pro frumento vinum, pro vino equum, & sic sub colore permutationis aut dilationis obtentu recipis incrementum in bursa, detrimentum in anima, longè deterior Judæis, dum illi tantum alieno, tu verò alieno & proximo fœneraris. 5. Porro negotiationis crimen attenuas, &c. Quicquid proponas, unum denuncio tibi, quia negotiationem in tuæ salutis periculum convertisti. Negotiatorem clericum sacri canones exsecrantur. Sanè famam & animam perdis, ut perdenda lucreris. Hæc ille & alia plura. Et ut radicem mali præcideret Apostolus, addit quoque: Non Φιλάρηρον, argenti cupidum, quod quàm grave sit & noxium in hoc ordine, Giezi & Judas Proditor indicabunt. Quòd apud Saresberiensem l. 8. Policrat. cap. 23. ajunt Philosophi, nihil in rebus humanis utilius homine, & in ipsis hominibus Principe, Ecclesiastico vel Mundano, neminem utiliorem: De Ministro Ecclesiastico verum affirmo, nam Principem Ecclesia vera non novit, si modò absit Φιλάρηρεα & Lucricupido: Si adsit, nihil perniciosius, vide h. l. D. Quistorpium. Sed nemo sine obolo vaticinatur.

Phœbus gratis non edit oracula, ut habent proverb-
bia. *Morbo cupiditatis panem omnes laborant.* Remig.

10. Qui domui suæ bene præsit,
familiam bene regat & instituat. Hinc in Concil.
Carthag. 3. cap. 18. statuitur, ne quis Episcopus,
Presbyter, aut Diaconus ordinetur prius, quàm o-
mnes domesticos suos Christianos effecisset.
Qui liberos habeat subiectos cum omni
castitate; sic Vulgatus: *puritate*; Syrus: *revere-*
rentia; Erasmus: Græcavox h. l. σεμνότης patet ad
omnem morum gravitatem & honestatem; Estius:
quod addit, Apostolum non dicere: *facientem fi-*
lios, sed *habentem*, ne ad procreandum filios videat-
ur Episcopus invitari, ex Ambros. in Epist. ad Ver-
cell. Eccles. Si ita acceperit, quasi omninò procre-
are illi sit nefas, suprà explosum est. Licet enim &
uxore uti καλῶς, ἐν τοῖς βέλτοις. Nam ut Opes diffi-
cilter introducunt in regnum Cælorum, & sæpè tamen
opulenti ingressi sunt: Sic & Nuptiæ, ait h. l. Chry-
sostomus. Si autem quis potiora sectatus, & corpus
& animam suam Deo dicaverit, ne se copulet matri-
monio, tantò magis dignus fiet. Ambrosius h. l. quod
cum grano salis non diffitemur. Si quis autem
domui suæ præesse non novit, quomodo
Ecclesiam Dei curabit? Ευκολώτερον δὲ τῆς
οἰκίας ἀρχειν, Facilius verò est, regere familiam suam.
Chrysostom. Ergò tunc potest idoneus rector futu-
rus probari, si prius domum suam rectè gubernaverit.
Ambrosius. Secutus est Æschinem Apostolus, qui
contra

contra Timarchum ait: *Eum, qui propriam familiam male disponat, rem quoque publicam non melius ordinaturum præsumi.* [Id quoque obiter observa, domum concedi Episcopo, non palatium, familiam, non principatum. Scitè P. Blesens. in Canone Episcopali p. 542. *Animabus prælatus es, non corporibus. Nihil Prælato commune est cum Pilato. Christi Villicus es, & Vicarius Petri: nec te respondere oportet Cæsari, de commissa tibi jurisdictione, sed Christo.* Scribit ad Episcop. Wigorniens.] Ὁ πρὸς τὰ ἐνδόν πονηρὸς, οὐκ ἂν γένοιτο πρὸς τὰ ἔξω χρηστὸς, domi nequam foris bonus esse nequit, Themist. O-rat. 3. de Amicit.

II. Non neophytum, Neulſing / non de ætate accipi debet, quæ tamen etiam pensiculanda, nec juvenis tam gravi provinciæ destinandus, nisi animo senili. *Di avertant principes pueros, & Patres patriæ dici impuberes,* ait Nicomachus Consularis apud Vopiscum in Tacito. Cur non potius liceat optare: Deus avertat Episcopos pueros, & Patres Ecclesiæ dici impuberes ! Apud Hebræos lex est: *Etiamsi quis valdè doctus sit, neque tamen barba ejus plena, non est constituendus Magister, propter reverentiam Synagoge.* R. Moses Maimon. in Misna. Notum est apud Nævium interroganti, unde vestram Rempub. tantam amisistis tam citò ? Responsum: *Proveniebant Oratores novi, stulti, adolescentuli !* Sed de novitiolis fidei loquitur Apostolus, intelligens nō νεώτερον juvenem, sed νεοκατήχιστον, noviter in fide institutum. Chrysost. noviter ve-

nientem ad fidem, & novellam quasi plantationem. Ratio, cur rejiciatur: *Ne inflatus incidat in iudicium Diaboli.* *In arrogantiam incidunt, quæ est ruina Diaboli, qui in puncto horæ, necdum discipuli, sunt Magistri.* c. Prohibentur. Dist. 48. De Versione movet dubium Estius: *An vocabulum Diaboli sit proprium, an appellativum?* & affirmat contra Erasimum prius, ut sit; cum Diabolo incidere in pœnam superbiæ, incidere in iudicium Diaboli. Sequitur D. Quistorpius, in medio relinquit D. Gerhard. §. 183. Deindè quærit: *An non repugnet huic præcepto ordinatio Ambrosii & Nestarii?* Respondet id esse dispensabile, si absit periculum, quod metuit Apostolus, & cõparat cum illo, quod dixerat: *Oportet Episcopum esse unius uxoris Virum:* quod etiam putat ut per accidens requisitum, relaxari, & digamum ordinari posse. Sed cùm hoc posterius falsum esse ostenderim, sequitur, & prius negandum esse. Quid ergò? Ambrosius & Nestarius non fuerunt tales neophyti, ut qui jam multo tempore fuerant catechumeni & firmiter tenentes fidem Christianam, sed tantùm differebant, pro ejus temporis consuetudine, baptismum. Paulus autem loquitur de novitio rudi in fide, Ambrosius h. l. *de novello converso, & noviter ad fidem veniente.* Remig. *Ne qui heri erat catechumenus, hodiè fiat episcopus, qui heri erat in theatro, hodiè sedeat in Ecclesia, qui vespere erat in circo, hodiè ministret altario,* c. Prohibentur. Dist. cit. Verbo: ne quis fiat *Magister antequam discipulus,* Chrysost. h. l. *Quantum,*

quam, si vel maximè neophytus aliquando eligi posset, tamen verè digamus nunquam possit. Illud enim vetuit Apostolus *cum causa & conditionatè: ne inflatur. Ubi autem causa non haeret, vitium non imputatur*, ait Ambrosius apud Estium: Hoc simpliciter prohibuit, quia est contra Dei ordinationem.

Denique cùm *bonum Testimonium* quoque & quidem ab extraneis exigitur, ostenditur Episcopi non modò vitam, sed & famam inculpatam esse debere. Difficile quidem impetratu ab hostibus. Sed ἡ ἀλήθεια καὶ τὰς ἐχθροὺς ἑπισκεμίζει, *Veritas etiam hostibus os obstruit*. Chrysost. confer D. Gerhard. loc. cit. §. 93. Ego hîc subsisto.

MEDITATIO OCTAVA,

DE

VERBI DIVINI AUDITORIBUS.

Nota. Cùm triplex sit Auditoris Sacri officium, consistens 1. in auscultando. 2. in honorando. 3. in sustentando, vel ut nostri dicunt eleganti Paronomasiâ: hōren/ehren/neshren: tertium tantùm in Tabula Oeconomica Scripturæ testimoniis confirmatur. Ego singula ex suis ostendam sedibus. Est ergo Officium

I. Auscultare.

Quod plus est quàm audire simpliciter, ut Pacuvius

cuvius in Chryse indicat, dicens de Auguribus:
Magis audiendum quam auscultandum censeo.

TEXTUS, JAC. I. v. 21. *Quapropter depositâ omni immunditiâ & redundantîa malitiâ, cum mansuetudine recipite in se ipsum sermonem, qui potest salvas reddere animas vestras. v. 22. Sitis autem effectores sermonis & non auditores solum, fallentes vosmetipsos. v. 23. Quoniam si quis audiat sermonem nec eum factis exprimat, hic similis est viro consideranti faciem nativitatis suæ in speculo. v. 24. Consideravit enim seipsum & abiit, & continuò oblitus est, qualis esset. - v. 25. At qui prospexerit in Legem perfectam, quæ est Libertatis, & permanserit, hic, quum non sit auditor obliviosus, sed effector operis, beatus factus suo erit.*

EXORDIUM. Serapi Deorum apud Ægyptios maximo simulacrum addebatur animalis tricipitis, quòd caput habebat in medio Leonis, hinc verò & indè Canis atque Lupi, easq; formas in medio corporis Draco conjungebat volumine suo quasi cingulo. Macrobius. i. Saturn. c. 20. Egi de eo Symbolo pluribus in Silva Theologiæ Symbolicæ, Symb. XII. *Animal triceps* memoriam felicem, *Serpens vitæ* novitatem indicat. *Memoriæ felix* rapacita-

pacitatem Leoninam, tenacitatem Lupinam, fidelitatem Caninam requirit. Hæc duo Sapientiæ Candidato putabant inprimis necessaria.

Multa audire, audita tenere, retenta docere,

Hæc tria discipulum faciunt superare magistrū.

Non multò aliter S. Bernhardus: *Tria esse audientibus verbum necessaria, voluntatem audiendi, studium intelligendi, diligentiam retinendi.* Sed nos Apostolum audiamus, sed paucis, ne libellus enchiridii modulum excedat. Docet ille, quomodo deceat Christianos ad audiendum Verbum Dei accedere, & quomodo ab audiendo recedere?

I. De Christiano ad audiendum accessu.

Notanda est Apostoli informatio, & confirmatio, vel quid? & quare? faciendum doceat.

I. Quid? *Recipite insitum sermonem.* Docuerat antè, Verbum Veritatis esse causam conversionis & regenerationis nostræ instrumentalem, ψ. 18. Hinc ad audiendum exhortatus; *Omnis homo, inquit, velox sit ad audiendum, ψ. 19. Omnis homo, cujuscunque sexus sit. Quia -*

Communis virtus, commune periculum

Matribus atque Viris. Alcimus Avit ad Sor. cujuscunque ætatis, nam quod de Philosophia Epicurus ad Menæceum scripsit, hîc verissimum: ἔτε γὰρ ἄνευ τοῦ εἶναι, ἔτε παρὰ τοῦ εἶναι. &c. *Sit velox* non ad dicendum, ut in Ecclesiæ conventibus tum temporis quidam solebant, 1. Cor. 14. 29. quò respexisse

Apostolum putat Bened. Justinian. h. l. sed *ad audiendum*, non quidvis, nam ad impia aures ἀμφοτέρωδιν muniendæ, Sir. 28. 28. ut Xenocrates dixit, pueris convenire potius, quod Athletæ faciebant, munientes aures follibus, ne ad ictum paterent: Imò amputandæ prorsus ut Circassi Tartari in funere amicorum auriculam sibi præscindebant, aut partem ejus, testandi amoris gratiâ: Sed Verbum Veritatis. q. d. *Doctrinam Sapientiæ intento corde & quasi muto ore suscipias & diligenter in pectore tuo condens ad perficienda ea potius, quàm ad docenda festines.* Cassian. Collat. 14. cap. 9. *Quapropter*, pergit Apostolus, *recipite insitum sermonem*, λόγον, quo vocabulo non significatur Ratio naturalis discernens bona & mala, ut putavit Oecumen. non procul à Pelagianismo, ut judicat Bened. Justin. rectè; *neque* etiam ipse *Filius Dei*, vide Corn. à Lap. obliat enim connexio textus, nec ille vel in carnem nostram personaliter, vel in corda nostra spiritualiter insitus rectè dicitur. Non illud; quia caro in hypostasin Filii Dei assumpta est, sustentatur ab illo, & ut ex radice vim vivificandi, ac idiomata cætera accipit, ut divinos fructus edat: non hoc; quia nos inserimur Christo, Rom. 6. 5. & 11. 7. Ergò de *Verbo Veritatis* audibili sermonem pertexit. Vocat id ἐμφοτον, partim, ut distinguat à συμφύτῳ λόγῳ, à ratione congenita juxta Cajetan. partim, ut à Lege Veteri, de qua Jerem. 31. 31. juxta Capellum in Spicileg. h. l. inprimis propter efficaciam Verbi prædicati, quod quasi semen insititium est, *implantatum in natura nostra,*

nostra, ut habet Syrus; nempè gratiosâ Dei implantatione, ad perficiendam Spiritualem genituram, Tremell. h. l. scribit enim ad fideles, in quorum cordibus jam seminatum & insitum erat Apostolorum prædicatione Verbum Dei, quos hortatur ad ejus audiendi & suscipiendi assiduitatem, quò nimirum firmâ radice hæreat, fructumq; multiplicem referat. Estius h. l. Opponitur Verbo Dei supra Naturam à Deo cordibus insito ἐμφυτῶ κακία, quam Diabolus implantavit, Sap. 12. 10. Hanc *insitionem* recipere jubet, sic enim loquuntur Φυτοεργοί. Columell. l. 5. cap. 11. de arboribus, quæ patiuntur alienum sibi surculum infigi, eumq; in suam naturam adoptant, & quasi hospitem excipiunt. - *fac, ramum ramus adoptet.* Ovid. & Palladius:

*Cum præstet cunctis se fulva Cydonia pomis,
Asterius nullo creditur hospitio.*

Recipere autem 1. Continuatione attentionis, id enim propriè significat actum non inchoatum, sed continuatum. 2. *Cum mansuetudine*, quæ hîc opponitur vel impatientiæ, nam insitio non fit sine vulnere - *enodes trunci refecantur & aliè Finditur in solidum cuneis via* & c. vel duritiæ cordis, & contumaciæ actuali, nam insitionis lex est, *ne fissura in nodo fiat, repudiat quippè advenam inhospitalis duritia.* Plin. l. 17. c. 14. vel deniq; θογίσω & quasi turbini affectuum, tunc enim facîle recipitur,

Si mundi à strepitibus libera corda vacent.

Prosper in Epigramm. 3. *Deposita prius omni immunditiâ, πνεύματι*, quod alibi in Apostolicis literis
non

non reperitur, Estius: dicitur à $\rho\upsilon\pi$ &, quod Grammatici ajunt esse cutis illuviem, vide Etymol. M. Macarius hom. 13. Decet, inquit, eum, qui Dei amicus esse vult, custodire se ἀπὸ τῶ $\rho\upsilon\pi$ ς, à sordibus peccati: & *abundantia malitiæ*, mira hîc Interpp. discrepantia, sed in sirpo nodum. Hebraismus est, pro abundante malitia, quæ ut luxuriosa soboles passim annascitur nobis, & succum divini verbi intervertit, ut sine fructu depereat. vide Luc. 8. 7. 14. respicit Apostolus ad illam Legem insitionis: *Arboris insitæ sobolem & ramos uberiores præcidito, ne quid sit, quo possit succus evocari, aut ne cui magis quàm insito serviat.* Columell. l. 5. c. 11. hæc de informatione. Sequitur confirmatio II. Quare? Quia potest salvare animas vestras, salutem viæ & Patriæ, hîc in regeneratione & renovatione inchoatam, illic in glorificatione perfectam largiri, sic Rom. 1. 16. De priore tamen præcipuè loqui puto Apostolum, & respicere ad miracula insitionis, quale est, quod malo insitâ, juxta Palladium.

Pro sudibus factis & pro pregnantibus armis

Castaneæ fulvum dant nova mala decus.

Sic Plinius refert, se vidisse arborem insitam, omni pomorum genere onustam, l. 17. c. 16. & similem Bapt. Porta l. 2. Mag. Nat. horti delicias vocatam. Confer Esai. 61. 3. & Philipp. 1. 9. 11.

Uusus potissimus 1. Refutatorius, Swenkfeldii, Weigeli, Rathmanni &c. Verbi prædicati efficaci in negantium. Sic Paës h. l. ait Verbo au-

bo audito salvationem tribui non effectivè, sed dispositivè, & queritur Justinian. §. II. nos Verbi Dei prædicationi plus æquo tribuere. Refutat ex h. l. errorem D. Thummius in Brevi Confid. III. qq. & observa 1. ἐμφύτων nomen esse, non participium. 2. tribui id nomen verbo prædicato & audibili, ψ. 19. 22. 3. de q; eo prædicari hinc effectum Salvationis, animarum, id est, regenerationis, ψ. 18. quam Salus consummata, quæ & corporum est, sequitur. Plura hæ angustia, in quas me ex instituto indui, non sinunt. 2. Exhortatorius, ut ad audiendum salvificum Dei Verbum non dignè præparemus. Quod fit, si 1. in Templum adferamus *Famem sanctam*, Psalm. 27. 4. & 42. 1. & 84. 1. & 122. 1. Matth. 5. 6. Nam *quemadmodum esurire bonam corporis valetudinem indicat: Sic sermones appetere spirituales animæ sanitatem arguit*, ait Chrysost. hom. 2. in Esai. at sine isto appetitu quicquid ingeritur, non digeritur. *Nihil profit offerre pabula recusanti, & potum porrigere minimè sitiēti.* Ambros. serm. 81. de defect. Lunæ. 2. *Animum quietum & compositum, ne sit similis diversorio, quod omnes hospites admittit. Qui Deum loquentem audire volunt, aurem dextram aperiant, sinistram claudant*, juxta vetus dictum Hebræorum, apud Philon. in antiq. Bibl. *Voci Dei si preparas aurem interiorem, fuge curam exteriorem*, ait Bernhard. Epist. 107. *Adoraturi sedeant!* ait Pythagoras, quod in omni divino cultu necessarium est observatu. 3. *Cor mundum*, ne in immundo balsamum cœle-

cœleste pereat. *Facilius enim quam vis odoratissimam myrrham semel horrendis imbuta fœtoribus testa contamineat, quam ut aliquid ex eo suavitatis aut gratiæ ipsa concipiat: quia citius munda corrumpuntur, quam corrupta mundantur.* Cassian. Collat. 14. c. 14. Id olim monebant in Templorum vestibulis suspensi canthari, ministra, ut ait Paulinus Epist. 33. manibus fluentia ructantes. *Nam quæ ratio est, manibus quidem ablutis, sed spiritu sordidato orare?* ait Tertull. de Orat. c. 11. Ita hîc. Hinc vetus apud Gruterum inscriptio ejusmodi labri, eaq; retrograda: *νίψον ἀνομήματα, μὴ μόναν ὄψιν*, q. d. *Fedam animi faciem dilue, non faciem.* Et Ennodius de cantharo tali:

Unda lavat carnis maculas, sed crimina purgat

Purificatq; animas mundior amne fides.

Ita qui vindemiam colligit, vasa prius, quibus vinum infundat, mundare consuevit, ne sors aliqua vini gratiam decoloret, &c. Ambrosius l. 4. Hexaëm. cap. 1. 4. *Fidem, ut promptè obediamus. Audaciam existimo de Bono præcepti divini disputare.* Tertull. de Pœnit. non tamen sine discretionem fideli, 1. Joh. 4. 1. &c. *Obsequium ratione calens fervor est, furor est, quod ratione non frenatur.* Chrysolog. serm. 190. *Efficiamur secundum Domini præceptum probabiles trapezitæ: quomodo? ne auro purissimo scripturarum prava interpretatio coaptata, metalli pretiositate nos fallat.* Cassian. Collat. 1. cap. 20. 5. *Patientiam; nam uti sal carnes cohibet, nec verminare sinit; ita doctrina, si mordax sit, non sinit cordi carnali*

nali innasce τὸν ἀγρίοντον σπῶληκα. Theophyl. cap. 9. Marc. v. 40. Venuit P. Damianus: Impatientibus correptiones quasi gladii sunt; sed si volunt, ut hi gladii vertantur in falces, hirsuta vitiorum suorum dumeta, quibus horrent, permittent in messes. 6. Attentionem; Quid enim si legatio à Rege aut à Judicibus ad nos veniret? ait Augustin. de salutar. docum. c. 9. Quanta est hac injuria & quam graviter vindicanda, cum vilissimus vermis clamantem ad se audire dedignatur Creatorem universitatis? Bernhard. serm. de 7. Spirit. 7. Prudentem applicationem, ut quicquid dicitur, sibi dici quisque statuatur. Nullos enim sic interdum audientes invenies, ac si nihil omnino ad eos pertineant, quæ dicuntur; non intrare cor suum, non discutere mores suos, non cogitare, ne forte quod audiunt, dictura sit propter eos: &c. In his ergo salutis signa non video, ait Bernh. serm. 28. in Cant. Sed progrediendum est, & dicendum

2. De Christiano ab audiendo recessu.

Ubi in verbis Apostoli occurrit 1. Exhortatio. 2. Ratio. 3. Illustratio 4. Amplificatio. Exhortatio. Estote autem factores sermonis & non auditores solum. Qui pecuniam à Doctore percepit emitque credendo, necesse est, eam cum usuris solvat operando, ut quod auditu didicit, exsequatur & actu. Beda in c. 19. Lucae. Sic Ariston bene dixit: Neque balnei ullam esse utilitatem, neque orationis, unde non prodeas mundior. Et Chrysostomus

ſostomus ait: Sicut qui pratum tranſit, flōrem accipit; qui horum præterit, fructum aliquem colligit; qui à convivio ſurgit, apophoreta filioliſ domū reportat: Sic ſemper ex concione aliquid animæ ſuæ domum referendum eſſe. Vide Plutarchi Libell. de Auditione. Theologia noſtra non Speculativa, ſed Practica eſt. D: Meiſner. p. 3. Phil. Sobr. cap. 2. q. 1. & D. Gerhard. in Exeg. de Theologia, &c. Ratio. Quia hypocritæ *fallunt ſemetipſos*, paralogiſmo admodum pudendo, Metaphora à calculato-ribus, vide Ariſtot. 1. Topicor. cap. 1. Quomodo? quia *fidem ſolam credunt ſufficere ad ſalutē*, ait Corn. à Lap. *quod eſt ſophiſma Diaboli*: & Paës nos eam ob rem Simonianis & Eunomianis annumerat. Dura, ſed obtuſa, & hīc non reſellenda. Meliùs Bened. Juſtinian. de iis loqui S. Jacobum, *qui falſā ſupputatione mereri ſe putant vitam beatam, quā ſunt prorſus indigni*. Propriè, fallunt ſe, qui audiunt Verbum Dei ſine emendatione, quia inutilem ſumunt operam, ut habet Eſtius, de qua tamen magnificè ſentiunt. Id ſentire eum, oſtendit Illuſtratio à ſimili: *Quoniam hic auditor tantū ſimilis eſt Viro*. Quid Viro cum ſpeculo? cum *re* *ſcæminarum*? ut vocat Phædrus fab. 47. Nam *ad ſpeculum comi*, propriè *paſſio eſt inſania ſcæminarum eſt*. Hieron. in c. 1. Sophon. Reſp. vel reprehendi quorundam Virorum nimium ſtudioſum exornandi ſe, de quo Seneca l. 1. qq. Nat. c. 17. Apulejuſ in Apolog. & refert R. Abraham, moris fuiſſe apud Judæos, ut quotidie manè faciem decorarent & tia-
ram

ram aptarent ad speculum æneum. Vatablus in Exod. 38. 8. vel ideò de Viris dici, quòd illi non nisi ut Canis Niloticus, qui obiter in fuga tantum

Lympharum in speculo vidit simulacrum suum,
specula inspiciunt : vel potius Viro per Hebraismum idem esse, quod cuidam, ut Joël. 2. 7. de quo in Comm. dixi. *Consideranti* perfunctoriè *vultum* *nativitatis*, id est, nativum suum, *in speculo* : *Consideravit enim & abiit*, nullâq; impensâ formæ suæ curâ illicò *oblitus est* : Non quidem quia imago in speculo & falsa est, nam quæ dextra sunt, ostendit sinistra, & contrâ, atque ita

Apparet mendax illimi fonte figurâ;
& imbecilla ad faciendam in animo impressionem, quia habet esse debile & intentionale potius, quàm reale, ut aliqui interpretantur : Sed propter suam negligentiam & vecordiam. Ergò ut ejusmodi spectator seipsum fallit, & frustrâ speculum inspicit : Ita hîc.

Nam nimis à sensu doctrinæ devius errat,

Qui, quæ curavit scire, fugit facere.

Prosper in Epigramm. Sic Oecum. & P. Blesens. serm. 51. & c. Superest Amplificatio à contrario. *At qui prospexerit, ó ωδυνύψας*, inclinato corpore quasi, ut qui in udo speculo se vidit - *Cum placidum ventis staret mare*, est enim tranquillum speculo simile, ut Lucian. in Alcyone, cum voluptate & perseverantia versatus in Lege Domini. Psalm. 1. 1. 2. qui prospexerit cum studio in Legem Christi perfectam, quæ est Lex non servitutis, sed

libertatis, perfecta tum ratione effecti, quia nos perficit per fidem iustificando, quod Legi Moſis non erat poſſibile. Hebr. 7. 18. 19. *Nam ut umbra ſanare nequit: ita & Vetus Lex vulnera & morbos animi curare non potuit, neque enim vitam habebat.* Macarius hom. 32. cū ratione adjuncti, quia perfecit eam Chriſtus, non nova Præcepta accumulando, ut volunt Photiniani & alii, ſed partim obſcura interpretando, partim promiſſa repræſentando, vide D. Gerhard. de Evang. c. 14. Libertatis verò, quia veram libertatem à iugo Legis tribuit & à dominio peccati ac mortis, Rom. 8. 2. *Et permanserit, factis expreſſerit, obedierit, Deut. 27. 26. non abierit ſine fructu; hic, ſcilicet, qui non eſt auditor oblivioniſ, Hebraiſmus, id eſt, obliſioſus, ſed effector operis, beatus erit in facto ſuo, in eo, quod facit.* Ubi Notandus 1. Uſus. 2. Abuſus.

Uſus Dehortatorius, ne Verbum Dei audiamus ſine fructu. Eſt enim quaſi *ſpeculum* 1. *Perſectiſſimum*, non quale illud Heræ Megapolitanæ, in quo ſola viſebantur Deorum ſimulacra, de quo & aliis hîc non iteranda dixi in Symbol. Silvâ 1. num. 133. & ſeqq. Sed in quo & Deus & noſtra facies appareat perfectiſſimè. Facies naturæ noſtræ per creationem inſtitutæ, per lapſum deſtitutæ, per gratiam reſtitutæ, vide h. l. Oecumen. *Scriptura Sacra mentis oculis quaſi quoddam ſpeculum opponitur, ut interna noſtra facies in ipſa videatur: ibi enim fœda, ubi pulchra noſtra cognoscimus &c.*

Gre-

Gregor. M. l. 2. Moral. cap. 1. 2. *Clarissimum*, quia ut de speculo habet Symphosius in ænig. m.

Fulgor inest intus radianti luce coruscus.

Artifex misericordia Dei splendidissimum in mandatis suis condidit speculum, in quo homo suæ mentis faciem inspiceret, & quàm conformis imagini Dei, aut quàm dissimilis esset, agnosceret. Leo M. de quadrag. serm. 11. 3. *Purissimum* & prorsus argenteum, Psalm. 12. 7. nam nulla menstrua hebetârunt, nulli dentes virulenti. Plin. l. 33. c. 9. & l. 7. c. 15. & 11. c. 37. 4. *Verissimum*, speculum non mentitur: Proverbium est apud Tertull. de hab. mul. & Petron. in Satyr. *Ita speculum veritatis nemini blanditur, nullum seducit.* Bernhard. serm. 1. de 7. panib. Denique 5. *Efficacissimum*, corda nostra succendens, ut solent ustoria specula, Luc. 24. 32. Jerem. 23. 29. videri plura poterunt in Symbol. cit. confer Eberhard. à Weyhe de Speculo. *Ergo ut re divinâ Lectione vice speculi, fœda corrigendo, pulchra conservando &c.* Hieron. ad Demetriad. Ne sis ut Simia, quæ speculum frangit eiq; irascitur, aut ut Camelus, qui pede turbat limpidam aquam, ne se videat. Peribit Basiliscus ille tuæ improbitatis, si se sæpè conspexerit, &c.

Abusus, nam Jesuitæ Interpretes, in primis Estius sequutus Bellarmin. l. 4. de Justif. cap. 7. colligunt hinc, renatos bonis operibus justificari, nam & Paulus Beatitudinem aut Beatificationem vocat Justificationem, Rom. 4. v. 6. & hanc, ait S. Jacobus, nos consequi ex bona operatione, scil.

Legis exsequutione per opera. Resp. 1. *per Instanciam*, si de ea beatificatione sermo hîc fit, de qua Rom. 4. v. 6. falsum eam per opera contingere ulli posse, contrarium docet S. Paulus. 2. Ergò *distingue* Beatitudinis *subjectum à causa*, hanc describit S. Paulus, istud S. Jacobus, sic Hemming. h. l. ut & Winkelmann. D. Gerhard. de Bon. Oper. cap. 9. & §. 59. in primis. 3. *vel distinguenda est prosperitas* in omni incepto promissa Verbum Dei diligentibus, Psalm. 1. 3. à *Beatitudine*, & de illa loqui putat Jacobum, ac idem dicere cum Davide Ludov. Capell. in Spicileg. 4. *de Lege Mosaica* loquitur Apostolus, dictum hoc est Legale & hypotheticum nihil ponens inesse, quale illud Rom. 2. v. 13. & Luc. 10. 28. quæ ad solam operariorum gloriationem retundendam dicta sunt. Sic Piscator, &c. Si *de Lege Evangelii*, quæ verior & communior explicatio est, *minoris* Evangelii non consistit in exsequutione Legis, sed in apprehensione oblata salutis, per fidem & non per opera, Rom. 1. 17. 18. Galat. 3. 11. 12. Ephes. 2. 8. Verbo: Idem ait S. Jacobus, quod scriptura passim, ut Luc. 11. 28. & 1. Joh. 2. 4. 5. quem locum Paës & Justinianus cum hoc comparant. Ea autem merito obedientiæ nostræ nunquam dicit quenquam justificari, aut propter Verbum Dei salutariter auditum & custoditum beatificari, sed audientes & obedientes prædicat beatos 1. Quia Verbum Dei Salutis medium, & Divinus ordo est, beneplacitum Dei, salvare, qui rectè audiunt, Rom. 1. 16. 1, Cor, 1. 21. 2. Quia

eos beatos & Dei filios esse hoc pacto apparet, 1. Joh. 2. 3. 5. ita Sapient. 6. 11. *Qui custodierint justa, justè justificabuntur*, declaratione Justitiæ per ultimam Dei sententiam, quâ Justitia eorum coram Mundo manifestabitur. Ita Lorinus ibi pag. 166. Pergo ad officium

II. quod est Honorare, & III. quod Sustentare.

Conjungo non sine ratione, quæ sequetur. Fundamentum Officii pono in Loco illo Apostolico:

TEXT. 1. Tim. 5. v. 17. *Qui bene præsunt Presbyteri, duplici honore digni habeantur: maximè qui laborant in Verbo & Doctrina. v. 18. Dicit enim Scriptura: non infranabis os bovi trituranti; & dignus est operarius mercede suâ.*

Sensus. Habemus hîc Præceptum, & Præcepti rationem. De Præcepto: Subjectum sunt *Presbyteri*, Seniores, non ætate, sed dignitate, vide de Nomine hoc D. Gerhard. de Minist. Eccl. §. 28. *qui bene præsunt*, *οὐδὲς ὄντες*, non *αὐτοκρατορικοῦς*, dominantes in Clerum, 1. Pet. 5. 3. Sed *ἀγγελικῶς*, gubernantes Ecclesiam, verbo & exemplo, & potestate ministeriali, qui expressè Diaconia vocatur, ac Dominatui opponitur Luc. 22. 26. 1. Cor. 3. 5. quod contra Pontificiorum *Παπποκρατορείαν* notandum, vide D. Gerhard. l. cit. §. 202. &

Mehlfürer. Disputat. 5. in hanc Epist. thes. 84. *maximè qui laborant in sermone & doctrina*: Ergò non omnes laborabant in verbo & doctrina. Ergò verus Pastor esse potest, qui per se ad docendum parum idoneus, tamen hoc ministerium verbi per alios competenter & sufficienter exercet. Ita Stapletonus de Eccles. q. 4. art. 1. apud Mehlfür. l. cit. thes. 42. Resp. breviter, quoad rem ipsam remittimus Stapletonum in cap. 3. hujus 1. ad Timoth. ubi, ut dixi meditatione præcedenti, Apostolus jubet Episcopum constitui *διδακτικόν*, qui potens sit in doctrina sana, &c. Tit. 1. v. 9. undè Estius h. l. *De Episcopis intelligi posse non existimo*: nempè dignos esse honore duplici, qui non laborant in verbo. Quid ita? Quia non credo permisisse Apostolum Timotheo, ut assumeret Episcopum non Doctorem, cui præscripsit regulam assumendi Episcopi, in qua dicitur, quòd oporteat eum esse Doctorem. Ergò cum ait h. l. Apostolus; Presbyteros honorandos, qui bene præsunt, maximè qui laborant in verbo, Chrysostomo hom. 15. in h. l. non discrimen Presbyterorum ponere, sed officium describere, & causam honoris asferre videtur, quia *πελὺν πόνον ὑπομένοντες*, multum laborem sustinent, cum alii ignava pecora & fuci nullas nec vigilias nec curas habeant, & *ἐν ἀδείᾳ καὶ ἀμελείᾳ* quieti sedeant, quod certè de veris veræ Ecclesiæ Presbyteris dici non potest. Addit alia multa, quæ ostendunt, eum sensisse, omnes Presbyteros, vel, ut ait, *πρεσβυτέρους*, laborare debere in Verbo & Doctores esse, quo sine multa

in Ecclesiis perire, necesse sit. Nec sufficere, ut quis doceat vitæ exemplo: Opus enim est doctrinâ quoq; verborum. Nam ubi de dogmatibus sermo est, vita nullam persuadendi vim habet. Verbo: Nisi quis fuerit bos triturans ac contra gelu & spinas jugum trahens, non est dignus. Hæc ille &c. Nota tamen ex Estio h. l. 1. Sub nomine Presbyterorum h. l. etiam Episcopos comprehendi. 2. Præesse Ecclesiæ commune munus esse. 3. Præcipuum autem Episcoporum prædicationi Evangelicæ diligenter incumbere, id est, ut ait Apostolus, laborare in verbo &c. 4. Præter Episcopos - Doctores fuisse Apostolorum tempore quosdam Presbyteros, qui bene præessent, nec tamen laborarent in verbo & doctrina. Hæc omnia nostri concedunt, vide DD. Gerhard. l. c. & Quistorp. in h. l. ut & Mehlfür. l. c. Tantum de officio proprio lis est, & de ordine. De hoc quidem: *An Laici, a ritu Ecclesiastico ordinati fuerint?* at de illo; *An cum Episcopis Ecclesiam gubernârint*, ut Consilarii? *an Sacramentorum tantum ministerio vacârint*, ut administrari? vid. Actor. 10. 48. & 1. Cor. 1. 14. 15. *An moribus & disciplina Ecclesiastica præfuerint*, ut Censores & Iudices? Sed de his videndus est D. Gerhard. in Dedicat. Tom. VII. de Conjugio, ubi de statu Canonico agitur. Ambrosius h. l. in 1. cap. 5. hæc annotat: *Apud omnes utiq; gentes honorabilis est senectus, unde & Synagoga & postea Ecclesia Seniores habuit, quorum sine consilio nihil agebatur in Ecclesia. Quod quâ negligentia obsole-*

verit, nescio, nisi fortè Doctorem desidiâ, aut magis superbiâ, dum soli volunt aliquid videri. Prædicatum: Duplici honore digni habeantur. Boni dispensatores & fideles, non solum honore sublimi debent digni judicari, sed & terreno, ut non contristentur indigentia sumptuum, sed magis gaudeant fide suâ & doctrinâ. Instantior enim fit, si non humilietur inopiâ, & crescit in illo authoritas, cum videt se etiam in presenti laboris subfructum percipere, non ut abundet, sed ut non desit. Ambros. h. l. Duplicem honorem alii quoque interpretantur externum subsidii, & internum reverentiæ; alii comparatè loqui putant Apostolum, respectu viduarum. Optimè Theodoretus: Duplici honore posuit pro ampliori. Hic enim vocabuli usus est 2. Reg. 2. 9. Esai. 40. 2. & 61. 7. Zach. 9. 12. Jerem. 16. 17. &c. Meminit hujus explicationis etiam Chrysost. duplum pro multo positum: Sed ex ratione addita Præcepto rectè idem collegit, honorem hîc propriè esse τὴν τῶν ἀναγκαιῶν χορηγίαν, necessariorum præbitionem, undè & Doctorem stipendia, quia in testimonium honoris conferuntur, honoraria dicta sunt.

Præcepti ratio, alia implicite tenetur in Præcepta, honorandi enim pii Pastores & Presbyteri, quia bene præsunt, ut fideles Oeconomi in domo Dei, vide D. Gerhard. de Ministr. §. 32. & quia arduum laborem sustinent. & γὰρ οὐκ ἔστιν ἄλλος πόνος πῦρ, non enim non est alius talis labor! Chry-

Chrysostom. Verè dixit, qui dixit : Labores esse maximos militantium, parturientium, docentium. Alia expressè additur à testimonio Scripturæ i. Veteris Testam. *Non infranabis, non alligabis capistro, bovem triturantem.* Sic Ambros. nam OS redundat in Vulgat. Præcepti summa est : Bovi, dum pro Palæstinorum more trituram facit, os non esse obligandum, ne spicas aliquas possit decerpere, eò quòd æquum sit, quemq; laborum suorum frui emolumento. Ampliant Hebræi & ad omnia animalia extendunt; quorum adjumento homines sibi cibum comparant, Münster. & Fagius ibid. in Deut. 25. 4. Habiti sunt bovi aratori honores & alibi gentium, Legesq; de iis latæ, quas instituto nostro liceret applicare. Solonis Lege eum, qui aratrum aut plaustrum traxisset, ne quidem immolari fas erat. Ælian. l. 5. Var. Hist. In Buphoniis actio homicidii instituebatur adversus securim, quâ Deo Poleo bos mactabatur, & oportebat eo cæso Sacerdotem aufugere. Nicol. Leonic. l. 2. Var. Histor. c. 30. &c. Constitutio Constantini Imp. vetat pignori capere, aut abstrahere ad cursum publicum deficientibus ordinariis, Cujacius, l. 4. Observ. c. 20. Quid nos ergò? Verbi Divini Ministris quos honores habebimus? injurias illatas non ulciscemur? ab oneribus publicis non immunes esse jubebimus? at in Argo navi cum sociis aureum vellus petiturus non

- - *transstris impeditur Orpheus,*
Aut Pontum remo subigit - Sic Jason

I 5

Donat

Donat & Iphiclo pelagus, juvenumq; labores :
Quem socium assumpserat jam annis gravem
Non operum in pariem, manitus sed iradat ut
acreis

Magnorumq; Viros, qui laudibus urat avorum:
 apud Valer. Flacc. l. 1. v. 471. Sed pergo ad Testi-
 monium, quod adducit Apostolus ex Scriptura
 2. Novi Testam. *Dignus est operarius mercede sua.*
 Verba sunt Christi, ait Chrysostom. adducta ex No-
 va Lege, Theodoret. Negat Estius: Non est verissi-
 mile, Paulum aliquid ex Evangelio Lucæ discipuli
 sui citasse; præsertim cum id tunc nondum scrip-
 tum fuisse videatur. Resp. potuit citare ex Mat-
 thæo, ubi eadem sententia, sed de Lucæ Evangelio
 quando scriptum sit? & an dictante Paulo? viden-
 di Comment. in Eund. vel solus Barrad. Tom. 1.
 lib. 1. cap. 20. vide Matth. 10. v. 10. & Luc. 10. 7.
 ubi vetuit Dominus, Apostolos suos ferre saccu-
 lum, peram, aut caleamenta: *Non quod necessaria*
non sint sustentationi hujus vite, sed quia sic eos mitte-
bat, ut eis hæc deberi demonstraret ab illis ipsis, quibus
Evangelium credentibus annuntiarent. August. l. 2.
 de Consens. Evang. cap. 30. Est autem dictum
 proverbiale, cujus æquitatem dicat sensus commu-
 nis. Sic Græci dicunt: *Canem dignum esse pabulo.*
 Suidas & Euripides in Rheso: *τοῦτον δ' ἄξιον μισθόν*
Φίγειν, Laborantem æquum est ferre mercedem. Se-
 dulitas, qua non compensatur, onerosa est, Symmach.
 l. 1. Epist. 3. & si tollantur Virtutis premia, quem la-
 borasse non pigeat? Ennod. in Epist.

Ulus:

Usus: Disce, quem honorem debeamus Ecclesiæ Pastoribus? Internum Cordis & externum Oris ac Operis. Cordis. Audi Apostolum: *Rogamus vos fratres; Rogat vos Apostolus Domini, rogat Dominus per eum ipse, 2. Cor. 5. 20. & 13. 3. ut noveritis, affectu & effectu, ut diligatis, honoretis, & necessaria subministratis*, Remigius h. l. *qui laborant inter vos, & præsent vobis Domino, & monent vos*, quot verba, tot argumenta, notandum inprimis illud: *Qui monent*, id enim etsi necessarium, plerunque tamen ingratum,

Amicum castigare ob meritam noxiam

Immune est facinus, verum in ætate utile.

Plaut. in Trinum. Ergò ut *Medici Aëgris, ut Severi Patres Liberis sæpè Dogliuè, molesti; sic Doctores & multò magis*. Chrysost. hom. 10. in h. l. *ut habeatis illos abundantius in Charitate*, ut summum illis honorem habeatis in Charitate, legit Ambrosius h. l. *propter opus illorum. Pacem habete cum eis. Per eos enim generati estis generatione aternâ: Per eos regnum estis assecuti. Per manus eorum sunt omnia. Per eos vobis porta cœlestes aperiuntur. Nemo rebellet, nemo contendat. Qui Christum diligit, qualiscunque sit Sacerdos, dilige illum, quoniam per illum tremenda percepit Sacramenta*. Chrysost. l. cit. addit alia pulcherrima & illud quoque: *Si diligis Christum, si diligis regnum Cœlorum, agnosce, per quos acciperis*. Hæc Paulus 1. Thess. 5. v. 12. Idem ad Hebræos cap. 13. v. 17. ait: *Obedite prepositis vestris*
& sub

& subjacete, cedit, locum date, submitte vos, eis: Ergò, inquit Estius, Ecclesiarum Prælati habent potestatem præcipiendi, ac Leges ferendi, quibus obedire teneantur eorum subditi. Resp. cum Calvino, quem ille exagitandum suscepit, obedire esse piorum Episcoporum doctrinam obedienter amplecti. Sic enim S. Prosper: *Doctoribus suis debent obedire, qui audiunt, atque eis cum reverentia esse subiecti. Quod faciunt illi, qui castigati libenter accipiunt, nec increpantibus contradicunt.* l. 2. de Vit. cont. cap. 3. Itaque hic locus nec Tyrannidem conscientiarum Prælati permittit, nec populo cæcam obedientiam imponit. Hinc S. Chrysost. h. l. ad quæstionem: An & Malis Præpositis obediendum sit? *Malus, inquit, quomodo dicis? Si respectu fidei; fuge & de vita, non solum si homo sit, sed & si Angelus è cælo descendens: Sin respectu vitæ; nimis curiosus ne sis, hom. 34.* Similia h. l. Theophylact. Remigius &c. Sequitur ratio: *Ipsi enim pervigilant, quasi rationem pro animabus vestris reddituri: ubi nota Officium & Periculum! illud faciunt, cum tam in suis actionibus quàm in predicationibus vigilantes sollicitè hostis antiqui rimantur insidias, ne quem, velut dormiente Pastore, Lupus Diabolus astutâ fraude subripiat, &c.* Prosper l. c. De hoc verò Chrysostomus: *Βαβαί τίς σὺ ὁ κίνδυνος;* *Papa quantum periculum! Quid miseris illis dixeris, qui se conjiciunt in tantam suppliciorum abyssum? Omnium, quos regis, mulierum & virorum & puerorum reddenda à te ratio est:*
Tanto

Tanto igni caput subjicis! Miror, an fieri possit, ut aliquis Rectorum salvetur? Hæc ille. Ut cum gaudio hoc faciant, cum lætitiâ & hilari mente curam vestri gerant, quoniam plerunq; mala conversatio & inobedientia subjectorum ad amaritudinem provocant animos prælatorum. Remig. h. l. & non gementes, hoc enim non expedit vobis, quare? ὁ γὰρ στεναγμὸς πᾶσις αἰνῶνς χεῖρων, gemitus iste omni pœnâ gravior est. Chrysost. h. l. Ex his liquet, debere auditores suis Doctoribus Cordis 1. Amorem, Par est enim, ut discentes veros Doctores & ament cen Patres, & timeant cen Rectores; ita ut neque metus amore solvatur, neque amor metu obscuretur. Isidorus Pelus. l. 2. Epist. 26. 2. Obedientiam, hoc enim & Aristotelicum illud exigit: Δεῖ τὸν μαθητὰν τῷ πείθειν, oportet discitem credere, de quo Theodoret. 1. de cur. Græc. affect. multis. Sed discretionem temperandum est obsequium. Qui non secesserit à falsiloquo Doctore, damnabitur in Gehennam, ait S. Martyr. Ignatius. Nec sibi plebs blandiatur, quasi immunis à contagione delicti esse possit, cum Sacerdote peccatore communicans. Cyprian. l. 1. Epist. 4. Denique 3. Reverentiam, ut magni æstiment propter Deum, cujus Legati & Angeli, propter Christum, cujus Pronubi & Oeconomi, propter Spir. Sanctum, cujus Cooperarii sunt. Itaq; hic honos etiam indignis habendus; Nam etsi negligens Prædicator reprehensionem & minas ex reatu meretur proprio, timorem reverentia exigit ejus ordinis

clinis celsitudo. Gregor. M. 1. Reg. 3. v. 15. Qui de indignis queri solent, id observent, fieri Divino Numine, *ut perforatam navem debilis gubernator regat, & cecus cecos ducat in foveam, talisq; sit rector, quales illi, qui reguntur.* Hieron. ad Chromat. Jovin. & Euseb. Sed ad finem festinat calamus. Honos Oris, ut pro iis oremus, Hebr. 13. 18. 2. Thessal. 3. 1. ubi Chrysostomus divinè hanc precum necessitatem ostendit, hom. 4. p. m. 1508. & seqq. Ait inter alia: *Stamus in ea parte belli, qua laborat. Adversus nos Diabolus armatur vehementius. In bellis enim ante alios omnes belli Ducem sternere conatur adversarius. Propterea illuc omni currunt conjunctis clypeis. Propterea magnus est tumultus, cumq; unusquisq; eum eripere conetur, clypeis undique muniunt, ut caput illud conservare possint: &c.* Cavendum quoque, ne obtretemus, vitia propalemus. Nota & meritò celebrata vox Constant. M. *si peccantem viderem Sacerdotem, chlamyde operirem, ne videretur.* Pulchrè Philo de Legib. special. cur infantes non cum dentibus nascantur? respondet, *ne fontes uberum, per quos alimenta derivantur, vexarent inter sugendum.* Adcò cavit natura, ne alumnus dentem infigat nutrici. Ita hîc. Tu dicta considera, non facta. *Botrum inter spinas cautius lege, ne, dum quæris fructum, laceres manum: & cum audis bona dicentem, ne imiteris mala facientem.* August. Tract. 46. in Joh. Superest honos Operis, ut stipendia præbeamus. Ubi Quæstio-

nes non paucæ expediendæ forent, V. gratiâ. 1. *An liceat accipere? Quidni? quod dare oportet. vide 1. Cor. 9. 7. & seqq. de quo loco D. Gerhard. de Minister. cap. 7. sect. 1. §. 324. & Galat. 6. 6. ubi Hieronymus memorabiliter: Prævidens Spiritus eos, qui docentur, & debent Magistris sumptus & vitæ necessaria ministrare, posse obtendere paupertatem & dicere: ager meus hoc anno aruit siccitate, vineam grandio contrivit, reditus, qui esse poterant, tributa rapuerunt; non habeo, unde tribuam, quod jubetur; adjecit: Nolite errare, Deus non irridetur. Scit, inquit, corda vestra, non ignorat facultates, excusatio verisimilis hominem potest utcumque placare, Deum non potest fallere. l. 3. Commentar. 2. Quis modus esse debeat? Chrysostom. in 1. Tim. 5. l. cit. Ego nihil aliud dico Præsules Ecclesie habere debere, præter victum & amictum, ne ad ista desiderio trahantur. Ambros. ibid. Tanta merces debet esse Evangelizantis regnum Dei, quâ neque contristetur, neque extollatur. 3. An sit merces propriè? Nihil minus. Accipiant Pastores sustentationem necessitatis suæ à populo, mercedem verò dispensationis à Domino, ait Augustinus; non est enim populus idoneus reddere mercedem illis, qui sibi in charitate Evangelii serviunt. Nulla inter laborem & præmium proportio est: Quid enim dant? rogat Augustin. Conc. 3. in Psalm. 103. Quid accipiunt? dant spiritualia, accipiunt carnalia: dant aurum, accipiunt fœnum & c. Hæc Franc. Luc. Brugens. in Lucæ cap. 10. & similia habet Estius in 1. Tim. 5. l. cit. quæ in loco de*

Bonis

Bonis Operibus suum usum habent. 4. *An & ignavis, otiosis ac nihil agentibus debeat?* Affirmat Eftius I. Theff. 5. & I. Tim. 5. ll. cc. Non quidem jure naturali, sed positivo, ut rem donatam & legatam deberi. Sed positivum jus illud Divino & naturali contrarium est. Negat Mendoza in 1. Reg. 2. num. 36. pag. 520. *Non desides & ignavi, sed solliciti animarum curatores congruis debent sustentari alimentis, hæc in margine. Quid enim indignius, quàm hos non domesticos Ecclesie, sed inimicos, Ecclesie muneribus locupletari? qui non plantant, agrorum fructibus abundare? qui non pascunt, ovium emolumentis enutrir? Denique tanquam corniculas alienis plumis de veteri fabula insignitas bonis Ecclesie candicare, qui propriis vitiis ingrescunt? &c.* Vide de his plura apud D. Gerhard. l. cit. Parturit animus justissimam querelam de extrema seculi nostri ingratitude, quæ facit, ut certè non pauci abhorreant à sanctissimo hoc ordine nostro, *cujus inchoatio invidia, continuatio labor, finis est odium*, ut mea faciam illa Sidonii Apollin. l. 4. Epist. 22. *Sed querela ne tum quidem grata, cum & necessaria*, juxta Livium in Præfat. l. 1. *& jam tempus equum fumantia solvere colla!*

MEDITATIO NONA,
DE
MAGISTRATU & SUBDITIS.

Nota, post varios Politicorum Commentarios absolutissimè Locum hunc tractavit Excellentiss.

diff. Dn. D. Gerhardus, Tomo VI. Locor. Itaque
 ne post Roscium in scenam prodeam, aut ligna
 feram in Silvam, brevius me expediam, & tantum
 - *summa sequar fastigia rerum*, remissurus te ad il-
 lum Oceanum, ubi opus erit, daturusq; operam, ne
 quid dictum ab illo iterem otiosé.

TEXTUS, Rom. 13. V. 1. *Omnis anima*
potestatibus sublimioribus subdita sit:
Non est enim potestas nisi à Deo: quæ au-
tem sunt, à Deo ordinata sunt. v. 2.
Itaque qui resistit, Dei ordinationi resi-
stet. Qui autem resistunt, ipsi sibi damna-
tionem acquirunt. 3. Nam Principes non
sunt timori boni operis, sed mali: Vis
autem non timere potestatem? bonum
fac, & habebis laudem ex illa. 4. Dei
enim Minister est, tibi in bonum: Si au-
tem malum feceris, time: Non enim sine
causa gladium portat: Dei enim Mini-
ster est, vindex in iram ei, qui malum
agit. 5. Ideò necessitate subditi estote,
non solum propter iram, sed etiam propter
conscientiam. 6. Ideò enim & tributa
præstatis: Ministri enim Dei sunt, in
hoc ipsum servientes: 7. Reddite ergò
omnibus debita: Cui tributum, tributum:

cui vectigal, vectigal: cui timorem, timorem: cui honorem, honorem: 8. Nemini quidquam debeat, nisi ut invicem diligatis!

EXordium à doctrinæ hujus necessitate, quam indicat *Occasio* hujus Exhortationis Apostolicæ. Fuit ea multorum calumnia in Evangelium, quasi omnium Politiarum abolitionem moliretur: intentata ipsi Domino, Luc. 23. 2. & deindè Apostolis, aliisq; Christianis, 1. Pet. 2. 12. Hæc enim capita fuerant accusationis in illos, *Impietas* in Deum & Dei vicarios, *Convivia Thyestæa*, *Oedipodii concubitus*, vide Athenagor. Legat. in princ. de quibus aliqua Dilherr. Vir. Clariss. in Electis, hinc Præses Pathmi ad S. Johannem, ut est in fragm. Prochori Apocrypho, antiquissimo tamen: *Disce, stultissime, colere Deos & obedire Legi Regum!* Pingebatur scèdissimum mendacium duplici colore, 1. quia Christus & Apostoli origine Galilæi sectam Judæ Galilæi, cujus dogma adhuc per illud tempus vigeat, & habebat plurimos sectatores, Hieron. in Epist. ad Tit. sequi videbantur. vide Actor. 5. 37. & Joseph. l. 20. Archæolog. cap. 2. & l. 7. de Bell. c. 29. 2. Quia enim doctrina de Libertate Christiana sonare putabatur, malè accepta, de qua bene S. Remig. h. l. *Homo constat animâ & corpore: in anima quidem debet servare inviolabiliter fidem Dei; in corpore verò debet servire dominantibus secundum servitutem præsentis vitæ: &c.*

Necessa-

Necessaria igitur hæc tabulæ Oeconomicae
 Lectio I. ad refellendam calumniam, quæ & nostris
 Ecclesiis impingitur; non procul ibo: Corn. à
 Lap. hoc ipso loco ait; hodiè ab hæreticis everti
 regna & respubl. seculares, sub prætextu Libertatis
 Evangelicæ. Nos respondebimus cum Tertull. ad
 Scapulam: *Circa majestatem Imperatoris infamia-*
mur: Tamen nunquam vel Albiniani, vel Nigriani,
vel Cassiani inveniri potuerunt Christiani. Nam un-
dè, inquit in Apologet. & Cassii, & Nigri, & Albi-
ni? undè, qui inter duas lauros obsident Casærem?
undè, qui faucibus ejus exprimendis Palearicam
exercent? undè, qui armati palatium irrumpunt, o-
mnibus Stephanis atque Partheniis audaciores? De
Romanis, ni fallor, id est, de non Christianis. cap. 35.
 2. ad stabiliendam Rempub. de qua Solon roganti,
 quomodo salva possit esse? Si Magistratui, inquit,
 pareant subditi, Magistratus Legibus. Quod fa-
 bella de Stomacho Rege apud Livium illustrat.

Qui Stomachum Regem totius corporis esse
Contendunt, verâ niti ratione videntur:

Hujus enim validus firmat tenor omnia mem-
bra,

At cōtrâ ejusdem franguntur cuncta dolore &c.
 Serenus Sammon. Medicus. Sed ad rem ipsam ac-
 cedendum est. Spectabimus in explicatione textus
 I. Propositionem. II. Confirmationem. III. Ex-
 hortationem: in applicatione agemus 1. de Officio
 Magistratus. 2. de Officio Subditorum.

I. *Explicatio Textus.*

I. Propositio indicat, Quis, cui, quid debeat? Quis? *omnis anima*, Id est: Omnis homo, liber & servus, fidelis & infidelis. Remig. h. l. *An ergò & Ecclesiasticus?* Resp. Quidni? *Omnibus ista præcipiuntur, etiam Sacerdotibus & Monachis, non solis Laicis: etiamsi Apostolus sis, aut Evangelista, aut Propheta, aut quicumque.* Chrysostom. h. l. quem sequuntur Theodoret. Oecumen. Theophylact. vide Rob. Abbot de Potestate Regia prælect. 3. & seqq. Molinæ de Monarch. Temp. Pontif. Rom. cap. 18. & D. Gerhard. de Magistrat. Polit. §. 440. Estius excipit: 1. Si urgeatur Synkategorema *Omnis*, comprehendendos esse hoc præcepto etiam ipsos Reges ac Principes. Resp. ex eodem: *Præcipit, ut omnes fideles Principibus ac Magistratibus, sub quibus constituti sunt, pareant in iis, quæ ad illorum potestatem pertinent:* Hæc ille statim addidit. At personæ Ecclesiasticæ sunt fideles sub Magistratibus constituti, non quidem officii ratione, sed personarum & fortunarum. 2. Non esse consequens, ut si Apostoli parere deberent seculari potestati, nunc quoq; Pontifices & Clerici teneantur. Nam posteaquam Principes hujus seculi facti sunt Christiani & per hoc Ecclesiæ filii, justâ ratione placuit, ut ipsa Ecclesia in iis, qui præsumunt, ab illorum ut filiorum suorum potestate eximeretur. Resp. hanc exceptionem esse admodum per-

perplexam, & indubiè falsam: perplexam; Placuit, inquit. Cui? quando? *Si quis tentat excipere, conatur decipere*, ait Bernhard. ad Archiep. Senon. Lupum tenebat auribus, nam inter ipsos Pontificios ambigitur, undè orta sit hæc exemptio? an ex divino jure? an ex humano? Deo certè nunquam placuit, si alii placuit, contra Deum placuit: Falsam; nam ratio illa injustissima est, quæ Christianis Principibus jus suum tollit. Quantò meliùs Chrysost. neminem eximendum docens, Οὐδὲ γὰρ ἀνατρέπει τὴν ἐνοσίβειαν αὐτῶν ἢ ὑποταγήν: *Non enim*, inquit, *tollit Pietatem ista Subjectio.* vide D. Gerhard. l. c. §. 441. 447. Cui? *Potestatibus supereminentibus:* Non de Angelis loquitur, sed de Regibus, Principibus, Tribunis, Centurionibus, Dominis, omnibusq; Prælatis, Remig. h. l. ex Irenæo, vide D. Gerh. §. 34. *An & de Ecclesiasticis?* Affirmat Bellarm. de Rom. Pontif. l. 4. cap. 16. §. Sextus Locus: ubi ait h. l. non solùm intelligi de Principibus secularibus, sed etiam de Ecclesiasticis. At Cornèl. à Lap. *Seculares Magistratus hîc intelligere Apostolum patet, quia hîc solvuntur tributa & vectigalia.* Estius etsi idem dicat sentiendum de potestate Ecclesiastica, permittit tamen: *Paulum tantùm de potestate seculari agere hoc loco; sic enim intellexerunt eum omnes veteres Commentatores tam Græci quàm Latini, nec non Augustinus, quod & contextus sermonis ostendit. &c.* Origen. h. l. ait: *Omnia crimina, quæ vindicare vult Deus, non per antistites & Principes Ecclesiarum, sed per mundi Judices voluit*

vindicari. *Quare potestatem seculi & iudicium mundi Dei ministerium dicit.* Quæris: *Cur abstracto nomine potestatis usus sit?* Respondent 1. Quia abstracta generaliora sunt concretis. 2. Quia in ipso vocabulo latet ratio obedientiæ, quæ Magistratibus præstanda, quia à Deo habent potestatem præcellentem. 3. Quia distinguere voluit inter potestatem per se & ejus abusum, & concretum semper à Deo esse dicere simpliciter non potuit, cum multis malis artibus principatum adipiscantur juxta Oecumen. Simplicius dicitur, abstracto nomine & Græcos & Latinos vulgò usos fuisse, vide Estium h. l. & D. Gerhard. 34. & 118. præter allata exempla observo, Ammiano Marcellino Græcissimi hunc usum frequentissimum, sic *celsas potestates, Persicas potestates, cunctas Castrenses & Ordinarias potestates, denique Imperatorem coronâ & cœli celsarum potestatum circumdatum*, apud eum legas. Quæ verò sit potestas Magistratus, quam Deus tribuit, & undè ei hoc nomen inditum est, multis docet D. Gerhard. §. 118. & seqq. & §. 126. ex h. l. docet, plures esse Magistratus species, quoniam Apostolus utatur numero plurali. Undè & S. Petrus h. l. explicans: *Subditi igitur estote omni humane creaturæ propter Dominum* [de his postea] *sive Regi tanquam præcellentî, & cui primò à Deo tradita sit potestas hæc præminens, qui tum, cum S. Petrus hæc scriberet, fuit, bipedum nequissimus Nero, sive Ducibus, Præsidibus aliisq; Regum ministris & potestatibus inferioribus, tanquam ab eo missis,*
puta

puta à Deo ad vindictam malefactorum, &c. 1. Pet. 2. 13. 14. Sic enim & Didymus in eum l. nos omni ordinationi humanæ subjiciendos, *Regibus quidem tanquam egregium culmen habentibus, Ducibus autem tanquam missis ab eo*, id est, ut mox, *ab eo, qui bonorum est causa, constitutis, &c.* Quid? Subdita sit! Non ait $\pi\epsilon\theta\epsilon\acute{\iota}\sigma\omega$, ἀλλ' $\psi\omega\tau\acute{\alpha}\sigma\epsilon\acute{\iota}\sigma\omega$, ut observat Chrysostomus, requirens humilem subjectionem & obedientiam subditi animi, undè Græco-Lat. glossarium vetus: $\psi\omega\tau\acute{\alpha}\gamma\eta$, suppositio, subjectio, & $\psi\omega\tau\acute{\alpha}\sigma\omicron\sigma\mu\epsilon\gamma$, subdor, subjaceo. Nempè, *salvâ pietate: Non enim si Dei præceptis repugnent, Magistratibus parere præcipitur*: Theodoret. h. l. Hæc de Propositione.

II. Confirmatio, & quidem 1. ab honesto, ex causa efficiente Magistratus: *Non est enim potestas nisi à Deo*. Propositio universalis Negativa in infinitum negans; Ullam esse potestatem inter homines, quæ non sit à Deo, cum exclusionem omnis determinationis. Vide D. Gerhard. cap. 3. h. l. sect. 1. cui Affirmativam æquipollentem adjecit: *Quæ autem sunt, à Deo ordinate sunt*, ita $\pi\acute{\alpha}\gamma\mu\epsilon\nu\alpha\iota$, ut nisi divinæ $\pi\acute{\epsilon}\delta\epsilon\iota$ velimus resistere, $\alpha\nu\lambda\iota\pi\acute{\alpha}\sigma\epsilon\acute{\iota}\sigma\theta\epsilon\iota$, oporteat nos $\psi\omega\tau\acute{\alpha}\sigma\epsilon\acute{\iota}\sigma\theta\epsilon\iota$, subditos esse & subordinari. Sic enim loquitur Apostolus. Fluunt ex hoc argumento non pauca dubia, digito tantum primore hîc attingenda: 1. *An Magistratus sit tantum à divina permissione? aut à Deo, ut pœna immixtus?* Negatur, quia Apostolus ait, esse ordinem

divinum, & quidem, ut se mox explicat, salutarem, *ψ. 4.* Nam quòd principatus sunt, & quòd alii præfunt, alii subsunt, quodq; non omnia temerè & casè feruntur, populis instar fluctuum huc illuc circumactis, divina Sapientia opus est. Chrysostomus h. l. qui hanc divinam ordinationem illustrat 1. *paribus*, τὸ ὁμόλιπον μᾶλλον ποταμὸς εἰσάγει, *equalitas honorum* sæpè parit pugnas, ideoq; inquit, varias constituit Deus superioritates & subjectiones, ut inter Parentes & liberos, inter senes & juvenes, inter servos & liberos, inter Principes & subditos, inter Præceptores & discipulos. 2. *à similibus*; ex *Microcosmo*, nam ita in ipso corpore nostro membrorum diversa sunt officia, ut alia imperent, alia imperio pareant: & ex *Macrocosmo*, ubi eadem divina taxis apparet, in avibus, in animalibus, in apibus, in piscibus. Ἡ γὰρ ἀναρχία πανταχὶ καὶ ἀνὸν, καὶ συγχύσεως αἴτιον, sine principatu esse ubiq; malum & confusionis origo est. Quæ contra Anabaptistas pluribus demonstrat D. Gerhard, §. 34. & 48. II. At *S. Petrus vocat Humanam creaturam*? l. cit. sed addit, ei parendum propter Dominum, quo indicat partim modum, quatenus obediendum sit? nempe eo modo, quo Deus præcipit. Oecumen. *Qui propter Dominum subditur eis, qui ad principandum sunt constituti, tunc solummodo eis subiectus non est, quando contraria voluntati Dei præcipiunt.* Didym. h. l. i. Pet. 2. *ψ. 13.* partim rationem, Cur? Quia Deus ordinavit & mandavit. Oecum. ibid. vocat autem κλῆρον ἀνθρώπων vel in abstracto, constitutionem

nem humanam, was die Obrigkeit schafft/ seket/
und gebeut/ vel in concreto, quod ab hominibus se-
cundum Dei ordinationem creatum est, ut præsit
& regat, ut dicatur Magistratus *Creatura humana*
causaliter, quia ab hominibus; *materialiter*, quia
ex hominibus; *finaliter*, quia propter homines; &
objectivè, quia supra homines constitutus & crea-
tus est. Vide D. Gerhard. §. 52. & D. Lutherum
in Comm. Tom. I. Witeberg. III. *An Magistra-
tus sit immediatè à Deo?* Negat h. l. Cornel. à Lap.
negat Estius, & hanc ajunt inter secularem ac Ec-
clesiasticam potestatem esse differentiam, quòd
hæc à Christo immediatè instituta sit, illa mediatè,
per naturalem instinctum rectæ rationis, quo ex-
citati homines sibi aliquem præfecerint, cui pare-
rent. Sed contrarium verius, & à Justiniano Imp.
in Novell. ut & à Ludovico Bavaro definitum est.
Nam si ipsam *ἡγεμονίαν* in abstracto spectemus, ea
immediatè à Deo est per participationem, qui so-
lus est Deus gloriæ, Actor. 7. 2. 1. Cor. 2. 8. Sin
personas eâ præditas; initiò Deus unum fecit Im-
perium, dum virum præfecit mulieri; deindè cùm
genus nostrum in multam incidisset *ἀποσχίσαν*, alia
quoque instituit Dominorum & Principum, ut
multis docet Chrysost. hom. 34. in 1. ad Corinth.
clare ostendens, etiam in Paradiso non futuram fu-
isse *ἀναρχίαν*, sed *prælationem subjectionemq;* aliquam
in disponendo & gubernando multitudinem, secundum
quod quisq; ad influendum vel ad influentias ab altero
recipiendum juxta sua natura merita dispositus exti-

risset, ut ait Petrus ab Andlo l. i. de Rom. Imp. c. i.
 vide D. Gerhard. §. 82. & 25. IV. *Annon ergò pri-*
mitus Regna vel ex violenta oppressione vel ex vo-
luntaria populorum subjectione coaluerunt? Nequa-
 quam; Deus ipse & ante diluvium potestatem Pa-
 triarchicam, & post diluvium Despoticam cum ju-
 re gladii instituit, Gen. 9. 6. illam simpliciter, quia
 Deus est ordinis, hanc ex occasione pravitatis hu-
 manæ ad vim & cædes pronæ; illam in bonum ab-
 solutè, hanc in pœnam malorum. Anathema Ma-
 nichæis, qui Magistratum ortum dicunt à Ma-
 lo Deo! Irenæus l. 5. cap. 20. & 24. *ἐκ δὲ Διὸς*
Βασιλῆες, ex Jove sunt Reges! ait Callimachus.
Principem dat Deus, qui erga genus humanum vice
suâ fungitur, Plinius Jun. in Panegy. *Principibus*
summum rerum judicium DI dederunt [undè & E-
 lohim dicti sunt Psalm. 82. v. 1. à judiciaria potesta-
 te] *subditi obsequii gloriæ relicta est.* Tacitus 4. An-
 nal. undè Plutarchus μέγιστον καὶ Θεῶν δῶρον vocat;
 &c. Interim non diffitendum aliquorum Imperio-
 rum causam impulsivam fuisse; internam, Naturæ
 instinctum: *Lex enim natura est, ut minores pare-*
ant majoribus. Aristides in Orat. ad Rhodios, *u-*
niversali naturæ Lege receptum est & sempiternâ, ut
inferiores pareant præstantioribus: Dionys. Hali-
 carn. l. i. Histor. in princ. *externam, vel vim;* nam
 cùm principiò homines alicubi in commune rerum
 naturâ fruerentur, Seneca Epist. 90. *Communio, ut*
fit, peperit discordias, cœperuntq; potentiores op-
primere alios invalidos, undè Varro:

Naturæ

Naturâ humanis omnia sunt paria.

Qui pote plus urget, pisces ut sæpè minutos

Magnu' comest, ut aves enecat accipiter.

Vel spectatam *Virtutem* quorundam, undè potestas *pulcherrimum honestatis premium* audit apud Polybium l. 6. &c. Ad Deum tamen ejusq; ordinationem semper recurrendum. Sic Remigius: Si quærimus, quare hæ potestates ordinatæ sint, illud dicendum, quòd genus humanum bestiale effectum, belluino more cœpit contra se sævire, in tantum ut primi parentis filius in fratrem confurgens interfecerit eum &c. Hac de causa bestialibus hominibus omnipotens Deus Principes præposuit, ut eorum terrore acerbitas animorum illorum reprimeretur, hæc ille & alia ex Origene, de quibus ex dictis judicandum. Pertinet huc ex D. Gerhardo §. 48. & 56. V. *An igitur & heretici, Ethnici, Tyranni aliq; scelerati potestatem acceperunt à Deo?* Chrysostomus distinguit Rem à Personis, illam à Deo semper esse, non has. Sequuntur alii Græci. At etiam personas à Deo constitutas in hunc locum, Scriptura passim testatur. Ergò melius distinguitur potestas ab acquisitione & usu ejus. Illa semper à Deo & bona, hæc aliquando mala sunt & non à Deo nisi sinente, ut ait Augustin. *Non est potestas nisi à Deo sive jubente, sive sinente* l. 22. contra Faust. c. 76. *Non est potestas mala, sed ambitio: & mox: Non muneris aliqua culpa est, sed administri, nec Dei potest ordinatio displicere, sed administrantis actio.* Ambros. l. 1. in Lucam. c. 4. de his

his multa D. Gerh. §. 79. & seqq. Deniq; VI. pateet hinc: *An Christianus Magistratus esse possit?* de quo Idem §. 57. Sequitur argumentum

2. à contrario, quia resistentiâ & inobedientiâ nihil potest esse pejus, nihil periculosius! Itaque, cum omnis potestas à Deo ordinata sit, qui resistit, Dei ordinationi resistit; quid pejus? *Qui autem resistunt, ipsi sibi damnationem acquirunt.* Quid gravius? Magni ad obedientiam stimuli! Dicere potuissent aliqui fidelium: *Quò abjicis nos, quàm contemptibiles facis? Nosne, qui Cælorum regna exspectamus, Principibus terrenis subdis?* Resp. Apostolus inobedientiam esse 1. facinus horrendum, cum Deo ipsi adversetur. *Nam Deo obedit, qui Principibus se subjicit: & qui potestati non est obediens, Deo adversatur.* Sic Chrysostom. h. l. undè & Ambrosius ait, scita & decreta Principum esse *Dei Legem*, & notum est Bernhardi: *Quicquid Vice-Dei precipit homo, quod non sit tamen certum displicere Deo, haud secus omninò accipiendum est, quàm si precipiat Deus.* *Quale exemplar sui Deus in Cælo dedicavit Solem & Lunam: Tale ejusdem μίμνησκα καὶ Φέγγος, simulacrum & lumen in terris est Princeps.* Plutarch. ad Princ. Indoct. 2. *damnosum*, attrahit enim damnationem *κεῖμα*, *judicium*, non modò potestatis ipsius læsæ, & auctoritatem suam & contemptu vindicantis, de qua in sequentibus plura, & accepit de hac damnatione sola Remigius; sed & Dei, temporalibus & æternis pœnis asserentis potestatem, quam constituit ipse. Sic Græci & Ambrosius.

Hinc

Hinc vetus Verbum : ἀγὼν ζωῆς καὶ θανάτου ἢ
 ὡς ἀγὼν, Synesius Epist. 67. *Obedientia vita est,
 inobedientia mors*, ait Gensericus Rex in Edict.
 apud Cassiodor. in Var. &c. Observant hîc: 1. Per
 inobedientiam resistere potestati ordinariæ esse
 peccatum mortale. 2. Peccare in Deum, qui Legem
 transgreditur humanam. 3. Leges Civiles etiam im-
 piorum & infidelium Principum, secluso scandalo
 quoque, obligare in conscientia &c. de quibus ali-
 qua in vers. 5. De Quæstione: *An & quatenus re-
 sistere liceat potestati?* Consule Pareum h. l. Dub. 4.
 & pertinent huc illa: *An & infideli ac impio Ma-
 gistratui debeatur obedientia? An resistere liceat
 cogenti ad impiam religionem? An Tyrannum vi-
 liceat excutere? &c.* de quibus prolixè D. Gerhar-
 dus §. 474. & seqq.

3. ab utili, ostendit enim in Prolepfi tacitæ
 objectionis τὸ κέρδιον τῶν πράγματων, Rei utilita-
 tem, ut habet Chrysostomus. Poterat enim aliquis
 intercedere his consultis Apostoli & dicere: Scimus
 ad damnationem & ad pœnas nimis quàm prom-
 ptos esse Principes, & ideò meritò averſamur, ut
 Medicos illos, quos ὀφθαλμοὺς vocant, qui nihil
 aliud nôrunt præter uſtionem & sectionem, de qui-
 bus Nazianz. οὐκ ἐν ἰατρικῇ, & Seneca ad Marciam
 c. 22. Respondet Apostolus infitiando, & veros
 fines potestatum mundanarum & earum officia ac
 redundantia indè commoda in Rempubl. insimul
 exponit. Nam *Principes non sunt timor bonorum
 operum, sed malorum.* Quid times? quid horres?

158 MAGISTRATUS CHRISTIANUS

nunquid de bene agente pœnas sumet Magistratus?
nunquid timendus est Virtutis studioso? Chrysoft.
nequaquam, si officium faciat: Si quid contrà;
potestatis abusus est, non imputandus ipsi. De Bo-
nis ait ille:

*Sit piger ad pœnas Princeps, ad premia velox,
Cuiq; dolet, quoties cogitur esse nocens.*

At de Tyrannis Seneca in Agamemn. v. 276.

Quid honesta prodest vita, flagitio carens?

Ubi Dominus odit, sit nocens, non queritur.

*Vis autem non timere, servili timore pœnæ, nam de
honesto & ingenuo timore reverentiæ sequitur,
cui timorem, timorem! potestatem? Bonum fac,
Legibus obtempera, & habebis laudem ex illa:*
Ἀφοβία μέγιστη, τὸ φοβεῖσθαι τὰς νόμους, ait Synesius
Epist. 2. *Timoris remedium est, timere Leges. Ma-
gnum est præsidium in periculis, innocentia, Seneca
Pater contro. 16. Pietas tutissima Virtus! & Fides*

- in mæsto securum tempore tempus

Præsumat confisa Deo; quia non metuendi

*Causa timere Deum! quem quisquis non timet
unum,*

Omnia jure timet! Paulinus Natal. 8. S. Felic.

Ita animus innocens nihil habet, cur timeat potesta-
tem, ne quidem si injusta & sæva sit. Laudem po-
titus, gloriam, honoresq; exspectat & accipit, si non
ab illa, tamen ex illa; aut enim justè agis & justa po-
testas laudabit te; aut justè agentem, etiamsi injusta
potestas damnet, Deus justus coronabit. Augustin.
serm. 94. de Temp. Solon Rempub. duabus rebus

con-

contineri dicit, Præmio & Poenâ apud Ciceron. in Epist. ad Brutum. Est autem τῆς ἀρετῆς ἄθλον ἢ ἡμῶν, *Præmium Virtutis honor*, Arist. 4. Ethic. c. 3. Hujus diribitor & quasi Athlotheta est potestas, si faciat officium. *Dei enim Ministra* est, ut Legit Tertull. Scorpīac. c. 14. *tibi, si bonus es, in bonum*, ut laudem ex ea consequare, & sub ea vitam tranquillam; & *vindex in iramei, qui malum agit*, quæ est optima definitio Magistratus: Itaq; non timeri debet à bonis, quippè

Oderunt peccare boni Virtutis amore;

Si autem malum feceris, time, merito tuo habes, quod timeas: *Non enim sine causa frustra gladium portat*, sed ut stringat in inobedientes. Observa 1. Magistratum non idè esse odio habendum, quia timendus est. Οὐ γὰρ ὁ ἀρχὼν ποιεῖ τὸν φόβον, ἀλλ' ἡ πονηρία, *Non potestas facit metum, sed malitia*. Chrysost. hæc complexionis Apostolicæ summa est. 2. Quòd de gladio ait, ex ejus ævi consuetudine est, quâ summis post Cæsares potestatibus *Honores juris gladii* dabantur, quos vendi noluit Alexander Severus, apud Lamprid. prælatusq; est quibusdam gladius nudus, ut Basano, Sicamborum Regi, quo filium proprium Sedamum adulterii convictum interfecit, dicens: *Non ego te, fili, occido, sed Lex Patria*. Trithemius l. 1. Breviarii Histor. Franc. aliis vaginâ tectus, ut Venetorum Ducibus apud Egnat. l. 2. Exemplor. &c. Credo hinc ortam Barbarorum Alanorum & Quadorum religionem, quâ gladium pro Numine colebant, & per

pereum jurabant. 3. Fines Magistratus hinc quoque elucescunt, constitutus enim est in Bonum Publicum triplex, Tranquillitatis, Pietatis, Honestatis, de quibus ex 1. Tim. 2. 2. D. Gerhard. §. 140. & seqq. multa, ubi inter alia dubium quoque: *Ancura Pietatis spectet ad Magistratum?* de quo etiam Pareus h. l. Dub. 5. Campus immensus sed decurrere non libet. Crescit etiam præter propositum materia. 4. Magistratus Dei Minister ter dicitur h. l. utiturq; Apostolus nomine non tantum Διακόνε, sed & λειτουργῆ, quod Publicum Ministerium indicat, D. Gerhard. §. 39. Servit autem Deo imprimis in Legibus ferendis: Est autem Lex omnis *ὑψηλὰ μὲν καὶ δῶρον Θεῶν*, inventum quidem & donum Deorum, statutum verò hominum prudentum & regula corrigens voluntaria aut involuntaria peccata. Demosthenes contra Aristogiton. & exsequendis, etiam gladio ultore: Nam corporis infirmitatem sanat ars, animi verò morbum sola Mors tollit ut Medicus, Phalaris Alciboo in Epist. Ita interdum optimum misericordiae genus est occidere. Seneca de Ira l. 1. c. 16. & ut Cassiodorus in Var: Pietatis genus est coercere infantiam criminis, ne juvenescat augmentis. De hoc jure multa D. Gerhard. quem de Legibus vide §. 215. de Judiciis, 270. de Suppliciis, 293. Ego progredior ad argumentum

4. à necessario, *Quapropter necessitas est subditis, ut Magistratui se subjiciant, non solum propter iram & pœnas, ne quas à Deo & hominibus in se concitent, sed & propter conscientiam*, multorum
puta

puta beneficiorum, ne simus ingrati, sic explicat Chrysost. Melius alii Comm. de dictatu conscientiae, quæ Lege naturali & divinâ informata loquitur nobis, violato Magistratu violari Deum ipsum, cuius ille ordinatio est, undè Menander :

Εἰκὼν δὲ βασιλεὺς ἐστὶν ἐμψυχὸς Θεὸς,

Animata Princeps est Imago Numinis.

Hinc Quæstio nobilis: *An Leges Magistratus obligent in conscientia?* Estius non modò affirmat, sed & negativam contrariam dicit esse falsam, à sensu Scripturarum alienam, denique noxiam & Pietati inimicam. Tu vide D. Gerhard. §. 267. & allegatum ibi D. Meisner. confer Pareum Dub. 7. h. l. &c. Confirmat hanc necessitatem quasi Prosylogismo, cùm pergit: *Ideo enim & tributa præstatis*, quod publicum subjectionis signum est, conscientia dictante: *Quia Ministri publici Dei sunt, in hoc ipsum sedulo & magna cum instantia incumbentes ac perdurantes, nempe in publico hoc ministerio, quod Bono Publico exequentur. Agnoscitis itaq; Dignitatem eorum, quod Dei vices sustineant; agnoscitis operis & difficultatem. Quid enim Regnum nisi splendida servitus?*

Populi est mancipium, quisquis Patriæ est utilis, ait Publ. Syrus: & utilitatem, nam his de causis tributa solvitis *ὡς μισθὸν κηδεμονίας*, ut curarum & tuitionis mercedem, ut habet Chrysostom. Quare nisi subiecti sitis, fieri nequit, quin conscientiam vulneratis. Hinc

III. Exhortatio; *Reddite ergò omnibus debita,*

L

debita,

debita, id enim Justitiæ Lex exigit. *Æquissima vox est, & jus gentium præ se ferens: Redde, quod debes!* Seneca l. 3. de Benef. cap. 14. *Inverecundi debitoris est, aut differre credita, aut promissa denegare.* P. Chrysolog. serm. 123. *Cui tributum, tributum: cui vectigal, vectigal:* Quid inter φόρον, tributum, & πάλος, vectigal, intersit, Phavorinus docet: φόρον esse, quod infertur, undè nomen habet, pro agtis & fundis; πάλος autem esse, pro negotiatione συναπλειαν, contributionem aut collectam. Tributum penditur ex censu Schakung / dictum, quòd Romani Cives, quisq; in tribu sua, contribuerent: Vectigal ex mercium invectione aut evectione, Zoll. vide Bulenger. de Vectigal. Pop. Rom. cap. 2. Utrumq; solvere jubet, nec ait: δότε, date, sed ἀπδοτε, reddite: *Nihil enim gratificatur, qui hoc facit, nam debitum est res ista*, ait Chrysostomus. Quæ admonitio eò fuit visa Apostolo magis necessaria, quòd sub Romanis passim magna esset Publicanorum vexatio, crebræq; gentium indè querimonix. Undè definitio apud Suidam: *Publicanus alienorum negotiorum particulo est, vis cum licentia, rapina cum impunitate, avaritia impudens*, vel ut vocat S. Chrysostomus de Pœnit. Achabi, ex quo Suidas, εὐπρεσσωπός *venusta cum facie*, deniq; *Practica*, ut dici solet, Græcè πωγματεία, *carens ratione & inverecunda negotiatio.* *An tributa solvenda sint?* vide D. Gerhard. §. 476. & seq. Nec manu tantum reddendum, quod debemus, sed & animo: *cui timorem, timorem; quemnam?* Οὐ τὸν ἐκ τῆς πωγῆς σου

conveidat, non eum, qui ex mala conscientia est, sed qui ex reverentia, ut docet Chrysostom. *Cui honorem, honorem*: Ita enim, ait Idem: *vult Deus, ut ab ipso τὸν ὁθεὶς, ad similitudinem suam efformatus Princeps, hanc propriam vim habeat, nempe ut omnibus appareat honorabilis, quem sine sacro quodam horrore & honore nemo audeat adire aut alloqui.* Tandem generali monito doctrinam hanc obfignat Apostolus: *Nemini quicquam debeatis, exsolveite vos, quā licet, omnium debitorum vinculis, nam & in veteri Scholio primum prædicatur bonum bene valere, alterum pulchrum esse, & tertium nil debere: & apud Stobæum serm. 1. de Virtute, Incerti cujusdam votum est: Ne quid debeat, aut si necessitate aliqua eò redactus sit, ut statim contingat liberari: nisi ut invicem diligatis, id enim sanctissimum debitum & omnibus antecellens in debendi necessitate, in exigendi honestate, in solvendi facilitate, etiam cū solvitur, debetur, & ita debetur, ut, modò Bona Mens sit, sine impendio solvatur.* Nam eā præditus, ut dicam cum Augustino; *Pauper est in arca, sed dives in conscientia; Pauper est in domo, sed dives in animo, l. Quinquag. serm. 6. Ergo omnes mutue Charitatis officio sic debitum exigant, ut debitoribus, quod exigunt, reddant, Fulgent. ad Probam.*

II. Applicatio ad usum

I. Informatorium, De Magistratu Politico. Posset autem totus iste Locus ex hoc Aposto-

postolico oraculo explicari, tum quoad ὁνόματα, cum quoad πράγματα. Sed pleraq; attigi in explanatione textus, cum tædio non repetenda. Mitto etiam oſores & roſores ſanctiſſimi ordinis, de quibus D. Gerhard. §. 48. 75. 77. &c. De officiis tantum aliqua monebo, de quibus copioſiſſime Idem egit cap. 6. §. 141. &c. Sequar ejus ductum, & quaſi lineas, ſed alios colores inducam. Magistratus 1. Erga Deum Pius eſto! Hoc ante omnia & ex animo, ut Dei Miniſtrum decet. *Quid enim ſunt Chriſtiani populi Rectores, niſi Miniſtri Omnipotentis?* ait Apoſtolo ſentientiſ Sedulius in libello de Rectorib. Chriſt. cap. 1. nec aliter ſperanda firmitudo Potestatis aut Salus Publica. *Procul dubio Sacri Rectores quanto plus ſe Regi Regum humiliter ſubjiciunt, tanto magis ad glorioſa dignitatis eminentiam ſublimiter aſcendunt:* Idem; ac reapse experiuntur, ut canit Claudian. in 4. Conſul. Honori,

Indomitum nil eſſe pio, tutumq; nocenti.

Sunt autem *Pietatis munia alia Privata*, ut Bonus Magiſtratus & Deum rectè tam agnoſcat, quàm colat, vide D. Gerhard. §. 143. 182. & ſe divino nutui humiliter ſubjiciat, à Deo ſe ordinatum, & Deo ſubordinatum ſemper recogitans. Quia

Regum timendorum in proprios greges;

Reges in ipſos imperium eſt Dei.

Deniq; Deum, quàm in hominem cadit, imitetur: ille *Primus Rex & Dynaſta* Φύσας, *Magiſtratus ab illo proximus* γένος ἡγεμὼν, *ortu & imitatione*, ut ait

ait Sthenidas Pythagoræus: alia *Publica*, rectè curare, quæ ad religionem, D. Gerhard. §. 165. 183. ut & subditi Pietate floreat, eo fini enim Dei Minister est; ubi de Ecclesiæ conservatione, Scholarum foundatione, de Ministrorum institutione, sustentatione, debitâq; illis veneratione, de Legibus Ecclesiasticis, & aliis multa dicenda, sed aliis non indicta, & hîc tantum indice demonstranda. Attigi quædam in *Dissertatione*, quam olim, cùm à Cathedra, vocante Domino, digrederer ad Suggestum, recitavi in Gymnasio Patriæ, de *Officio Scholarchæ Optimi*, ubi & de Bono Principe alia, ibi fortè post hunc commentariolum publicè legenda.

2. Erga seipsum σωφρων esto! quo nomine & Modestiam & Castitatem, Continentiamq; adeò & Prudentiam universæ vitæ complectimur.

- - Quo fortuna altius

*Evexit atq; levavit humanas opes,
Hoc se magis suppressere felicem decet,
Variosq; casus tremere!* ait Seneca in Troad.

Etenim ut idem in Thyeste:

*Quem dies vidit veniens superbum,
Hunc dies vidit fugiens jacentem;
Res Deus nostras celori rotatas Turbine versat.*

*Cui nihil ad augendum fastigium superest,
hic uno modo crescere potest, si se ipse submittat,
securus magnitudinis suæ.* Plinius in Panegyri. Castitas & Sobrietas in aulis raræ apparent, privatorum laudibus inscribendæ putantur. At quid turpius, quàm Principem hominum mancipium esse li-

bidinum? cūm deceat magis imperare suis cupiditatibus, quā subditis. Isocrat. ad Nicoclem. Quid ignominiosius, quā custodem custode opus habere, ut ebriis accidit? Plato Dial. 3. de Repub. De avaritia quid dicam, quæ & ipsa cum Sophrosyna pugnat? Nihil nisi quod de Regno Synesius: βασιλεὺς ἐβρασιχέμεται & αἰχλῶν καπήλυ: Rex Lucricupidus fœdior est caupone, nam ille inopiam solatur suam; at iste inexcusabili est animi malitiâ. Prudenter ergo & continenter vitam instituat, qui omnium in se oculos videt intentos & quem populorum - tota armenta sequuntur. Sicut enim boni Principis vita probitatis quadam præscriptio, & per omnes vivendi forma est: Ita Imperatoris collusio, Lex flagitiorum est. Egesippus l. 2. Excid. cap. 5.

3. Erga familiares colat inprimis Prudentiam, quā se dignos & legat rectè & regat Nam sicut lilium agri aliorum olerum ac violarum multiplici pulchritudine venustatur; & sicut Luna Stellarum splendore circumstantium gratius emicat: Ita nimirum Rex justus & sapiens aliorum societate bonorum perornatur. Sedulius l. c. cap. 5. Præcipua Conjugis cura sit: Nam quantum Coniux Viro est propinquior, tantum aut felle malitiæ sit noxia, aut morum dulcedine mellea. Idem. Proxima eorum, qui à Consiliis. Sicut enim boni Consiliarii sursum Remp. erigunt; sic mali deorsum ruinosâ calamitate precipitant. Idem cap. 6.

*Ergo Viros famosa quibus Prudentia nomen
Longaq; multarum dedit experientia rerum*

Sapiens

*Sapius arcanis solitos interfore rebus
 Adsciscens, magno secreta negotia regni
 Pertractans studio, de cunctis rebus agendis
 Consulat, & pulchrum, justumve vel utile quid
 sit?*

*Quid deceat, quid non? studiosâ menterequirat.
 Ut hæc Güntheri mea faciam l. i. Ligur. v. 500.
 Magnis enim negotiis itidem ut magnis Comædiis ede-
 cumati apponuntur Actores. Symmach. l. 10. E-
 pist. 2. Denique Aula Virtutum Officina sit, non
 confluges perditorum hominum. Malus pupillus
 est Imperator, qui ex visceribus Provincialium, ho-
 mines Reipub. inutiles alit, ut Regia vox habet A-
 lexandri Severi apud Lamprid.*

4. Erga æquales Fidem colat & Concor-
 diam; de Fide Silii Italici nota sunt illa:

*Ante Jovem generata, decus Divumq, homi-
 numq,*

*Qua sine non tellus Pacem, non equora nôrunt,
 Justitiæ consors, tacitumq, in pectore Numen.*

Nihil indignius, quàm si in eo corde non inveniat
 penetrale suum, cujus, ut Dei, invariabilis debet
 esse indictis factisq; Constantia! Si absit; nec Pax
 diu aderit, nec Concordia, quæ sola Auream Re-
 gum ac Principum Fortunam quasi retinacula mo-
 rantur: est enim ambulatoria, vel uti Scythæ Bar-
 bari non barbarè philosophati sunt: Manus &
 pinnas tantùm habet, cùm manus porrigit, pinnas
 quoq, comprehendere non sinit. Curtius l. 7. de Fœ-

deribus & Legatis passim multa multi. Ego ab amicis Potestatum pergo

5. ad Hostes, ac de Bellis quidem vide D. Gerhardum nostrum §. 368. & seqq. Regula Generalis illa est, quam & Filio præscripsit Ludovicus IV. Elector Palatinus - *sis cave*

Batutor aut percussor! at cùm Martia

Vexilla aperto liberè in campo volant;

Tum fortis, acer, strenuus sis, nec fuge.

Quippè herclè melius est honestè occumbere,

Quàm fugere in acie turpiter:

apud Melissum l. 6. Meletemat. carm. 2. Facit ad rem Icon Optimi Principis à penicillo Güntheri l. 1. cit. v. 287.

Certus Amor, robusta Fides, Constantia mentis

Nec frangenda malis, nec sustollenda secundis.

Laudis amans, largitor opum, crudelibus atrox,

Tranquillus placidis, ferus indomitusq, superbis,

Supplicibus facilis, justis pius, asper iniquis,

Fortis ad instantes casus, prudensq, futuri,

Præteritiq, memor, sociis bonus, impius hosti!

ubi multa Vir Clar. Rittershusius, in Notis.

6. Superfunt Subditi, quibus debet Clementiam & Justitiam. De illa vide D. Gerhard. §. 160. & seqq. de hac 213. 270. 293. Multa; sed non id adeò mihi curæ, quid dicam, quàm quid non dicam. Bonus Princeps ὁρθὸς Φύλαξ, Recti Custos sit, & Magnæ Deæ Justitiæ Minister ac Interpres, ait Eusebius apud Stobæum. Meminerit se tamen homi-

hominem hominibus jus dicere, & fulmen Justitiæ involvat oleâ Clementiæ. *Maſte Indulgentia*, exclamat Caſſiodorus! *Tu patrona generis humani: Tu afflictiſ rebus Medica ſingularis! Quiſ tuo non egeat munere, cum ſit peccare commune? &c.* l. II. Var. Epilt. ult. Sat multa de Magiſtratibus, *ſuperflua ſcribere, res jaſtantiæ eſt: neceſſaria reticere, contemptus.* Ennod. in Nat. Laurentii. Adde appendicem brevem

II. De Magiſtratibus inferioribus, Superiorum Delegatiſ, Officialibuſ, Miniſtriſ. De iſ placet audire I. Conſilium Jethroniſ, quod legitur Exodi cap. 18. 20. 21. Complectitur totuſ locus à v. 19. uſq; ad 23. I. Attentioniſ petitionem, *audi verba mea atque conſilia*, quanquam & dignitate & ſapientiâ anteiſ, tamen *Optimoſ Gu- bernatores haud mediocriter etiam remigum manuſ juvat.* *Summiſ Imperii moderatoribuſ pia & decora ſuadenteſ, inſtrumenta ſunt boni ſeculi.* Symmach. l. 4. Epilt. 7. Ergò audi, & erit Dominuſ tecum, actioneſq; tuas proſperabit. 2. Conſilii expoſitionem, in qua indicatur, quid Moſen velit ut ſummuſ Principem agere per ſe, & quid per adminiſtroſ? Quid per ſe? *Eſto tu Populo internunciuſ in hiſ, quæ ad Deum pertinent, ut referaſ ad eum, quæ dicuntur*, vota ac poſtulata omnium, *Hadde- bharim*, verba, id eſt, negotia, ut v. 18. antè *Had- dabhar*, hæc reſ, hoc opuſ, negotiuſ; apud Auguſtinuſ q. 69. in Exod. eſt: *referet verba eorum*

ad Deum, quod explicat de universo Populo, non de singulis. Sequentia quoque aliter ibi legas quàm apud Vulgatum: *& testaberis illis praecepta Dei & legem ejus, & demonstrabis illius vias, in quibus ambulabunt in eis, & opera, quae faciant.* Verbo: cum Mosi singulorum curam adimit, non vult cum otio torpescere, sed publicam salutem omnium curare, & vigilare, ne quid detrimenti capiat. Imponit Mosi munus 1. *Interpretis* apud Deum, quod etsi extraordinarium sustineret ut Magnus Propheta, documento tamen esse debet Principibus, ut precibus salutem suorum Deo sæpè commendent, sacra oracula in scripturis divinis consulant, & Dei quoque Ministros propiores, Ecclesiae puta Doctores, in consilium admittant. 2. *Legislatoris*, & Legum custodis, quo & cum aeterna nominis celebritate functus est. Hoc proprium Principis, quem *Justitiae ac juris humani diviniq;* tam repertorem novi quàm inveterati custodem esse decet, ut de Trajano scripsit Aurel. Victor. Posthæc admonet, ait Augustin. l. cit. *ne singulorum negotia, quæ inter se habent, deferantur, electis videlicet potentibus Viris, Deum colentibus, justis & qui oderint superbiam, &c.* Verba sic habent: *Provide autem, elige, non enim temerè oblati aut offerentes se clavo Reip. admovendi, magnâ hîc curâ & prudentiâ opus est, verè enim dictum est ab Homulo, Trajano Imperatori, meliorem esse Remp. & propè tutiorem, in qua Princeps malus sit, eâ, in qua sunt amici Principis mali: Siquidem unus malus potest à pluribus bonis*

corrigi; multi autem mali non possunt ab uno, quamvis bono, ullâ ratione superari. Lamprid. in Alex. Severo. De omni plebe, non ex alienigenis. Deut. 17. 15. Alienigenam Dominum nemo pati vult: Scytharum vox est apud Curtium l. 7. Judices his conditionibus præditos 1. Viros, sive sexum sive ætatem spectes, sive rerum usum. Esai. 3. 12. Deut. 1. 13. Fœminas ad judicandi munus non admittit Deus. - *Medis Levibusq; Sabais*

Imperet hic sexus.

Juvenum ætas verò, ut rectè canit Valer. Flaccus l. 1. v. 54. necdum - *Imperioq; belli rebus matura mariq;*. Prudentia rarò antevenit canos. 2. Potentes, Plantiniana exemplaria habent *Sapientes*, propriè *Chail*, virtutis, magnanimos, & qui sint Legum ac Patriæ antemurale, id enim vocabulum significat. Sir. 7. 6. Talis, quem describit Horatius:

*Justum & tenacem propositi virum,
Non civium ardor prava jubentium,
Non vultus instantis Tyranni
Mente quatit solidâ, &c.*

3. & timentes Deum, cumq; Judicem Judicum habentes præ oculis,

Iterum ille enim rem judicatam judicat &c.

Plaut. in Rudente Prolog. Quò facit Josaphati Lex aureis literis exaranda & præfigenda omnibus Judicum Consistoriis: 2. Paralip. 19. v. 6. *Videte, quid faciatis?* Magnam suscepistis provinciam? Sic Cobares Basso: *Magnum onus sustines capere*

capite regium infigne. Hoc aut moderatè perferendum est, aut, quod abominor, in te ruet. Consilio, non impetu opus est. Curt. l. 7. Non hominis exercetis iudicia, sed Dei, non est humana inventio, Dei donum & ordinatio est judiciaria potestas. Oportet ergo sine lucri & dignitatis respectu judicare, Justitiamq; rebus omnibus antepone. Nam hoc non agens, Deum contemnit & infirmiorè judicat iis, quibus præter fas potentia solius metu calculum suum tribuit. Τοῦ γὰρ Θεοῦ ἰσχύς ἐστὶ τὸ δίκαιον, Dei enim virtus Justitia est, hæc Josephus l. 4. ἀρχαιολογ. c. 8. & vobiscum est in negotio iudicii, non latebitis præsentem, non effugietis ultorem, undè Vulgatus : & quodcumq; judicaveritis, in vos redundabit. Ita & Hesiodus gubernatores ad Justitiam exhortatur, illos enim Deum non latere, qui jus violent; multos Deos rebus humanis intervenire, licèt invisibiles sint, &c. Deorum Numen rebus humanis, etiam quàm non apparet, intervenit. Quintil. Declam. 388. Omnia Deo plena sunt, nec ullus perfidis tutus est locus. Symmach. 10. Epist. 61. Ergò

- Justitiæ cultor, quæcumq; capeffes,

Testes factorum stare arbitrare Divos.

Silius l. 15. v. 111. Sit timor Domini vobiscum

Hic testis, hic est arbiter,

Hic intuetur, quicquid est,

Humana quod mens concipit,

Hunc nemo fallit iudicem.

Prudent. in Cathemer. Custodite ergò jus & fas & facite, vel juxta Vulgat. Cum diligentia cuncta fa-

cite.

cite. Sic fiet, ut, si Deum revereamini, non vos deflectat à Justitia vel affectuum perversitas, neque enim ulla in Deo, vel personarum respectus, vel munerum cupido. Ergò inter Præsules Justitiæ

- - *Dis proximus ille est,*

*Quem ratio, non ira movet, qui facta rependens
Consilio punire potest: &c.*

Claudian. in Cons. Mallii. 4. *In quibus sit veritas, candor, & sinceritas animi justī, unicumq; juris & æqui studium.* Itaq; apud Ægyptios Princeps Judicum, erant autem illi Sacerdotes, qui maximus natu, omniumq; justissimus & sincerissimus esse debeat, de collo gestabat imaginem ex sapphiro effictam, *Veritatis.* Ælian. l. 14. c. 34. & 5. *qui oderint avaritiam,* superbiam habet Augustin. l. cit. bis, & ideò putat admonitum Mosen ab alienigena, ne in superbiam incideret, quod ut familiare vitium est potentibus & honoratis, ita judiciis noxium, si quod aliud: Præsertim cùm primum religioni suæ judex debeat patientiam, quæ pars magna justitiæ est. Plinius l. 6. Epist. 2. Sed & avaritiæ odium Judici summè necessarium est.

*Munus enim à norma recti distorquet acumen
Judicis & tetra involvit caligine mentem:*

Cum semel obtinuit vitiorum mater in aula

Pestis avaritiæ, quæ sola incarcerat omnes

Virtutum species, spreto moderamine juris

Curritur in facinus, nec Leges curia curat.

Philipp. Gualtherus Alexandreid. l. 1. Poëta vetustior: de his & aliis Judicum requisitis requirendus
D. Ger.

D. Gerhard. 283. & seqq. addit Jethro: & *constitutæ ex eis*, certos gradus ordines sibi succedentes, quos inter negotia & civilia dividantur, ut appellare liceat superiores, si quis se gravatum ab inferioribus sentiat, ut *Millenarios, Centuriones, Quinquagenarios, & Decuriones, qui judicent populum*, singulasq; causas examinent *omni tempore*, quod summo Principi factum impossibile. Denique continet locus hic quoque 3. Conclusionem, *si feceris & Deus precipiet tibi*, poteris enim ad Deum referre, ejusq; familiare responsum expetere, *poteris stare*, eris ferendo, non succumbes tanto oneri, & *populus quoque & expeditis citius negotiis suis reverteretur quisque ad loca sua*, domum cum pace. Animus erat adjicere II. Pædiam Regiam Davidis ex Psalmo 101. sed ne excreseat in molem, contra propositum, libellus, remitto te ad solum D. Molleri elegantissimum commentarium.

III. De Subditis abundè dictum in explicatione textus; *Civitatem ajunt esse hominum multitudinem eodem loci habitantium, à Legibus gubernatam*, ut habet Dio Prusæus Orat. 26. Corpus ejus ipsa multitudinis collectio est, anima Lex, caput Magistratus; membra cives. Singulis sua debet Vir bonus: *Corpori & membris Charitatem*, id enim commune, ut ait Apostolus, debitum est. Virtutibus ergò & Doctrinæ se dedat à tenero ungue, ut utilis esse possit quæ singulis quæ universis consilio, & si opus sit, manu promptâ. Hæc enim civitatum fulcra, & Sulpitia in Satyr.

- duo sunt, quibus extulit ingens

Roma caput, Virtus belli, & Sapiencia Pacis.

Quo etiam illud Macrobiani: *Virtutibus Vir bonus primum sui, atque inde Reip. rector efficitur, justè ac providè gubernans humana, divina non deserens, in Somn. Scip. l. i. cap. 8. Legibus obedientiam; etiam cum sanguinis & vitæ impensa. Dulce & decorum est pro Patria mori. Semper credidi immortalitatem esse pro Repub. mori, Calphurn. Flacc. Declam. 50. Cui nullæ charitates anteferendæ. Meritò laudatus Timoleon Corinthius, quod antetulit suorum civium libertatem fratris saluti, & Patria Legibus obtemperare sanctius duxerit, quàm imperare Patria, apud Corn. Nepot. aut Æmil. Prob. in Vita. Ulsque tamen ad aras & salvâ fide. Siquidem omnium Legum inanis est censura, si non divinæ Legis imaginem gerat. Saresber. l. 4. Polycrat. cap. 6.*

Non quid Rex jubeat, sed quid Deus imperet, audi, ait Mater VII. Maccabæorum apud Marium Victor. in Carm. nempè si alia Rex aut Lex, aliâ Deus. Nam, ut P. Syrus:

Bis peccas, cùm peccanti obsequium accõmmodas. Nos quidem potestates humanas suo loco suscipimus, donec contra Deum suas erigunt voluntates, ait Symmachus Rom. Episc. in Apologet. adv. Anastas. Imp. Magistratibus Honorem; quia Dei imago sunt. Ambros. in c. 13. ad Rom. & quidem in omni opere, sermone, & patientia, quia Patriæ Patres. Sir. 3. v. 2. & ięy, Tributa solvantur, hoc enim inter alia opera

opera eminet, quæ à subditis exiguntur salutis ipso-
rum causâ, utq; cæteris suis bonis tuto perfrui possint :
Mecænas apud Dionem l. 52. ἐν λόγῳ, ut preces
fundantur, is enim linguæ census eximius est, unde
ab ipso ortu Ecclesiæ mos Publicarum Precum in
Liturgiis, pro Ecclesia cuncta, pro universo mundo,
pro Sacerdotibus, pro Magistratibus &c. Clemens
Rom. l. 2. Constitut. Apostol. c. 57. *Amorem; u-*
num est inexpugnabile munimentum : Amor Ci-
viuum. Senecæ celeberrima sententia est. Amor,
ajunt, inermis incedit, loricatus dormit. Hunc me-
ritò reddimus illis, in quorum humeros ἀναβαίνειν
ἀνάγκη τὰ πάντων φορεῖν, omnium adscendere opor-
tet onera, ut ait Synesius Epist. 67. & quorum be-
neficia Dei munere inæstimabilia sunt. *Annum bo-*
num, ajebant olim, non tam de magnis fructibus,
quàm potestatibus æstimandum, meminit Proverbii
Sidonius l. 3. Epist. 6. Sed & *Timorem*; Solus
enim Amor contemptum facit, Timor odium.
Est quidem Bonus Princeps remota custodiâ milita-
ri, tutior publici Amoris excubiis: Latinus Pacatus
in Panegyri. Sed fermè mitium Dominorum apud
servos ipsâ consuetudine metus exolefcit. Plinius l. 1.
Epist. 4. Hæc sufficiant. Summa:

Quæ Cæsaris, Cæsari: Quæ Dei, Deo!
vide D. Gerhard. §. 470. & seqq.

OFFICIIS CONIUGUM.

Nota: *Textus* est I. Pet. 3. *ψ*. I. quem facio Trimembrem, ut pars I. agat de *Mulierum* decen-
tissimo mundo. II. de *Maritorum* Proprio, & III. de
Coniugum Communi officio.

I. De Mundo Muliebri.

v. 1. Similiter & mulieres subditæ sint viris
suis; ut si qui non credunt verbo, per
mulierum conversationem sine verbo lu-
crifiant, v. 2. Considerantes in timore
castam conversationem vestram. v. 3.
Quarum non sit extrinsecus capillatu-
ra, aut circundatio auri, aut indumenti
vestimentorum cultus: v. 4. Sed qui
absconditus est cordis homo, in incorru-
ptibilitate quieti & modesti spiritus, qui
est in conspectu Dei locuples. v. 5. Sic
enim & aliquando sanctæ mulieres, spe-
rantes in Deo, ornabant se, subiectæ pro-
priis viris. v. 6. Sicut Sara obediebat A-
brahæ, Dominum eum vocans: cuius estis
filix beneficientes, & non pertinentes ul-
lam perturbationem.

EXordium. Tria pulchra celebrat Siracides;
Primum est *Pax Civium*; murus urbium plus-
quam Semiramideus. Nam

Sidera pace vigent, consistunt terrea pace!

Prudent. in Psychomach. de Concord. & contra
- *nil dissociabile firmum est!* Bonus vicinus magnum
bonum!

Οὐδ' ἂν βῆς ἀπόλοιτ', εἰ μὴ γείτων κακὸς εἴη!

Nam neq; bos pereat, nisi sit vicinus iniquus!

Alterum, *Pax Fratrum*; rara - nam *fratrum quoq;*
gratia rara! Sed tantò magis chara, & planè ὡς π-
λὴς ἐχρυσέ, ut *civitas inexplugnabilis*. Prov. 18. 19.
Noti Molionidæ, & Getyon tricorpor. Tertium,
Pax Conjugum; qualis inter Alcyones, quæ com-
munem nidulum ex spinis aculeatis, ut docet Plu-
tarch. de animal. terrest. & aquatil. tantâ solertiâ
struunt, ut neque ferro possit intercidi. In ipso hi-
berno solstitio ἐπιπλάττει & pullos excludit Alcyon, iis
diebus, quos Alcyonios vocant, summa maris ven-
torumq; concordia est. Basilus hom. 8. Hexaëm.
Simonides appellat ὡρεὶν ἱερεὶν παιδοτροφὸν περικίλας
ἀλκυόνων, *Tempus sacrum*, quo pullos educit versico-
lor Alcyon. Sic concordi conjugum lectulo bene-
dicit Deus, sic Alcedonia imperit. &c. Hæc ad Si-
racid. cap. 25. §. 1. Hoc summum Oeconomicum
bonum quâ ratione adipisci queamus? id nunc vi-
debimus.

Ac de Officio quidem mulierum auctor A-
postolorum Os Petrus describit nobis eartum cul-
tum 1. *falsum* & *adscititium*. 2. *verum* & *insti-*
tutum.

etim. De utroque sic dicemus, ut explicationem textus eâdem inferamus operâ.

I. De cultu falso sic ait *ŷ. 3. Quamvis sit cultus, & op. &*, mundus, quo nomine generaliter hîc usus est, nam alioqui habitus mulierum scitè distinguitur à Tertulliano in cultum & ornatum; *cultus est; quem mundum muliebrem vocant; ornatus; quem immandum muliebrem convenit dici.* Ille in auro & argento & gemmis & vestibus deputatur: iste in cura capilli & cutis, & earum partium corporis, quæ oculos trahunt. De hab. Mulier. cap. 4. non ille forinsecus in plicatu capillorum, coma nativum ornamentum est, reverendâ in senibus, veneranda in Sacerdotibus, terribilis in bellatoribus, decora in ædotescentibus, completa in mulieribus, dulcis in pueris, ut habet Ambros. 6. Hexaëm. Mulierum ornatus præcipuus, ut arborum sua. Si cujuslibet eximie pulcherrimaq; femina caput capillo exspoliaveris & faciem nativâ specie nudaveris, licet illa cœlo dejecta, mari edita, fluctibus educata, licet, inquam, Venus ipsa fuerit, licet omni Gratiarum choro stipata & toto Cupidinum populo comitata, & baltheo suo cincta, cinnama fragrans, & balsama rorans, calva processerit, placere non poterit nec Vulcano suo. Apulejus 2. Milesior. Sed damnanda ambitio comptus cultusq; ; Φιλοπικρία vocat Strabo οὐκ ἐν θρήνην καὶ κατὰ τὴν τοῦ σώματος, artificium nimium in alendo ac tendendo capillatio. Adde varia tormenta, πλέγματ' vocat S. Paulus 1. Tim. 2. *ŷ. 9.* quorum artifices caputum & capillorum concinnatores, ut vocat Columella,

auri ramentis, aut aureâ scobe inpersos, aureis cicadis exornatos, aut galero flavo & in eum modum auro splendente tectos, multis monere supervacaneum. *Romane matrone indulgentibus maritis & auro abundanti & multâ purpurâ usæ sunt, & quod formam suam concinniore efficerent, summa cum diligentia capillos cinere rutilârunt*, Valer. Max. l. 2. cap. 1. num. 5. ubi & tertii cultus mentio, *in amictu vestimentorum*, de quorum insano luxu pauca dici non possunt, multa hîc loci non debent. Tantùm ex Cypriano locum elegantem adscribo: *Longè absint, quibus pulchritudo non ornatur, sed prostituitur. Nam sollicitudo de pulchritudine, & mala mentis indicium & deformitatis est. Sit natura corporis libera, nec divinis operibus vis inferatur. Semper est misera, quæ sibi non placet, qualis est. Quid capillorum mutatur color? quid oculorum extremitates suffuscantur? quid facies artibus in diversam formam convertitur? quid postremò speculum consulitur? nisi quia ne ipsa sit, timeatur. Cultus etiam mulieris pudica pudicus sit: adulterium fidelis nec in coloribus noverit. Vestibus aurum intexere, quasi pretio est vestes corrumpere. Quid inter fila staminum delicata, rigida faciunt metalla? non ut fluentes humeros premant, & luxuriam feliciter se animi jactantis ostendant? Quid cùm cervices peregrinis lapidibus urgentur & absconduntur? quorum pretia etiam sine artibus calendarium cujusvis excedunt. &c. De Discipl. & Bono Pudicit. Si tamen Cypriani ac non potius Cornelii est. Quæ Ben. Justinian. in pri-*

mis & Corn. à Lap. ex priscis huc congerunt, studio quæsitæ & non oblata, apud illos videat, qui volet.

Ufus Dehortatorius à luxu & vanitate ista. Non quidem sentiendum : *Omniem gloriam vestium & ornamentorum esse Deo contrariam*, qui fuit error Pelagii, Hieronym. Dial. I. Petrus hæc præcipiens mulieribus, non eas jubet squalore, sordibus & horrentibus pannorum assumentis regi, sed immoderato cultui & nimis exquisito interdicit ornatui. Paulin. aut Hieron. ad Celantiam. Habenda ratio est Status, Census, Personarum, Temporum. Absit ambitio, absit prostitutio, quæ duo sola reprehendit hîc Tertullian. Consideretur *vanitas*; jactare se in cultu externo, alieno, caduco. Demonax in purpura se ostentantem conspicatus, heus, inquit, hoc ante te gestabat ovis!

Non juvat externo componere membra vigore;

Lux naturalis sidera nobilitat.

Ennod. de Liter. Laud. Stolidissima ferè animalium natura ornatissimè vestivit. Avium certè nulla stolidior pavone, cui similes, qui adscititio ornatu superbiunt, undè vulgò dici solebat : *πότεν ὁ πάως ἔτ' ὧ;* undè hic *pavus*? Lucian. in Nigrin. Jam quæ levitas cucurrit? vestibis superbire, in perpetuam inobedientiæ memoriam repertis? Chrysost. hom. 18. in Genes. quæ sunt insignia lapanarium ornamenta meretricum. Cyprian. de hab. Virgin. Vestitus enim mollis superbiæ vexillum, & nidus est luxuriæ, Augusti Imp. sententiâ apud Sueton. Idq; cum

cum Tempora Christianorum semper, & nunc vel maxime, non aura, sed ferro transigantur. Tertullian. l.c. Luctus ubique & Lucta! & tu te peregrinâ veste jactitas? Profectò accedo S. Paulino, quòd ille sit.

Veste suâ levior, qui sibi veste placet.

Damna quis explicabit? Conscientiæ; nam res ista & Deo contraria est, cui simplicitas placet, & Dei Creationi, quam refingit, in probrum primi opificis, ubi diserti sunt Tertull. & Cyprian. Temporis; ut rectè dixerit Morus puellæ, quæ magna cum sollicitudine ornabat capillos, nisi Deus pro tanto labore tuo tibi infernum reddat, magnam profectò faciet injuriam. Fame, ita enim & Claudia Vestalis apud Ovid. 4. Fastor. *Castâ quidem, sed non est credita, quia*

Cultus & ornatos variè fuisse capillos. Obsuit. Illarum enim est pretiosior cultus, quarum pudor est vilis, Cyprian. Rei familiaris; sæpè enim bina ac terna patrimonia singulis tantùm auribus pendent, ut Senecæ ævo quoque, & pleræq; cum Stilpone rectè dixerint: Omnia mea mecum porto, Animæ tandem ipsius, nam vindictam divinam provocari sæpè Scriptura testatur. Prov. 16. 5. Zephan. 1. 8. Esai. 3. 24. Luc. 16. 19. &c.

II. De cultu vero: ubi Præceptum & Exemplum. Illud indicat, quo se pacto ornare debeant Christianæ fœminæ Deo & Viro suo? Ac Deo quidem sic, ut ornatus sit occultus cordis homo, quem S. Paulus vocat interiorem, quiq; est id, quod

in homine per Spiritum Dei regeneratum indices renovatur, mentem & spiritum quoque dicit Paulus. *Exterior homo plurima in se membra habet, sed interior cordis homo totus est Sapientia, plenus gratiæ, plenus decoris.* Ambrosius Epist. 27. *in incorruptio mansueti & tranquilli spiritus.* Mitto, quæ hîc moventur dubia: An homo cordis ipse sit animus, aut pars rationalis hominis? an dicatur cordis, quòd ibi sedem habeat? an spiritus, de quo h. l. sit Sp. Sanctus? Quæ omnia neganda sunt. *Triples tantum observo ornamentum ostendi, quo se piæ feminae debeant Deo exornare, i. ut sint spiritu incorruptio.* Cætera ornamenta, quæ exteriori homini induuntur, corrumpi solent, mentis integritas æterna floret. Jac. 5. v. 2. Commendat Apostolus ornatum Virtutum, quo cupit Christianas mulieres conspici, ab incorruptibilitate, & simul describit, qualis esse debeat, nempe incorruptus, si cum vera fide jungatur, & constanter servetur ab omni vitiorum corruptela. *Quia inchoasse non sufficit, sed perfecisse iustitia est.* Paulin. ad Celantiam. Ne vestes corrumpantur, reponi solent in odorata arca; Virtutes, in fideli conscientia. Retinetur incorruptio ista i. *in Deum credendo & sperando, exemplo sanctarum mulierum, de quo mox v. 5. quòd pertinent omnia Pietatis exercitia, inprimis preces, & studium Verbi Divini, Orationi lectio, lectioni succedat Oratio,* ait Hieron. ad Lætiam. Ergò Pia Matrona pro gemmis & serico divinos codices amet, in quibus non auri & pellis Babylonica vermiculata pittura,

etura, sed ad fidem placeat emendata & erudita distinctio. Ibid.

Quò margarita chara tibi, bacca Indica?

Quò carchedonios optas, ignes lapideos?

ut hæc ex P. Syro mea faciam: Habes in Scriptura *Margaritem purum & pellucidum Jesum*! Clem. Alex. l. 2. Pædag. c. 12. Ergò, ut ad Sororem ait Alcimus Avitus:

Exue delicias mundi hujus, & indue Christum.

Sic incorruptus spiritus servatur, sic Virginitas cordis; qua sine *Virginitas* nihil proderit in corpore custodita, si *spiritualis castitas* fuerit in mente corrupta.

Fulgent. ad Probam Epist. 3. 2. *Castitatem colendo, conjugalem puta, quæ non definienda est abstinentiâ, sed legitimo usu. Exsecratur autem adulterinos concubitus castitas conjugalis, & honestatis verecundiæq; tenax, ab una unus, & ab uno una expetit, quod uterque se uni tantum legitimè debere cognoscit.*

Fulgent. ad Gallam. Epist. 2. Breve præceptum, sed omnia fermè continens, in usu conjugii observanda, quæ sunt Conjugalis Fides, Honestas, Verecundia, de quibus D. Gerhard. de Conjugio

§. 435. 437. &c. 3. *Humilitati studendo; nihil habeas humilitate præstantius, nihil amabilius: Hæc est enim præcipua conservatrix & quasi custos quadam Virtutum omnium, nihilq; est, quod nos ita & hominibus gratos & Deo faciat, quàm si vite merito magni, humilitate infimissimi.* Paulin. ad Celantiam.

4. *Flagitia cavendo, eorumq; causas ac prima etiam quasi rudimenta, quæ parva videntur, experiun-*

do magna fiunt. *Nec enim citò ad majora progreditur, qui etiam parva formidat: & sanè nescio, an possimus leve aliquod peccatum dicere, quod in Dei contemptum admittitur.* Idem ibid. Quæ omnia ut omnibus, sic Conjugibus præcipuè & Fœminis inprimis observanda. si cultum interiorem velint tueri incorruptum. Alterum cordis decus est 2. *ut sint spiritu mansueto & miti:* Quid intersit inter animi *πεινότης* & *ἡσυχία*, h. l. alii aliter explicant. *Πεινότης* propriè modum iræ præscribit. Aristot. 4. Ethic. c. 5. *ἡσυχία*, si modestiam interpreteris, modū in honoribus statuit. Itaq; illam Iracundiæ contrariam oportet; hanc Ambitioni. Sed usus vulgaris, quem S. Petrus tenuit, non ad eò accuratè stringendus est. Mansuetus spiritus mihi est ille, qui mores & gestus & verba moderatur, ne quid insit asperitatis, aut amarulentiae. Quare vitia illi opposita sunt, in excessu; Iracundia, morositas, cujus fructus rixæ, jurgia, obrectationes sunt; in defectu; Lenitudo nimia, & torpor ille animi, quem nihil cominovel, quæ tamen tantò rariora sunt apud Fœminas, quantò illa ferè propria sexus hujus infirmi. Nascuntur enim *ex animi mollietie, unde iracundiores sunt incolumibus languidi, & Fœminæ maribus, & juvenibus senes, & felicibus ærumnosi,* Ammian. Marcellin. l. 27. hinc *Fœminarum contumaces animi,* Justin. l. 20. cap. 4. & ut ait Synesius Epist. 67. Sunt illæ *πᾶγμα δύσμεταχέριστον*, res difficulter tractabilis. Tantò splendidius decus est animi morumq; mansuetudo & placiditas, si qua, ut

Xeno-

Xenophon dixit, sit apum regi similis, cui nullus est aculeus. Superest 3. *ut fiat spiritu quieto, animo modesto, laxiore usu vocabuli*, ut à Cornificio describitur *Modestia, in animo continens moderatio cupiditatum*. l. 3. ad Herenn. nempè uti Modestia mansuetudinis quasi mater sit, animumq; regat & sedet, quâ sublatâ verum est, vulgò quod dici solet - *Varium & mutabile semper Fœmina*. Complectitur hæc Quies animi, Patientiam; si fortè adversa ingruant, aut si cui Vir asper & difficilis obvenerit. Humilitatem; ne quâ formæ aut dotis fiduciâ se extollat. Nam

Fastus inest pulchris, sequiturq; superbia formam: adde *οἰκεία* & curam rei suæ domesticæ, Curiosum enim genus sunt mulieres, fermè ut Lamia domini cæcæ, foris oculatissimæ, ab ipsa natura edoctæ

- - *verba & componere fraudes;*

Hoc unum didicit Fœmina semper opus!

Ita se igitur exornet Mulier Pia Deo. Hic talis enim cultus, ut pergit S. Petrus, *in conspectu Dei pretiosum quid ac magnus thesaurus est*. Magna igitur modestia, quæ cum sit etiam sui juris remissior, nihil sibi usurpans, nihil vindicans, & quodammodo intra Vires suas contractior, dives est apud Deum, apud quem nemo dives: dives est modestia, quia portio Dei est: Hæc in h. l. Ambrosius l. 1. Offic. cap. 18. & l. 4. Epist. 27. *Verè dives, qui in conspectu Dei potest dives videri, in cujus conspectu terra exigua, mundus ipse angustus est: & mox post hanc Petrinam sententiam: Nonne tibi videtur dives, qui pacem habet animi,*

animi, tranquillitatem quietis, ut nihil concupiscat, nullis exagitetur cupiditatum procellis, nec vetera fastidiat & nova querat, & semper desiderando fiat in summis divitiis inops? reliqua apud Cornel. à Lap. relinquo.

Vir uti se quæq; exornare debeat, ita docet Apostolus: *Similiter*, ut servi Dominis, de servis enim egerat cap. 2. præced. [non quidem quoad modum subjectionis, nam Maritorum in Uxores dominium non est Herile, undè Sponsa domum deducta Sponsum ita alloquebatur: *Ubi tu Cajus, ibi ego Caja!* Hinc ortum putat Stephan. Pighius in annot. ad Valer. Max. sub finem, ut antiqui prænomen Cajus literâ, C. & Caja, eâdem, sed inversâ notârint, C, quæ junctæ faciunt circulû, quo mundus, Conjugium, generatio & æternitas hieroglyphicè significabantur.] Similiter ergò quoad necessitatem præcepti, & *Mulieres subditæ sint*, subordinatæ *Viris* non promiscuè, sed *propriis*. Notanda verò hîc præcepti occasio, latitudo, & finis. *Occasio* fuit ex Gentilium accusatione, quòd Christianismus sit professio odii in humanum genus ejusq; propagationem, cùm castitatis prætextu aliquando fierent inter Coniuges divortia, & nonnullæ Maritis repudium misissent, Justinus Mart. in Apologet. Euseb. l. 4. Histor. c. 17, &c. Adhæc non paucæ Sponsæ à Sponsalibus resiliabant, amore Virginitatis, quarum catalogum texit Cornel. à Lap. in quo tamen non paucæ fabulæ: Notum autem Enchrätitarum hæresin & Montani deliria cum ipso exortu Ecclesiæ

sic N. Testam. seminata fuisse, ac apud alios magis aut minùs altas radices egisse. Quid hîc Apostoli Christi? authoresne fuerunt repudiorum, divortiorum? Suasoresne continentia perpetuæ ex consensu mutuo servandæ? Nihil minus! vide 1. Cor. 7. v. 5. &c. Hebr. 13. 4. 1. Tim. 2. 15. Intelligebant enim *conjugium legitime initum & nexum insolubilem parere, & uxorem Viro penitus subdere*, vide Ben. Justin. *Latitudine præcepti & nomine subjectionis continetur, quicquid Marito debet uxor; Amor, qui inter pios Conjuges invictus, cujus comites sunt Fides Conjugalis, Benevolentia, Constantia in omni sorte, quomodo Theagena, aut Theoxena, uxor Agathoclis pulcherrimè dixit: Nubendo se non prospera tantùm, sed omnis fortune societatem iniisse.* Justin. lib. 23. Histor. cap. 2. Honor, qui elucet ex reverentia, comitate, modestia, obsequio.

Haud ulla salva mansit unquam familia,

Partes priores uxor in qua gesserit.

Euripid. in Andromach. *Cùm fœmina dominatur in Virum, perversa & misera est domus.* Augustin. de Catech. Rudib. Quò pertinet & Timor, castus ille & non servilis, quem non pœnarum terror, nec cupido pramiorum, sed amoris generat magnitudo, quo vel filius indulgentissimum patrem, vel fratrem frater, vel amicus amicum, vel conjugem conjux sollicito reveretur affectu, dum ejus non verbera, neque convitia, sed vel tenuem amoris formidat offensam, atque in omnibus non solum actibus, verùm etiam

ver-

verbis, attonitâ semper pietate distenditur, ne erga se quantumcunq, fervor dilectionis illius intepescat.
 Cassian. Collat. II. c. 13. de his si, quæ possem, congerere vellem; Ilias scribenda mihi esset. *Finis indicatur sequentibus: ut si qui non credunt verbo, modum obtemperant prædicationi Evangelii verbisq; se duci & flecti non patiuntur, Lucrifiant, pro lucro accedant Ecclesiæ, per mulierum conversationem & exemplum, exempli autem in flectendo magna est efficacia, Optimus enim est Syllogismus operum,* ait Chrysostom. hom. 3. in I. ad Corinth. Nec sola Plebeja ingenia magis exemplis quàm ratione capiuntur. Macrobi. l. 7. Saturn. c. 4. Semper, quod ait Seneca, *longum iter est per præcepta, breve & efficax per exempla.* Epist. 6. Quo argumentandi genere utinam omnes veritatis hostes profligare contenderemus! nam quid solâ verborum velitatione efficiatur, optimus Magister usus edocet. Quod addit Apostolus *sine verbo*, non exclusivè capiendum, quia fides est ex auditu, Rom. 10. & quomodo converti possunt sine verbo οἱ ἀπειθεῖτες, qui verbo, utiq; audito, non obtemperant? Ergò secundum quid dictum est, q. d. *sine labore*, ut explicat Syrus, *cessante prædicatione*, Estius; & si vel maximè uxores non utantur verbis persuasivis. Idem. *Verba activa sæpè non effectum, sed occasionem notant*, quod multis exponit D. Glassius Vir Clar. in Philol. Sacr. l. 3. Tract. 3. p. 253. Sic sine verbo lucrifacere, est verbo quiescente sensum inducere ad fidem cò faciliùs per verbum accipiendam. Quod egre:

egregiè possunt piæ Uxores, ut Mariti duri & verbo non cedentes, paulatim inspectâ muliebri conversatione incipiant mitescere, & honorificentius de doctrina Christiana sentire, sic 1. Cor. 7. 16. Nam mulieres ut ait Chrysost. hom. 60. in Johann. per blandum amorem sensim illabantur Virorum animis, *sicut aqua in spongiam proximè adjacentem.* Inter exempla celeberrima sunt conversio Patricii per Monicam Matrem Augustini, & Clodovæi Regis Gallorum per Clotildem Reginam &c. *Demonstratio, quæ per opera fit, certior omni verborum curiositate habetur: Opus enim tacitum & carent verbo, verbo, quod opere careat, longè præstantius est.* Oecumen. h. l. Ex quibus & illud conficitur, non obstare piæ Uxores contendentibus ad Pietatem, sed potius prodesse, uti nec doctas studentibus, ut ait Sidonius: *Sapè versum Corinna cum suo Nasone complevit, Lesbia cum Catullo, Cæsennia cum Getulico, Argentaria cum Lucano, Cynthia cum Propertio, Delia cum Tibullo.* Proinde liquidò claret, studentibus discendi per nuptias occasionem tribui, desideribus excusationem. 1. 2. Epist. 10. Ita ergò Viri occasionem accipiunt credendi & piè vivendi *considerando vestram, ô Mulieres, conversationem, 1. Castam, puram, innocentem, nullâ labe fœdatam: Ben. Justin. abhorrentem non modò ab adulterio, sed etiam à corruptelis libidinum, quæ sunt præter naturam aut honestatem: Ectius. Ea enim Virtus tantò in Christianis Fœminis conspectior fuit, quantò aliarum fœdior libido, ad quam & naturâ proclives omnes,*
& li-

& licentia proniores fuerunt paganæ. De libidinibus mulieribus vide post Tiraquell. Rolbagium in Certam. Masc. Fœmin. in acie Virili c. 19. De paganis accipe, quæ jactat in muliebre levitatem Petronii Eumolpus ; *quàm facile adamarent, quàm citò etiam filiorum obliviscerentur, nullamq; esse Fœminam tam pudicam, quæ non peregrinâ libidine usq; ad furorem averteretur.* De Romanis sæpè queritur Seneca, vide l. 1. de Benef. cap. 9. & l. 3. cap. 16. ubi & illud memorabile : *Illustres quasdam non Consulum numero, sed maritorum annos suos computâsse,* quo factum sit, ut nulla repudio erubesceret, quæ confirmant id, quod de unius Viri Uxore ab Apostolo præceptum 1. Tim. 5. 9. diximus suprà Meditat. VII. Si placet, solam Petronii Quartillam adspice, quanquam & ille sub Tryphænæ & Circes nominibus Romanorum mulieres traduxit. 2. *in Timore*, reverentia erga Maritum, aut ut alii in Timore Dei, uterq; Timor vetat muliebre luxuriam. Deum & Maritum quæ timent, Sabinæ sunt. Possis & ad Viros referre, nam illi quoque pias, castasq; suas Coniuges incipiunt Virtutis reverentiâ timere, & par est : *Omnia Mulierum vitia ferre jussit Deus, dum ne qua sit scortum,* ait Chrysostom, hom. 15. ad Ephes. Talem Conjugem nactus domesticum habet Pietatis incentivum, undè Monitum salubre: Ne oculis capiatur Uxor, sed auribus, nec opum aut formæ tam habeatur ratio, quàm Pietatis & in religione sinceritatis : nam Mulierum in Virorum conversione magna, sed in perversione major vis est.

Sunt

Sunt enim malæ κίβδηλον κακόν, juxta Euripid. & facile decipiunt. Vide D. Gerhard. de Conjug. §. 387. Sat multa de Præcepto.

Confirmatur Exemplo ; 1. Generali, sic enim : *hinc & Mulieres,*] Mulierum enim exemplum Mulieribus proponit, quod imitentur : *Nam ut ex igne lux & ex unguento odor in omnes diffunditur ; ita ex commemoratione Sanctorum exemplorum utilitas ad omnes provenit.* Basil. in S. Martyr. Gordon. jubet ergò æmulari Mulieres non impias, ut malè moratæ solent Viris eas objicere, si à luxu, à lascivia arceantur, aut aliis ejusmodi vitiis, - *Quæ crimina non sunt Fœmine à tentata manu ?* ait Mantuan. in Eclog. sed honestas, non quidem ex paganis, nam & inter illas Virtus quarundam eminebat, proponenda illis, quæ videntur depuduisse ; ut pudor Lydicæ lavantis se cum sua semper tunica ; Constantia Leænæ Atticæ omnia Hipparchi tormenta sustinentis ; ut Anticleæ amicitia, Alcestidis amor conjugalis, Macariæ Hyacinthidum magnus animus &c. de quibus Clemens Alex. l. 4. Stromat. Sed *sanctas & sperantes in Deum*, itaque S. Petrus etiam conjugatas, si fideles sint, non ambigit sanctas appellare, nec Paulus à sanctificatione corporis & spiritus conjugatas separat &c. Fulgent. Epist. cit. 3. Hæ, inquit, timentes Dei, sperare enim ut & timere h. l. synecdochicè omnem Dei cultum complectuntur, quod Corn. à Lap. docet ex Paral. 2. c. 17. v. 3. Psalm. 4. 6. &c. *codem modo ornabant se, quomodo ?* subjuncta propriis Viris, nempe per spiritum

N

mitem

mitem & modestum, omnemq; iis obedientiam in omni sorte exhibentes, nota sunt nomina Rebecca, Rachelis & Lia, Noëmi & Rhut, vide hîc D. Gerhard. §. 451. *Exceptâ fornicatione in ceteris omnibus ancilla estote Virorum subdita ad obsequium;* ait Augustinus hom. 49. l. 50. *nulla sit in vobis protervitas, nulla superbia, non contumeliosa cervix, non aliqua inobedientia, prorsus tanquam ancilla servite.* Vide locum elegantem, ubi docet, omnia Uxori perferenda, modò si Vir castus maneat. 2. Singulari; Sicut Sara, Mater vestra, in exemplum ab ipsomet Deo vobis proposita, Esai. 51. 3. *obediebat Abraha,* quomodo? cùm iret in exilium, non censu est retenta, non Parentibus, non propinquis, sed Virum suum, quocunq; pergeret, sequebatur, extrema adit, sororem se ejus asseruit, contenta, si ita esset necesse, periclitari pudore potius, quàm Virum salute, ut in l. de Abrah. ait Ambros. addens salutare dictum: *Qui suavitatem querit conjugii, non superiorem censu ambiat Uxorem, sed quam necessitates non terreant maritales, nec monilibus ornata, sed moribus.* Memorabilis profectò obedientia Saræ, quâ cum periculo pudoris etiam Viro obtemperavit, quo vitam ejus tueretur, sperans interim in Deum, cui conjugalem suam pudicitiam commendabat. Gen. 12. 15. & 20. 3. *An peccarit Abram exponendo Conjugem ei periculo?* vide apud Beh. Justin. h. l. ut & D. Pelarg. in Genes. & alios ibid. Bene fecisse docet Augustinus: *Quia nec tentavit Deum, quando & vite suæ, quantum petuit homo,*

consuluit; & speravit in Deum, cui pudicitiam Conjugis commendavit. l. 22. contra Faust. c. 26. Ut inter sanctas Mulieres, quæ in Deum sperantes Maritis erant subjectæ, meritò palmam sibi vendicet Sara; Dominum suum eum vocans, Gen. 18. 12. & vicissim vocata Sarai ab ipso, Domina mea, cum proprio nomine diceretur Jescha, Gen. 11. 30. Sic enim Uxores, quando Viros honorant, honorantur.

Castà ad Virum Matròna parenda imperat.

Hæc Corn. à Lap. ex Seneca h. l. *cujus estis filia, benefacientes, ac ejus insistentes vestigiis, nam sicut quis, faciens opus Abraha & habens ejus fidem, filius ejus fit; ita benefacientes fideles Fœmina matrem habent Saram: Didymus Alex. h. l. & non pertimentes ullam πόνον, consternationem; quomodo Sara, obediendo Viro suo Abrahæ, omnem ex animo pavorem expectorabat, sperans in Deum. Meticulosum enim genus sunt Fœminæ, ac sæpè ne Maritis obsequantur, vanas timoris causas, comminiscuntur. Undè metus apud Poëtas Fœmineus audit. Degeneres animos timor arguit. Fæc illius hæc pectora metus, odium, ira corrumpunt, ait de his ipsis Quintilian. Declam. 2. Quæ alii adferunt, interpretum longè petita videntur. Vide, si lubet, Corn. à Lap. Bonâ Conjux non solum, vocat Virum Dominum suum, sed hoc sapit, hoc sonat, hoc gestat corde, hoc proficitur ore, tabulâs & atrimoniales, instrumenta emptionis sue deputat. [quæ verba Bened. Justin. frustra refert ad nuptiarum ritum, quo convenie-*

bant Vir & Uxor per coëmptionem, fiebant enim nuptiæ tribus modis, *usucapione, confarreatione, coëmptione*, vide Taubmann. in Amphitr. Plautinæ argum. at hujus coëmptionis finis erat, *ne Uxor videretur sicut ancilla*, Isidorus l. 5. Etymol. cap. 24. quod conclusioni & scopo Ambrosii prorsus contrarium est, ut audiemus. Ergò de emptione servorum & ancillarum loquitur, in qua pacisci solebat emptor cum venditore super evictione, & aliis, uti meminit Chrysostom. de Sacerdot. & notum est. Hinc sequitur.] *Est ergò ancilla, dans opera ancillis.* In cap. 31. Proverb. cap. 3. Pertinet huc præceptum Paulini ad Celantiam: *Servetur inprimis Viro auctoritas sua, totaq; à te discat domus, quantum illi honoris debeat: Tu Dominum illum obsequio tuo, tu magnum illum tuâ humilitate demonstra: tanto ipsa honoratior futura, quanto illum ampliùs honoraveris.* Atq; hæc de pulcherrimo Mulierum mundo dicta sunt.

Exhortationem Tertulliani adjicio, quâ ille librum de Cultu Fœmin. obsignavit: *Prodite vos jam medicamentis & ornamentis extructæ Apostolorum, sumentes de simplicitate candorem, de pudicitia ruborem, depictâ oculos verecundiâ, & spiritus taciturnitate, inferentes in aures sermonem Dei, annectentes cervicibus jugum Christi. Caput maritis subjicite & satis ornata eritis. Manus lanis occupate, pedes domi figite, & plus quàm in auro placebunt. Vestite vos serico probitatis, byssino sanctitatis, pur-*
pura

purâ pudicitia. Taliter pigmentata Deum habebitis amatorem!

Et quidenim prodest peritarum concere vultum,

Putria vel variis onerari corpora gemmis,

Interior dum sordet homo, ac se crimine fœdat?

Alcimus Avitus ad Soror.

II. De Officio Maritorum.

TEXTUS indidem, v. 7. *Viri similiter cohabitent secundum scientiam, velut infirmiori vasculo muliebri impartientes honorem, tanquam & cohæredes gratiæ vitæ, ne impediuntur orationes vestra.*

Habent hîc Viri Christiani 1. Monita. 2. Argumenta.

Monita I, *ut cohabitent suis Uxoribus*, propter hoc enim relinquet homo Patrem & Matrem. Cohabitatio finis & forma est conjugii, illud ineundi, hoc initi. Requirit ea 1. *artissimam societatem*, quæ corporum, animorum, bonorum & malorum communione constat, corporum primò, reliquorum consequenter, undè mutua in corpus alterius potestas. 1. Cor. 7. 4. 2. *Ejus vinculi indissolubilitatem*, adeoq; huic Legi Apostolicæ contrariantur omnia adulteria, divortia, malitiosæ desertiones, & quæ eis æquipollent, de quibus D. Gerhard. §. 400. & seqq. Itaq; *nec Uxor duci potest temporalis, nec filius esse. l. quæsitum. De Adopt. Mariti,*

qui Uxoribus cohabitare nolunt, excommunicandi, decreto Synodi Constantinop. cum Bertegunda à Marito aufugiens se in monasterium contulisset, dicens: *Non videbit regnum Dei conjugio copulatus*; Gregorius Turonensis Episc. Niceno canone prælecto: *Si quis Virum reliquerit, & thorum, in quo bene vixit, spreverit, anathema sit!* eam reduxit. l. 9. Hist. c. 3. refert ipse. Cohabitent ergo Coniuges, & sub eodem tecto, & in eodem lecto, nec alter altero inconsulto voveat continentiam, aut neget benevolentiam. *Periculose promittitur, quod in alterius adhuc potestate est, & nescio, quam sit grata donatio, si unus offerat rem duorum.* Hieron. ad Celantiam. *Tale est, ut velit quisq. corporis sui, quod est in Conjugis potestate, continentiam profiteri, quale si quis de alterius substantia aut elemosynam facere, aut sacrificium conetur afferre, ait Fulgent. Epist. 1. hoc vetitum addens Esai. 61. 8. Cæterum cum Apostolus ait: Similiter, Maritorum erga Uxores fidem vult esse mutuam. Apud Romanos, ut dixit Cato, in adulterio Uxorem tuam si deprehendisses, sine iudicio impune necares: illa te, si adulterares, digito non auderet contingere, neque jus est. Sed bene Hieronymus Epist. 30. Alia sunt Leges Cesarum, alia Christi; aliud Papinianus, aliud Deus nobis præcepit: apud illos Viris impudicitia frena laxantur, apud nos quod non licet Fœminis, æque non licet Viris. Prudentiâ opus est, ut cohabitent secundum scientiam & in diligendo, & in dirigendo, hæc enim duo in maritali cohabitatione præcipua*

cipua sunt. Debet Maritus Uxori *Dilectionem*, ut carni suæ, quam nemo prudens odit. Inter Dona Dei temporalia primum est Bona Uxor, & omnibus anteferendum. *A Domino Mulier Viro aptatur*, ἀρμόζειται LXX. Prov. 19. 14. Ergò ubi nuptiæ harmonia, ubi harmonia, Deus jungit: ubi harmonia non est, pugna atque diffensio est, quæ non est à Deo, quia Deus charitas est. Ambrosius l. 8. in Luc. c. 18. Harmonia hæc omnem melodiam vincit, ipsam Sirenium concordiam. Si fluderent ei Conjuges omnimodis, ut ait Greg. Naz. Carin. 2. de Virg.

- *Leviùs sulcarent æquora vitæ,*

Nimirum duplici Vento impellente carinam.

Sed adsit Prudentia; absit zelotypia, diligatur non forma Uxoris,

Exigue donum breve temporis!

non census, sed ipsa, & in illa Deus. *Amor format ut ignis in paleis aut leprosum pilis facile accenditur, faciliùs extinguitur.* Vide Plutarchi Connubialia Præcepta. *Amantium corda sunt volucra, & amoris irritamenta sæpè extinguuntur Poenitentia*, Clem. Alex. l. 2. Pædag. c. 10. *In aliena omnis amor turpis, in sua nimius.* *Origo amoris honesta est, sed magnitudo deformis, &c.* Hieron. l. 1. adv. Jovinian. Ex infano amore zelotypia nascitur, ut docet Chrysostomus in 2. ad Cor. cap. 11. hom. 23. amoris nex & interitus. *Nam qui zelat, ajunt, non amat.* Multa multis suasit perperam, sæpè Tragædiarum materies fuit. Inprimis cave technas & fallacias. *Samson captus est per Uxorem: nunquid tu fortior?*

*Salomon captus est per Uxorem : nunquid tu sapien-
tior?* Ambros. in Psalm. 118. Sunt enim quædam, de
quibus Mantuanus verè:

Est in eis pietas Crocodili, astutia hyæna;

Cùm flet & appellat te blandius, insidiatur? in

Eclog. 4.

Sed & *Directionem* debet Vir Uxori, quia ejus
caput est.

Sexus uterq, potens, sed prævalet imperio mas.

Ausonius in Monosyllab. Et Menander:

γυναικὶ δ' ἀρχεῖν ἔδεδωκεν ἡ Φύσις,

Negavit imperium natura Fœminis.

Sunt tamen imperiosæ, ac præsertim, quæ dote aut
genere aut alioqui præcellunt, undè Solon apud Au-
son. Ludo VII. Sap.

Par pari jugator Conjux, quicquid impar dissidet.

*Pauper & Dives inimicum est matrimonium : Ne
pecora quidem jugum nisi paria succedunt,* Calp.
Flaccus Controv. 29. Ergò primò deligendæ, ac,
ut magis diligentur, dirigendæ, id est, docendæ &
ducendæ, idq;, si possit fieri, blandè, mansuetè, co-
mitter. Viri & Uxoris regimen Aristocratix simile
est. Aristot. Ethic. l. 8. c. 12. Nec dominari ille in
hanc aliter debet, nisi quomodo animus corpori
imperat, iisdem affectibus obnoxius & benevolen-
tiâ devinctus, Plutarch. in Connub. Tunc pax in
thoro esse poterit, cùm se Uxor Viri Ancillam, cùm
se Vir Uxoris Socium, Patrem & Præceptorem co-
gitaverit. Infirmitates condonandæ sunt, quid
enim?

Amici

Amici vitia noveris, non oderis!

Vetus verbum est, quantò magis Conjugis? *Vitium Uxoris vel tollendum est, vel ferendum: qui tollit vitium, Uxorem commodiorem præstat; qui fert, seipsum meliorem facit;* Varro in Menipp. Absint contumeliæ & verbera. Gravissimè Chrysostomus hoc argumentum absolvit, in 1. ad Corinth. hom. 26. multis rationibus demonstrans, Uxores non esse verberibus tractandas, sed comitate & lenitate: *Illud;* quia sit inhonestum, quod probat 1. à *minori*: Turpe est verberare ancillam, quantò magis Uxorem? 2. à *dignitate conjugali*. Est enim extremæ iniquitatis, vitæ sociam non alio modo tractare ac mancipium. 3. à *Lege humana*, quæ permittit, ut Uxor à Viro discedat causâ malæ tractationis, ob quam indignus ejus fiat consortio. 4. à *Lege divina*, quæ uxorem Parentibus docet præferendam, & illius causâ hos relinquendos. *Quare ejusmodi Virum, si Vir est appellandus & non bestia, instar Patricide & Matricide ego dixerim.* 5. à *sensu Populi communi*, qui ad ædes ejusmodi plagosi hominis confluere, eumq; populo differre, & in publicum euntem publicâ notâ damnare solet. 6. à *tacito familie judicio*, in qua Uxor Viri Vicarium agit, ut fieri non possit, quin si quis eam, quæ post se imperat, probro affecerit, damnum quoque afferat honori sui principatus. *Hoc;* propter 1. *Decentem honestatem*, quia Uxor Marito à Parentibus, quasi aliquod depositum traditum, multaq; cum sollicitudine commendatum, data vesperâ nuptiali est:

est: & quia post Deum per eam liberos Maritus accipit, undè non minore culturâ excolenda, quàm ager sativus. 2. *Vita suavitatem*: Est enim *Uxor portus & maximum medicamentum tranquillitatis animi*, hanc perturbare quid est nisi fluctus excitare in portu, & naufragium sibi procurare? *Etsi omnia amiseris, nihil est molestius, quàm Uxorem domi habitantem habere malevolentem*. 3. *Dilectionis necessitatem*, quia alter alterius onus portare debet, & quia Uxor Caro nostra est. 4. *Dura tractationis inutilitatem*; *Audacia enim lenitate tollitur, non aliâ audaciâ*: & 5. *Mansuetudinis fructuositatem*, nam & *lucrum* parit, Uxorem; aut si non Uxorem, tamen Virum ipsum reddit meliorem; quod Apophthegmate Socratis confirmat, qui rogantibus; cur Uxorem malam & convitiatricem toleraret? *Ut habeam*, inquit, *Palastram, Philosophiæ domesticam*: & *premium Cœleste*, Timentibus Legem Dei promissum: Hæc ille multis.

II. *Ut honorem impertiant*: Quemnam & cum quadam reverentia comiter persuadeant, ut à voluptate coitus abstinere velint: Oecumen. *Si abstinemus nos à coitu, honorem tribuimus Uxoribus; si non abstinemus, perspicuum est honori contrariam esse contumeliam*. Hieronymus 1. contra Jovinian. Confirmat suam explicationem, quia & Paulus eodem spiritu dicat impediri officio conjugali orationes. Videntur autem obsceniùs interpretati τὸ οὐκ ἐν, ut *rude vasculum* apud Petronium, instrumentum actus conjugalis, sic enim & Estius - *veste quod*

quod pudor regit. Quicquid sit ; Impium est τὸν
 ἡμίτην τὸν ἀμάρτην, Hebr. 13. vocare contumeliam.
 Acerbius quidem dicitur, sed contra integritatis &
 continentie hostem utcumq; tolerandum videtur, ait
 Ben. Justinian. Certè si sic absolutè dicas, nec ex-
 cusandum, nec tolerandum, & planè Manichæum.
 Non usus Uxoris, sed abusus contumelia est. Cul-
 pabilis usus autem non in conjugali concubitu, sed in
 concumbentium reperitur excessu. Fulgent. Epist. 1.
 quæ tamen ipsa culpa citius bene operanti atq; oranti
 remittitur, quia ipsi Conjugi servat maritalis charitas
 fidem, in qua non potest maritalis infirmitas custodire
 temperiem, Ibid. Quid ergò ? Honor, ut omnes
 rectè sentientium explicationes cōjungam, requirit
 1. Cordis affectum, ut Vir de Uxore rectè sentiat,
 non pedisequam aut vile mancipium, sed vitæ so-
 ciam, thori consortem, familiæ Dominam, deniq;
 non voluptatis, sed dignitatis & honestatis nomen
 esse, 2. Oris affatum, ut comiter & blandè appel-
 let, etiamsi aliter merita sit, ut David suam Michol
 2. Sam. 6. 19. memor fidei olim exhibitæ 1. Sam. 19.
 12. ut Tobias cap. 2. 23. & 3. 1. & Jobus inprimis Di-
 nam suam, & volunt Hebræi aut Arabissam, ut LXX.
 cū quasi scala esset Diaboli, per quam in hanc vel-
 ut inexpugnabilem turrim subreperet, ut ait Gre-
 gor. M. c. 2. ψ. 20. 3. Operis effectum, nimirum;
 in casto usu, nec enim abnuam præcipere Apосто-
 lum, ut temperanter utamur Uxoribus, non ad su-
 perfluas, nedum ad infandas libidines, abutamur.
 Sic Oecumen. rectè, sic Augustinus, Hesselius &c.
 apud

apud Estium. Vera enim Veri Imp. apud Spartian. sed non verè usurpata sententia est: Nam Uxori conquerenti de extraneis voluptatibus; *Patere, inquit, nec per alias exercere cupiditates meas: Uxor enim dignitatis nomen est, non voluptatis; in necessario victu*, nam quòd Faultina scripsit Imp. Marco Anton. *ut pietatem primum circa suos servaret, sic circa alienos: Non enim pius est Imperator, qui non cogitat Uxorem & filios*: idem generali sententiâ de omnibus Maritis affirmavit Paulus 1. Tim. 5. 8. vide Vulcat. Avidium Cass. *in decenti amictu*, qui tamen modum teneat, nam ut Paulinus ait:

Moribus ornatur, non opibus Probitas.

Præterea in *Protectione*, quomodo Tigranes apud Xenophontem dixit, se vel sanguinis & vitæ impensâ redempturum, ne Uxor servitutem apud Cyrum serviat: in *Directione*, nam & hæc honoris Uxori infirmiori vasculo debiti portio est, ut honore omni digna fiat. *Mariti hoc opus, qui ita imbuunt, ita instituit: nam Uxori sufficit obsequii gloria*. Plinius in Panegy. ad Tragan. Opus ad eam inprimis Viri exemplo. *Thalamus ipse διδασκαλεῖον, schola est vel modestiæ vel impudiciæ*. Plutarch. in Connub. Denique in *rerum communione*, discretis tamen officiis, ne Vir agat, quod Mulieris, aut hæc, quod Viri est. *Virum foris expectat labor, intus Mulierem domestica cura constringit*. Chrysolog. serm. 99. Nam sicut Vir publicis officiis, ita Mulier domesticis ministeriis habilior aestimatur. Ambros. de Parad. c. 11. hæc Monita sunt.

Argu-

Argumenta Tria: I. à *Mulierum infirmitate*, sunt enim vasculum infirmius, ut hominem Phædrus ait esse - *Vas fictile*,

Quod simul offendit, ad fortunam frangitur.

Mulieres ad omnia delicata ad vitiorum sarcinas Viris sunt fortiores, Cyprian. de Discip. & Bono Pudic. Nec solum corpus respicit Petrus, quod aliàs *terrestre vasculum*, Salvian. *vas anima rationalis*, Paulin. in obit. Celsi. Ουλάκιον Synes. Epist. 132. Tertullianus verò *afflatus divini vaginam* de resurr. carn. Ambrosius, *anima vestimentum forense*, de Pœnit. vocârunt, sed & animam inprimis, ad mala proniorem, & procliviorē ad lapsus ac desperationem. Ergò ut vasa murrhina; sic Fœminæ sollicitiùs tractari cupiunt. *Considera Mulierem vas esse debile, tu autem Vir propterea princeps factus & capitis loco datus, ut subdita feras imbecillitatem.* Chrysost. l. cit. in i. ad Corinth. 2. à *Cœlesti hereditate*, sunt enim cohæredes gratiæ vitæ, inferiores quidem sexu, sed in Christo, ubi neque Mas est neque Fœmina, æquales, ejusdem participet gratiæ vitalis, quæ futuræ gloriæ semen & radix est.

*Communis Virtus igitur commune periculum,
Matribus atq; Viris: nulla est distantia cuiq;
Si mens recta subest, si gratia constet utrisq;
Vitaq; si iusto insudat studiosa labori.*

Avitus ad Soror. 3. à *precum necessitate*, ne interrumpantur irâ & diffidiis domesticis, & vel corrumpantur ipsæ, vel fructus earum, ad quem impetrandum mutuo oris & cordis consensu opus est. Matth.

Matth. 18. 19. 1. Tim. 2. 8. Malach. 2. 13. 14. Si nuptias à precibus auspiciari mos etiam fuit apud gentes. Ita apud Valer. Flacc. l. 8. Argon.

- *Sacrificas cum conjuge venit ad aras
Æsonides, unâq, adeunt, pariterq, precari
Incipiunt.*

Sic orandum Conjugibus semper. Sed quod superest, quoque expediendum, paucissimis tamen

III. De Officio Conjugum Comuni.

TEXTUS ubi suprâ: v. 10. *Qui vult vitam diligere, & videre dies bonos, coërceat linguam suam à malo, & labia sua, ne loquantur dolum. v. 11. Declinet à malo, & faciat bonum; quærat pacem, & persequatur. v. 12. Quoniam oculi Domini super justos, & aures ejus in precibus eorum: vultus autem Domini super mala facientes.*

Regula Vitæ generalis est, ex Psalm. 34. v. 13: dignissima, quam pii Conjuges semper in animo circumferant. Continet ea I. Excitationem; *Quisnam est Vir cupiens Vitam?* felicitatem præsentem & futuram, Vita enim Hebræorum usu loquendi omne bonum complectitur, & *amans dies, quibus videat bonum?* At enim quis non cupiat? non amet?

amet? Resp. I. *Vivere omnes beatè volunt, sed ad pervidendum, quid sit, quod beatam Vitam efficiat? caligant.* Seneca de Beat. Vit. cap. 1. 2. Omnes sanitatem optant, pauci rectè, nempe ut & habere curent; ita hîc. Quisquis ergò seriò & ex animo beatitudinem amat, Deum timeat. Timoris autem hæc, quæ sequuntur, sunt foris conspicua effecta: II. Exhortationem I. ad *Lingua continentiam*, γλωσσαι πύχη, γλωσσαι Δαίμων, ajebant Ægyptii, *Lingua Bona Fortuna*, *Lingua sua cuique Genius est.* Plutarch. de Isid. & Osyrid. 2. ad *Vita innocentiam*; Nam

Integer Vita scelerisq; purus

Non eget Mauri jaculis nec arcu.

Innocentia ubique tuta est, Seneca l. 7. Controv. 1. *Quam si quis obtulerit Deo, satis piè, satis religiosè Deo litavit*, Lactant. 6. cap. 1. 3. ad *Cordis benevolentiam*, & pacis studium, non autem sufficit querere pacem, nisi inventam fugientemq; omni studio prosequamur. Hieronym. ad Rustic. Vis & canes venaticos nòsse, quibus fera tam nobilis, tam captu rara deprehendi possit? Præmisit Apostolus, cum dixit: *In summa; omnes sitis unanimes, patientes, fraternitatis amantes, misericordes, affabiles.* 7. 8. III. *Exstimulationem*, per *promissionem* divinæ defensionis & exauditionis; & *comminationem* in antithesi vindictæ.

Clarus ubiq; Deus, nunquam mutabilis author;

Quem non obscurant quacunq; ex parte tenebræ.

Nec

Nec celantur ei, quacunq, obscura geruntur.
 Dracontius in Hexaëm. Sed ego hîc finio. Qui
 plura de his Conjugum Officiis volet, adeat D.
 Gerhard. de Conjugio §. 447. & seqq.

MEDITATIO UNDECIMA,

DĒ

VIDUIS.

TEXTUS. I. Tim. 5. v. 3. *Viduas honorâ,*
qua verè vidua sunt. v. 4. Quòd si qua
vidua liberos aut nepotes habet, discant
primùm propriam domum piè tractare,
et vicem reddere majoribus: hoc enim
honestum et acceptum est coram Deo.
v. 5. At qua verè vidua est et sola, spe-
ravit in Deo, et permanet in orationibus
ac precibus die nocteq;: v. 6. qua autem
delicata, ea vivens mortua est. v. 7. Et
hac præcipe, ut sint irreprehensibiles. v. 8.
Si quis verò suis et maxime domesticis
non prospicit, fidem abnegavit, et infide-
li peior est. v. 9. Vidua allegatur non
minor sexaginta annis, qua fuerit unius
viri uxor. v. 10. Testimonium habens in
bonis operibus, si liberos educavit, si hospi-
tes suscepit, si pedes sanctorum lavit, si
affli-

afflictis subministravit, si in omni opere bono fuit assidua. v. 11. Iuniores autem viduas rejice. Quum enim lascivire cœperint contra Christum, nubere volunt. v. 12. Habentes damnationem, quod primam fidem rejecerint. v. 13. Simul autem & otiose discunt circumire domos: Nec otiose modo, sed & garrula & curiose, loquentes, quæ non oportet. v. 14. Volo igitur iuniores nubere, liberos gignere, domum administrare, nullam occasionem dare adversario maledicendi gratiâ. v. 15. Iam enim nonnullæ deflexerunt secuta Satanam. v. 16. Quod si quis fidelis, aut si qua fidelis vidua habet, suppeditet illis, nec oneretur Ecclesia, ut verè viduis sufficiat.

EXordium. Ut apud Poëtas,

Centum luminibus cinctum caput Argus habebat;

Sic Ecclesiæ Episcopum undiq; oculo esse oportet, & in omnes non modo crediti sibi gregis necessitates, sed etiam hostium machinas, semper intentum; nam non adversus duos tantum. quod tamen ne Hercules quidem ausus Adagio dicitur, sed contra infinitos eum in pugnam descendere oportet, eundemq; quod in militia inauditum, & sagittarum

tarium & funditorem, centurionem & manipularum, ducem & militem, equitem & peditem, denique navali simul pugna & murorum oppugnationi aptum esse, ut ait Chrysostom. de Sacerdot. serm. 3. cap. 2. Inter alia verò incumbit ei quoque ἡ τὰν χηρῶν ἰεργεία, viduarum cura, ut ait Idem serm. 3. c. 16. De qua h. l. Apostolus, prolixè, sed nobis propter antiquitatis ignorationem obscurè; ut faciliùs me expediam, dicam de cura viduarum I. Ecclesiastica. II. Domestica, usum addam præcipuum.

I. Cura viduarum Ecclesiastica.

duplicem honorem requirit 1. *Sustentationis*, 2. *Cooptationis* in numerum Diaconissarum. Undè necessariò nonnihil præfandum *de occasione h. l. & scopo*. Ac apud Interpretes quidem, quos habeo, hoc tantùm invenio, viduas pauperes de Ecclesiæ bonis sustentatas, vicissim in cura ægrotorum aliisq; rebus ei operam suam contulisse, non sine proposito, se continendi per reliquam vitam à nuptiis. Qui distinctiùs ac enucleatiùs scripserit de hac re, inter meos non apparet, nam Hesselium, quem Estius ait diligenter ex antiquitate collegisse, quæ ad hunc locum illustrandum faciunt, videre non licuit. Itaque, quæ collegi, conferam in medium, tu - *si quid novisti rectius istis Candidus im-*
perii, &c. Ac primò quidem Actor. cap. 6. v. 1. Legimus paulò post adscensum Christi in cælum anno Ejus 34. ut Lucius Dexter tradidit in Chronico, exortum esse murmur Græcorum contra He-

bræos,

bræos, quòd viduæ eorum despicerentur in quotidiano ministerio; ubi *Ἀγεῖν* aliqui activè accipiunt, quasi viduæ ministrârînt mensis, id est, curârînt ea, quæ ad Eucharisticum epulum ac conjunctas Agapas erant necessaria. Notum enim Eucharistiam primitùs quotidîre celebratam, nec cibum sumptum communem, nisi prægustato sacro. Addita est cœna publica in Symbolum mutui amoris, undè *ἀγάπη* dicta, id est, *dilectio*, inopum, ut ait Tertull. in Apolog. c. 39. *refrigerium*, nam divites conferebant cibos, invitabant pauperes, & communiter discumbebant omnes, Chrysost. hom. 27. in 1. ad Cor. In hunc usum collata *oblationes* dicebantur, *dona, munera*, de quibus multa Mornæus l. 1. de Missa cap. 5. Hisq; curandis viduas fuisse præfectas, inq; earum locum postea Diaconos suffectos, etsi ex Actis l. c. non adeò clarum est, probabile tamen: Credo tamen potius de ministerio viduarum *passivo* dici, quo ex reliquiis collectarum aliquid iis ministrabatur ad sustentationem, ut & Oecumen. de ritu bene Estius: *Hic mos alendi viduas è fidelium oblationibus, ab Apostolis institutus, diu in Ecclesia perseveravit. Quando autem cessaverit, haud satis constat. Sic multa Apostolica instituta celsârunt in Ecclesia Romana, sensim obrepente pejore consuetudine. Agit de eo more multis Chrysostomus de Sacerdotio l. c. ostendens multâ sollicitudine viduas ab Episcopo 1. fuisse allegandas, ne beneficia tribuerentur indignis, quo & Dei ira & hominum contemptus provocaretur, ac pigriores fierent bene-*

facere aliàs prompti. 2. *curandas*, ut afflueret virtus necessarius velut ex perenni fonte, ne querelis & calumniis locus esset. *Viduarum enim genus*, inquit, & propter inopiam, & propter ætatem & propter naturam immoderatâ lingua libertate uti solet. Hinc oportere Episcopum esse æquum, patientem & in primis *circumspici* bonum quasi patrem familiâs &c. Quæ quoniam h. l. illustrando faciunt, breviter delibare visum. Hæc non multum habent difficultatis, de Diaconissis obscurior est tractatio. Honorem eum Tertullianus *viduarum* vocat, & ni fallor sedem in Ecclesiæ conventibus digniorem ei tribuit, quæ in eo honore collocata fuit. Unde queritur aliquam *virginem - viduam* nondum viginti annos natam illic *sedisse* alicubi, & quidem *intectam*, ut ex sede vidua, ex velaminis venia virgo appareret. *Ad quam sedem præter annos LX. non tantum univira eligenda, sed & matres & quidem educatrices filiorum; ut experimentis omnium affectuum structa, facile nõssent ceteras & consilio & solatio juvare, & ut nihilominus ea decurrerint, per quæ femina probari potest, de virginib. veland. c. 9. ubi & de officio nonnihil, de quo plura Centuriatores nostri Cent. 4. cap. 7. pag. 492. Nam 1. inserviebant Ecclesiæ in muliebribus negotiis, quæ Presbyteros curare indecens & inverecundum fuisset, ut in cura mulierum ægrotarum, in inspectione corporum, &c. teste Epiphani. de Compend. doctrina & Tom. 2. l. 3. hæres. 79. 2. ministrabant in baptismo, & in ministerio verbi privatim, Hic-*
ronym.

ronym. in c. 16. ad Rom. undè Canon IV. Synodi Carthagin. *ut ita essent instructæ, quò rusticæ & imperitas sano & perspicuo sermone possent instituerè, de respondendis in baptismo & vitæ ratione post eum acceptum.* Verisimile ex hoc ordine natas esse *Beghinæ*, de quibus Wolffius ad ann. 1252. Tom. 1. Memorabil. Reliqua in textum reservo. Hinc colligi poterit occasio hujus Apostolicæ ordinationis. Cùm Ecclesiis Apostolus suum de virginitate & viduitate consilium proposuisset 1. Cor. 7. viduæ quædam juniores Ecclesiæ ministeriis operam suam ad dicebant, & in collegium illud Ecclesiasticum viduarum, cui professio cœlibatus vel expressa vel tacita annexa erat, sese recipi petebant, cùm nondum de dono continentix sese satis explorassent. Sed postmodum à Satana propter incontinentiam tentatæ, ac metuentes, ne levitatis & inconstantix notam, apud Christianos, incurrerent, tandem penitens à religione Christiana deficiebant &c. Hæc ex D. Gerhardo de Conjugio §. 517. Objectum ergò hujus loci sunt *viduæ Ecclesiæ*, ut vocat Ambrosius h. l. *viduæ seniores & Martricuriæ*, ita enim vetus quidam Interpres Concilii Laodiceni Canone II. ubi Græcè, *quòd non oporteat dictas Πρεσβυνδæς ἡτοι Προκαθημένας*, *Presbyteras aut Presidentes in Ecclesia constitui.* Scopus, agere de earum Electione & Sultentatione.

I. De Sultentatione hoc, ut numerò dicam, præcipit, ut ne qua ab Ecclesia alatur, quæ aliundè sultentare se possit. Specta autem 1. *Regulam*,

2. *Regula explicationem & confirmationem.* *Regula:* Viduas honora, sustentando, sustentatio autem nomine honoris significatur, quia fiebat cum testimonio honoris & virtutis merito: Sic apud Athenienses in Prytaneo alebantur, qui bene de Repub. essent meriti, qui apud Græcos maximus honos erat, ut docet Suidas in *Πρυτανείον* & Cicero 1. de Orat. quo tamen quodammodo & mulam affecere, quod cum ætate fessa publico operi servire non posset, alias comitari & quasi extimulare soleret, vide Camerar. Medit. Hist. cen. 1. cap. 21. Sic Hieronym. ad Ageruchiam: *Honor impræsentiarum, vel pro eleemosyna, vel pro munere accipitur;* & sic ait, ex Domini explicatione Matth. 15. 6. IV. *Præceptum; Honora Patrem tuum & Matrem tuam;* non in verborum sono, qui inopiam Parentum casus potest adulatione frustrari, sed in vitæ necessariis ministrandis debere intelligi. Viduas, inquam, quæ verè viduæ sunt, quæ omni suorum auxilio, ut ait Hieronymus, destituta sunt, quæ manibus suis laborare non possunt, quas paupertas debilitat, ætasq; conficit, quibus Deus spes est, & omne opus oratio. Ibid. Sic & Theodoret. Oecumen. &c. Ambrosius verò: quæ datâ operâ vidua sunt: *Quæ cum possent nubere, ut meliores essent & dignæ Deo secundas nuptias respuerunt, scientes semel benedici conjugium;* &c. Sed professio viduatus, ut dicam cum Tertulliano, non simpliciter puto ad sustentationem ut ad ordinem Diaconissarum, necessaria fuit.

Ac

Ac non dubitant docti Interpretes alias esse viduas, de quibus hîc præcipitur, alias, de quibus postea v. 9. Albo Diaconissarum adscribebantur etiam divites, qualis fuit Olympias, S. Chrysostomi discipula & assecla, propter quem & auro multata, & Nicomediam deportata est Constantinopoli, apud Sozom. l. 8. c. 24. & Nicephor. l. 13. c. 24. nec ratio apparet, cur illæ ab hoc ministerio fuerint excludendæ? at alendæ non erant nisi egenæ, ne gravaretur Ecclesia. Excludebantur ex illo ordine omnes, quæ non essent univiræ, quæ juniores quàm sexagenariæ quæ familiam adhuc curandam haberent, ac alendos liberos; his autem omnibus denegare necessarium alimonium, quid esset aliud, quàm ad desperationem & ad incitas redigere? Scio querelam Ambrosii aut Ambrosiani Interpretis, inveniri in Ecclesiæ viduis non tantum duum aut trium maritorum uxores, sed & quæ turpius vixerint, quod, inquit, aliquando per negligentiam fit, aliquando potentatu insinuantis: h. l. & Hieronymi sententia, fateor, torsit me, cùm scripsit: *Nec Ecclesiasticis vidua sustentatur alimentis, nisi quæ sexaginta annorum est, & maturitatem habet morum pariter & ætatis.* In cap. 3. Esaie. *Sed recreavit canon Concil. Carthag. IV. sic habens: Viduæ adolescentes corpore debiles, sumptus Ecclesiæ, cujus viduæ sunt, sustententur.* Ergò, inquiebam, quædam etiam sustentandæ fuerunt, quæ ministeriis tamen Diaconissarum erant inaptæ, & si nonnullæ propter corporis debilitatem, cur non aliæ propter li-

berorum copiam, aut alias justas causas? Sed hæc
 doctioribus relinquo. Si quis de solis ordinatis vi-
 duis, de cooptatis puta in Ecclesiæ ministerium, to-
 tum hunc locum explicet, usque ad *ψ. 16.* & in hac
 Regula, honorem, quem iis tribuendum docet A-
 postolus, generationi accipiat, ut & Oecumen. ex
 Chrysostomo, qui tamen prioris expositionis quo-
 que meminerunt; facilius se fortè extricabit. Se-
 quor autem sententiam communiorē. Hæc Re-
 gula est, quam explicat Apostolus ostendens per
 thesin & antithesin, quæ verè sint viduæ, & quæ non
 sint? Verè vidua est, quæ & desolata, *MEMO-*
RIAM: ipsa vi vocabuli, vidua non est, nisi quæ
 suorum ope & consortio orbata, de quo h. l. Era-
 sinus in Annot. & deinceps in usu; quæq; vitæ mo-
 do & institutis se dignam præstat curâ hac Ecclesia-
 sticâ, sperans in Deum, & ab eo solo pendens,
 ac perseverans in exercitiis pietatis æmula San-
 ctissimæ Annæ, quæ jejuniis ac obsecrationibus
 serviebat Deo noctu dieq;: Ambros. h. l. Sic
 in Concil. Carthag. l. cit. *Vidua, quæ stipendio Ec-*
clesiæ sustentantur, tam assidue in Dei opere esse de-
bent, ut & meritis & orationibus suis Ecclesiam ad-
juvent. Si qua autem vidua adhuc filios &
 nepotes habet, ea nondum omnimodis vidua
 est; Ergò nec Ecclesiæ honore digna, aut illi ido-
 nea. Quid ergò? Discant illi liberi & nepotes
 ejus, si pii esse volunt, primum ac ante omnia
 domum

domum suam, suos domesticos, maximè Pa-
rentes, piè tractare, sic enim Ambros. *verris*
ἑυσεβῆν, & vicem reddere, *ἀντιπαραργεῖν*,
majoribus suis. Nihil honestius, nihil Deo
gratius! de quo suo loco. Sic Hieronym. Theo-
phyl. &c. Estius, ex nostris Quistorpius & alii. Ra-
tio explicationis ferè unica, quia de sustentandis vi-
duis præcipiat Apostolus, easq; , quibus liberi sunt
aut nepotes, *suorum*, ut ait Hieronymus, *imponas*
cervicibus, ne gravetur Ecclesia. Sed hoc ipsum
fecit Apostolus postea *v. 16.* cui *πρωτολογία* im-
pingere nolim. Deindè coactum videtur, *propriam*
domum piè curare, explicare de cura filiali libero-
rum, quam debent Parentibus, & non de materna,
quam vidua pia liberis; cùm illi Parentes nescio an
vocabulo domus unquam, hi liberi sæpè compre-
hensi legantur. Sic 1. Tim. 3. 4. *propria domui præ-*
esse, est liberos & familiam piè regere, aut colere,
confer. Gen. 18. 19. c. 34. 30. Exod. 1. 1. 21. &c.
Audiemus igitur & alteram expositionem: *Discant*
illæ viduæ primùm, antequam se Ecclesiæ ministe-
rio consecrent & devoveant, *propriam domum piè*
administrare, quod & in Presbyteris & in Diaconis
quoq; requisivit Apostolus 1. Tim. 3. 4. 12. *Praire*
enim debent merita, ut accedenti debitus honor tribui
videatur: Quæ enim affectus suos piè tractavit, &
domum bene gubernavit, Dei legem servabit, digna
effecta remuneratione Ecclesia. Ambros. & hoc mo-
do *vicem reddant Parentibus*, beneficium educa-

tionis, quod ab illis acceperunt, in posteros refundendo: Ingratæ enim sunt in Parentes, quæ ne tardum educationis perferre cogantur, suos deferunt, & impietatem duplicem, quam & in maiores & in minores exercent, titulo Pietatis in Deum specioso, vanè palliare conantur. *Hoc ait Apostolus omninò bonum, hoc Deo gratum!* Sensus profectò contra impia vota Pontificiorum quorundam utilissimus, & vel ex solo scopo Apostoli planissimus. Eo tempore multi ambibant viduatam, propter honorem, *gloriosum est enim huius rei vocabulum*, ait Ambrosius, h. l. accedente imprimis emolumento multiplici quàm privato quàm publico; quin & iam tum opinio Sanctitatis non paucas ἐθελοθρησκείας producebat, & alicubi Montani Spiritus, clam, palàm, rem suam gerebat, vide Coloss. 2. 21. 23. 1. Tim. 4. 3. His de causis etiam juniores quædam, etiam Matresfamiliâs, in eum ordinem accipi cupiebant, quas ad vocationem divinam ordinariam revocat Apostolus, vanam persuasionem, quasi viduatus per se pulchrior Deoq; acceptior sit, à fibris quasi revellens & refellens. Deniq; hæc Regia Via, hæc tritior expositio est, probata Chrysostomo, Theodoro, Ambrosio, Augustino, &, ne Pontificii repudiant, Vulgato Interpreti, ut palàm est, quos Adamus à Sasbout sequitur, aliiq;. Nil tamen definire audeo. judicent pii & docti. Restat aliud adhuc viduarum genus ὁδώνυμον, honore omni prorsus indignum, de quo sequitur: At quæ in deliciis versatur, *παῦλας*, prodige vivere est,

est, *παθῶν* vocabulum ex textrina, prodigè densare licium, *zu viel einweben / verzettlen /* quanquam hoc propriè staminis est, tamen simili Metaphorâ usurpari solet à Germanis; Spatha dicitur instrumentum textoris, quo inculcat licium, *Weberblat /* *πατάλα* itaque propriè divitias luxu prodigere, proterviâ facere, genioq; suo indulgere; juxta Ambrosi *deliciis vacare & luxuria*, Talis illa S. Zenonis Episcopi Veronensis, qui claruit sub Imp. Galieno: *Ecce rursus ad lenocinia redis! colorem de pixide mutuaris paulò antè damnatum! Ecce indulgenter excolis crinem, odorato pulvere luctus pulverem mutas, in stibio fletus includis, ornamento ligas, quod suspendio voveras collum, ab speculo oracula inquiris, quàm commodè possis circumscribere petitorum: &c.* in serm. de Continent. Multæ autem etiam, quæ liberos habent, viduitate abutuntur, non ut extinguant voluptates, sed ut succendant, iisq; sese liberiùs tradant, ut notavit Chrysost. h. l. at quid ejusmodi vidua? Vivens mortua est! nomen habent viventis, ad rem interinortua, se & omnes fallit: *impostura enim genus est aliud agere, & aliud profiteri*: Ambros. h. l. vivens mortuâ, elegans *ὀξύμωρον*, quod Patres de morte spiritali & æterna explicant, ἡ γὰρ *πατάλη θανάτου προξενῶ, θανάτου τῷ αἰωνίῳ*, *delicia mortis*, ut ita dicam, sunt *Pronuba & conciliatrices, & quidem æterna*. Chrysost. h. l. ubi multa disertissimè, è quibus ista: *Viventes non in eo à mortuis tantùm differunt, quod Solent intuentur & vescuntur aurâ cibariâ, sed quod boni*

boni quid agunt: hoc si absit, nihil mortuis prestabunt. Vivus mortem suam obiit, qui in deliciis agit: *Quonam modo?* Solo ventre vivit, ceteris verò sensibus nullo modo. Imò peior est mortuo: Ille enim bona & mala æquè non sentit; at hic mala sola sentit, quoad bona verò jacet defuncto similis, immobilis. Addit & in sepulchro quasi conditum, jam putrescere & corrumpi animo & corpore, quin & ne hominem quidem esse, hominem enim, definiente Sacerâ Scripturâ, esse justum, veracem, pium abstinentem ab omni opere malo, reliquos non homines dici, sed canes, equos, vituperas &c. Concludit isto bracteato: Non ergò quæramus hic remissionem, ut illic inveniamus. Non deliciemur in terris, ut deliciis affluamus in cælis, deliciis illis veris, deliciis nihil malorum parientibus, bona innumera continentibus. Sic Ambros. *deliciæ sunt janua peccati*. Theodoret. *immodicæ*, inquit, *deliciæ rationem obruunt, & efficiunt, ut in corpore, tanquam in aliquo sepulchro jaceat*: h. l. Meminit hujus præcepti S. Ignatius ad Antioch. Epist. 9. *Vidua ne deliciose sint, ne luxurientur contra Verbum, Dei Filium, in quo solo vera vita*. Hæc non damno, propriè tamen Proverbium est, quo usus est Apostolorum doctissimus, q. d. nulla est, inter mortuos viva obambulat, licet ad tubicines mittat, ut ait illa apud Petron. in Satyr. *vivum cadaver, vivum sepulchrum est*, ut habent Græca Adagia,

similis sepulchris nil nisi nomen retinuit,
ut cum Laberio dicam. Seneca diceret: *mortem suam*

suam antecessit: Hos, inquit, ventri servientes, animalium loco numeremus, non hominum, quosdam verò ne animalium quidem, sed mortuorum &c. Epist. 60. Habes explicationem Regulæ, quam confirmat à Loco Comuni: Si quis autem, sive in Parentum sive in liberorum classe sit, nam utrosque respicit, ut rectè observat Theodoretus, non solas viduas, ut Erasmus, Adamus & alii, suorum consanguineorum maximè domesticorum & habitatione sibi conjunctorum curam non habet, de provisione rerum ad vitam necessariarum propriè sermonem fieri Estio concedo, sed non exclusivè: Curam tum eam appellat, quæ circa animam est, cum illam, quæ circa corpus, ait Adamus à Sasbout, ex Chrysost. is fidem ipso facto abnegavit, apostata est probrum Christiani nominis. *Non enim fides sola est fidei confessio, sed & opera demonstrare bona.* Chrysost. Quid enim ab eo speres, qui & suos contempsit? *Non est idem domesticum negligere, & alienum. Gravius crimen est notum quàm ignotum, amicum quàm extraneum despicere.* Idem. & infideli deterior est, pravitate mentis, quia & Legem Dei, quam infidelis non novit, & dictatum naturæ, quem iste sequitur, susq; deq; habet; nam & Dei Leges & natura violat, qui suos negligit, Chrysost. *pejor habeatur, necesse est, qui sub Lege & Timore Dei agens contemptor est, quàm qui non subjectus est Legi.* Ambros. & gravitate supplicii, quia *melius est viam veritatis*

ritatis non cognoscere, quam postea deviare: Remigius. Sat multa de primo. Attexit Paulus Exhortationem ad Timotheum: Hæc præcipe, & sedulò viduis inculca, ut sint irreprehensibiles, tantamq; diligentiam actuum ac morum viduam vult habere, ut reprehendi non possit, Ambros. Et nos ergò, cum Chrysostomo, sequenti Paulum, denunciamus viduis, deliciosas viduas non esse in albo viduarum. Nam similes lavacris, theatris & negotiis aliis se dedens, ut λειποτάχως, perduellis & desertor judicatur, quantò magis vidua? Superest, ut dicamus

II. de Electione, ubi Apostoli Consilium & Præceptum I. de Senioribus eligendis, II. de Junioribus rejiciendis. De Senioribus sic ait: Vidua allegatur, Catalogo adjiciatur, Chrysost. Vulgatus eligatur, q. d. præficiatur cæteris; ut explicat Cajetanus, & probat ex eo, quòd tanta ætas requiratur. Refellit Estius, sed quicquid sit, non de his h. l. sermonem puto fieri, quæ eleemosynis Ecclesiasticis gaudebant, sed de Diaconissis; fuisse autem viduas quasdam ab Ecclesia alitas, non Diaconissas, suprà ostensum est. Requirit autem I. Ætatem, 2. Probitatem. De Ætate: non minor annis sexaginta. Cur? Si de alimentis exhibendis sermo esset, non reperiretur conveniens ratio tantæ ætatis. Scio Theodoretum hujus definitæ ætatis hanc dare causam, quòd quæ adhuc florentiori sunt ætate laborare, & victum sibi possint quærere,

rere, quam & adferunt Hieronym. ad Salvinam, Ambrosius de viduis & alii. Sed hæc causa non est universalis, & m & quædam ante sexagesimum annum victum sibi quærere non possunt, has præterire, quæ esset crudelitas? & quædam post eum adhuc possunt, quas illis præponere, quæ iniquitas? Ergo alii referunt hoc Apostoli institutum ad propositum continentiæ, quod profiteri viduas Ecclesiæ oportebat, nullæ autem sine periculo poterant nisi sexagenariæ. At primò in dubio est, an viduæ sustentandæ sumptibus Ecclesiasticis vovere aut profiteri cœlibatum necessariò debuerint? rationes dubitandi superiùs adduximùs; nam verè vidua & prorsus desolata potest esse, quæ tamen nec professione continentiæ sibi laqueum injicere audet, nec statim nubere potest, quid illa? exhæredabitur interim ab Ecclesia, usque dum legitimam ætatem adeptæ erit? Deindè si merita inspicimus viduitatis, utique illa præclarior, quæ calorem adolescentiæ & junioris fervescens edomat ardorem ætatis, nec mariti gratiam, nec uberiora liberorum oblectamenta desiderans, quàm quæ effœta jam corpore, frigida senectute, matura ævi, nec calere voluptatibus potest, nec sperare de partu, ut ait Ambrosius de viduis. Talem cur excluderet Apostolus à stipendio, simpliciter definitâ ætate? & annon studium ille castæ viduitatis, præsertim apud egenas & sine Ecclesiæ ope se sustentare non valentes, quæ tantò minùs à lascivia sollicitantur, quantò minùs deliciarum noverunt, prorsus sufflaminaret? Hæc me confirmant,

non simpliciter de sustentatione viduarum, sed de Diaconissis h. l. agi, quas ante sexagesimum annum ordinari non vult Apostolus, quòd eam ætatis maturitatem adeptæ magis Ecclesiæ ministerio idoneæ essent. Nam, ut ex Tertulliano audivimus, *consilio & auxilio* alias adjuvare fœminas ex officio tenebantur. Ad illud opus erat eis famili Prudentiâ; ad hoc Cœlibatu; quam & hinc apparet ordinî huic Diaconissarum, necessitate quâdam, non ex opinione cultus aut meriti annexum fuisse. Plurculum de his in usu. De probitate pergit: Quæ fuerit unius viri uxor, & in legitimo conjugio vixerit, ubi una est unius. Quid Pontificiis hic reponendum sit, postea monebo. Voluerunt Apostoli quoquo modo obviam ire pravis consuetudinibus in repudiandis conjugibus, etiam levissima de causa, ac sensim retinere suos à varia Polygamia iis temporibus recepta, quodq; vi vix impetrare poterant, consilio efficere. De quo & suprâ nonnihil Meditat. VII. In operibus bonis testimonium habens, quòd per multos antè annos *sulcum Pietatis* severit, ubi neque aratrum figendum, neque Boves jungendi, neque tempus exspectandum, neque humus prosciendenda, neque cum inclementiore cœlo *luctandum*, quia in cœlum scribitur, ubi neque frigus neque hiems, nec aliud simile, ut eleganter in Morali h. l. ait Chrysost. Requirit autem bonum testimonium, non quòd de eo beneficientem sollicitum esse deceat; *Nesciat, inquit Dominus, sinistra tua,*
quid

*quid faciat dextra tua. Quid mille advocas testes? ne servus quidem adspiciat, si fieri possit, nec uxor. Idem infr. homil. 14. sed quòd beneficientes consequi soleat. Bona enim vita & actus modesti abscondi non possunt, ait in hoc cap. 5. v. 25. Ambros. Si filios educavit, *ως δει*, ut piam Matrem decet, Chrysost. Si hospitio recepit, & pro vireculis peregrinis aut exulantibus se hospitalem exhibuit, ut illa 1. Reg. 17. 10. Si, quod novissimi ministerii genus est, Sanctorum, quales suo ævo Monachos fuisse deprædicat Chrysostomus, eorumq; institutum & vitæ rationem ad unguem depingit, hom. 14. cit. h. l. addens tamen, *ut margaritarum, licet omnes eodem nomine veniant, magna differentia est; ita & Sanctorum*; p. 1601. & *Sancti sunt omnes, qui fidem rectam cum vita habent, hi quamvis signa non faciant, Demonas non ejiciant, tamen Sancti sunt.* p. 1598. pedes lavit, pro more ejus gentis, Gen. 18. 4. & 19. 2. Luc. 7. 44. Si afflictis, ægrotis, orbitatem, captivitatem, exilia aliasq; tribulationes sustinentibus opem tulit, consilium aut auxilium præstitit; deniq; si omne bonum opus prosequuta fuit, nam*

ut desint vires, tamen est laudanda voluntas.

Chrysostomus hîc inter alia hoc scitè ait: *Si pauperi dederis, ne per teipsum dare dedignere! Non enim pauperi das, sed Christo. Quis verò adeò infelix, ut manum dedignetur porrigere Christo?*

Porro de *junioribus* hæc habet : Juniores autem viduas, adolescentulas, Ambros. positivè juvenes, non comparativè juniores annis LX: sic Comm. vide & Estium h. l. Ego discerno Præceptum à ratione; *Præceptum* est, rejice, ubi prohibet juniores suscipi in hac professione, ut ait Ambros. nempè comparatè, omnes minores LX. annis. *Ratio*, à lubricitate ætatis, maximè adolescentiores notat, locum tamen etiam in iis habet, quæ per ætatem adhuc conjugio & partui idoneæ sunt. Non admittendas ait, neque juvenculas, neque provectioris ætatis ullas. ante præfinitum annum sexagesimum; quòd in illis *lubricæ ætati fides facile haberi non debeat*, ut explicat Ambros. in his quoque non absit omne periculum incontinentiæ. Quum enim cœperint *καὶ τὸ σπυριαν*, lascivire, ferocire, deductum putant à verbo *σερεῖν* ceu Metaphorâ sumptâ à jumentis, quæ cùm pabulo ferociunt, avellunt habenas, & suo pte feruntur arbitrio, Erasmus in Annot. ubi aliâ: *cùm cœperint Accissare & deliciari, cùm contra Christum superbiam intumuerint*, Oecumen. Acco mulier petulantissima fuit, undè *Ἀκκίζεν* Proverb. quo & Chrysost. utitur h. l. *quum luxuriatæ, fornicata* vertit Hieronymus, in Christum, *in injuriam Viri sui Christi*, cui desponderunt se, Idein ut & Oecumen. fuerint, nubere volunt, nuptiis sollicitantur, Ambros. nuptiis impiis, ex lascivia ortis; cum Christi abnegatione conjunctis, ut sequitur: Habentes da-

mna-

mnationem, quòd primam fidem Christo in baptismo promissam, occasione nuptiarum, rejecerunt, ut de Marcione & Basilide ait Hieronymus. in præf. Comm. Epist. ad Tit. fide non esse dignos, qui primam fidem rejecerunt. Ut rectè hinc demonstrat Vincent. Lirin. c. 12. adv. Nov.

Magno metu nobis mutata fidei ac temerata religionis piaculum pertimescendum esse. Sed de hoc mox plura in usu, sequor hinc communio rem nostrorum sententiam.

Vin' & scire, quibus gradibus in hoc profundum perfidiæ se præcipitârint? audi: Simul otiosæ discunt circumire domos, otio autem dant vitia: *καὶ οὖν τὴν κακίαν ἐδίδαξαν ἡ ἀργία*, Chrysost. h. l. nec otiosæ modò, sed & garulæ, curiosæ, loquentes, quæ non decet.

Quî enim non fierent otiosæ, loquaces, curiosæ decedente curâ viri, & non succedente curâ Dei?

Idem. Nuptiarum enim erant proximæ, multorum secretorum participes, adulatrices, servorum querulæ, interim commendante professione acceptabiles domibus divitum &c. Ambros. Quid ergò?

Contrarium præceptum addit: Volo igitur hujus gravissimi periculi intuitu, ejusmodi juniores, etiamsi se jam Ecclesiæ devoverint *presumptione temeritatis*, ut dicam cum Ambrosio, nubere,

nubant, cui volunt, tantùm in Domino, 1. Cor. 7. 39. hoc enim omninò præstat, quàm fornicari contrâ Dominum, ac *miscere se servis suis & aliis fornicatoribus*, ut illud luxuriari & lascivire Remigius

exposuit. Non tantùm suadentis verba sunt : *Consilium dat & præcipit ea fieri, quæ licita sunt. Melius est enim domus suæ curam gerere, quàm in aliena domo adulari: Et multum expedit nubere, quàm sub bona & pia professione notabiliter incedere. Plus autem est cum pudore manibus victum querere, quàm inverecundè cum otio aliena utensilia expectare,* Ambros. h. l. Volo liberos gignere, domum suam administrare, hæc enim piæ mulieris officia sunt, in quibus & salvari poterit, 1. Tim. 2. 15. hoc volo, quoniam volo nullam occasionem dare adversario, τὸ ἀντικείμενον, ὃ ἐξ ἐναντίας, Tit. 2. 8. qui religionis Christianæ hostis est, ad maledicendum, & calumniandum Doctrinam Evangelii, arripiunt enim hostes Verbi divini quancunque ansam maledicendi, quantò magis si quam speciosam invenerint ? Non quidem ex quorundam malis moribus de tota doctrina ferendum est judicium: Vel ut cum Proclo dicam in Platon. Polit. *Non ex abusu de rei virtute aut vitio judicandum; sed quæq; ex propria natura & intrinseca sua rectitudine æstimare convenit.* Accidit hostibus veritatis ferè quod nocturnæ, quæ vitium oculorum suorum imputat claris ac lucidis Solis fulgoribus, Simocatta in Epist. Hermag. ad Sopatr. Væ tamen illis, qui in causa sunt, ut nomen Dei blasphemetur inter gentes! 2. Sam. 12. 14. Esai. 52. 5. Ezech. 36. 23. Rom. 2. 24. Confirmat hoc præceptum ejusq; causam experientiâ, Jam enim non

nonnullæ ἐξέτρεψαν, retroconversæ sunt post Satanam, & à Christo prorsus defecerunt, rectè enim refertur *ad defectionem religionis*, per hanc enim religio multum infamatur, Estius. De toto hoc loco, propter Pontificiorum abusum, difficili valdè, videatur Excell. noster Gerhard. de Conjugio §. 182. & 513.

II. Cura Viduarum domestica.

Quòd si quis fidelium, vir aut scemina, habet viduas sibi sanguine junctas, aut alio vinculo obstrictos, ut hæc regula quoque Dominos & Dominas teneat, sæpè enim fit, ut viduis, *quia per senectutis causam desistunt ab opere lanificii & aliis, retrahant, & vestimentum & victum*, ut & Ambros. h. l. queritur; suppeditet illis necessaria, non enim requirit πολυπλείαν βίαν magnificos sumptus, ait Chrysost. & non gravetur Ecclesia, ut fit, cum cogitur vestire multos, quæ deberet vestire paucos, Ambros. ut iis, quæ verò & omni ope destitutæ viduæ sunt, sufficiat, ne aut earum murmuri sit locus, *est enim paupertas involuntaria malum ἀνόρεστον, καὶ μεμψιμοιρον, καὶ ἀχάριστον, insatiabile, querulum, ingratum*, Chrysost. de Sacerd. l. 3. c. 16. de viduis agens, aut infirmior sexus gravioribus tentationibus succumbat, *Paupertas enim δεινὴ καὶ τὴν γενναυτάτην ψυχὴν κατὰ βάλεῖν, etiam generosissimas animas frangit & prosternit*. Ibid.

Uſus, & Abuſus.

Multi Loci Theologici ex hac Apoſtolica per-
 riocha explicari poſſunt, ut I. De Baptiſmo;
 contra Anabaptiſtas, etiam liberos infantes ba-
 ptizandos, ex praxi Apoſtolorum, qui integras
 domos baptizâſſe leguntur, quibus etiam li-
 beros & nepotes comprehendi ꝑ. 4. h. l. patet.
 II. De Fide; non poſſe divelli à Charita-
 te, quam quiſque non oſtendit, eo ipſo fidem ab-
 negavit, ſeq; nullam in corde retinere prodidit.
 ꝑ. 8. Excipit Eſtius 1. factio negat fidem, qui facit,
 ut alii à fide propter ſcandalum avertantur. Reſp. eo
 ſcilicet ipſo oſtendens, quantum de fide in corde
 ſtatuat. Quomodo enim credit Deo, qui, quod
 præcipit Deus, contemnit? *Licet Deum quidem ne-
 gâſſe non videaris, tamen, legem illius prævaricans,
 Deum ipſum abnegas.* Oecum. *Quid enim præcepit
 Deus ille creditus? domesticos ſervos non deſpicien-
 dos.* Chryſoſt. ex Eſai. 58. 2. non dixit Apoſto-
 lus, fidem amiſit, ſed negavit. Reſp. hoc plus eſt;
 etenim effectus eſt apoſtaſias intrinſecæ, arguens
 ſuam cauſam. 3. contrarium ſequitur: *Si eſt infide-
 li deterior, non eſt infidelis.* Reſp. eâdem formâ ſe-
 quitur, adulterum non eſſe fornicatorem, ſacrile-
 gum non eſſe furem, parricidam non eſſe homici-
 dam. Ut ſimulata æquitas duplex iniquitas; ita
 ſimulata fides, duplex perfidia, atque adeò omni
 infidelitate deterior eſt. Sed & fidem amitti poſſe
 h. l.

h. l. ex ψ . 12. probatur. de his vide Mehlfürer. Disp. V. in h. l.

III. De Conjugio : Secundas nuptias non esse honestam fornicationem, sed legitimum & continere non valentibus necessarium conjugium : ex ψ . 14. D. Gerhard. de Conjug. §. 182. Licet quoq; personis Ecclesiasticis : Idem de Minister. Eccles. §. 355. Objicitur : ex h. l. ψ . 9. de eligenda vidua, quæ fuerit *unius viri uxor* ; explicandam esse Apostoli sententiam, de eligendo Episcopo, qui sit *unius uxoris vir*. 1. Tim. 3. 2. Atquæ prius illud non potest intelligi de ea, quæ simul plures viros habuit, excludenda, sed de ea, quæ de mortuo primo alij nupsit. Ratio ; *quia nunquam & nusquam in usu fuit, ut una mulier plurimum viro- rum simul esset uxor*. Bellarm. l. 1. de Cler. c. 23. *ut una mulier plures simul maritos habeat, nulla gentium consuetudo, nulla lex unquam permisit, aut permittit* : Estius h. l. Ergò & posterius ita intelligendum, ut Apostolus ad Episcopatum admitti noluerit, non tam eos, qui in Polygamia *simultanea*, quàm qui in *successiva* vixerint. Relp. I. ad Majorem 1. per *infirmitatem*, quia non utrobique eadem prohibitionis ratio est ; oportebat viduam Ecclesiæ, ut ministerio suo posset liberè defungi, cœlibem esse ; Episcopum non oportet. *Major autem spes est non nupturam, amplius, aut non luxuriaturam contra Christum, quæ uni viro fuit, & post prima ad secunda vota non transit*. Sic D. Quistorp. h. l. Nam *ut probabile argumentum est ; si quæ, cum virgo fuit,*

continere non potuit; Ergò & post expertas nuptias continere non poterit, ut ait Estius h. l. in x. 14. Ita multò probabilius; quæ sæpè nuplerit, continere non posse. 2. per concessionem, sed cum inversione minoris. Nam ut illud de Episcopo, ut sit unius uxoris vir, non opponi potest, nisi Polygamia reprehensibili & cum crimine conjuncta, ut clarè ex contextu patet: Ita & hoc de vidua, unius viri uxore, quam Apostolus vult esse sine crimine x. 7. Polygamia autem interpretativa, non est cum crimine conjuncta. II. ad Minorem, in verbis illis: unius viri uxor, & unius uxoris vir, nihil aliud esse nisi descriptionem veri & legitimi conjugii, eamq; non opponi debere uni tantum vitio, sed omnibus, legitimo conjugio contrariis. Ergò Apostoli Præceptum de omnibus vitiosis conjugiiis divinæ institutioni contrariis excludendis intelligi debet: de Polygamia illa successiva verò, quæ inter vitiosa conjugia non apparet, nullo modo. Ad rationem additam Minori, Respondeo. 1. Posse quasdam fœminas nec plurium virorum esse uxores, nec tamen etiam unius, quas omninò à viduatu repellendas velit Apostolus, eò quòd non sint irreprehensibiles. Tales sunt adulteræ, & quæ in fornice omnes admittunt, ut Claudii Imp. Uxor Messalina, quæ Lycisca nomen mentita

*Intravit calidum veteri centone Lupanar,
Et lassata viris necdum satiata recessit,
nobilissimam unam ex prostitutis ancillam die & nocte quinto & vicesimo coitu superâsse legitur.*
Vide

Vide Plinium &c. 2. *Quasdam simul plurium virorum uxores fuisse, & esse posse, & quidem multis, casibus, non quidem Lege divinâ, sed hominum opinione, Legibus & moribus Legi & ordinationi divinæ contrariis, atq; ideò ab Apostolo jure damnatis.* Sic inter gentes passim reperiiebantur *fœminæ simul multiviræ* 1. *ex superinductione*, quæ vivente marito alium superinducebant, ut Livia & Fabiola, de quibus D. Gerhard. §. 304. l. cit. 2. *ex usurpatione*, quæ uni desponsæ, alterius essent *usurariæ*, ut Alcumena apud Comicum, quòd apud Spartanos in sterili conjugio honestum habebatur. 3. *ex publica desponsatione*. Britanni deni duodeni-que unam ducunt, fratres cum fratribus, parentes cum liberis, filii ejus sunt, à quo primùm virgo ducta est: unam & Arabes consanguinitate juncti, apud quos ex alieno genere adulter est: quinq; viris nubit fœmina apud Medos, qui montes incolunt, ait Sardus Ferrariens. de morib. Gent. lib. 1. cap. 1. deniq; 4. inprimis & receptissimâ consuetudine, *ex frequenti repudio*. Pudorem rei tollit multitudo peccantium, & desinit esse probri loco commune maledictum! Nunquam jam ulla repudio erubescit, postquam illustres quædam ac nobiles fœminæ, non Consulum numero, sed maritorum, annos suos computant, & exeunt matrimonii causâ, nubunt repudii? Senecal. 3. de Benef. c. 16. *Adspicimus matrimoniorum singula momenta rixantia; mutant quotidie domos, & per amplexus lectulosq; discurrunt: Placet etiam post liberos alius maritus, & undè*

deprehendas omnium scelerum facilitatem, possur non amare viventem. Quintilian. Declam. 2. vide Martial. l. 6. epigr. 7. &c. Hæc eodem ferè tempore inter gentes publicè deplorabantur, quo Apostolus vetuit ad honorem viduatus admitti non-univiras, ut levitati isti obicem poneret, quæ tamen adeò contumax & disciplinæ Ecclesiasticæ cedere nescia fuit, ut *quadringentis pòst annis* Augustino fuerit exclamandum ad Competentes: *Non vobis, viri, licet habere uxores, quarum priores mariti vivunt. Nec vobis, fœmina, habere viros licet, quorum priores uxores vivunt. Adulterina sunt ista conjugia, non jure fori, sed jure Cœli! Nec eam fœminam, quæ per repudium discessit à viro, licet vobis ducere vivo marito, &c.* serm. 49. in L. Quinquag. Hæc præter institutum pluribus, à nemine, quod sciam, hoc modo explicata; ne nobis fungos putent esse pro cerebro, qui nullis legibus, nullis moribus permissum clamant, ut una uxor simul plures viros habeat.

IV. De Votis; pugnant Pontificia cum norma Apostolica multis modis; Ratione I. *Causæ efficientis*; dum ad Vota admittunt non liberos, sed divinâ obligatione præventos, contra præscriptum *¶. 4. & 8.* *Hodiè summa habetur pietas, si quis domi relictis liberis & uxore, aut etiam grandævis parentibus, vel Hierosolymas abeat, vel in monasterium sese abdat, sibi victurus, aut fortassis etiam veniri:* Erasmus in Annotat. h. l. Imprudentes quoq; & temerè onus supra vires suscipientes, cum periculo

culo animæ: Contra §. 9. & 11. præcepta, & experientiam. §. 12. 15. undè Estius adducit Cajetani verba: *Utinam hodiè disceremus ab hujusmodi experientiis; an profint juvenilis ætatis utriusq; sexus solennia Vota, tum sacrorum ordinum, tum religionum!* & inter ipsos Pontificios censent quidam, *juvenes differendos usq; in annum ætatis 24. aut 25.* Sed hoc, ait Lessius, *insipiens consilium est.* Quòd multò magis sibi responsum habeat Paulus, differendas censens juniores viduas usque in annum 60. At de viduis loquitur, non de virginibus continentiam voventibus. Resp. nec potuit de talibus loqui, *quia nullæ tum erant.* Chrysostom. hom. 13. h. l. & deindè ratio ab Apostolo adducta, & experientia generalia sunt, & similium eadem ratio est. At viduæ difficiliùs continent, Resp. Scio & Tertulian. statuere, *viduas habere aliquid operosius: Quia facile est, non appetere, quod nescias; & aversari, quod desideraveris nunquam.* l. I. ad Uxor. cap. 8. Sed hoc non semper usuvenit. Vehementiùs ferè sollicitamur incognitis, & ut habent trochæi illi:

Amplius quam est, suspicamur res priùs non cognitæ.

Anie conatum admiramur, quæ ridemus cognita.

De viduis verò, quæ, post fastidia & labores partus, tandem velut veteranæ *conjugii arma* deposuerunt, quas tamen ante definitum annum non admittit Apostolus, ne laqueum injiciat, manifestè falsum. Non prohibet tamen, ajunt, omnes vovere Aposto-

lus,

*lus, sed plerasq, juniores, præsertim eo tempore, quæ monasteria nondum instituta erant, in quibus clausæ continerentur: Sic Estius, & de monasteriis, quod bis ait, notandum. Resp. 1. Non prohibet quasdam adolescentulas esse viduas, sed μοιχαλίδαε esse prohibet, adulteras &c. hac causâ sublatâ, non prohibet, ait Chrysost. 2. Profiteri autem continentiam ante definitum annum, proposito periculo, omninò prohibet: ne faciliè audeant, quod implere difficile est: aut si animus est huic devotioni deditus, apud se interim teneat, quia dicit, temerarium esse profiteri, quod adhuc juvenili ætati credi non debet: Ambros. h. l. 3. Monasteria, si Spiritus Apostolicus novisset ad faciliùs servandam perennem continentiam proficua, & ideò divino consilio instituenda, cur non hîc instituit? aut institui olim jussit? nempe quia humanum inventum sunt &c. Monasteria monialium experienciâ Magistrâ quidam conquesti sunt in fornices mutata, & præparatum bestia thalamum, in quo à tenera ætate impudicitia discatur. Honorius & Picus Mirand. aliq; apud Sutliv. de Monach. præfat. II. Materia; dum continentiam perpetuam vovent, quæ est donum peculiare, non in medio positum: Contra præceptum v. 14. Volo juniores nubere: ubi id se velle ait, quod absolutè consideratis omnibus circumstantiis expedire videbat istis junioribus viduis, ut ait Estius. Nec obstat illud: Volo omnes esse sicut meipsum, 1. Cor. 7. 7. & de viduis: beatior erit, si sic permanserit. v. 40. priore loco enim tantum
deside-*

desiderium suum exponit, quod tamen videt non posse impleri: addit enim; sed unusquisque donum suum habet à Deo. Posteriore autem, declarat quidem in genere, quid sit melius? non tamen omnes viduas ad id hortatur; sciens, non omnes capere posse, &c. Estius h. l. verè & orthodoxé. III. Formæ; dum vovent cum perpetua abjuratione conjugii, & cum obligatione ad æternam damnationem, nullâ interpositâ conditione, sive quis continere possit, sive non possit. At viduis etiam post professionem licebat nubere, non tamen sine crimine & scandalo, si continere non possent. Undè illud: Volo juniores nubere! §. 14. Easdem puta, quæ post fornicationem & luxuriam nubere & ipsæ volebant, interpr. Chrysostom. h. l. quas aliqui illicita perducerent ad mortem: Ambros. h. l. ne Diabolus illis illudat, indulgens & concedens eorum votis volo & ego, Theophylactus h. l. sermonem ad eas dirigit, quales suprâ denotat, juvenculas viduas, &c. Tertull. de Monogam. c. 13. Sic quoq; Epiphan. hæref. 61. Hieron. ad Salvin. & Ageruch, &c. Quod & invictissimis argumentis probatur 1. ex contextu. 2. ex ipsa illatione. 3. ex additaratione, §. 14. 4. ex testimonio experientie, §. 12. & 15. &c. Nec obstat §. 12. habentes condemnationem, quòd primam fidem irritam fecerunt. Nam vel 1. Prima fides significat fidem Christo datam, quâ se ei desponderunt, non in voto, de qua desponsatione altum in Scriptura silentium, sed in professione Christianismi, Osee 2. 19. quam lasciviendo & habenas abrumpendo

pendo contra Christum, irritam fecerant, defle-
ctentes à fide &c. quæ Prima dicitur vel *absolutè*,
quia fundamentum est Christianismi; vel *relatè*,
quia prior fide conjugali, de qua dixerat: nubere
volunt: ut admittam Hebraismum, quo Estius pu-
tat *Superlativum, Primam*; poni pro *Comparativo*,
priorem: de quo vide Flacium in *Fides, & Primum*,
ut & Excell. D. Glassium in *Gramm. S. Tract. I.*
can. 18. Confer D. Gerhard. l. c. §. 514. ubi hæc
explicatio primæ fidei firmissimè demonstratur:
Vel 2. *Si Patres & Concilia quedam* audimus, per
Primam fidem intelligentes eam, *quam dederunt*
Ecclesie in professione viduitatis, abstinendi à con-
jugio; distinguendum est cum Epiphanio inter
κειμα ἡγὺ καὶ ἡμεμα: habet peccatum & judici-
um, *qua Dei virginitatem rejecit & certamen pude-*
fecit: Sed melius est iudicium, quam condemnatio.
Ita ille l. cit. Sic enim terè se Patres ipsi explicârunt,
& quidem ex ipso textu: Nam quod ait Apostolus
ᾠ. 13. statim sequente, *ἡμα δὲ simul etiam otiosa & c.*
id Chrysostomus explicat: *Neq; huic modò τῷ*
κειμαῖ, reprehensioni, aut crimini, se fecere obno-
xias, sed & aliis peccatis. Sic *ἡμα* explicat Apo-
stolus per *ὁνειδισμόν*, 1. Tim. 3. 6. 7. uti h. l. per *λοι-*
δοείαν, ᾠ. 12. 14. Quam explicationem adversarii
rejicere nullâ specie poterunt. Denique IV. *Finis*;
dum fiunt opinione cultus, meritorum & satisfac-
tionis, ac quasi Cœlibatus per se Deo gratior sit
&c. contra enunciatum ᾠ. 4. & 14. vide D. Ger-
hard. §. 504. & de reliquis, 517. & seqq.

V. *De Bonis Ecclesiasticis*, eorumq; usu & abusu, vide h. l. D. Quistorp. pag. 121. & Mehlfürer. thes. 31. Estius notat v. 16. ibi: ne gravetur Ecclesia: *Locum nec indum contra eos, qui cum de suo satis habeant, undè vivant, Ecclesiasticis beneficiis impinguantur, aut qui uno beneficio, quod ad honestam sustentationem valeat, non contenti plura accumulanti, sic enim gravari Ecclesiam, ne plures ministros alere queat: &c.* Ingentiè.

VI. Tandem ad *VIDUAS* redeo, nam è difficillimis salebris me brevius expedire non potui. Porro delibandà ex hoc loco paucis I. Viduarum miseria. Indicat ipsum nomen; nam $\chi\eta\epsilon\gamma$ Græcè dictam à $\chi\eta\epsilon\omega$, quod est *desolo*, *destituo*; *orbo*; indicat Apostolus, explicans $\mu\epsilon\mu\omicron\rho\omega\mu\epsilon\tau\epsilon\upsilon\eta\eta$, *solam factam*: Sic Erasmi in Annot. alii $\omega\pi\delta\epsilon\tau\omicron\ \chi\alpha\iota\epsilon\gamma$ dictam putant, à *gaudio*, per Antiphrasin. Hebræis *Almana* dicitur, ab *Alam abscondit*, *ligavit*, *obmutuit*, quia mortuæ similis est, cadaveri, quod colligatum in sepulchro latet, & inter *silentes umbras*; undè silentium & solitudinem colere debet, non evagari; garrulæ autem & lascivæ, quæ delicatæ sunt, viventes sunt mortuæ. *Muta sunt viduæ*, non audent mutire, & quamlibet vociferentur, non magis audiuntur, ac si mutæ essent. *Viduæ ab iduo*, quasi à *Viro*, aut verius à *ve & iduæ*, per mortem à marito separatæ, Becman. in Origin. in *Idus*: ut nomen significet miserabilem illam *dichotomiam*, quâ, ut ait ille, *Non dolor est major, &c.* Wittwen ab eodem Latino vocabulo, aut ut eleganter alii, *von ihrem weiten Webe!* quod *miserias*

ferias suas ex altissima specula satis contemplari nequeant. Deindè in specie quædam viduitatis mala enumerat Apostolus, orbitatem, *ψ. 3. 4.* difficultates rei familiaris, onus educationis liberorum, *ψ. 4.* tentationes Diabolicas, *ψ. 5. 11. 15.* denique desolationem, omnis suffragii ex omni parte inopiam, Ambros. h. l. Ipsa per se viduitas, si nihil accedat, grave & lugubre malum, separari à carnis suæ portione, amittere dimidium sui &c. Qualis rubus est delapsis rosæ foliis; qualis truncus iners sine capite; talis vidua verè vulgò dicitur. Et *per se imbecilla res est fœmina, & affert infirmitati naturali non leve pondus, quod vidua est.* Quintil. Declam. 338. Quid? si liberos quoq; si nepotes amiserit? ut *ferè plagæ recentes ad viduæ vulnus adduntur*, ut loquar cum Sidonio l. 6. Epist. 2. Si spectet *supra se*, ira Dei oculis semper obversatur: Si *circa se*, domi videt corrumpi familiam, liberos, fortunas; foris, se suosq; contemni, vilipendi, omnium injuriis exponi: Si *infra se*, Diaboli insidiis sollicitatur in luctu, ad desperandum; in lætitia, ad luxuriandum. In tot malis possimum est, quòd Viduæ nullos ferè habent opitulatores sinceros: Non *Judices*; nam pleriq; similes sunt illi, Luc. 18. *ψ. 2. 3.* non *Cognatos*; nam inter alia viduitatis incommoda *συγγενῶν ὀπὶ βελὰς* meritò recenset Chrysostomus de Sacerd. l. 1. cap. 2. *non vicinos*; quia

Δρυὸς πέσσεως πᾶς ἀνὴρ ξυλεῖται,

Cadente quercu ligna qui vis colligit:

Non *procos*; nam si pauperes sunt, vix inveniunt:

Nemo

*Nemo cibum poscit, quem prolibaverat alter,
Pomaq; de nitida sumere lance juvat.*

Vinc. Fabric. l. 2. eleg. 13. si divites, opes quærun-
tur non ipsæ. Martia, Catonis filia minor, cum quæ-
reretur ab ea, cur, post amissum maritum, denuo non
nuberet? respondit, non se invenire virum, qui se
magis vellet quam sua. Quo dicto ostendit, divitias
magis in uxoribus eligi solere, quam pudicitiam, &
multos non oculis, sed digitis uxores ducere, Hieron.
adv. Jovinian. l. 1. Ex quibus & aliis etiam Quintus
Smrynæus l. 7. rectè conclusit:

Nil miserabilius viduâ, aut infirmius usquam!
Quæ & conjugibus dicenda, ut pro se orent; & vi-
duis, ut in Deo sperent; & omnibus, ne afflictis ad-
dant afflictionem.

II. Viduitatis solatia; inter quæ præci-
puum, honor à Deo habitus isti ordini, cujus parti-
cula, cura hæc ab ipsius Spiritu præscripta Ecclesia-
stica & Domestica, de qua diximus. Sed & Magi-
stratui Politico commendatæ sunt. Exod. 22. 22.
& sæpè aliàs. Quid ergò? *Virum amisisti! Ne dili-
gas maritum plus quam Deum, & nunquam senties
viduitatem.* Chrysost. in 1. ad Thessal. hom. 6.
ubi pluribus hoc solatium exequitur. *Maritus, qui
tibi datus fuerat ad tempus, discessit in tempore; da-
tus enim tibi fuerat non ad patriæ beatitudinem; sed
ad itineris consolationem.* Fulgent. ad Gallam E-
pist. 2. Sed & liberis ac nepotibus orbata es! Jam
verè vidua es! *Hoc enim est verè viduam esse, quando
aliqua & viri solatio destituta est & liberorum;*

Q

Deum

Deum habens vice omnium. Chrysoft. h. l. hom. 13. At habes forsan liberos, deq; eorum recta educatione sollicita es! *Quàm multos tibi ostendam à viduis educatos, qui fuerunt viri probi & bonæ existimationis? quàm multos autem a Patribus, qui perierunt?* Idem l. c. in 1. ad Thessal. & mox: *Indite liberis Dei timorem ab ineunte atate, & is eos magis custodiet, quàm qui vult Pater. Hic erit murus infractus! Quando enim intus fuerit residens custos, nihil nobis externis opus est munitionibus. Si autem non sit, temerè fiunt, quæcunq; externa. Hoc erit eis & divitiæ, & gloria, & ornamentum! hoc eos faciet illustres & claros, non in terra, sed etiam in Cælis.* Ibid. Sed contemneris, pedibus traheris; contemne hunc contemptum, cogita te honorari à Deo. *Nam de viduitatum honoribus apud Dominum, uno dicto ejus expeditum per Prophetam. Justè facite viduæ & pupillo, & venite, disputemus, dicit Dominus [Esaï. 1. 17. 18.] Duo ista nomina, in quantum respectui humano, in tantum divina misericordiæ exposita, suscepit tueri Pater omnium: vide, quàm ex æquo habetur, qui vidua benefecerit! Quanti est vidua ipsa, cujus assertor Dominus disputabit?* Tertullian. l. 1. ad Uxor. c. 8. &c.

III. Viduarum Officia; Ubi *Apostolus uno eodemq; præcepto duas viduitatis formas expressit: unam vitæ, alteram mortis.* Salvian. l. 2. contra Avarit. *Vidua vitæ est, quæ mortua mundo, vivit Deo! vidua mortis, quæ viva mundo, mortua est Deo. Vivat, quæ vult esse vitæ, Deo piè. Spectet,*

ret, spei & fidei fomenta de Scripturarum interlectione, ut ait Tertull. l. 2. ad Uxor. c. 6. subministret, oret. Oratio tibi sit in postulatione crebra! in sancta verò cogitatione atque operatione continua. Fulgent. ad Gallam. Cumq; Deus delectatur in primis humilitate cordis, caveat in omni boni operis effectu jactantiam, & laudis aucupium. Frustrà contemnitis facultates tuas; si noxias jactantia teneas in corde divitias. Ibid. Laudari in bonis operibus debes; sed in eo, quod operaris, hominum laudes expectare non debes. Ibid. Talis Anna fuit, cui diversorium in Templo, colloquium in prece, vita in jejunio. Ambros. de viduis. Parùm enim esse docet Apostolus h. l. si non sit vidua deliciosa, non dives, nisi fueris Deo adherens, nisi orationi dedita, nisi à cunctis mundi illecebris desolata & per hæc omnia verè vidua. Salvian. l. cit. Sibi castè & sobriè. Non sæpè nubat; consilium do, non præceptum!

Non placet multis, quæ multis copulatur fœmina! Incredibilem sed, ut ait, multorum testimoniis approbatam rem dicit Hieron. ad Ageruch. se vidisse duo vilissimorum hominum inter se paria comparata; unum, qui viginti sepelisset uxores; aliam, quæ vicissimum secundum habuisset maritum; extremo sibi matrimonio copulatos. Summa omnium expectatio, virorum pariter ac fœminarum, post tantas rudes, quis quem prius efferret? vixit maritus, & totius Urbis populo confluyente coronatus & palmam tenens, adoremq; per singulos sibi acclamantes Uxoris feretrum precedebat. Ut castitatem corporis & cordis retineat,

neat, fugiat delicias. *Non tenearis nexibus humana delectationis & de Diabolo prosperè triumphabis.* Fulgent. l. c. circa fin. Vivat modico victu contenta. *Quidenim necesse est, nos jactare pudicitiam, quæ sine comitibus & appendiciis suis, continentia & parcitate fidem sui facere non potest.* Hieron. ad Furiam, *Mihi crede, non habet concupiscentia locum, ubi patientia dominatur; ubi vivitur sobriè: ubi mors timetur.* Zeno Veronens. de Continent. *Vidua non sint vaga, non gulosa, non ~~εὐτεχάδες~~, circumcursitantes, sed similes Juditha honestissima & Anna pudicissima, S. Ignatius Martyr. ad Philadelph. Epill. 6. Confer Fulgent. l. c. p. 653. Stude ad Virtutem continentia, modestia; quæ pudori procurat: sedulitati; quæ nugas non facit: frugalitati; quæ seculum spernit: & mox: Loquaces, otiosæ, vinosæ, curiosæ contubernales, vel maximè proposito viduitatis officiunt: &c. vide Tertull. l. 1. ad Uxor. extremo. Pertinet huc cura amictus, de quo Fulgent. Sicut antea corporaliter ornabaris viro, qui delectaretur specie corporis; ita nunc spiritualiter ornanda es Christo, qui solam in te querit pulchritudinem mentis. l. c. vide plura pag. Oper. 646. & seq. Deniq; si quæ juniorum continere non possit, nubat. Etenim vicina est lapsibus adolescentia, quia variarum æstus cupiditatum fervorem calentis inflamat ætatis, boniq; Doctoris est materiam arcere peccati. Prima enim institutionis disciplina est, culpam avertere; secunda, virtutem infundere: Ambrosius de vid. explicans Apostolicum illud h. l. viduas juniores re-*

jice.

jice. v. 11. Nec curet Comicos sales, & quidem
 atros illos, quibus jam olim secundæ nuptiæ de-
 fricantur:

Καὶς κκαὶς γένοιθ', ὁ γάμος δεύτερος!

Malè sit malo, qui ducit uxorem alteram!

Vide apud Athenæum l. 13. Dipnosoph. &c. Po-
 tior nobis Apostoli autoritas: *Volo juniores nubere!*
 Vivat inter homines ita, ut suas superstites
 fideliter curet, educet. *Vidua velut emeritis vetera-*
na stipendiis castitatis, eisi conjugii arma deponat,
domus tamen totius pacem gubernat. Ambros. de
 vid. & antè: *utrumq;* ait *affectum inesse debere, ut*
filios diligat, Parentibus deferat. Defunctis fidem
 servet, lugendo; ut non doleas, vix audeo exige-
 re: eisi esse melius scio. Sed cui ista firmitas animi
 continget, nisi jam multum supra fortunam elato? il-
 lum quoque ista res vellicabit, sed tantum vellicabit.
 Seneca Epist. 63. Servetur autem modestia. *Mo-*
destia enim laus est, ablatum non desiderare, & abla-
tum à Deo Domino; sine cujus voluntate nec folium
de arbore labitur, nec passer assis unius ad terram ca-
dit. Tertull. in Exhortat. Castit. cap. 1. à Conju-
 gio abstinendo, juxta exemplum Turturis, de
 quo Hieron. 1. adv. Jovin. Ambros. l. 5. Hexaëm.
 Cassiodor. l. 5. Var. Epist. 33.

- *Turtur viduata marito*

Extincto, gemit assidue, luctuq; requirit,

○ *verè sapiens volucris!*

Greg. Nazianz. ad virgin. Exempla Ethnicarum

Q 3

vidua-

viduarum multa leges apud Hieron. l. cit. Certè apud Romanos, quæ uno contentæ matrimonio fuerant, *coronâ pudicitia* honorabantur. Valer. Max. l. 2. cap. 1. Denique, quoniam repetitæ nuptiæ sæpè necessitatis sunt, non voluntatis, tempus luctus legitimum observando. Leves profectò, *quæ nec dum elato funere prioris viri memoriter digamia præcepta decantant*, ut illæ ævo Hieronymi l. cit. Leves, *quæ de rogo mariti prioris redas nuptiales accendunt, & de cineribus nondum sopitis novos ignes suscitant*. Nota est Ephesinæ viduæ fabula ex Petronii Satyrico, hîc non recitanda. *Annum foeminis ad lugendum constituere majores*, ait de Romanis Seneca l. c. *non ut tam diu lugerent, sed ne diutius : Viris nullum legitimum tempus est, quia nullum honestum*. Videndum tamen, quid cujusq; loci leges ferant aut mores. Post luctum, si necessitas aliqua urgeat, consilium Senecæ non improbandum: *Si quis despoliatus, unicâ tunicâ amissâ, complorare se malit, quàm circumspicere, quomodo frigus effugiat, & aliquid inveniat, quo tegat scapulas, nonne tibi videatur stultissimus? Quem amabas, extulisti; quare, quem ames*. l. cit. Superiores revereatur humiliter, nec pristinæ gloriæ suæ aut dignitatis meminerint. *Nobilitatem carnis, quæ superbiæ fomes est, abjice; & nobilitatem spiritus, perfectâ cordis humilitate, sectare*: ait Fulgent. ad Gallam. Loquacibus, importunis, jactabundis rectè dixeris illud ex Senecæ Agamemni.

Ut vidua loquere! vir caret vitâ tuus!

Mise-

Miseris beneficam se exhibeat. Orationibus operam da; jejunis insta, & quicquid tuis apparatibus subtrahis, esurientibus tribue; voluntarium jejunium tuum, esuriem sublevet jejunantium. Fulgent. l. c. Nec dicas te non habere, undè possis. Liberalitas non cumulo patrimonii, sed largitatis definitur affectu: Ambros. de vid. Benefac, quâ potes;

Nec metuas sperni; quoniam non vilia Christo Pauperis obsequii libamina, qui duo latus.

Æra, pia censum viduæ; laudata recepit.

Paulin. in VI. Natal. Felic. ex Marc. 12. v. 42. Denique omnibus se proponat exemplar Virtutum, speculum morum, in quo nemo quidpiam justè criminari possit. Si autem nobis diligenter atque sollicitè omnia ad honestatem providentibus, cunctisq; actibus nostris Dei timorem præferentibus, mali nihilominus insaniant; consoletur nos conscientia nostra: quæ tunc maximè tuta, tunc optimè secunda est, cum ne occasionem quidem malè de se sentiendi dedit. Paulin. ad Celantiam.

Supereffent IV. debita vicissim viduis beneficia & officia nostra, sed verbo absolvam: Fides exhibenda omnibus, sed major est viduarum causa & pupillorum! nam quod de fide depositi dixit Ambros. de Offic. l. 2. in fine, cur non in universum rectè affirmem, de fide, quam iis debet Ecclesia, Magistratus, familia, vicinitas, omnes. Hæc verè munda Religio est! Jac. 1. 27. Ego hîc abrumpo!

PARENTIBUS & LI-
BERIS.

TEXTUS. Ephes. 6. v. 1. *Filii, obedite Pa-*
rentibus vestris in Domino : nam id est
justum. v. 2. *Honora Patrem tuum &*
Matrem : quod est præceptum primum
in promissione : v. 3. ut bene tibi sit , &
sis longævus in terra. v. 4. *Et Patres,*
ne provocetis ad iram liberos vestros , sed
educetis eos per eruditionem & correptionem Domini. Confer Coloss. 3. 20.

EXORDIUM. Domum piorum Conjugum Pa-
radiso comparat David aut *Vineæ* pulcherrimæ,
ubi *Vitis* racemifera Uxor, Liberi *oleagini termities*.
Psalm. 128. 3. Scio, quosdam hoc eximium status
conjugalis encomium allegoriis suis infuscasse.
Nam quidam, de *Sponsa Christi* deq; ejus Filiis locu-
tum Davidem, censebant, qui mensam Dominicam,
Sacramentorum & doctrinæ, cum unanimitate
circumdant : Alii de *Sapientiæ*, cujus filii sint *actus*
bonorum operum, in circuitu doctrinæ cœlestis adsi-
stentes &c. Prosper & Hieronymus, si tamen is au-
thor, in expos. parva h. l. in Psalm. Sed de Conju-
gιο felici canit Propheta Regius. Opponit suum
judicium judicio impuri vulgi. Multi uxorem &
libe-

liberos *rubo & spinis* assimilant, quibus Sapiens manum absteineat;

ῥαυρὸν βίον ζῆς ἂν γυναῖκα μὴ τέκεται.

ait ille, nostri scurræ in vernacula alludunt:

Guter Weib ist halber Leib/

Hüt dich Narz/ und nimn kein Weib.

At frugiferâ vite quid fœcundius? Novellis olivarum termitibus quid amœnium? Oleæ novellæ *Palladi* sacræ fuerunt, creditumq; fuit castis manibus plantandas esse. *Græci jubent olivam, cum plantatur & legitur, à mundis pueris atque virginibus operandum: credo recordati arbori huic Præsulem esse castitatem.* Pallad. l. 1. de re Rust. tit. 6. Sic Liberante omnia casto in conjugio serendi sunt. Sap. 3. 16. Edunt illæ mox futuræ fertilitatis præfagia & specimina. *Agricola quum florem oleæ videt, baccam quoq; se visurum putat.* Cicero 2. de Divin. Ita apparet neminem unquam pervenisse ad *Virtutem summam jam maturum, nisi qui puer seminario Virtutum generosiore concretus, aliquid inclytum designasset.* Vopiscus in Probo. *Oleam si lambendo capra linguâ contigerit, depaveritq; primo germinatu, sterilefcere* author est Marcus Varro: *Quantò magis sterilefcere oportebit Liberos, nequam Ludimagistris traditos?* *Magnum est, ut Ariston scribit, in primordio puerili quemadmodum quis incipiat?* Varro Idem in Catone. Ergò ut olivarum tenellæ plantulæ, sic & Liberorum curâ egent diligenti. Καθυλομανεῖ μὴ κλαδολομήν ἢ ἄμπελον: ἔτω δὲ καὶ ὁ ἄνθρωπος: Nisi putetur lignis inutilibus, lu-

xuriant vitis; sic & homo. Clem. Alex. l. i. Pædag. c. 8. Sed de his dicendum prolixius; agemus verò 1. de *Officio Liberorum*. 2. *Parentum*; explicatoq; textu Apostolico, Siracidæ adtexemus Auream Bullam Liberis appendendam, ut de collo semper in pectus pendeat; quomodo Romanorum ingenuis pueris *bullam figuram cordis* annexabatur, *quam inspicientes, ita demum se homines cogitarent, si corde præstarent.* Macrobi. l. i. Saturn. c. 6. De his ordine, sed paucis.

I. De Officio Liberorum.

Exhortatio; ubi spectata: Quinam? quid? quibus debeant? Quinam? τὰ τέκνα. Facit Apostolus *ut bonus Plastes, qui corpus efficturus, primò caput, deinde collum, denique pedes effingit: Sic ille ad Virtutis exemplar primò Viros efformavit, deinde Uxores; nunc tandem ad Liberos progreditur.* Chrysost. h. l. Cæterùm quàm latè patet hîc Parentum nomen, tam & Liberorum, de quo mox. Quid? *Obedite!* obedientia autem ista includit Honorem, Amorem, Timorem. Sic S. Ignatius ad Philadelph. *Liberi obedite Parentibus vestris, & diligite eos, ut Θεὸς συνεργὸς, Dei cooperarios in vestra generatione.* Sed adspargitur granum salis: *In Domino!* Hebraïsmus, quo & mandati hujus author indicatur & modus obedientiæ statuitur. In Domino, id est, τῷ κυρίῳ, *juxta Dominum*, sic enim præcepit

pit ille; *Quid verò si absurda præceperint? Primò vix Pater Liberis absurda mandat, quamlibet ipse absurdus sit. Deinde sic quoq; cavit Apostolus, cum dixit: in Domino; id est, in quibus non offendas Dominum. Chrysost. h. l. Parentibus nostris, de quibus secundum carnem nati sumus obtemperemus in Domino, implentes ea, quæ non sunt Domini contraria voluntati. Hieronym. h. l. Non vult tamen obedientiam esse scrupulosam, quasi adeò exactè sit ad calculos revocandum, quicquid superiores iusserint. Nota est regula: Tenendum esse certum, relinquendum incertum. Certum est, obedientiam deberi; an hoc aut illud contra Dominum sit, incertum. Sic accipio illud Ravennatis Chrysologi: Matris dicta discutere non licet; Patris monita retractare non convenit: Sit licet paterni mandati species tristior, res tamen ipsa salutifera & vitalis, &c. Sed & illud salubre consilium; ea etiam, quæ obsequi non oportet, leniter & verecundè ac sine detestatione nimia, sineq; opprobriatione acerba reprehensionis declinanda potiùs sensim & relinquenda esse, quàm respuenda. A. Gellius l. 2. Noct. cap. 7. ut servetur & ab inobedientibus obedientiæ honor. Quibus? Parentibus; quidam de iis exponebant, qui nos genuere in Domino, referentes illa: in Domino non ad, obedite, sed ad, Parentibus. vide Hieron h. l. & sanè continentur utiq; & illi hoc nomine, verùm de naturalibus præcipuè agitur, quibus proximè accedunt nutritores, Tutores & alii, nam ut Ovicula philosophatur in fabulis apud Phædrum;*

Faciè

Facit Parentes bonitas, non necessitas!

Confirmatio 1. à Præcepto ; hoc enim *justum* est ! *Legen* non modò ἀρεάφω, *justum* est enim, ut *reverentiam* exhibeant eis, per quos sunt : Ambrosius. Atq; hoc, ait Chrysostomus h. l. *admirandum via Virtutis fundamentum* est, positum ab Apostolo, *Honor Parentum*, qui post Deum *vita aucthores* sunt, ut merito bonorum nostrorum primi fructibus gaudere debeant, & postea alii : Sed & ἐν ἀρεάφω, *Honora Patrem tuum & Matrem tuam* ; quod Ambros. & Hieron. h. l. in ordine *quintum* numerant, secundæ tabulæ verò *primum* præceptum est, & quidem *in re promissione* : Quærunť veteres, quonam modo *primum* dicatur præceptum, de *honorandis Parentibus* ? Respondent, κατὰ τὴν dici : Vel quia *primum* sit inter affirmativa ; vel quia *primum* secundæ tabulæ ; vel quia *primum* habens πρὸς θεὸν ἐπαγγελικὴν & quidem *specialem*, nam *promissio*, addita præcepto de *sculptilibus*, *misericordiæ*, generalis est, nec tam *promissio* quàm *sententia in Dei laudes finita*. Sic Hieronym. Oecumen. &c. 2. à *Promisso* : ut bene sit tibi & longævus sis *super terram*. Græca Scholia ex Chrysostomo notant, *longævitatem præmium* esse puerile, miranturq; Dei Sapientiam, & συγκατ' ὅβριον, quâ pueros puerili puerisq; grato præmio proposito excitârit ad Obedientiam. Hieronymus verò *promissionem* hanc *spiritualiter* accipiendam putavit, de æterna beatitudine in terra viventium. 1. Quia

Mul-

Multos fuisse credendum, qui & Parentibus obsequentes cuius mortui sint, & in Parentes impii usque ad extremam venerint senectutem. 2. Quia diu in corpore permanere, attestantibus Jobo, Davide, Salomone, Jeremiâ, nulla felicitas sit. 3. Quia juxta quosdam, qui, antequam in corpora ista descendant, animas in cœlestibus degere arbitrantur, *Melior esse dicitur duobus, qui necdum natus est.* Sed responsio facilis est: ad 1. Includi isti promissioni corporali, ut similibus, exceptionem crucis & conditionem, si expediat ad salutem: ad 2. Longam Vitam inter Dei dona computandam, sed cum æterna non comparandam. Τα ἐν τῷ θά ἄνθρῳ ἐοικεν ἐαείναις ἄνθρῳις καὶ δὲ πέρας ἀκινήτοις. Chrysostom. ad eos, qui scandal. *Bona hujus vite vernis floribus; illius immotis rupibus similia sunt.* Omnia, quæ in presenti habemus, licet magna videantur & plurima; tamen comparatione futurorum parva & pauca sunt. Hieron. in c. 25. Matth. ad 3. Origenis manifestus error est. Reliqua de hoc loco dicendo, repete ex D. Gerhardo de Lege Dei in explicatione IV. Præcepti.

II. De Officio Parentum.

In educatione liberorum vitanda est ἀσέβεια. Vos quoque Patres, ne provocetis ad iram liberos vestros: Cur Patres alloquitur? an quia Matrum major in liberos indulgentia est? Matres, ait Aristoteles, φιλοπαιδείας, ardentius amant liberos, primò quia laboriosius genuerunt; deinde quia suos esse

cer-

*certius noverunt. l. 9. Ethic. c. 7. Matres ferè nimis amando liberos simiarum more exanimant, ut amor earum freno potius egere visus fuerit, quàm calcaribus. At severi Patres juvenum filiorum non tam cogitant vota, quàm commoda. Sidonius in Conc. l. 7. Epist. 9. Idq̃ prudenter, & ad exemplum ejus, à quo omnis paternitas! Nam suos, quos amat, Parens ille magnificus Virtutum non lenis exactor, sicut severi Patres, durius educat. Seneca de Provid. cap. i. nec putandum, justam Patrum severitatem ab Apostolo reprehendi aut blandam quorundam indulgentiam, quæ non segnes modò, sed & omninò Virtutis steriles natos facit, approbari. Modum tantùm præscribit; *μὴ πρὸς ὀργὴν ἔχειν*, ne ad iram & odium provocetis, omnesq̃ filialis amoris, qui uti flammula miro more non tam adscendit, quàm descendit, scintillas sævitæ vestræ extinguitis. Sicut filius obsequium & subjectionis merces est demonstrata; ita Parentibus moderatum jubetur imperium, ut non quasi servis, sed quasi filiis præesse noverint: Hieronym. Parentes ad iram provocantes liberos cogere eos videntur, ut prævaricatores inveniantur: In ira enim nemo agnoscit, quid sit utile. Meminisse debent Patres, quia & ipsi fuerunt filii, & noluerunt utiq̃, exacerbari à Patribus. Filii quoque cognoscere debent, quòd futuri sunt Patres, & nolunt inhonorari à suis: Ambros. Non dixit, diligite, id enim vel ab invitis natura exigit, sed ne irretetis, ne exheredetis, ne abdicetis, ne gravia illis ac magis servis competentia imperetis, ne semper erga illos*

*illos difficiles suis: Oecum. ex Chrysoft. Ad unguem quadrat præceptum Plinii Junioris. Ne filium tuum acerbius duriusq; tractes: Cogita & illum puerum esse. & te fuisse; atque ita hoc, quod Pater es, uirere, ut memineris & te hominem esse, & hominis Patrem. l. 9. Epist. 12. Faciunt contra hoc Apostoli monitum Parentes plagosi, qui liberorum caput diris devovent, qui servilia onera imponunt, qui nunquam blando oculo intuentur, aut ore alloquuntur, qui familiæ permittunt, ut quoquo modo liberos exagitent, territent &c. vide h. l. D. Quistorp. Sic vulgò tractabant Romani Græci. Notum est jus Patriæ potestatis, & Manliana Imperia, Spartanorum *μασιγῶσις* ad aram Dianæ Tauricæ, Eri-sichthon filiam vendens, de quo jure Ambrosius de Tobia: *Vendit plerunq; & Pater liberos, auctoritate generationis, sed non voce pietatis &c.* hæc & alia nemo, puto, ignorat, reprehensa meritò ab Apostolo. Hæc vitanda:*

Præstanda verò 1. *τροφὴ*, nutritio, *ἐντρέφετε*, ait, educate, curam corporis necessariam impendite. Nam & Lamia, in Hebr. *Thannin* pro *Thanninim* Dracones, serpentes vastitatis stupendæ, quales credebantur Lamia in desertis Africa, *Lamia*, ait Hieron. in Thren. *faciem humanam habet, sed corpus bestiale*, nudantes mammam lactaverunt catulos suos, Thren. 4. 4. pertinet autem huc 1. ut Parentes liberis *prospiciant*, 2. Cor 12. 14. Sic Ericius in cavum suum congerit poma, monetq; intuentes se ceu gradientem uyam,

Frugi sis, & opes tu quoq, linque tuis!

Camerar. in Emblem. 2. ut eos artem Βίωφίλιον doceant. Itaq; Alexis ait, Athenienses idè oportere laudari, quòd omnium Græcorum leges cogunt Parentes ali à liberis, Atheniensium verò non omnes, nisi eos, qui liberos artibus erudissent. Omnia enim munera fortuna cùm dantur ab ea, facile adimuntur: disciplina verò conjuncta cum animis nullo tempore deficiunt, sed permanent stabiliter ad summum exitum vitæ: Vitruv. l. 5. Archit. præf. 3. ut vitam defendant, quomodo

- - Delphin, Rex Equoreorum,
In sobolem si quos immani corpore pisces
Conspiciat ferri, sua pignora protinus ipse
Devorat, ac pulso mox egerit illa periclo.

Nazianz. ad Patr. Nicobul. adde conjugia liberis à Parentibus procuranda, de quibus vidè D. Gerh. de Conjug. &c. Sed de cura corporis verba meritò compendifecit Apostolus, nam & feræ catulis eam impendunt. Farragine exemplorum affert Philostratus l. 2. Vitæ Apollonii cap. 7. Elephant pullos aquas transituri dentibus impositos ferunt, promiscide quasi vinculo quodam circumplexi. Ursi pro catulis omnia faciunt: Lupi etiam; fœminæ domum quasi & pignora chara defendunt, masculi prædam congerunt, & de victu solliciti sunt. Panthera, cùm præ caliditate matres fieri gestiunt, maribus imperitant, totamq, quasi domum regere volunt, illi propter catulos omnia sustinent. Leones etiam, quod & Homerus animadvertit, pro catulis torvè intuentur &

vires

vires ad pugnandum colligunt. Tigris orbata suis catulis venatores usque ad naves persequitur, in litore horrendum exululat, sæpè etiam ex desiderio animam exhalat. Aquila & Ciconia nidum non extruunt, ubi gemmam pullis salutare non imponent; illa ætiten, hæc lychniten, ut & ova fœtum producant, & serpentes non noceant. Phoca à piscatoribus capta, cùm filium quasi in carcere enixa esset, mortuum ita luxit, ut triduo se cibo abstinuerit, belluarum voracissima. Balana faucibus abscondit suos, ubi periculum prospicit. Quid multa? etiam vipera visa sunt viperulas suas lambere, quas pepererant: &c. Potior ergò sit cura Mentis, ubi debetur liberis

2. παιδεία καὶ ὑγιεινὰ, illa complectitur studium Pietatis, Bonas artes, Bonos mores; hæc accedere debet loco stimuli, ne obtorpescant. Ac de priore quidem bene S. Ignatius Epist. 6. ad Philippenf. nam allegato hoc Apostoli loco annexit ista quasi ἐπι-
ἐνηλικώς: & docete eos sacras literas, & artes, ne otio se dedant. Μὴδεὶς ἐν ὑμῖν ἀργὸς ἔστω. Μὴτις γὰρ τῆς ἐνδεΐας ἢ ἀργία, ait Idem ad Tarsens. Nemo vestrum otiosus sit! Mater enim inopia otium est. Pædia continet institutionem Domesticam, Scholasticam, Paternam, Maternam, quæq; fit per Tutores, artium aut opificiorum magistros, &c. De ea pauca hæc annoto: 1. Nutriantur filii, secundùm Apostoli præceptum, in disciplina & correptione Domini; ne permittantur impudicè aut luxuriosè vivere: cùm non lascivia, sed castitati, ac temperantia, proles

R

Chri-

Christiana debeat servire. Fulgent. Epist. 1. de Conjug. & Voto Contin. 2. Incipiat liberos formare cura domestica ab ipsis teneris unguiculis. Imbuat bonis omnibus ψυχὴν ἐκ νέαν τε καὶ ἀπλὴν, *animum adhuc recentem & simplicem*, ut ait Themistius Orat. 1. in Explorat. Sic enim, inquit, ὁ τύπος, *forma illa rectè vivendi & imprimi fortius, & penetrare profundius queat, ne in superficie tantum adhærescat.*

Agrè reprendas, quod finis consuescere, ut est apud Hieron. in Epist. ad Gaudent. *Ac frangas citius, quàm corrigas, quæ in prævum induruerunt.* Quintil. 1. Instit. &c. 3. Matrum quantò damnosior indulgentia est, tantò laudabilior hęc diligentia. Notum est, quantum debuerit Samuel Hannæ suæ, 1. Sam. 1. & 2. quantum Tubâ Evangelii attestante Timotheus Loidi & Eunice, 2. Tim. 1. 5. Aristippus cognomen indè meruit μητρὸς δίδακτε, Themist. l. cit. Et *Gracchorum eloquentiæ Corneliam Matrem multum contulisse accepimus,* ait Quintilian. l. cit. 4. Cavenda in primis prava sodalitia, & omnia offendicula.

Nil dictu fœdum visuve hæc limina tangat,

*Intra quæ puer est. Procul hinc, procul indè
puella*

Lenonum, & cantus pernoctantis parasiti.

Juvenalis in aurea illa pædia Satyr. XIV. quàm totam [cum Themistii Orat. Explorator inscripta, cum Plutarchi libellis de Pueror. Instit. & Amore Proles, & ne nostrorum obliviscare, cum Hieronymi Epistolis ad Lætam de Instit. filiæ, ac ad Gaudentium

dentium de Pacatulæ educatione, Gregorii Naz. carminibus ad Vitalian. ut & ad Nicobulum Patrem &c. vide ejus carm. XLIX. L. LI. Alcimi Aviti ad Sororem Fuscin.] huc referre liberet. *Fumus*, ajunt, *pulchriores persequitur*. Itaque *Samuel nutritur in Templo*. *Johannes in solitudine praparatur*, Hieron. l. c. 5. Sed & illud maturè sequendum consilium est: *Habemus liberos parvos: incertum est, quàm longa nostrum cujusq; vita futura sit: consulere vivi ac prospicere debemus, ut illorum solitudo & pueritia quàm firmissimo presidio munita sit*, Cicero l. i. in Verrem circa fin. Eligamus illis vitæ formatores, moderatores juventæ, quàm optimos, qui & nobiscum, & si quid humanitùs nobis evenerit, sine nobis clavum in hac gubernatione quasi rectum teneant. Sunt enim Tutores, Pædagogi, Magistri, quasi gubernatores, qui solo secundo veritatis spiritu in altum proVecti, clavum puerorum, aures, inquam, fortiter tenent, donec inoffensos in portum cælorum perduxerint, Clemens Alex. i. Pædag. cap. VII. Qua de re plura in Scholarcha dixi. 6. Post Pietatem, cujus & primum & commune studium esse par est, ut soboles *Nihil aliud discat audire, nihil loqui, nisi quod ad timorem Dei pertinet*, Hieron. l. c. ad Lætam: Vulgatissimum præceptum est Dionysii illius Catonis;

Si tibi sint nati, nec opes, tunc artibus illos

Instrue, què possint inopem tolerare senectam.

Qua in re prudenter monetur; semina naturæ sequenda esse, ne quid suscipiatur invitâ Minervâ

ac non ducente tæniâ. *Unusquisque suum ingenium noverit, & ad id se applicet, quod sibi aptum elegerit. Quò enim unumquemq; suum ducit ingenium, aut quod officium decet, id majore implet gratiâ, Ambros. l. Officior. cap. 44. Omnis enim scientia & ars, quasi fundamento aut basi, Natura suam συντιλειαν ἐπινοδομεῖ, perfectionem superadificat, Nicephor. Gregor. l. i. Hist. Undè illud Proverbium apud Gregor. Nazianz. in Epist. ad Eudox. Μὴ βιάζεσθαι πρὶν πᾶσι, καὶ ἰπποσύνην δεδαωτά, μὴ ἄδειν, non esse cohibendum fluminis cursum, & si quis equitare didicerit, abstinendum cantu: ubi & de Legge Atheniensium, quâ puberes in publicum producti, ut ex propositis omnium artium instrumentis, quæ vellent, eligerent. Quòd, quæ Naturâ Duce sunt, bene pleraq; cadant; quæ contrâ, infeliciter. Accedat νεθεσία; Vulgatus correptionem vertit; corrigit Hieronymus in Comm. quia illa Græcè admonitionem magis & eruditionem, quàm austeritatem sonet: & quidem ejusmodi admonitionem, quâ alicui velut in animum ponas atque ingeras, quid factò sit opus, Hemming. in Comm. h. l. Fitq; verbo, exemplo, castigatione. Verbo: exhortando, increpando, instando; ut gutta cavat lapidem non vi, sed sæpè cadendo. Alioqui facilè reditur ad insitam pravitatem.*

*Validis quondam viribus acta
Pronum flectit virga cacumen;
Hanc si curvans dextra remisit,
Recto spectat vertice cælum,*

Boëthius

Boëthius l. 3. Metro 2. In exemplo vis maxima est. Amat unusquisq; sequi vitam Parentum. Ambros. de Offic. l. c. Ergò Parentis vitium, filiorum exitium, P. Chrysologus serm. III.

Si damnosa senem juvat alea, ludit & heres.

Juvenal. Præbenda ergò teneræ ætati bona exempla, inolliq; huic ceræ imago optima, expressa è Parentum forma, inprimenda est, Prosapiam mores annuncient, & quo quis auctore in lucem venerit, ejus facta sectetur, Ennodius dict. 28. Mala cavenda tantò studiosiùs, quantò hærent faciliùs.

- *Quoniam dociles imitandis*

Turpibus ac pravis omnes sumus. Juvenal. l. cit. Proclivis est malorum emulatio: & quorum virtutes assequi nequeas, citò imiteris vitia. Hieron. ad Læt. l. c. Et hinc est, quòd penè omnes Parentibus suis filii non magis in patrimonia, quàm in vitia succedunt. Priusquam in dominio suo habere incipiant res paternas, habent in animis ipsos Patres, Salvian. l. contra Avarit. Adde præmia, & pœnas, quibus & publicæ res nititur, & domestica. Δύο παιδεύοντες τὴν νέεσ: ἢ τε τῶν ἀδικούντων ἡμωρία, καὶ ἡ τοῖς ἀγαθοῖς διδομένη δωρεά, ait Lycurgus in Orat. Contra Leocrat. De Præmiis Hieronymi monitum est: Syllabas jungat ad premium, & quibus illa ætas deliniri potest, munusculis invitetur. Ita Parens, ut in Rempubl. Magistratus, bonorum præmiis bonos faciat, Plin. in Panegyri. Trajani cap. 70. Ita enim fit!

Desit corona, nulla erit victoria!

De pœnis Sacri Scriptores crebrò Proverb. 3, 12.

R 3

cap.

cap. 22. 15. cap. 23. 13. Sirac. 30. 1. &c. in quibus cavenda hinc indulgentia, illinc sævitia. *Indulgentia nervos omnes & mentis & corporis frangit &c.* vide aureum Quintiliani locum 1. Instit. cap. 2. Sævitix modum præscribit, quòd adjecit Apostolus, ἐκτρέφετε &c. ἐν υἱοθεσίᾳ κυεῖς, admonendo & corripiendo in Domino: Modum, inquam, insinuat hoc epitheton, sed & organum ac finem: *Modum*; nam τῇ παροργισίᾳ opponitur: absint sævitix argumenta & instrumenta; non te Tyrannum puta, imò ne quidem Dominum, sed Patrem, vide Proverb. 19. 19. *Jus Patriæ potestatis*, quod apud Persas & Romanos receptum fuit, non immeritò visum prudentibus *Tyrannicum*, docet Grotius de Jure Belli & Pacis l. 2. cap. V. Quæ apud Lacedæmonios maxima solennitas fuerit Ἀγασίγῳσις, non latet, Tertull. ad Martyr. Ad aram Orthiæ Dianæ nobilium adolescentum experiebantur indolem flagellis admotis. Ipsi Parentes laceros etiam & semianimes rogabant, perseverarent vulnera præbere vulneribus, Seneca de Provid. Servile hoc! itaq; & servi postea ingenuis immixti, ut queritur Themistius l. c. quanquam id fortè, inquit, non ἀπὸ τρέψεως: μάστιγῳν γὰρ τὸ ἀγώνισμα καὶ ὁ στέφανος, nam verberum certamen & corona est. Quò & dira pertinent, sæpè non irritæ, & in Parentum serò reversæ jugulum, de quibus mox ad Siracid. *Organum* sit Verbum κυεῖς, Lex, Evangelium; hæc quasi serperastra induenda sunt primæ ætati, ut discat recto ralo incedere. *Discat primò Psalterium*, his se
avoces

*avoces canticis. In Proverbiis Salomonis erudiatur ad vitam. In Ecclesiaste consuescat, quæ mundi sunt, calcare &c. Hieron. ad Lat. Qui in Comm. h. l. in Episcopos illos invehitur & Presbyteros, qui filios suos secularibus literis erudiunt, ut quod in corbonam virgo vel vidua obtulit, in calendariam strenuam, Saturnalitiâ sportulam & Minervale acceptum Mimus, Grammaticus, Orator, fortè in sordida scorta convertat &c. Denique finis quoque sit ὁ κύριος, hic scopus figendus est istis sagittis, Psalm. 27. Ad hunc Solem convertendi sunt pulli isti, ut fiant aquilæ in nubibus, Matth. 24. juxta Proverb. Sic enim aquila pullorum - *lucem magistrâ**

Naturam, vires, ingeniumq; probat,

Claudian. Præfat. Panegyr. de III. Conf. Honor. I. Sic Themistius laudat Patrem, quòd, ut pullos aquilæ, sic ejus indolem ipse exploraverit, sustinere an posset τὴν αὐχὴν τῆς ἀληθείας, Orat. 2. in fin. Rheni venter accollæ - *natos ad flumina primum* Deferebant: sic & explorandos, an essent legitimi, & gelu ac undis durandos: undè Proverbium; Κελευκὸς ῥήνυ δικαγκώπης, *justior Rheno Celtarum*, ejusq; epitheton, ἐλεγχχάιμ, *conjugii vindex*, apud Nonn. in Dionysiac. Meminit Liplus ad Taciti German. Not. 62. & præter ibi citatos Julianus in Paneg. 3. ad Constant. [Elegans est illud Simocattæ Epist. 10. Hermagoræ ad Sopatrum: *Virtutis & vitis habena auso sunt credita, animi cupiditatis eo examinatur & Celtico fluvio simile est &c.*] Christiani habent fontem vivum, cò deferant suos, ut nomina

corum scribantur in cœlis, & ad omnes vitæ secutura ærummas durentur gratiâ cœlesti. *Nisi forte existimas Christianorum filios, si baptismum non receperint, ipsos tantum reos esse peccati, & non etiam scelus referri ad eos, qui dare noluerint, maxime eo tempore, quo contradicere non poterant, qui accepturi erant: Sicut è regione salus infantium majorum lucrum est, Hieron. ad Lætam. Hæc de h. l. ex infinitis, quæ dici potuissent, seligere visum erat. Superest, ut calcaria admoveam Parentibus, &, quantum possum, cohorter, ad officium strenuè subeundum.*

I. A necessario: Faciant id suâ causâ; urgente ipsâ Naturâ, quâ fit, ut Parentes, neque, si hac res ex sententia cedat, ex alia ulla re tantum voluptatis; neque si contrâ eveniat, tantum mœroris capere possint, Macrobi Saturn. i. præfat. Nota sunt exempla quantâ aut lætitiâ perfuderit recta & felix educatio; aut trilitiâ obruerit, prava & eventu pari, Parentes, vide Sirac. 30. i. &c. *Nimis è natura dictum est, nescio quem, filios invenisse tortores, Boëthius l. 3. Consol. prol. VII. addit; Euripidem eo casu rectè affirmâsse carentem liberis infortunio esse felicem. Quàm sæpè deploranda Parentibus est illa Nucis arboribus querimonia?*

Δυσδαίμων, ἐπ' ἐμὴν ὕβριν ἐκαρποφόρον,

Infelix! fructus in mea probrata tuli!

Certè ego, si nunquam peperissem, tutior essem, Ovid. Quàm sæpè accidit illis, quod aranæ in Proverbio, apud Suidam in ἀγνοῖ.

Aranæ

Aranea haud scit, liberos ut educet :

Namq̃, educans immortua est charissimis.

Vide Prov. 10. 1. & 19. 26. Faciant & *Liberorum* ; eget istâ disciplinâ juvenus ; Nulla, ait Plato VII. de Legib. *puero intractabilior fera est.*

- *Ætas prima, ceu brutum pecus,*

Ut educetur, mentis alienæ indiget,

Æschyli verbum est, vertente Grotio l. cit. Expo-
nere Liberos - *avibus ferisq̃, pabulum* ; barbari-
cum facinus esse omnium sensus est : Molocho cum
Ammonitis ; Saturno immolare cum Carthagini-
ensibus, Sacrilegium est : at negligere eorum ani-
mos, nec ad salutem excolere, quid ? Parricidium
& pejus parricidio est. Verè enim Chrysostomus
hactenus, l. 3. adv. vituper. vitæ Monast. *Ejusmodi*
Parentes parricidis ipsis immaniores esse : illi enim
corpus ab anima separant ; isti corpus & animam in
aternos ignes precipitant. Faciant Reipubl. cujus plu-
rimum interest, ut Liberi rectè educantur, cives o-
lim futuri. *Quid non adultus concupiscet, qui in pur-*
puris repit ? Quintil. l. cit. Quid ab eo expectes,
qui Parentum contemptum, qui Numinis summi
despectum cum nutricao imbibit lacte ? qui superi-
oribus recalcitrare, domesticos naso suspendere,
fratres sororesq̃ ; fraudibus circumvenire, de tene-
ro meditantur ungue ? *Ὅτις οὐκ εἰς τὰς ἐαυτοῦ ἀναγ-*
καίης ποιεῖ τὰ ἀμαρτήματα, ἢ ἂν ; οὐκ εἶχε τὰς ἀποστολὰς
ποιοῦσιν ; *Qui in necessarios suos hujusmodi peccat*
peccata, quid ille ? qualem se alienis exhibebit ? Ly-
fias Orat. XXX. contra Philon.

2. Ab honesto: Quò & præcepta, & exempla pertinent, vide Hanapum Patriarch. Hierosol. p. 77. Sabellicum l. 3. cap. 2. 3. 4. Campofulgol. l. 5. cap. 6. &c. *Hoc natura docet absq; Præceptore, ut nati cura sint Genitoribus, ipsorum salutis diuturnitatq; prospicientibus*, Philo de Temulent. Itaq; & bruta faciunt, quod homines negligunt. Venari docent Leunculos suos Leones; fugere & saltus edere Cervulos Cervi; canere Luscinias Luscinia; colligere Formiculas Formicæ &c. *Ursa partus suos ad sui effingit similitudinem; & tu filios tuos instituere similes tui non potes?* ut ait Ambrosius l. VI. Hexaëm. c. 4. *Fertur enim informes utero partus edere, sed natos linguâ fingere, atque in speciem sui similitudinemq; formare. Non miraris in fera tam pii oris officia; cujus naturam pietas exprimit?* Idem, conter Plutarch. de Amore Proles.

3. Ab utili; nam liberalibus doctrinis bonisq; artibus quid utilius? Pietate quid tutius, melius? Sapientiâ quid majus, præstantius?

Homo doctus in se semper divitias tenet, ait Phædrus Fab. LXXVIII. & S. Althelmo teste in Monostich.

Omnibus est mundi melior Sapientia Gazis.
Hinc Aristippus comitibus naufragio in litus Rhodium secum ejectis, cùm in patriam reverti voluissent, interrogarentq; eum, quidnam vellet domum renunciari, mandavit dicere: *Ejusmodi possessiones & viatica liberis oportere parari, quæ etiam è naufragio*

fragio unà possent enatare, vide hunc locum eleganter tractatum à Vitruvio præf. l. VI. de Architect.

- Nil non mortale tenemus,

Pectoris exceptis ingeniūq; bonis,

Ovid. 3. Trist. Eleg. VII. Hic deniq; unicus verus stabilisq; thesaurus est, quem Parentes liberis relinquere decebat. De illo verò opum sapienter Phocion; qui cū Regis Philippi munera magna pecunia repudiasset, Legatis admonentibus Liberis suis prospiceret, quibus difficile esset, in summa paupertate, tantam paternam tueri gloriam; Si mei, inquit, similes erunt, idē hic agellus illos alet, qui me ad hanc dignitatem produxit: Sin dissimiles sunt futuri, nolo meis impensis illarum ali augeriq; luxuriam. Corn. Nepos in ejus Vita.

4. A facili: Ut enim aqua in areola digiū sequitur præcedentem; Ita ætas mollis & tenera in utramq; partem flexibilis est, & quocunq; duxeris, trahitur. Hieron. ad Gaudent. Nec tantū celerius, sed etiam perfectius imbibuntur, quæ discuntur à pueris, Vegetius l. I. de Re Milit. cap. 4. Imitare ergò vinitores & arborum putatores, qui inutilia samenta primo statim vere resecant.

- Luxuriam primò fœtusq; nacentes

Detrahe; frondosas gravat indulgentia silvas,

Gratius de Venat. Imitare armentorum custodes & bulequas,

Jam vitulos hortare, viamq; insiste domandi,

Dum faciles animi juvenum, dum mobilis ætas,

Virgil 3. Georg.

5. A damnoſo : *Difficiliter eraditur, quod rudes animi perbibebunt. Lanarum conchilia quis in priſtinum candorem revocet? Recens teſta diu & ſaporem retinet, & odorem, quo primum eſt imbuta, Hieron. ad Lætam. Ita plerique, ſe, incuriâ bellæ diſciplinæ, adeo omnibus erroribus depravârunt, ac piacularibus incubuerunt, & propè exesâ manſuetudine generis ſui immanè efferârunt, ut poſſit videri nullum animal in terris homine poſtremius, Apulejus de Deo Socrat. Hinc tot ſtrumæ & vomicæ, peſtes Rerum publ. & faces incendiariæ. Hinc pernicies certa & malè educatis, & malis educatoribus. Nec ea modò in præſens, cum tempore deſinens, ſed & olim nunquam finienda. Neque enim de malis operibus filiorum, non erit, in illa terribili examinatione, Parentum negligentia iudicanda : cùm & in hoc ſeculo propterea Heli Sacerdos à Domino reprobatus fuerit & abiectus : non quia filius in iniquitate conſenſit; ſed quia peccantes, manſueto quamvis ſermone, monuerit, prohibere tamen competenti ſeveritate ceſſavit, Fulgent. Epist. 1.*

E P I T H E C A,
AUREA SIRACIDÆ BULLA.

Cap. III. v. 1. 18.

Apoſtolorum Alpha & Paulus IV. Decalogi præceptum egregiè commendat; *Primum eſſe in promiſſione*, Ephes. 6. 2. Etenim tametsi obedi-
tibus in aliis præceptis lautiffimæ promiſſiones paſ-
ſim

sim in Dei Verbo propositæ reperiantur; soli tamen huic specialis quædam annexa fuit. Quod indubiè factum 1. ad accusandam *Naturæ pravitatem*, 2. ad indicandam *obedientiæ necessitatem*, 3. ad amplificandam *Parentum dignitatem*, vide Dn. D. Gerhard. de Lege Dei num. 144. Hinc & Sirach, cum capp præcedentibus primum primæ Tabulæ præceptum explanâset, ad primum secundæ Tabulæ progreditur, indicans post Deum proximos honores Parentibus deberi. *Sunt enim effigies & simulachra divini numinis, qui liberos ad vitam de nihilo produxerunt*, Philo de Leg. special. ad II. præcept. Ita Triptolemi Leges fuerunt in Templo Eleusinio: COLE DEUM, HONORA PARENTES, CARNIBUS ABSTINE! Ita Phocylides:

Πρῶτα Θεὸν ἤμα, μετῆπειτα δὲ σέο γονῆας,

Principiò reverere Deum, post deinde Parentes.

Constat autem Siraci de Officio Liberorum tractatio tribus membris, 1. *Exhortatione*, 2. *Confirmatione*, 3. *Declaratione*.

DE MEMBRO I.

Vers. I. ex Vers. Lutheri: Liebe Kinder/ gehorhet mir eurem Vatter / und lebet also / auf daß es euch wol gehe.

Vulgatus integrum versiculum præmisit: *Filii Sapientia, Ecclesia justorum, & natio illorum obedientia & dilectio. Qui neque in Græco, neque in Syriaco,*

Syriaco, neq; in Arabico extat, ut observavit Cornel. à Lap. Et ex glossa cum textu coaluisse videtur. Habes autem hîc

I. Blandam compellationem: *Filii*; solet alioqui Sirach discipulum & Lectorem suum ita affari, τέκνον, mein Kind / jure & veteri more. Nam & Doctor verè alius Pater est, ac plus quàm Pater, à quo est, ut bene sit: & iidem olim docere solebant, qui genuissent, habitusque ex literis aliquando is honos, ut eas *prisci solis liberis, cognatis, amicis traderent*, Plutarch. in Quæst. 59. Rom. Sic Salomon ergò discipulos compellat, sic Dominus, sic discipulus ejus charissimus S. Johannes, quin & aliquando S. Paulus, vide Johan. 13. 33. 1. Johan. 1. 1. &c. Gal. 4. 19. Sed hîc propriè utitur Sirach istâ appellatione, & alloquitur per Prosopopœiam, indutus omnium quasi Parentum personam, omnes ubiq; Liberos. Monet autem suo exemplo, ita non rarò faciendum esse Parentibus, ut suos convocent, blandè invitent, & ad istum modum ad obedientiam exsuscitent, quod & Deus præcepit, Deut. 6. 7. & Sancti Patres sedulò exsecuti sunt, Abraham, Gen. 18. 19. David, Psalm. 34. 12. Tobias, cap. 4. 2. &c. *Admonitio talis est quadam quasi diæta agrotantis animæ; quæ sumenda sint, consulit, quæ non sint, prohibet*, ait Clemens Alex. 1. Pædag. cap. 8.

Neglectis urenda filix innascitur agris.

Etiam si bonum hortulanus aliquis pangat surculum, nisi semper tamen irrigaverit & assiduum rorem instillaverit, facile marcescet, & nisi palus affigatur

gatur, mox incurvabitur & distortus fiet, vide Chrysost. hom. 9. ad Hebr. & hom. 8. de educat. Samuel. Pueritia velut madidum gypsum statim tractanda est; nam celerrimè coit ac siccatur; quamquam in eo adhuc tractabilius sit gypsum, quod seorsus tundi & in farinam resolvi patitur; at pueritiæ indoles aut jam nunc fingenda & acri urgenda sine fine rotâ, aut operam postea omnem luseris, vide Plin. l. 36. cap. 24. Was Hånggen nicht lernet / das leruet Hans nimmermehr / Prov. 22. 6. Sir. 31. 10. Hærent ejusmodi Parentum monelæ liberis per omnem vitam. Αἱ ἐκ παιδων μαθήσεις συναξάνουσιν τῇ ψυχῇ εἰδέναι αὐτῇ, *Doctrina à pueris indita animo, unà cum eo concresecunt, & intimè uniuntur*, Irenæi sententia est in Epist. ad Florin. apud Euseb. l. V. Hist. Eccl. cap. 20. Undè Euripideum illud in Supplicib. ψ. 914.

- - puer docendus est

Audire & effari priùs non cognita:

Tunc si quid hausit, in senectam usq; ultimam

Durat. Probè igitur educatè liberos!

Sed & illud obiter repeto; blandè ut fiant ejusmodi admonitiones. Absit Orbilii plagoti, πρίν & ἀγνῶτα. Nullum vas aureum a jure solis mallei tusionibus effici. *Vidistis, quaso, unquam artificem ex lamina auri vel argenti solis percussionibus imaginem speciosam efformasse?* quærit Anshelmus in similitudin. vide Coloss. 3. 21.

II. Ipsam Exhortationem: ἀκούετε; quod & audire est & obedire; hîc tamen *audire attentò*

attento animo, nam de obedientia sequitur, & sic facite: Duo ergò generalia Liberorum officia sunt: 1. *audire*: non obmurmurare, non tergum obvertere, non naso suspendere. Audire, inquam, non vetulas Lenas, non grassatores nocturnos, Prov. 1. 10. & 7. 1. 3. &c. Hæ Sirenes sunt aure obturatâ præternavigandæ. Hîc aures sepibus muniendæ sunt & amphotidibus, Sir. 28. 28. At Pater audiendus est: Quia Pater ille, cujus præcepta pro Lege habenda, qui quasi *Domi sua Rex est*, ut ajebat ille ad Augustum apud Macrob. & Legislator domesticus, divinitus constitutus; audire ergò oportet *judicium*, Legem & præscriptum Patris, ac dicere: *Pater adsum; Impera quidvis: neq; ero tibi in mora, neque latebrosè me abs tuo conspectu occultabo*, ut ille Plautinus filius dixit in Trinum. Ita faciunt filii *Sapientia*, ut Vulgatus præmisit. Qui contrà; *fili sunt Belial*, 1. Sam. 2. 27. Alterum est 2. *obsequi*: Sic facite: nempè ea, quæ animis vestris instillabo, altè finite descendere, ne facilè effluant, & velut regulam officii vestri ac amussim habete, à qua ne latum unguem discedatis. Quà in re laudatissimum est Rechabitarum exemplum Jerem. 35. v. 2. Juventus & obliviosa est, facilè elabuntur ei, quæ semel accepit, dolio similis Danaïdum; & refractaria, pullus velut indomitus, spernere solet bene monita, denken wie des Goldschmieds Jung / non patitur se arctiore gyro claudi, frenos respuit, die Jugend lässt sich in kein Boockshorn treiben. Danda ergò opera, ut & obedire discat, & id ex dilectione;

quo Siracidæ verba ex Vulgata Versione prælibata respicere possunt. Amor obedientiæ veræ mater est. *Nec durâ, necessitate ibi servitur, ubi diligitur, quod jubetur*, Leonis Rom. vox est serm. IV. de Jun. VII. Mensis. Odio habenti nihil leve, amanti nihil grave est. *Nunquam se metuitur, quem stimulat charitatis imperium*, ait Ennod. l. 3. Epist. 17. superest, ut expendamus quoque exhortationi additam

III. Suaforiam rationem; *ut salvi sitis*, ex promissione Ephes. VI. 3. ubi promissa morigeris Liberis longæva prosperitas, & prospera longævitas, sed & ipsa deniq; æterna felicitas. Ergo *filii audite Patres vestros, & facite, ut vivatis vitam seculi seculorum*, ut habet Syrus h. l. vel ut Arabicus: *ô Ecclesia filiorum obedite Patribus vestris, ut hereditetis vitam perennem!*

Abusus dicti notandus venit. Disputat Paulus de Palatio h. l. 1. *Parentes posse Liberis legem ferre, quàm necesse sit ab eis servari, si velint salvi fieri.* 2. *Id multò magis posse Laicos superiores.* Et 3. *si Genitor carnis, quanto magis Pralati Ecclesiæ.* Sic Cornel. à Lap. *Hinc, ait, patet, Patrem & pari modo Pralatum quemlibet posse filio & subdito precipere sub pœna peccati, etiam mortalis.* Resp. An Parentes & Magistratus Leges ferre possint obligantes conscientiam, ex Rom. 13. v. 5. suo loco breviter expeditum, qua de re videndus ibid. in Comment. Pareus, & D. Gerhard. de Magist. Polit. num. 268. Adhibitis necessariis distinctionibus.

inter obligationem *Generalem & Specialem*, *Absolutam & Hypotheticam*, *Directam & Indirectam*, non negamus, vide D. Meisn. P. 3. Phil. Sobr. c. 4. Sect. 2. Quæst. 12. Prælatorum dispar ratio est. Nam aut juxta *Apostolorum* formam incedunt, sic Prælati sibi non videntur, sed Ministri, & dictum est iis: Vos autem non sic! aut juxta formam *Apostatarum*, & sic *Pilati* potius quam *Prælati* sunt. Quid multa? Ut Parentum leges calcare aliquando fas est; ita multò magis istiusmodi Prælatorum. Calcare, inquam: Nam semper illud in ore Pontificiis: *Licet sparsa crine, & scissis vestibus, ubera, quibus te nutrierat, Mater ostendat; licet in limine Pater jaceat; per calcatum perge Patrem: Succus oculis ad vexillum crucis evola: solum pietatis genus est, in hac re esse crudelem*, Hieronym. ad Heliodor. *Melius est contristare Parentes, quam contristare Dominum Jesum: hic enim nos creavit & salvavit; illi sæpè suos amando perdiderunt. Amor Dei extinguit in animo carnalem Parentum amorem. Qui autem utrosq; amores in uno corde claudi posse putatis seipsum decipit, &c.* Joh. Climacus gradu 3. *Sola causa, quæ non licet obedire Parentibus, Deus est. Ipse enim dicit: Qui amat Patrem aut Matrem plus quam me, non est me dignus*, Bernhard. Epist. III. Quæ & alia congerit Lessius in Disputat. de Statu Vitæ Elig. Quæst. IV:

DE MEMBRO II.

Vers. II. Dann der Herr will den Vater
von den Kindern geehret haben/ und was eine Mutter
die Kinder heisset/ will Er gehalten haben.

*Argumentum confirmationis primum, à Dei
Præcipientis Autoritate :* Honoravit ille
utrumque Parentem. 1. *Patrem ἐδόξασε*, exaltavit
honore & dignitate, *glorificavit eum in filiis*, ait, &
id variis modis. 1. *Paternitatem suam ei communi-*
cando, Ephes. 3. 15. quâ fit, ut *Parentes quasi in na-*
tura mortalis & immortalis confinio sint: *Mortalis*
propter cognationem cum hominibus & ceteris ani-
mantibus, & propter corpus corruptibile; immorta-
lis verò, quia gignendo referunt Deum Genitorem o-
mnium, Philo de Decalogo p. 640. 2. *Patris no-*
men donando, quod Dei proprium, quod nomen o-
mninò honoris summi insigne est. Sic Pharaò vo-
cat Josephum Patrem Regis, *Abrech*, interprete
Onkeloso, de quo Dietericus in Antiq. Bibl. P. 2.
Loco 2. p. 19. Sic Aman Esther, 13. 6. Ulpianus
L. ex Divi. C. Locat. Theodorus §. ult. in Auth. de
Legit. &c. à Regibus & Imp. Patres dicti. 3. *Lo-*
cum, inter omnes mundi dignitates *primum*, *assi-*
gnando; Nam quia *Parentes post Deum vitæ autho-*
res sunt, merito *primi ante omnes honorum nostro-*
rum fructum perceperint, ut docet Chrysost. hom.
21. ad Ephes. Nam

*Cunctorum veluti genitor rectorq; supremus
Est Deus, immensum nutu qui temperat orbem,
Sic etiam Natis Pater est Deus!*

Gregor. Naz. ad Vitalian. 4. *Honorem serid imperando, Lege & scriptâ & non scriptâ, cujus in transgressores severa semper exercuit judicia.* Pertinet ad hunc locum *Ciconiarum Lex* apud Aristophanem in Avibus & nota Proverbio ἀνὴρ πελάγῳσις. *Ciconia redeuntis anni jugiter nunciatrix, ejiciens tristitiam hiemis, latitiam verni temporis introducens, magnum tradit exemplum pietatis.* Nam cum parentes pennas senio coquente laxaverint, nec ad proprios cibos querendos idonei potuerint inveniri, plumis suis genitorum membra frigida resfoventes, escis corpora lassarescunt: & donec in pristinum vigorem alis grandæva redierit, piâ vicissitudine juvenes reddunt, quod à parentibus parvuli acceperunt, Cassiodor. l. 2. Var. Epist. 14. undè à P. Syro Mimos avis Pietaticultrix dicta est. Putamus ad hos usus prolem cujuspiam magisterio pervenire? sufficit germi institutio naturæ, ait Ennodius Dict. XVII. Probat exemplo *Aquilarum*, quas fœtuum ministerio pasci legamus &c. Transeo, inquit, multiplicibus exemplis *Luporum* rapacitates; jejuno ore parentibus escas deferunt, & impasta visceribus fera ad creatores suos currit ore locupleti. Sic *Cucupham* avem ab Ægyptiis pingi, cum animum gratum volunt indicare, eamq; divinorum sceptrorum esse insigne, prodidit Horus l. 1. Hierogl. cap. 52. Venio 2. ad Matrem: Cujus judicium ἐπεγέωσεν super filios, dans illi auctoritatem, Vatabl. & Jansen. jus & imperium in liberos, Paul. de Palat. Quia aliàs liberi contemptiùs habere Matres solent, cum quia fami-

familiaritas parit contemptum, tum quia Matres plerunq; suos indulgentiùs tractant. Addunt causam naturalem nonnulli, quòd *solus Pater generis auctor sit, Mater tantùm nutrimentum & locum præbeat infanti*, undè Lex Ægyptiorum, *quâ nullus spurius habebatur, etiamsi ex serva esset genitus*, ut ex Diodoro Siculo l. 2. annotat h. l. Octavian. de Tufo Neapolit. Denique Jure Civili liberi non sunt in potestate Matris, ex iis causis, quas allegat P. Gregor. Tholosan. l. XLII. Syntagm. cap. 22. ex quibus neque earum in nuptiis liberorum consensum, nisi honestatis nomine, requiri disputant, refutavit Dn. D. Gerhardus de Conjugio, num. 86. Certè divina Lex Patri Matrem æquat, Exod. 20. 12. Deut. 5. 16. Matth. 15. 4. Prov. 1. 8. Exod. 21. 15. Deut. 21. 18. & 27. 16. Prov. 19. 26. & 20. 20. & 23. 22. & 30. 11. & c. Natura etiam videtur præferre. Galenus affirmat *foetum à Matre quàm à Patre suscipere: Sicut fructus ampliùs ab ubertate soli quàm à coloni industria & labore habet*, Gregor. Tholos. lib. XI. cap. 7. cit. Certè, ut ait Ambrosius, *Matri in absolutione plus periculi, in dilatione plus tædii est*, in Psalm. 118. Octon. 14. *Utrumne ex Patris tantùm semine partus nascatur, ut Diogenes & Hippon, & Stoici scripserunt? an etiam ex Matris, quod Anaxagora, & Alcmaëni, nec non Parmenidi, Empedocliq; & Epicuro visum est?* ut Censorinus habet de Die Nat. cap. 5. de eo disputent Medicorum pueri. Aristotelis non constans opinio est, confer l. de Generat. Anim. cap. 19. & 20. & 4. ibid. cap. 1.

Itaq; ille & Varro apud Lactantium ajunt, *non tantum Maribus inesse semen, verum etiam Fæminis, & inde plerumq; Matribus similes procreari*, de Opif. Dei cap. 12. *Quæ differens non definit se scire Alcmæon confessus est, ratus neminem posse perspicere*, ut Censorinus addidit. Apud Jctos partus ventrem sequitur. Nec Vestalis Romæ capi poterat, cujus Mater in sordidis negotiis esset versata, Fencstella de Magist. Rom. cap. 7. & A. Gellius l. 1. cap. 17. Itaq; apud Xanthios Lyciosq; omnes, ut & apud Locros non à Patribus, sed à Matribus generis nomen liberi sortiebantur, Herodot. l. 1. Polybius l. 12. Plutarch. de Clar. Mulier. Mater enim semper certa, Pater sæpè incertus est. Hinc

Mater tenerius liberos adamat Patre;

Quia Mater esse scit suos, Pater autumat.

Menandri sententiâ, de qua Grotius de Jure Belli ac Pac. l. 2. cap. 7. num. 8. Athenis sub Cecrope deliit mos, quo liberi materno cognomine appellari solebant, quòd Matrum suffragio vicisset Minerva Neptunum, cùm de nomine & tutela urbis contentio esset, fabellam ex Varrone recitat Augustin. l. 18. de Civ. Dei cap. 9. Ergò *Matris dicta discutere non licet, Patris monita retractare non convenit. Sit licet mandati paterni species tristior, res tamen ipsa salutifera & vitalis*, P. Chrysolog. Ravennas serm. 55.

Vers. III. Wer seinen Vater ehret / dessen Sünde wird Gott nicht straffen; Vers. IV. Und wer seine Mutter ehret / der samlet einẽ guten Schatz.

Argu-

Argumentum II. ab obedientiæ multiplici utilitate; tum respectu Dei, obedientibus Peccata condonantis, Bona omnia accumulantis, ipsorum preces exaudientis, vitamq; prolongantis; cùm respectu Liberorum & Parentum ipsorummet, de his ordine *ψ. 3* & seqq. usq; ad 8.

Est igitur primum obedientiæ præmium, Peccatorum condonatio. In Græco est:

Qui timet Patrem, expiatur à peccato. Complut. & Ambros. *veniam impetrat*, scilicet præteritorum; à futuris *continebit se*, quin & *in oratione dierum*, id est, quotidiana, quæ per dies singulos funditur, *exaudietur*, interprete Corn. à Lap. Vulgatus habet:

Qui diligit Deum, honorando Parentes, *exorabit pro peccatis*, facilius flectet Deum, ut quotidianis lapsibus ignoscat, & pœnas promeritas vel mitiget vel auferat. Multa hîc dura dicta apud Interpp. ut quòd ex obedientia sacrificium faciunt *ἱλασµὸν*; nam si sacrificium, quo mactabatur caro animalis, expiabat peccatum, ut patet Levit. 4. multò magis expiabit illud obedientia filiorum, quo voluntas eorum quasi mactatur, ait Corn. à Lap. ex Gregor. M. l. 35. Moral. cap. 10. ubi ait: *meliolem esse obedientiam quàm victimas*; quia per victimas aliena caro; per obedientiam verò propria voluntas mactetur, ex 1. Sam. 15. 22. Hinc, ait Tuso, David Psalmo IV. *ψ. 6.* *Sacrificate sacrificium iustitia, de medio tollendo*, ait Remigius, *taurum superbiæ, hædum lasciviæ.* Vertit autem Chaldaus ad rem nostram: Domate concu-

piscientias vestras, & reputabitur vobis sicut sacrificium iustitia : Ita ille. Sed neq; ulla Vet. Testam. sacrificia ex opere operato expiabant peccata, ut alibi docetur : neq; ulla obedientiæ opera sacrificia *ἱλαστικὰ* sunt. Honos hic unius est sacrificii, quod nunquam reiterabile est. Unius obedientia sola & unicè unica expiat omnem omnium inobedientiam. Nos, cùm totos nos immolamus, *Soteria* tantùm solvimus, & *Eucharistica* sacrificia facimus, ac *Laurentica*. Melior ergò obedientia victimis, non quantum ad expiationis effectum; verè enim ex instituto Dei, ut futurorum umbræ, expiabant victimæ, non obedientia: Quia nulla est ante expiationem Deo accepta, nec antegreditur reconciliationem, sed sequitur; sed variis de causis aliis: Quia victimæ per se solæ nec Deo gratæ, nec à Deo præceptæ, nec ad colendum Deum aptæ, hypocritarum denique æquè sunt ac piorum externi actus esse possunt. Ut mirandum non sit, si obedientiæ præmia sint amplissima, victimarum istiusmodi nulla. Reliquæ rationes, quas Cornel. à Lap. affert, cur obedientes filii veniam faciliùs impetrent? tolerabiliores sunt : 1. Quia honor Parentum Dei honor est, qui honorantes se honorat : *non enim patitur se summa illa bonitas à creatura beneficentiâ vinci*. 2. Quia, qui colunt Parentes propter Deum, Deum ipsum colentes, ex dilectione contriti reconciliationem cum Deo quærunt, & ex promisso inveniunt. 3. Quia pro morigeris liberis orant & intercedunt pii Parentes, iisq; veniam, præmissâ

missâ pœnitentiæ gratiâ, impetrant. Hæc & alia ille, quanquam verbis non adeò sanis. P. de Palatio in aliam omninò deflexit sententiam: *Qui diligit Deum, exorabit pro peccatis Patris: ut sol oravit pro peccatis filiorum: Ita filii orent pro peccatis Parentum.* Nec displicet Tufoni, qui pietatem Æneæ affert in exemplum, quâ optione sibi factâ à Græcis, ut de rebus suis, quicquid vellet, asportaret, primò Deos Penates, deindè senem Parentem petiit. Quâ illi pietate moti omnia ei sua concesserunt, ex Ælian. 3. Var. cap. 22. Quicquid sit, & Græca ipsa exemplaria, ut ex Complut. vidimus, & Vulgatus duriusculam Siracidæ sententiam molliuerunt. D. Lutherus optimè exposuit de pœnarum temporalium sive castigationum remissione, quas Deus ex gratia reconciliatis aliquando aufert, cum novæ obedientiæ ex animo student, neque enim aliud quid illis quærit.

2. Præmium est: Bonorum Thesaurizatio, liceat ita loqui: *Qui Matrem honorat, v's ἀποθνήσκει ζωῇ*, sic est, ut qui thesaurum colligit. Quid non facimus, ut thesauros struamus nobis aut nostris? soliti, ut cum Lucillio dicam, *mordicus petere aurum è flamma & è cœno cibum.* Quâ causâ

Impiger extremos currit mercator ad Indos.

Vis compendium scire? Cole Parentes. Optimus Parentum thesaurus est, quem liberis parare possunt, si eos faciunt *thesaurum Dei*; ut ait Salvianus de Avarit. l. 1. p. 24. Optimus vicissim liberorum, si Deum timeant & colant Parentes.

Thesaurus est, beneficium datum probo
ait P. Syrus, quanto magis

Thesaurus est beneficium datum patri?

Hic est thesaurus repositus in sinu Dei, ubi furibus nullis adire licet. Reges Persarum ingentes thesauros annuatim colligebant ex Asia & Africa parte, Talenta Euboica 14560. Aurum argentumq; liquefactum fictiles in fidelias infundebant, expletas frangebant, cum thesauris collectis, uti vellent. Herodot. l. 3. Nos quoque thesauros pietatis *in fictili isto vase* colligamus, 2. Cor. 4. 7. quibus olim isto confracto frui æternum liceat.

Verf. V. Wer seinen Vatter ehret/ der wird auch Freude an seinen Kindern haben/ und wann er betet/ so wird er erhöret.

Sequitur Præmium 3. par ex liberis olim jucundatio. *Qui honorat Patrem, jucundabitur in filiis.* 1. donabitur semine, Jansenius h. l. *multiplicati sunt filii ejus*, Arabiens. 2. illi animo & corpore erunt valentes & sani, P. de Palat. 3. quodq; caput est, parem rependent honorem, ut Tobias junior similes vidit filios & nepotes, Tob. 14. 5. 14. At Chamus Noachi - *pejor avis*, tulit Chusum adhuc *nequiores*, mox daturum progeniem *vitiosiores*. Sic enim *mali corvi*, *malum ovum*. Quod tamen hîc non tam ex traduce fit naturæ, aut imitatione vitæ, quàm ex justa Dei compensatione. Ita enim *si in Parentes ingratus eris, æquilibrem tibi lancem* appendet providentia, *liberosq; habebis*, qui
veras

veras imagines ac simulachra paternæ malitiæ referant. Sic enim vipera quoq; maternam sceleratissimè lacerant matricem, & nutricem ventrem dirumpunt, Simocatta Epist. 72. Verissimè igitur apud Laërtium Thales: Quæ tu Parentibus persolveris nutricia, eadem à liberis olim expectata: Habet autem hæc promissio, ut similes omnes, solitam crucis exceptionem. Undè Proverbium: Heroum filii Noxæ. Nec semper gavissus est de Isaaco Abraham, de Jacobo Isaac, de juniore Tobia senior: sed tandem tamen verè & solido gaudio. Non est eo ingenio hæc vita, ut cuiquam purum lætitiæ calicem porrigat bibendum; sed eo est ingenio Deus, ut post eporæ tristitiam piis lætitiæ bibendam largiatur, ait P. de Palatio.

4. Est Certa precum exauditio: Piis enim & Deum timentibus patent semper Dei aures, quas impiis & sceleratis claudit justitia; Psalm. 145. 19. Prov. 28. 9.

Implent fata, viri quæ valuerè boni.

Nuspiam citiùs exaudit Deus, quàm ubi habitat. Habitat autem in pio corde. Verè enim S. Prosper in Epigramm.

Non igitur terrarum orbis, non invia Ponti

Æquora circuitu sunt obeunda vago,

Ut possit rerum dominator & author adiri,

Quem Templo in cordis Mens pia semper habet.

Vers. VI. & VII. Wer seinen Vatter ehret/
der wird desto länger leben/und wer um des H. Ern
wille

willen gehorsam ist / an dem hat die Mutter einen Trost.

Habes hîc præmium 5. Vitæ prolongationem, quam speciali promissione obsignavit Deus Legislator, de qua suprâ ad Ephes. VI. quæ quasi per traducem omnium insedit animis, undè trita illa:

Ἐλπίζε, ἡμῶν πρὸς γονεῖς, πρᾶξεν καλῶς,
Colens Parentes lata speres omnia,
 Ἰκανῶς βιώσεις γεροβοσκῶν τὰς γονεῖς
Senes Parentes nutriens virescens, &c.

Ratio æquissima: Dignus est ingratus, ut perdat, quod in eo perit beneficium. *Quicunq; autem commodatam pecuniam ultrò reddiderit, sibi reponit. Non difficile enim homo, cùm opus fuerit, quodlibet impetrat, si fœneratori suo celeri satisfactione respondit. Ille verò, quem perfidia arguit, semper creditoris sui januam clausam invenit, ac quamvis frequenter pulset & supplicet, tristis & vacuus cum increpatione recedit,* ait S. Valerian. hom. IV. de Promiss. non redd. Beneficium ergò, quod Deus per Parentes dedit liberis, æquum est, ut servant, qui grato animo rependunt; justum ut perdant, ingrati, *Viri dolosi,* rimarum pleni, Psalm. 55. 24. quales Ger & Onan, Hophni & Pinehas, Ammon & Absalom, &c. Memorabile exemplum habet Bernardinus Dom. Quadrages. serm. XVII. de adolescente suo ævo in Hispaniæ citerioris urbe, cui nomen Sui, non procul *Valentia*, propter furta & latrocinia ætatis suæ anno XVIII. ad suspendium damnato, cui jam pendenti repen-

repentè barba proruperit, mox cum omni capitis coma incanescens, ut nonagenario similis videretur, admonente quasi Numine, quod hic ipse suspensioſus de ſumma vitæ ſuæ tot annos ſibi detraxiſſet, quot jam in ſenili facie præferret. Quòd verò obediētes quoque nonnunquam citiùs ex hac vita diſcunt, id bene explicat Lyra in cap. 20. Exod. *Bona temporalia ordinari ad ſpiritualia & æterna: Ideò ſi quando contingat ex divina ordinatione nobis occulta, ut honorantes Parentes parùm vivant, & dehonorantes diu, totum tamen hoc ordinari à Deo ad augmentationem præmii bonorum & pœna malorum.* Habes exemplum Henochi Gen. 5, 24. & teſtimonium Sapientiæ cap. 4. §. 7.

Supereſt 6. Parentum ipſorummet oblectatio, de qua Græcè: *Qui obedit Domino*, id eſt, propter Dominum, colit Parentes, ut bene D. Lutherus, *Matrem recreabit, Vulgat. refrigerabit.* Nam ut nulla res majori cordolio eſſe poteſt Parentibus, quàm ſi liberos inobediētes videant præcipites ferri in omne nefas, & in ipſum deniq; æternum exitium; argumento eſſe poteſt Abſalom Davidis, de quo 1. Sam. 18. & Auguſtin. l. 2. contra Gaudent. cap. 14. *Plus impius Abſalom Patrem ſuum David extinctus quàm rebellis afflixit.* Sic mirificè recreat & obediētia per ſe ipſa, & bona ex ea ſpes concepta. Hi quaſi educationis optatiſſimi fructus ſunt. *Timidi Mares*, ajunt, *non flebit.* Veriùs; Pii.

Gloria namq; Patri natorum eſt fama decusq;.

Ut rursus natis est gloria fama Parentum,
 Gregor. Naz. ad Nicob. Patrem carm. 49. Itaq;

Μακάριον ἐστὶν ὑὸν εὐτακτὸν τρεῖσιν,

Felicitas est probos habere liberos.

Verf. VIII. Wer den Herrn fürchtet / der ehret auch den Vater / und dienet seinen Eltern / und hält sie vor seine Herren.

Hoc III. argumentum est & ultimum à Deitimentium proprietate. Ubi 1. effectus, 2. causa, quam arguit. Monet enim 1. *Quidnam faciendum sit?* serviendum Parentibus *ὡς δὲ ἀπολόγους*: Quonam modo? an servili animo? absit. Non ea mens Siracidæ, quod vel Parentes liberis abuti debeant tanquam servis, de quo jure Patriæ potestatis supra dictum, Tyrannicum videri sapientibus, Barbaris usitatum fuisse, quanquam apud Romanos mirè laudet Dionysius Halicarn. l. 2. Antiq. Rom. cap. IV. vel quod liberi animo servire debeant alio quàm filiali suis Parentibus, de quo Malachi. 1. v. 6. sed quod & propter dignitatem illos revereri & ad omnia servitia illis prompti esse teneantur, ut Isaac ligna bajulans, Gen. 22. Scitè Salvianus Epist. IV. *Osculare pedes Parentum tuorum quasi ancilla, manus quasi alumna, ora quasi filia.* Ratio: Quia jure naturæ Parentes, dignitate Domini, beneficio nutriticii sunt: debetur ergò iis & amor ut Parentibus, & timor ut Dominis, & gratitudo ut Nutriciis. Sed 2. *Quinam hoc faciunt?* Qui Deum timent. Non enim fieri potest, ut pius sit erga illum invisibilem Deum, qui erga conspicios Parentes est impius,

Philo

Philo de Decal. Sic S. Johannes concludit I. Epist.
c. 4. v. 20.

DE MEMBRO III.

Amor, ajunt, ut flamma est, adscendit, non descendit. *Ut humor de radicibus adscendit in herbam, de herba autem non revertitur ad radices, sed sursum transmittitur in semen; sic & charitas de Parentibus adscendit in liberos, de his verò non revertitur ad Parentes*, ait Chrysost. in c. 19. Matth. hom. 32. Itaq; non tam opus est monere Parentes, ut ament liberos, quàm ut modum teneant, ne similes sint similes, quæ ex gemellis, quos pariunt, alterum, quem amant, statim complectendo necant, quem odere, vitalis est, Oppian. Cyneget. l. 2. At liberos ex adverso ad modum amoris exhortari non opus est, potiùs ad ipsum, adeò plerunq; friget. Fecit id huc usque Sirach accuratè, nunc ad *Declarationem* pergendum est: Quid præstandum sit Parentibus, cum omni tempore, tum in senio præcipuè?

I. Quid omni tempore? thesi indicatur & antithesi. Thesis est:

Vers. IX. X. XI. Ehre Vatter und Mutter mit That / mit Worten / mit Gedult: auf daß ihr Segen über dich komme. Dann des Vatters Segen bauet den Kindern Häuser; aber der Mutter Fluch reisset sie nieder.

Specta 1. Quis? Absolutè dicitur *ἡμα*, *honoras*

nora, sine determinatione certæ personæ. Itaq; ad omnes spectat, quicumque liberi sunt, quicumque Parentes habent. Nec excipiendi à Lege Naturæ, quos in altiore suggestum evexit ratio fortunæ. Vide, quomodo Josephus, Ægypti Pro-Rex, Patrem coluerit, Gen. 46. 29. quomodo Rex Salomon Matrem, 1 Reg. 2. 19. Certè ex hac Lege Viri illustres, conciones pro rastris habentes, Senatui quidem adversarias, plebi vero gratas & propterea valde celebres, è suggesto detracti à Patribus abducti sunt, pœnas eorum arbitrati daturi: quos, cùm per medium forum abducerentur, nullus eorum, qui aderant, poterat eripere, non Consul, non Tribunus Plebis, non ipsa turba, cui assentabantur, licet aliam omnem potestatem suâ minorem existimaret, ait de Romanorum jure Patriæ Potest. Dionys. Halicarn. l. 2. Hist. cit. Qua de re memorabilis est Tauri Philosophi Disputatio apud A. Gell. l. 2. Noct. Attic. cap. 2. cujus summa fuit: *In publicis locis, muneribus, actionibus, Patrum jura cum Ellicorum potestatibus collata interquiescere paululum & connivere: In domesticare, atq; vita publicos honores cessare, naturales & genuinos exoriri.*

2. Quid? *Honora*: Verbum IV. Præcepti, ubi est vocabulum כבד *Kabbed*, quod est augere honore, magni facere, grave pondus tribuere. In magno itaq; pretio habendi sunt Parentes, ut *Dei simulachra*, quibus honoratis honoratur Deus ipse Pater omnium, ut dixit Plato de Legib. Undè illa vulgata:

Θεοὶ μέγιστοι τοῖς Φρονούσιν οἱ γονεῖς.

Νόμιζε σωτῶν τοὺς γονεῖς εἶναι Θεός.

Prudentibus magni Parentes sunt Dii,

Habe Parentes Numinis loco tuos.

3. Quomodo? ἐν ἐγῶ, obediendo, benefaciendo. *Obedientia* exigit, & ut omnia faciant, quæ non contra Deum, & ut nihil præter, nihil contra præceptum. *An ergò iis inconsultis, imò & renitentibus licet inire conjugia? intrare monasteria?* de priore vide D. Gerhard. suprà citat. de Conjug. num. 50. de posteriore facilis est responsio, si, quid Monasteria sint, explicatum fuerit. Lessius de statu vitæ eligendo, Busæus in Viridario Virtut. de Pietate erga Parent. cap. V. post Bellarm. de Monach. l. 2. cap. 36. multa pro affirmativa adferunt. Sutilius de Monach. Morib. & Instit. cap. 27. & alii responderunt. Omnia argumenta & testimonia vel μέγα λίαν αἴτιμα habent, quòd Christum sequi sit Monachorum sequi claustra an lustra? *Hic Rhodus, hic saltandum est:* vel manifestum absurditatem aut impietatem: Stultum esse cum viro irreligioso tractare de sanctitate, Ecclesiast. XXXVII. 12. Ergò Parentum ne quidem adhibendum esse consilium. *Inimici enim homini domestici ejus.* Matth. 10. 36. Mich. 7. 6. *Licet filiis Parentibus invitis matrimonium contrahere, cur non etiam religionem profiteri?* quærit Bellarm. Denique magis, inquit, obediendum est Deo quàm hominibus. *Deus autem consulit vitam perfectam:* Act. 5. Matth. 19. Quid ad hæc & talia dicemus? Id ipsum, quod Dominus in hac ipsa causa; *Quare vos transgredimini mandatum Dei*

propter traditionem vestram? Nam Deus dixit: *Honora Patrem & Matrem!* Matth. 15. 3. Rectè inter-
 rim Hieronymus: *Honora Patrem tuum, sed si te à
 vero Patre non separat. Tamdiu scito sanguinis co-
 pulam, quamdiu ille suum noverit creatorem, ad Fu-
 riam de Virgin. servanda. Sed colores isti, cum ad
 id, quod quæritur, applicantur, verè, quod de Rhe-
 torum istiusmodi sententiis dixit ille, vitrea fracta,
 somniorum interpretamenta sunt. Et fateri coacti
 sunt, qui ad conscientia suæ tribunal retulerunt, se
 Rhetoricos fuisse. De Beneficentia quod addidi,
 bene Ambrosius: *Est honor non solum honorificen-
 tia, sed etiam largitatus. Pasce Patrem tuum, pasci
 Matrem tuam; & si paveris Matrem, adhuc non red-
 didisti dolores; non reddidisti cruciatus, quos pro te
 passa est; non reddidisti alimenta, quæ tribuit revere-
 pietatis affectu, immulgens labris tuis ubera; non red-
 didisti famem, quam pro te illa toleravit, ne quid, quod
 tibi noxium esset, ederet, ne quid, quod lacti noceret,
 hauriret: Tibi illa jejunavit, tibi manducavit; tibi
 illa, quem voluit, cibum non accepit, tibi, quem no-
 luit, cibum sumpsit; tibi vigilavit, tibi flevit, & tu
 illam egere pateris. O fili quantum tibi sumis judi-
 cium, si non pascas Parentem, illi debes, quod habes,
 cui debes, quod es, in cap. XVIII. Lucæ. Sic ergò
 honorandi èν ἑγώ: Sequitur èν λόγῳ, ut ad Deum
 pro iis orent; ad proximum de iis bene loquantur;
 ipsi humiliter & decenter cum illis conversentur.
 Quia etiam in bona causa humilis esse, in quantum
 res finit, filii apud Parentes debet oratio, Salvian. E-
 pist. 4. Tuso bene monet, esse hanc liberorum
 mode-**

modestiam, & linguam placabilem, senibus Parentibus *pro arbore vite*, ex Proverb. 15. 4. *Paterna pietas etiam vultu frequenter leditur*, ait Egesipp. l. 1. Excid. Hieros. cap. 38. Itaque non sermonis modò, sed & gestuum habenda ratio est. Addit Vulgat. & *in patientia*: Vatabl. *per summam patientiam*: si difficiles, si morosi, si graves sint; si severius educent, acrius increpent, inclementius fortè tractent. *Ut filii patientia vincat senum difficultatem*; sicut Patrum patientia sustinuit filiorum parvulorum importunitatem, Palatius h. l. Tufo bene observat, pleraq; hæc Platonem quoq; liberis præcepisse. Locus ex Dial. IV. de Legibus ex interpr. Ficini sic habet integer: *Parentibus fas est prima & maxima debita, omnium antiquissima debitorum persolvere. Putare enim quicq; debet, omnia, quæ possidet, eorum esse, qui genuerunt & educârunt, ita ut illis hæc omnia pro viribus ministrare debeat: primum quidem externa bona, deinde etiam corporis, postremò quæ ad animum pertinent: hæc omnia velut mutuò data persolvere, & pro curis doloribusq; præcis Parentum, in senectâ recentes reddens, quando maxime indigent. In verbis quin etiam per totam vitam Parentes venerari maxime decet. Levium enim volatiliūque verborum gravissimo imminet pœna. Nam omnibus præposita est Nemesis iudicii angelus, huiusmodi omnium consideratrix. Oportet itaq; iratus animumq; ex plentibus cedere, seu verbis, seu rebus id faciant, non ignorantes, Patrem jure admodum filio valdè succensere, si quando ab eo injuriam*

sibi fieri arbitretur, hæc ille : Tufoni hanc sententiam Ecclesiastici mutuatus videtur, cum Ecclesiasticum Platonis hos flosculos delibasse verius omnino sit, quia ab obitu Platonis usq; ad hunc scribentem centum integri anni effluxere.

4. Quare? calcar addat, sperata benedictio: *ut superveniat tibi benedictio*, εὐλογία, *ab hominibus*, Græcè: Vulg. à Deo: Græca Exemplaria Romana; *ab Eo*; ut & Syrus: *ut veniant super te benedictiones ejus*. Addit Vulgat. & *benedictio illius in novissimo maneat*. Nempè Liberi morigeri benedicuntur, laudibus celebrantur, precibus Deo commendantur, in exemplum omnibus proponuntur ab omnibus: auferunt vota Parentum, quæ Deus ipse subsignat & in ratiocinaria aut calendaria sua refert. Benedictiones istæ non intra verba nuda consistunt, in rem eunt, bona omnia secum trahunt, deniq; in mortem, in æternitatem usque hærent. Quo facit, quod ex Euripide refert Cameraarius h. l.

Ὅτις δὲ τὰς πατρὶδας ἐν βίῳ σέβει,
Ὅδ' ἐστὶ καὶ ζῶν καὶ θανὼν θεῶ φίλος,
Quisquis Parentes semper in vita colit,
Vivusq; mortuusq; amicus est Dei.

Itaq; *Benedictio Patris* σπείρει, *stabilit domos*, ut & longâ ac numerosâ stirpe floreat, & divitiis, gloriâ, honoribus: at ex adverso *Matri*, Parentum in commune, *maledictio eradicat etiam ipsa fundamenta*. Exempla innumera sunt, sacra, vide Gen. 9. & 27. & 49. Deut. 27. 16. Proverb. 30. 17. 2. Reg. 2. 24. & c.

24. &c. profana, de quibus Plato: Oedipus contemp-
 tius à filiis ea illis imprecatus est, quæ exaudita esse-
 etaq; à Diis apud omnes feruntur. Amyntora quoq;
 Phœnici filio iratum, illi maledixisse ferunt, & Hip-
 polyto Thesea; plurimosq; alios aliis. Quibus aper-
 tissimum factum est, à Diis preces Parentum adver-
 sus filios exaudiri. Nihil enim imprecatione Parentis,
 non injuriâ, perniciosius. Nemo verò, cùm Pater aut
 Mater ab eo contemnitur, tunc solum putet à Deo o-
 rationes eorum secundum naturam exaudiri, sed eti-
 am, cùm honorantur: ac ideò etiam, cùm latiores bo-
 na à Diis liberis petunt, exaudiri eos similiter existi-
 mare debemus. Et mox: Omnes igitur non insani
 verentur coluntq; Parentum orationes, non ignoran-
 tes, multis profuisse, obfuisseq;, de Legib. Dial. XI.
 Ecclesiastica collegit Horndorffius in IV. Præcept.
 Apud nostrates celebre est exemplum Demoniacæ
 Laudemensis in Gallia, Anno 1566. & alia duo, quæ
 reperiuntur in vita Zenobii, Episcopi Florentini, apud
 Surium XXV. Maji. Omnium autem celeberrimum
 illud, quod Augustinus refert l. 22. de Civ. Dei cap. 8.
 hæc Tufo h. l. Hactenus de Thesi: nunc & expen-
 denda Antithesis:

Verf. XII. XIII. Spotte deines Vatters Ge-
 brechen nicht; dann es ist dir keine Ehre: dann den
 Vatter ehren/ ist dein eigen Ehre/ und deine Mutter
 verachten/ ist dein eigen Schande.

Ne glorieris, µὴ δοξάζῃς, ne laudem & honorem
 queras, in Patris tui ignominia. Es ist ein wißter
 Vogel/ der in sein eigen Nest thut. Quod Chamus

fecit ille naso suspendens adunco Patrem ebrium, & pipulo differens. Nec hilo melior Absalom. Gen. 9. 2. Sam. 15. 4. Insani: nam ut Parentum gloria ornamento est liberis, quibus

Honestus rumor alterum est patrimonium.

P. Syrus, Proverb. 22. 1. Tob. 7. 17.

Nec premium ullum est liberis honestius.

Quam si probo nascantur & honesto Patre:

Quod ex Euripide citat Tuso h. l. confer Plutarch. de Pueror. Educat. post princ. Undè plerunque Sancti in S. literis à Parentibus inprimis laudantur, & seiplos commendant isto elogio Prophetæ: Ita ignominia illorum, horum est probum & dedecus.

Gloria communis, labes communis utriusq; est,

ait Gregor. Nazianz. ad Nicobul. ubi supra. Nota sunt Proverbia: τὸ πατὴρ ἐστὶ τὸ παῖδιον, *Patris est filius. Sicut Mater, ita & filia ejus*, Ezech 16. 44. Sed ad finem festinat calamus: Audiendum ergò, quid præstare teneantur liberi Parentibus

II. In senio? ubi 1. *Exhortatio*, 2. *Confirmatio*. Illa sic habet;

Verf. XIV. XV. *Liebes Kind / pflege deines Vatters im Alter / und betrübe ihn ja nicht / so lang er lebet; und halt ihm zu gut / ob er kindisch wüßde / und verachte ihn ja nicht / darum / daß du geschickter bist.*

Senectus *mala etas* dicta fuit Romanis, vide Nonium Marcell. in *mala etas & senium*. Est enim quasi *malorum portus*, ut ait Bias apud Laërt. l. 4, *Cæteris malis in cumulum accedit, quòd junioribus*

bus gravis, onerosa ac molesta incumbit senum cura, qua de causa *apud Coos* lex fuit, ut senes sexagenarii aconito hausto vitam finirent, ne desides & ignavi virorum fortium absumerent cibaria; *apud Sardos* fustibus interimebantur; *apud Caspios* siti famemq; in intimas solitudines expositi, &c. Alex. ab Alex. l. 3. c. 2. *Tibareni* quos dilexerint senes, suspendunt in patibulis. *Bactri* canibus ad hoc ipsum nutritis obijciunt. *Massagetae* & *Derbises* miserrimos putant, qui agrotatione moriantur, & *Parentes*, cognatos, propinquos, cum ad senectam venerint, jugulatos devorant, rectius esse dicentes, ut a se potius, quam a vermibus comedantur, hæc & alia Hieronym. 2. adv. Jovinian. cap. 36. Merito igitur extimulat liberos Sirach, ut senes parentes ne deserant, nutricia illis persolvant, malaq; illa, quæ senectus secum fert, remediis convenientibus mitigent ac minuant. Fert autem illa

I. Corpus infirmum; *Quæ* putantur senectutis mala, ista sunt: crebra infirmitates, pituita molestissima, caligantes oculi, acescentes cibi, tremens interdum manus, nudi gingivis dentes, & inter cibos cadentes. Adhuc torminibus & aculeis stomachi podagraq; & chiragra doloribus sæpè torquetur: ita ut ne stylum quidem aut calamus tenere queat, ut suis pedibus non possit incedere, magnaq; parte vite videatur esse truncata, & multis membris premortua, ait Hieron. ad Pammach. Itaq; morbi quasi agmine facto irrumpunt, quando - jam felicior ætas

Terga dedit, tremuloq; gradu venit agra senectus.

Ipsa, ajunt, *senectus per se morbus est*, & quidem incurabilis, Alexis lentè incedens, quid ageret, roganti *pedetentim*, inquit, *morior*. Hic tu cave, deletras inopem ætatem. Ne annos computes in digitis & articulis, ne mendicare sinas, aut in Nosocomio mori, ne *ad Deum ducas* barbaro illo more, apud Vandalos quoque olim recepto, cujus memorabile exemplum habet, nostrorum majorum tempore visitatum, Manlius in Loc. Comm. de Sacrificiis. Quid ergò? ἀνὴλἀβη, *suscipe, adjuva*: Cogita, Parentem esse; quantum debes Parenti? omnia. Neque enim reddes æquipollens pretium. Quicquid Seneca contradicat; *Patris beneficia vincti a filii beneficiis non possunt*, l. 3. de Benef. cap. 35. vide Sirac. 7. 30. *Non vicit Aeneas Patrem, gravem senio per media hostium agmina, & per cadentis circa se urbis ruinas ferens. Non vicere Siculi juvenes illi, sive Amphinomus & Anapius nomina fuere, ut Conon apud Photium Narrat. XLIII. sive Damon & Pythias, ut Hyginus prodidit, qui senes Parentes per medios Æthnæ ignes extulerunt flammis cadentibus, & viam facientibus,*

*Ipse redundantem frenavit Mulciber Æthnam,
Lederet exempli ne monumenta pii,*

Claudian. in Epigramm. Addit Hyginus fab. 254. alia, ut quòd *Xanippe Myconi Patri in carcere incluso, lacte suo alimentum vitæ prastitit. Carcer deinde suo Numini dicatus, Pietatis sacellum fuit*, vide Solinum cap. VII. Non, inquam, isti vicerunt Parentes; reddiderunt debitum, quod Plato verissimè

simè maximum appellavit, proximum ei, quo Deo obstringimur. Beneficia Parentum vinci fortè possint, si rem & animum rependentis examine-
mus; obligatio verò non potest tolli, nec ullum tantum beneficium esse filii potest in Patrem, ut non debeat, quod solverit, etiamsi solvat, quod debuerit. Denique uno beneficio Pater filium fecit debitorem æternum, at filius, etsi omnia fecerit, Patrem tamen nullo sibi obligaverit nomine. Cogita adhæc, senem & egenum esse opis: quod tali negas, Christo negas, animæ tuæ negas, quam magno exspolias thesauro. Verissimè enim Plato *Parentes senes quasi thesaurum esse domi situm.*

2. Cor mœstum; senes tædio vitæ capiuntur, displicent, quæ omnibus placent, ut Barfillai indicat, 2. Sam. 19. 35.

Ædepol senectus, si nil quicquam aliud vitæ

Adportet, cùm advenerit, unicum id sat est,

Quod diu vivendo multa, quæ non vult, videt,

ait Cæcilius Comicus. Deniq; - mille querelas Adfert, Calphurn. Eclog. V. & cum obstipo capite incedens terram baculo ferit,

Talia rugato creditur ore loqui:

Suscipe me genitrix, nati miserere laborum,

Membra velis gremio fessa fovere tuo,

Maximian. in Eleg. Taceo insidias Diaboli; serpens enim ille etiam noster in primis calcaneo insidiatur, Gen. 3. 15. Ne igitur contristes. *Ne adflito addas adflitionem*, Sirac. 4. 3. Habeat senex Pater hoc inter alia lolatium efficax, quòd te talem genuerit,

nuerit, in quō, moriturus ipse, sibi videatur super-
stes, Sirac. 30. 4. 5. - *Tunc ille senectæ Sera mea re-
quies?* Ita

Omnis in Ascanio cari stat cura Parentis.

3. Animum imbecillum : *Bis pueri sa-
nes.* Vita nostravino similis est, cū parū in fū-
do dolii resedit, accescit.

Ut hedera serpens vires arboreas necat ;

Ita me vetustas amplexu annorum necat ;

Sepulchris similis nil nisi nomen retineo,

ait Laberius apud Macrobi. 2. Saturn. cap. VII. So-
lon senectutem dixit τὴ χειμῶνα, *vita hiemem,*
vide Stobæi serm. Ac quamvis animo pollere
dicantur senes, *callet senium in arte vivendi,* ait Se-
renus apud Nonium ; *Omnes penè virtutes corpo-
ris mutantur in senibus ; & crescente solâ sapientiâ,
decrescunt cetera virtutes,* Hieron. ad Nepotian.
Μόνον δ' οὐδὲ παλαιὸν ἀνὴρ, *solus animus se-
nescens reflorescit, & tempus omnia cetera auferens
senectuti adponit scientiam,* ait Plutarch. de Pueror.
Educat. Tamen experientia docet tamen quoque,
ut ait Sirach, deficere σύνεσις. - *Homini namq̃ cana
senescunt Ingenia,* ut canit Prudent. Apotheos.
v. 630. & Lucret. l. 3.

Claudicat ingenium, delirat linguaq̃ mensq̃.

*Sic Sol in occasu suo radios minis claro & igneo splen-
dore jaculatur : Sic declinante jam cursu exoletis cor-
nibus Luna renuatur ; & arbor, qua fuerat antè vi-
ridis & fertilis, arescentibus ramis fit postmodum ste-
rili senectute deformis : & fons, qui exundantibus
prius*

prius venis largiter profluebat, senectute deficiens vix modico sudore destillat, Cyprian. contra Demetrian. Eo in statu tu veniam da ætati, & cave, spernas aut irrideas. Cogita, quod Leo Byzantius oculorum vitium exprobranti gibboso acutè respondit: Humanum mihi convitium facis, cum Nemesis ipse in dorso feras. Quam mensuram mensus fueris, eadem tibi reddetur.

Tandem impellant 1. Præmium, 2. Pœna.

Premium;

Verf. XVI. Dann der Wohlthat dem Bather erzeiget/ wird nimmermehr vergessen werden/ Verf. XVII. und wird dir Gutes geschehen/ ob du auch wol ein Sünder bist/ und dein wird gedacht werden in der Noth/ und deine Sünden werden vergehen/ wie das Eis von der Sonnen.

*Eleemosyna Patris tui non erit in oblivione: Pars est honoris debiti Parentibus benefacere. Honor non tantum in salutationibus & officiis deferendis, quantum in eleemosyna & munerum oblatione sentitur, Hieronym. in cap. XV. Matth. Is honor vivet in Dei memoria. Scribet enim Deus in memoriali suo, Malach. 3. 6. & cum Diphtheram inspiciet, memor erit, bonaq; rependet, ut solet. Proderit ista beneficentia 1. adversus Peccata; pro peccatis *ἀποκαταστήσεις τὸν σοὶ*, iterum readificabitur tibi: Vulgatus habet: Pro peccato Matris restituetur tibi bonum, & in iustitia ædificabitur tibi. Vatablus: Adversus peccatum extruetur tibi propugnaculum.*

culum. Eodem spectat, quod sequitur: *Et sicut in sereno glacies, solventur peccata tua.* Duriter dicta, & non dubium, quin ex Rabbinicis, aut Pharisaicis Scholis, quarum opinionibus imbutum fuisse hunc Authorem, si quis nullo affectu prævenerit legat, intelliget. Colligunt ex iis duo Pontificii quidam, 1. Eleemosynas & sacrificia pro defunctis Parentibus oblata, & illis proficere ad refrigerium in flammis purgatorii, & liberis ad gratiæ & gloriæ augmentum. Absurdam hanc sententiam peperit vocabulum *Matris* à mala manu inculcatum, cum non de peccatis Matris, sed de peccatis filii obedientis & beneficientis sermo sit. *Libenter*, inquit Tuso, eorum explicationem amplecterer, quos refert Dionysius, nec improbat Hugo Cardinalis, qui dicunt, loqui *Ecclesiasticum de Eleemosyna, quæ sit mortuis Parentibus, ut flammis purgatricibus liberentur, &c.* attamen causalis illa, enim, aliò me trahit. Tandem: sensus igitur est; cum in peccati locum succedere deberet poena, eaq; maxima, cum in Parentes commissum sit, vide, quanti Deus faciat hanc beneficentiam, ut ejus loco tibi reddat bonum. Corn. à Lap. purgatorii non meminit, & dictum sic explicat, ut per peccata Matris, senilia ejus vitia à filio tolerata, putet intelligenda. Nec apud Palatium aut Jansenium quicquam pro purgatorio est. 2. Illud: *readificabitur*, sic exponit Cornel. à Lap. ex justa quadam retributione & compensatione fiet tibi readificatio, & restauratio jacturæ per peccatum factæ: Ratio: *Præpositio enim àνὰ notat ἀναλογία justitiæ & mercedis.* Quod ad

ad verum hujus loci sensum ἀπεροδιόντων, lectoremq; non expedit, sed majoribus tricis implicat. Si juxta fidei ἀναλογίαν explicamus hæc dicta, sensus erit: Peccata similia esse *hosti publico*, qui benedictionem divinam destruat, domumq; , quam obedientibus Deus extruit Exod. 1. 21. subruat & evertat. Pœnitentia vera, cujus fructus illa erga Parentes beneficentia est, ruinas instaurat, novumq; quasi ædificium, divinarum benedictionum molitur, Deut. 30. 1. 2. Ezech. 18. 21. Itaq; Parentibus benefac, quâ potes: nec dubita, Deum fore memorem: nam quamvis peccator sis, & subindè offendens Deum nihil nisi gravia merearis supplicia, tamen ex mera gratia sua, juxta promissionem, obedientibus & pœnitentibus factam, non mala tibi restituet, quæ meritus es, sed bona largo sinu, quæ meritus non es. Deniq; quasi *glacies* sunt peccata, rigido *gelu cordis*, cùm fides & charitas refrixère, concreta, Matth. 24. 12. iis *quasi vinculis* stant aquæ cogitationum omnium actionumq; humanarum ligatæ; ipsum cor riget, Diabolo & Mundo calcabile, radiis divinæ gratiæ etiamsi obviis non perviû:

In silicis morem vel strata marmore terra,
 ut de glacie dixit Corippus l. 3. de Laudib. Justinii. At si Sol ille justitiæ tandem pervadat, ut corde liquefacto calidæ ex oculis fluant lacrymæ, evanescent illa *instar nivis nubisve*, Esai. 44. 22. Mich. 7. 8. 18. Confer promissionem illam Esaiæ cap. 1. 8. 18. Demum quasi *propugnaculum* tibi erit Dei gratia & misericordia, cumq; vel præterita ingruent peccata
 cum

cum exercitu pœnarum, vel futura oppugnabunt te cum copiis pravorum desideriorum, utraque repellet, atque ad istum modum miserante Deo proderit quoq; ista tibi beneficentia 2. adversus omnia adversa: *In die tribulationis commemorabitur tui*, orietur in tenebris lux tua, Esai. 58. 10. ac glacie peccatorum tuorum solutâ atq; evanescente hiems tua ibit in ver, & nubilum in serenum, Tob. 3. 7. 22. Psalm. 97. 11. Quòd si præmia ista excitare te nequeant, *pœna* tamen etiam semimortuum stimulare poterant; Etenim

Vers. XVIII. Wer seinen Vater verlässe/der wird geschändet/und wer seine Mutter betrübet/der ist verflucht vom H. Ern.

Ut blasphemus est, qui deserit Patrem suum, dignus, qui vulgò lapidetur, Levit. 24. 16. Deut. 21. 21. & *maledictus est à Deo; qui exasperat Matrem suam*, Deut. 27. 16. Levit. 20. 9. Matth. 15. 4. Proverb. 20. 20. Non decrit vindex Justitia, quæ & tandem apud inferos pœnas exiget inobedientiæ ab iis,

- - - quicunq; Parentes

*In senio linguunt, neq; præmia digna rependunt
Pro nutritu, vel qui parere recusant,
Aspera vel contra dixerunt verba Parentes &c.
Hos immortalis incorruptiq; columna
Ira Dei affiget, quam circuit undiq; flumen
Igni perpetuo manans, &c.*

Sibylla l. 2. Interp. Castalione. Tantum de Siracida Aureola Pædia, cui lubet addere

AUCTARIUM ALIUD
DE
PUERPERIS.

EX I. TIM. 2. 12. 15. *Docere mulieri non permitto, neque dominari in virum, sed esse in silentio: Adam enim primum formatus est, deindè Heva: & Adam non est seductus, mulier autem seducta in pravaricatione fuit: Salvabitur autem per filiorum generationem, si permanserit in fide, & dilectione, & sanctificatione cum sobrietate.*

GRavissimi Tres labores feruntur, *Militantiũ*, Joël. 2. 6. Nahum. 2. 8. 10. *Docentium*, Ecclef. 1. 18. & 12. 12. *Parturientium*, quem mulier in nixibus sustinet, quando venit hora ejus, quam Nonnus vocat βαρυδύοις Johan. 16. 21. Eum maximum esse Scriptura sæpè testatur Esai. 26. 17. Jerem. 4. 33. cui acerrimi comparantur alii Jerem. 30. 6. Galat. 4. 19. quiq; multis fuit peremptorius, ut Raheli, Gen. 35. 6. Uxori Phinees, 1. Sam. 4. 20. & aliis, de quibus Ravissius in Officina Auctiore l. 2. c. 73. In eo ne animum despondeant piæ mulieres, proponi solet hoc celebre dictum, in quod quæ aliquando obiter & ferè extemporaneo studio annotavi, paucis consigno: Continet illud

I. Duplex Præceptum: 1. Ecclesiasticum; *Mulieri docere non permitto*. Quonam modo? cùm quasdā velit noster Apostolus esse καλοδιδασκάλης, Tit. 2. 3. Resp. de publico docendi munere sermo est. Sustinebant id olim V. Test. quædam etiā Prophetissæ, non sine Judæicæ Gentis nota. Nam sicut reprehensio fuit populi Israël, quando in Judicium libro in manu mulieris Debboræ fecit salutem Dominus; ita & tempore vicinæ captivitatis tacentibus viris Holda mulier prophetavit, Hieron. in Esai. 27. 12. Sic apud Ethnicos Sibylla, nonnullæq; Græcorum Philosophæ celebres fuerunt, qualis illa Alexandrina Hypatiā, quam Synesius Epist. 137. vocat optimam των φιλοσοφίας ὁγύων Duce[m]. In primitiva illa Ecclesia quædam etiā donis Prophetiæ & aliis exornabantur, juxta vaticinium Joël. 2. 29. quales Philippi Diaconi filiæ, Priscilla, aliæq; quarum meminit Apostolus Rom. 16. 5. 1. 3. 12, Actor. 18. 26. &c. Itaq; cùm donis iis nonnullæ immodestiùs uterentur, in ordinem redigendæ fuere, ut, 1. Cor. 14. 34. 35. permissâ interim disciplinâ domesticâ, propter quam laudatæ Bathseba mater Salomonis, Proverb. 31. 1. Eunice & Lois, 2. Tim. 1. 15. &c. Quod observandum contra Pepuzianos, qui mulieribus tantum dabant principatum, ut & sacerdotio honorarent, Augustin. de Hæres. ad Quodvult D. & contra pravam illum morem, de quo conquestus olim Hieronymus: Caveamus, ne juxta impium Porphyrium mulie-

mulieres & matronæ sint noster senatus, quæ dominantur in Ecclesiis, & de sacerdotali gradu favor judicat fœminarum. Esai. 3. Comm. lib. 2.

2. *Oeconomicum; nè viris dominantur.*

Consulere & monere non prohibet. Sicut enim persuasionem male conjugis damnosa nascuntur pericula; ita prudentis uxoris consilio multa proveniunt utilia, ait Sedulius de Rectorib. Christian. cap. 5. I. Cor. 7. 16. Itaq; magnos quoque viros non pudit aliquando fœminarum sequi consilia, ut Xerxem Artemisiam apud Herodot. vide Alex. ab Alex. l. 4. cap. 11. Nec imperium aufert in familiam, quod Abrahamus Saræ suæ ipso cum nomine concessit, nam *Dominam* significat. Hinc Lex Romuli: *Mulier viro legitime juncta fortunarum sacrorumq; socia esto: Ut enim ille domus Dominus, sic hac Domina*, apud Dionys. Halicarn. lib. 2. Undè & mos vetus, ut Sponsa ad Sponsum introducta diceret: *Ubi tu Cajus, ego Caja*: quæ verba id significant: *Ὁπερ σὺ κυεῖς & ἡγὼ οἰκοδεσπότῃς, ἡγὼ ἐγὼ κυεῖα & οἰκοδεσποίνῃς*, ubi tu Dominus & Paterfamiliās, ibi ego quoque Domina & Materfamiliās, Plutarchus in Quæst. Rom. *Quam paritatem conjugii duobus semicirculis signarunt antiquiūs, uti dexter maritum, sinister uxorem representet; qui conjugii copulâ connexi circulum absolvunt. Hinc, ni fallor, ortum est, ut antiqui prænomen Cajus, C. & Caja, literâ eâdem inversâ, sic ∩, notarint: quæ circulum junctæ constituunt, eodemq; mundus, conjugium, generatio & aternitas hieroglyphicè significabatur, hæc Stephan.*

phan. Pighius in annotat. ad Epitomen Probi de Nomin. Rat. Sit itaq; maritus domi suæ quasi Sol, uxor - *velut inter ignes Luna minores*, familia & liberi sint quasi sidera & stellæ, Gen. 37. 9. Non imperet uxor viro ut Dalila Simsoni, Xantippe Socrati, Omphale Herculi. *Uxori dominare!* Pittaci Mitylenæi sententia fuit. *Extemplo simulac pares esse cœperint, superiores erunt:* proinde date frenos *impotenti nature, indomito animali*, ait Cato apud Livium Dec. IV. l. 4. *In silentio contineantur, discant discere &, quod necessarium discenti, tacere. Primum Sapiencia rudimentum meditari condiscere, loquitari dediscere*, juxta Pythagoram apud Apul. in Florid. Quod & in privata domo condocerenda mulieres: nihil enim intolerabilius garrulâ uxore, &, quod ferè consequens est, rixosâ. Bene Isclarius Britannus Poëta, qui Daretis Trojam vertit carmine, non spernendo, l. 2. v. 555.

- - *Improba, turpis,*

Garrula, legitimi mores incestat amantis.

Placet elegans Julii Cæs. Scaligeri Epigramma adjicere ex Farrag.

Mulieris Idea rara.

Pauca loquens, vacuata superstitione, pudica,

Magna ex parte domi sedula, rara foris:

Non convivia, non scenas, nec templa fatigans;

Nec fugiens: nil dans, & nihil accipiens:

Non percontatrix, non vicina incita luxu;

Neve memor dotis, neve memor generis;

Attenta

*Attenta imperiis, facile officiosa marito,
 Semihilaris, patiens, sobria, munda, pia:
 Non suspiratrix, non fletrix; deniq, tantum
 Ipsa sibi placeat, si placitura viro est:
 Sunt gravia atq, operosa? nega bona: durius atq,
 Majorisq, opera, quæ volet esse mala.*

II. Triplex argumentum: 1. à mulieris productione; *Adam enim primus formatus est, deinde Heva.* Non hîc fabulas inculcat Apostolus, vel illas de *Lilith*, prima Adæ conjuge, quæ, quòd de eodem ficta esset luto, de quo & ipse, parere viro recusaverit, inq; Empusam idèò mutata sit, conditâ pòst ex Adæ casta Hevâ, ut viro, tanquam membrum corporis capiti, morem gereret, de quibus Buxtorff. cap. 2. Synag. Jud. vel illas Græcorum: rerum primordio triplex fuisse genus hominum; *Masculinum, ex Sole, fœmininum, ex tellure; & ἀνδρὸς γεννῶν, sexus utriusq, ex Luna profatum,* de quibus Plato in Conviv. & Mars. Ficinus in Comment. pag. 263. Sed ad Historiam Creationis revocat mulieres, in qua vir prior creatus, postea *mulier*, ut ille Dei, hæc *viri* esset *imago*, 1. Cor. II. 7. Non quasi nullo modo & ipsa imago Dei, sed quia neque *tam perfectè*, sive rationem in viro magis vigentem, sive dominium spectes, quod vir amplius habet, etiam in ipsam mulierem; neque *immediatè*, est enim *imago Dei in viro*, juxta Ambros. ibid. est *viri gloria & imago velut imaginis*, quia ut *aluis imperat, ita viro subesse jussæ est.* Theodoretus

ibid. 2. à mulieris seductione; *Adam non est seductus, mulier autem seducta in pravaricatione fuit*: Non ausus est serpens ille *παύξει* & adoriri Adam; ubi minus iudicii & sapientiæ vidit, ibi cuniculos egit ad subruendum genus humanum. Verè quidem Clemens Alexandr. 1. Pædag. cap. 4. *τὴν αὐτὴν ἀρετὴν ἀνδρὸς καὶ γυναικὸς εἶναι, eandem esse viri & fœminæ virtutem*: gradum tamen aliquem superiorem viro in primæva creatione concessum fuisse, ut cui & in omnia & in ipsam uxorem imperium datum, vel indè probatur, quòd Heva à serpente potuit decipi, cùm ad primam ejus vocem articulatam exhorrescere & fugere debuisset *demissis*, ut ajunt, *manibus*. Vir ergò à serpente ipso non seductus, neque enim negatur omninò, seductum fuisse. Mulieri credidit & paruit, hinc fons omnis mali. Illa fuit *quasi scala Diabolo*, per quam voluit in turrim istam fortissimam subrepere; ut de uxore Jobi dixit Gregor. M. *Aculeus peccati facta est forma fœminea, & mortis conditio non aliundè surrexit, quàm de muliebri substantia*, Cyprian. de singul. Clericor. Adeò dominari mulieres non modò indignum, sed etiam damnosum est. Infelix Heva! ut dicam cum Alcimo Avito l. 3. v. 101:

Cur tua deceptum traxisti in vota maritum?

Nec contenta tuo deceptrix fœmina casu,

Sublimi sensum jecisti ex arce virilem?

3. à mulieris maledictione; quam tantùm insinuat Apostolus, dum contra eam consolatur, &

bene-

benedictionem in Christo opponit. Triplex pœna denunciata fuit mulieri, fallidiosi *conceptus*, dolorosi *parius*, perpetui ad virum *respectus*, Genes. 3. 16. ubi Deus inter alia,

Imperium patiére viri, Dominumq; timebis,

Quem dederam socium. Alcimus l. c. v. 146.

Hinc & antiquissimæ Romanorum leges, nullam ne privatam quidem rem agere fœminas sine auctore voluerunt; in manu esse Parentum, fratrum, cognatorum, virorum, Cato apud Liv. l. c. Fuiſſet quidem & in statu integritatis viri in uxorem aliqua authoritas, sed non dominatus. Dominari ergò mulieres in viros & vetat natura, & obſtat culpa, & pœna prohibet.

III. Multiplex solatium; Salvabitur tamen ipsa per liberorum generationem. Quomodo PER? an meritorie? affirmant Benedict. Justinian. ut & Dionys. Carthus. apud Mehlſürer. Disp. 2. in hanc Epist. thes. 79. Estius obiter, ut ait, credo, quod nugari erubesceret. Bellarminus ipse rectè respondit PER positum pro IN. Non enim, inquit, Apostolus significare vult, filiorum generationem esse causam salutis, sed mulierem salvam fore in statu matrimonii, si permanserit in fide: Exempla hujus usus præpositionis *Atq;* vide apud D. Glassium S. Gramm. l. 3. tract. 6. p. 537. Nam quòd Generationem pro educatione positam dicunt, etsi Chrysostomo quoque arriserit, nihil est. Nec quòd Apostolus apponit; si permanserint in fide: de filiis accipiendum ideò, quòd verbum plurale ad

nomen mulieris singulare referri per Leges Grammaticæ non liceat. Illud enim hanc parit absurdam sententiam; nisi salventur filii, salvam non fore matrem: hoc nihil novi habet, extant in sacris profanisq; literis non rara ejus enallages numerorum exempla, vide D. Glass. l. cit. p. 398. Ergò apponit Apostolus vulneri, quod refricuerat, emplastrum. Recreat, quas maledictionis injectâ tacitâ mentione tristes fecerat. Apud Hebræos immundæ erant puerperæ. Hodierni, si qua in partu diem obierit, pœnam putant luere grandis delicti. *Apud Delios, ne Insula Apollini sacra pollueretur, neque nasci quenquam neque mori fas fuit: itaque puerperæ partui vicinæ in vicinam Rheneam transvectæ*, Strabo l. 10. p. 468. Plutarch. in Apophth. &c. Mitto innumeras veterum hæreticorum in conjugii ordinem, in genituræ opus, & alias blasphemias, vide apud D. Gerhard. de Conjug. num. 51. & 453. *Perora jam, ait Tertullianus, ad Marcionem, spurcitias genitalium in utero elementorum, humoris & sanguinis; fœda coagula carnis ex eodem cœno alenda per novem menses: describe uterum de die in diem insolescentem, gravem, anxium, nexum, totum incertum libidinibus fastidii & gule: Invehere jam & in ipsum mulieris enitentis pudorem, vel pro periculo honorandum, vel pro natura religiosum: horres utiq; & infantem cum suis impedimentis profusum, utiq; & oblitum &c.* de Carne Christi cap. 4. Ergò generatio res adeò visa impura, ut & Deo indigna. Nec dubium est jam tum despici cœptum conjugium.

gium, quasi ad vitam cœlicam contendentibus esset remeligini, de quo 1. Tim. 5. 4. *suprà*. Hinc Papismus, in quo erant, qui mulieres in nixibus aut partu extinctas negabant in Ecclesia sepeliendas, *ne pavimentum pollueretur sanguine*, apud Durand. Ration. l. 1. cap. 5. Quid ergò Apostolus? Beatas fore, & esse jam in spe, si modò permanferint in fide Domini nostri Jesu Christi, & in charitate &c. Hæ enim salvandorum conditiones sunt, ut perseverent *in fide* erga Deum, Hebr. 3. 6. 1. Pet. 1. 9. *in charitate* erga proximum, Gal. 5. 6. Jac. 2. 26. & *in sanctificatione*, quisq; erga seipsum, 1. Thes. sal. 4. 3. Hebr. 12. 14.

Ufus. Serviant hæc 1. Mulieribus; Facit Sp. Sanctus officium obstetricis, Psalm. 22. 10. & 71. 6. Varia Medici ad partum promovendum, ad dolores mitigandos, tradunt remedia, vide Wekeri Secreta l. V. pag. 177. ad abigendas striges, ad arcendam Lilith, ad deterrendum Silvanum, quæ commenta fuerit superstitione Judaica aut pagana, lege apud Buxtorff. Synag. l. cit. Alex. ab Alex. l. 2. cap. 25. Animarum ille Archiater talem habet adversus omnia mala Panacæan, cujus quasi ingredientia sunt 1. Fides, quæ omnia Diaboli monstra propulsat, 1. Johan. 5. 4. Ephes. 6. 16. 1. Pet. 5. 9. quâ liberos suos piæ matres infernalis Pharaonis insidiis eripiunt, Hebr. 11. 23. In quas sæpè incredulæ incidunt, ut illa, quæ Hypatæ in Thessalia veneficio *obseprio intero, & repigrato factu*

*perpetuâ pragnatione damnata, octo annorum jam
tum onere, velut Elephantum paritura, distendeba-
tur*, Apulej. 1. Metamorph. Exempla varia con-
gessit Majolus Tom. 2. Dier. Canicul. Colloq. 3.
p. 311. At quæ se Deo committunt & commen-
dant, etiam super aspidēs & basiliscos tutæ incedent.
Ejus Christianæ Æthiopissæ, in Regno Protejanis,
apud Damian. à Goës de Morib. Æthiop. & no-
stræ quoque fideles gnaræ, paucis ante partitudi-
nem diebus Sacrâ sese Eucharistiâ præmuniunt, quâ
ritè perceptâ, *quasi Leones discedimus* ex S. Synaxi
ignem spirantes, formidabiles Diabolo effecti, ait S.
Basilius. 2. Charitas, erga maritos; ut nec in
partus doloribus oderint. *Multæ enim in partus do-
loribus constitutæ, conjugio se renunciare dicunt*, Am-
bros. 3. de Virginib. Contra Apostolum, 1. Cor. 7.
10. 27. imò Deum ipsum, qui *invicem habentis A-
moris adstrinxit*, Idem ibid. Matth. 19. 6. Quas ru-
ptas ruina mox sequitur; Nam

Naufragium rerum est mulier malefida marito,
apud Sedul. de Rect. Christ. Diligant etiam par-
tus suos, sarcinam illam *θεσλάτον*, ne noceant ullo
pacto, Prov. 14. 1. ne abortum ullo modo procu-
rent, vel studio, quod plusquam belluinum, vel ne-
gligentiâ &c.

Hæc neq; in Armeniis Tigres fecere latebris,

Perdere nec fœtus ausa Leana suos.

Ovid. 2. Amor. Eleg. 14. diligant jam natos, & fa-
miliam omnem. *Audite Parentes & intelligite edu-
cationem liberorum magnorum causam fore præ-
miorum!*

miorum! exclamat h. l. Chrysostom. hom. 9. &c. 3. Sanctitas cum sobrietate; vinosâ muliere fœdus nil Sol adspicit, Sir. 26. 11. Tit. 2. 3. Clemens Alex. l. 2. Pædag. cap. 2. Vetus verbum est; *mulier comeffatrix est & meretrix*, quo usus Author Oper. Imperf. hom. 1. Nostri ajunt *clavem pudoris amisisse*. Hinc quoque difficiles sæpè & monstrofi partus. Hinc *portenta plurima morbiq;* gignuntur, neque tamen ea universitati usque quaque inutilia. Fiunt enim intemperantia certa reprehensio, excitantq; & evigilare ceteros monent, ut sobrii accedant ad liberorum procreationem, ait Ænesius in Theophrasto suo sive de Animar. Immortal. addit Legem Hebræorum fuisse, ut Pater minùs integri, atque aliqua ex parte mutilati hominis lapidibus obrueretur, quòd propter lasciviam, menstruam uxoris purgationem non exspectans partui vitium intulisset; & Lacedæmoniorum lege prohibitum fuisse prægnantibus otium &c. Neq; sine gravi ratione Apostolus sanctificationem cum sobrietate copulavit. Nam ubique saturitas atque ebrietas fuerit, ibi libido dominatur. Specta ventrem & genitalia; pro qualitate vitiorum, ordo membrorum. Nunquam ego ebriosum castum putabo, qui etsi vino consopitus inierit, tamen potuit peccare per vinum, &c. Hieron. in cap. 1. Epist. ad Tit. Hinc Veneris hortator & armiger Liber, dictus Apulejo l. 2. Metamorph. & Ebrietas ab Ambrosio fomentum libidinis, incendiivum insaniæ, &c. Accedat his omnibus 4. Pa-

quis inveniet ? pretiosior margaritis merces ejus ! Prov. 31. *ψ.* 10. Vulgat. *Mulierem fortem quis inveniet ? procul & de ultimis finibus pretium ejus.* Commendat mulierem, non quamlibet, sed legitimo conjugii vinculo marito alligatam, ut *ψ.* 11. seq. eamq; Virtutum dote divitem, à raritate, à charitate : Nihil esse rarius, nihil pretiosius. Rem esse pretiosissimam, cujus pretium vix aestimari, difficilius inveniri possit, Corn. à Lap. ibid. apud quem S. Gregor. Nazianz. in Fun. Patris, idem vulgi Proverbio dictum indicat : *Nullam probâ uxore meliorem rem cuiquam obvenire posse, nec rursus improbâ pejorem.* Sic Salomon Prov. 18. 22. *Qui invenit mulierem bonam, invenit bonum ; puta aliquid excellenter & singulariter bonum,* Jansen. ibid. Ubi LXX. invenit Gratias, simul unâ omnes. Undè Homerus, teste Senecâ l. 1. de Benef. cap. 3. *Charitatem unam conjugio copulavit, quasi conjugio praesidentem, eamq; vocavit Pasitheam, id est, omnem Deam, quòd omnium Deorum & Dearum dona confluant in matrimonium, ubi vir bonus & uxor bona in unum conspirant,* Corn. à Lap. ibid. Neq; aliter Siracides : *Pars bona mulier bona !* cap. 26. 3. ubi Paul. de Palatio : *Mulierem bonam, sanctam, & operosam censeri inter bona, quæ maximè prædestinationem juvant.* Addit *ψ.* 18. Siracides : *Gratia super gratiam Mulier sancta : q. d. res est gratissima & acceptissima ; nihil in rebus istis temporariis ei equivalere,* Corn. à Lap. & Jansen. ibid. &c. Meritò igitur amandus est thesaurus tam pretiosus, sed ita, ut
plùs

plius ametur, qui eum donavit, Deus. Quod si præripiat, lugere fas est; sicutamen, ut & pietas eluceat, & lucrum fides moderetur. *Mulier grata suscitatur viro gloriam, cum tenetur; atque idèd suscitatur ei desiderium, cum præmittitur*, ait Paulinus ad Pam-mach. Epist. 37. quam lege, summa est: *Desideremus nostros ut præmissos, sed non desperemus recipiendos.*

III. Liberis: Quod hostimentum reddant illi? Recolant animo *anxia Parentum vota, cum gignunt: periculosos ordines, sobolem cum produ-cunt: cum nutriunt, mæstos labores; & juges pæ-nas, cum ferunt egrotantes: Pejor est mortis dies, pi-gnora cum precedunt. Heu me! cur tanta filii nesci-unt? cur ista non sentiunt? cur vicem Parentibus reddere non desudant? & tamen Parentum pietas perseverat: Quia quicquid filiis Parentes impende-rint, repensabit Parentibus Parens omnium Deus!* Chrysologus Ravenn. serm. 33. *Sed fortè respondeas: Non bene morata est mater; res seculi cupit, amat di-vitias, ignorat jejunium, oculos stibio linit, vult com-pta procedere, & nocet proposito meo, nec possum cum hujusmodi vivere. Primum quidem, etiamsi talis est, ut causaris, majus habebis premium, si talem non deferas. Illa te diu portavit in utero, diu aluit, & difficiliore infantie mores blandâ pietate sustinuit, la-vit pannorum sordes, & immundo sæpè fœdata est ster-core, assedit egrotanti, & quæ pro te sua fastidia susti-nuit, tua quoq; passa ad banc perduxit ætatem, ut*
Chri-

ibid. 2. à mulieris seductione; *Adam non est seductus, mulier autem seducta in pravaricatione fuit*: Non ausus est serpens ille πανεργῶς adoriri Adam; ubi minus iudicii & sapientiæ vidit, ibi cuniculos egit ad subruendum genus humanum. Verè quidem Clemens Alexandr. 1. Pædag. cap. 4. τὴν αὐτὴν ἀρετὴν ἀνδρὸς καὶ γυναικὸς εἶναι, eandem esse viri & fœminæ virtutem: gradum tamen aliquem superiorem viro in primæva creatione concessum fuisse, ut cui & in omnia & in ipsam uxorem imperium datum, vel indè probatur, quòd Heva à serpente potuit decipi, cùm ad primam ejus vocem articulatam exhorrescere & fugere debuisset demissis, ut ajunt, *manibus*. Vir ergò à serpente ipso non seductus, neque enim negatur omninò, seductum fuisse. Mulieri credidit & paruit, hinc fons omnis mali. Illa fuit *quasi scala Diabolo, per quam voluit in turrim istam fortissimam subrepere*; ut de uxore Jobi dixit Gregor. M. *Aculeus peccati facta est forma fœminea, & mortis conditio non aliundè surrexit, quàm de muliebri substantia*, Cyprian. de singul. Clericor. Adeò dominari mulieres non modò indignum, sed etiam damnosum est. Infelix Heva! ut dicam cum Alcino Avitol 3. ψ 101:

Cur tua deceptum traxisti in vota maritum?

Nec contenta tuo deceptrix fœmina casu,

Sublimi sensum jecisti ex arce virilem?

3. à mulieris maledictione; quam tantùm insinuat Apostolus, dum contra eam consolatur, & bene-

benedictionem in Christo opponit. Triplex pœna denunciata fuit mulieri, fastidiosi *conceptus*, dolorosi *partus*, perpetui ad virum *respectus*, Genes. 3. 16. ubi Deus inter alia,

Imperium patiēre viri, Dominumq̃ timebis,

Quem dederam socium. Alcimus l. c. v. 146.

Hinc & antiquissimæ Romanorum leges, nullam ne privatam quidem rem agere fœminas sine authore voluerunt; in manu esse Parentum, fratrum, cognatorum, virorum, Cato apud Liv. l. c. Fuiſſet quidem & in statu integritatis viri in uxorem aliqua authoritas, sed non dominatus. Dominari ergò mulieres in viros & vetat natura, & obstat culpa, & pœna prohibet.

III. Multiplex solatium; Salvabitur tamen ipsa per liberorum generationem. Quomodo PER? an meritorie? affirmant Benediſt. Justinian. ut & Dionys. Carthus. apud Mehlſürer. Disp. 2. in hanc Epist. thes. 79. Estius obiter, ut ait, credo, quod nugari erubesceret. Bellarminus ipse rectè respondit PER positum pro IN. Non enim, inquit, Apostolus significare vult, filiorum generationem esse causam salutis, sed mulierem salvam fore in statu matrimonii, si permanserit in fide: Exempla hujus usus præpositionis *Atq̃* vide apud D. Glassium S. Gramm. l. 3. tract. 6. p. 537. Nam quòd Generationem pro educatione positam dicunt, etsi Chrysostomo quoque arriserit, nihil est. Nec quòd Apostolus apponit; si permanserint in fide: de filiis accipiendum ideò, quòd verbum plurale ad

nomen mulieris singulare referri per Leges Grammaticæ non liceat. Illud enim hanc parit absurdam sententiam; nisi salventur filii, salvam non fore matrem: hoc nihil novi habet, extant in sacris profanisq; literis non rara ejus enallages numerorum exempla, vide D. Glass. l. cit. p. 398. Ergò apponit Apostolus vulnere, quod refricuerat, emplastrum. Recreat, quas maledictionis injectâ tacitâ mentione tristes fecerat. Apud Hebræos immundæ erant puerperæ. Hodierni, si qua in partu diem obierit, pœnam putant luere grandis delicti. *Apud Delios, ne Insula Apollini sacra pollueretur, neque nascenti quæquam neque mori fas fuit*: itaque puerperæ partui vicinæ in vicinam Rheneam transvectæ, Strabo l. 10. p. 468. Plutarch. in Apopht. &c. Mitto innumeras veterum hæreticorum in conjugii ordinem, in genituræ opus, & alias blasphemias, vide apud D. Gerhard. de Conjug. num. 51. & 453. *Perora jam, ait Tertullianus, ad Marcionem, spurcitas genitalium in utero elementorum, humoris & sanguinis; fœda coagula carnis ex eodem cœno alenda per novem menses: describe uterum de die in diem insolescentem, gravem, anxium, nexum, totum incertum libidinibus fastidii & gula: Invehere jam & in ipsum mulieris enitenti pudorem, vel pro periculo honorandum, vel pro natura religiosum: horres utiq; & infantem cum suis impedimentis profusum, utiq; & oblitum &c.* de Carne Christi cap. 4. Ergò generatio res adeò visa impura, ut & Deo indigna. Nec dubium est jam tum despici cœptum conjugium,

gium, quasi ad vitam cœlicam contendentibus esset remeligini, de quo 1. Tim. 5. 4. *suprà*. Hinc Papisimus, in quo erant, qui mulieres in nixibus aut partu extinctas negabant in Ecclesia sepeliendas, *ne pavimentum pollueretur sanguine*, apud Durand. Ration. l. 1. cap. 5. Quid ergò Apostolus? Beatitas fore, & esse jam in spe, si modò permanserint in fide Domini nostri Jesu Christi, & in charitate &c. Hæ enim salvandorum conditiones sunt, ut perseverent *in fide* erga Deum, Hebr. 3. 6. 1. Pet. 1. 9. *in charitate* erga proximum, Gal. 5. 6. Jac. 2. 26. & *in sanctificatione*, quisq; erga seipsum, 1. Thessal. 4. 3. Hebr. 12. 14.

Ufus. Serviant hæc 1. Mulieribus; Facit Sp. Sanctus officium obstetricis, Psalm. 22. 10. & 71. 6. Varia Medici ad partum promovendum, ad dolores mitigandos, tradunt remedia, vide Wakeri Secreta l. V. pag. 177. ad abigendas striges, ad arcendam Lilith, ad deterrendum Silvanum, quæ commenta fuerit superstitio Judaica aut pagana, lege apud Buxtorff. Synag. l. cit. Alex. ab Alex. l. 2. cap. 25. Animarum ille Archiater talem habet adversus omnia mala Panacæan, cujus quasi ingredientia sunt 1. Fides, quæ omnia Diaboli monstra propulsat, 1. Johan. 5. 4. Ephes. 6. 16. 1. Pet. 5. 9. quâ liberos suos piæ matres infernalis Pharaonis insidiis eripiunt, Hebr. 11. 23. In quas sæpè incredulæ incidunt, ut illa, quæ Hypatæ in Thessalia veneficio obsepio utero, & repigrato fœtu

V 4

perpe.

*perpetuâ pragnatione damnata, octo annorum jam
tum onere, velut Elephantum paritura, distendeba-
tur, Apulej. 1. Metamorph. Exempla varia con-
gessit Majolus Tom. 2. Dier. Canicul. Colloq. 3.
p. 311. At quæ se Deo committunt & commen-
dant, etiam super aspides & basiliscos tutæ incedent.
Ejus Christianæ Æthiopissæ, in Regno Protejanis,
apud Damian. à Goës de Morib. Æthiop. & no-
stræ quoque fideles gnaræ, paucis ante partitudi-
nem diebus Sacrâ sese Eucharistiâ præmuniunt, quâ
ritè perceptâ, quasi Leones discedimus ex S. Synaxi
ignem spirantes, formidabiles Diabolo effecti, ait S.
Basilius. 2. Charitas, erga maritos; ut nec in
partus doloribus oderint. Multa enim in partus do-
loribus constitutæ, conjugio se renunciare dicunt, Am-
bros. 3. de Virginib. Contra Apostolum, 1. Cor. 7.
10. 27. imò Deum ipsum, qui invicem habenis A-
moris adstrinxit, Idem ibid. Matth. 19. 6. Quas ru-
ptas ruina mox sequitur; Nam*

*Naufragium rerum est mulier malefida marito,
apud Sedul. de Rect. Christ. Diligant etiam par-
tus suos, sarcinam illam θεῖλᾶτον, ne noceant ullo
pacto, Prov. 14. 1. ne abortum ullo modo procu-
rent, vel studio, quod plusquam belluinum, vel ne-
gligentiâ &c.*

Hæc neq; in Armeniis Tigres fecere latebris,

Perdere nec fœtus ausa Leana suos.

*Ovid. 2. Amor. Eleg. 14. diligant jam natos, & fa-
miliam omnem. Audite Parentes & intelligite edu-
cationem liberorum magnorum causam fore præ-
miorum!*

miorum! exclamat h. l. Chrysostom. hom. 9. &c. 3. Sanctitas cum sobrietate; vinosâ muliere scedius nil Sol adspicit, Sir. 26. 11. Tit. 2. 3. Clemens Alex. l. 2. Pædag. cap. 2. Vetus verbum est; *mulier comessatrix est & meretrix*, quo usus Author Oper. Imperf. hom. 1. Nostri ajunt *clavem pudoris amisisse*. Hinc quoque difficiles sæpè & monstrosi partus. Hinc portenta plurima morbiq; gignuntur, neque tamen ea universitati usque quaque inutilia. Fiunt enim intemperantia certa reprehensio, excitantq; & e vigilare ceteros monent, ut sobrii accedant ad liberorum procreationem, ait Ænesius in Theophrasto suo sive de Animar. Immortal. addit Legem Hebræorum fuisse, ut *Pater minùs integri, atque aliqua ex parte mutilati hominis lapidibus obrueretur, quòd propter lasciviam, menstruam uxoris purgationem non expectans partui vitium intulisset;* & Lacedæmoniorum lege *prohibitum fuisse prægnantibus otium &c.* Neq; sine gravi ratione Apostolus sanctificationem cum sobrietate copulavit. Nam ubique saturitas atque ebrietas fuerit, ibi libido dominatur. Specta ventrem & genitalia; pro qualitate vitiorum, ordo membrorum. Nunquam ego ebriosum castum putabo, qui etsi vino consopitus inierit, tamen potuit peccare per vinum, &c. Hieron. in cap. 1. Epist. ad Tit. Hinc Veneris hortator & armiger Liber, dictus Apulejo l. 2. Metamorph. & Ebrietas ab Ambrosio fomentum libidinis, incentivum insanie, &c. Accedat his omnibus 4. Pa-

rientia & perseverantia; non modò inter exquisitissimos illos dolores, sed etiam si ex lege Dei fatali mori oporteat,

Sisti quæ cunctos jubet ad vadimonia mortis.

Cogitent parturientes, ut in pauca rem contraham, *Impositam à Deo necessitatem*, pariendi cum doloribus, & tandem è vita discedendi, Gen. 3. 16. Hebr. 9. 27. Sap. 7. 6. Sir. 7. 16. Deus est, qui eas fecundavit, Psalm. 68. 7. & 113. 9. & 127. 3. Deus, qui tempora dispensavit, Sap. 7. 2. Deus, qui dolores attemperavit, 1. Cor. 10. 13, Psalm. 68. 20. & tu Deo ausis repugnare? non submissio animo diceres potius: Fiat voluntas Domini! 2. *Originis veritatem*, Nulla hîc Juno est. Alcumenæ irata, nullæ *Pharmacides*, de quibus Pausanias in Bœotic. p. 290. Nihil hîc Diaboli potuit potestas. Justitia Dei dolorum, ô bona, causa est; Ita omnis mater esum pomi luit exitialis,

Et cum luctato solvuntur viscera partu,

Carnis delicias immenso tormine pendit,

Alcimus ad Soror. v. 201. Mich. 7. 10. 3. *Sororum universitatem*; nam nulla hîc exceptio est. Fallitur Hieronymus in cap. 4. Michææ scribens: *non inveniri in Scripturis, Sanctas mulieres, exceptâ Rahel, cum dolore peperisse.* Fugite eum memoria. Rebecca non sine dolore peperit, Gen. 25. 22. & uxor Phinees non videtur impia fuisse, 1. Sam. 4. 21. Sola sine dolore Mater fuit, quas & Virgo concepit, & sine tormento peperit, quæ in conceptione caruit voluptate, Cyprian. de Nativ. Christi. Quod tamen
non

non tam firmiter creditur, quàm piè fortè cogitatur. 4. *Benignam Dei voluntatem*; sic filias castigat; sic in gratiam receptas probat; sic virtutes excitat & arcet à vitiis sexui isti agnatis, superbia, curiositate, levitate, &c. - *quæ crimina non sunt*

Fœmineâ tentata manu? Mantuan. Eclog. IV. ubi vide. 5. *Secuturam voluptatem*; ex partu edito, opere bene perfectò, natâ sobole &c.

- - *quod fuit durum pati.*

Meminisse dulce est, Seneca in Hercule Furente, vide Johan. 16. 21. Sin mors intervenerit, quis dubitat, sic morientes æternùm beatas esse, si modò moriantur in Christo. Hic est *Benjamin ille Filius dextra*, quem spiritu parit, quæ cum fide *Benoni-um suum Filium doloris* carne, Apocal. 12. 2. & 14. 13. &c.

II. Maritis; ament illi vivas & superstites, castoq; amore compensent tot ex amore subnatos dolores. Cogitent, nullum in terris thesaurum piâ, castâ, virum amante, liberum matre fidâ & sollicitâ esse pretiosorem. Hoc est, quod ad Proverb. 31. caput in margine annotavit D. Lutherus:

Nichts Liebers ist auf Erden/

Dann Frauen - Lieb/ weins kan werden.

Quem quasi pampinum dum Hirci quidam setigeri arrodunt, Viti Salomonix sine fraude appictum, quid facerent huic ipsi, si quod in sinu mustant, palâm proferre auderent? Nam quid Salomon? *Viram Virtutis*, sic loquitur suâ linguâ *אִשָּׁת חַיִּיל* *Æscher. Chail*, Conjugem Virtutibus præditam, *quis*

quis inveniet ? pretiosior margaritis merces ejus ! Prov. 31. v. 10. Vulgat. *Mulierem fortem quis inveniet ? procul & de ultimis finibus pretium ejus.* Commendat mulierem, non quamlibet, sed legitimo conjugii vinculo marito alligatam, ut v. 11. seq. eamq; Virtutum dote divitem, à raritate, à charitate : Nihil esse rarius, nihil pretiosius. Rem esse pretiosissimam, cujus pretium vix aestimari, difficilius inveniri possit, Corn. à Lap. ibid. apud quem S. Gregor. Nazianz. in Fun. Patris, idem vulgi Proverbio dictum indicat : *Nullam probâ uxore meliorem rem cuiquam obvenire posse, nec rursus improbâ pejorem.* Sic Salomon Prov. 18. 22. *Qui invenit mulierem bonam, invenit bonum ; puta aliquid excellenter & singulariter bonum,* Jansen. ibid. Ubi LXX. invenit Gratias, simul unâ omnes. Undè Homerus, teste Senecâ l. 1. de Benef. cap. 3. *Charitatem unam conjugio copulavit, quasi conjugio praesidentem, eamq; vocavit Pasitheim, id est, omnem Deam, quod omnium Deorum & Dearum dona confluant in matrimonium, ubi vir bonus & uxor bona in unum conspirant,* Corn. à Lap. ibid. Neq; aliter Siracides : *Pars bona mulier bona !* cap. 26. 3. ubi Paul. de Palatio : *Mulierem bonam, sanctam, & operosam censerî inter bona, quæ maximè predestinationem juvant.* Addit v. 18. Siracides : *Gratia super gratiam Mulier sancta : q. d. res est gratissima & acceptissima ; nihil in rebus istis temporariis ei equivalere,* Corn. à Lap. & Jansen. ibid. &c. Meritò igitur amandus est thesaurus tam pretiosus, sed ita, ut
plûs

plùs ametur, qui eum donavit, Deus. Quòd si præripiat, lugere fas est; sicutamen, ut & pietas eluceat, & lucrum fides moderetur. *Mulier grata suscitatur viro gloriam, cùm tenetur; atque idèd suscitatur ei desiderium, cùm præmittitur, ait Paulinus ad Pam-mach. Epist. 37. quam lege, summa est: Desideremus nostros ut præmissos, sed non desperemus recipiendos.*

III. Liberis: Quod hostimentum reddant illi? Recolant animo *anxia Parentum vota, cùm gignunt: periculosos ordines, sobolem cùm produ-cunt: cùm nutriunt, mæstos labores; & juges pæ-nas, cùm ferunt agrotantes: Pejor est mortis dies, pi-gnora cùm præcedunt. Heu me! cur tanta filii nesci-unt? cur ista non sentiunt? cur vicem Parentibus reddere non desudant? & tamen Parentum pietas perseverat: Quia quicquid filiis Parentes impende-rint, repensabit Parentibus Parens omnium Deus! Chrysologus Ravenn. serm. 33. Sed fortè respondeas: Non bene morata est mater; res seculi cupit, amat di-vitias, ignorat jejunium, oculos stibio linit, vult com-pta procedere, & nocet proposito meo, nec possum cum hujusmodi vivere. Primum quidem, etiamsi talis est, ut causaris, majus habebis premium, si talem non deferas. Illa te diu portavit in utero, diu aluit, & difficiliore infantie mores blandâ pietate sustinuit, la-vit pannorum sordes, & immundo sæpè fœdata est ster-core, assedit agrotanti, & quæ prote sua fastidia susti-nuit, tua quoq; passa ad banc perduxit aetatem, ut*
Chri-

Christum amares, docuit, &c. Hieron. de vitando
sulp. Contubern.

MEDITATIO PENULTIMA,
DE
DOMINIS ET SERVIS,

Ephes. VI. 5. 9. *Servi obedite Dominis carnalibus cum timore & tremore, in simplicitate cordis vestri sicut Christo; non ad oculum servientes; quasi hominibus placentes; sed ut servi Christi; facientes voluntatem Dei ex animo, cum bona voluntate servientes, sicut Domino, & non hominibus: scientes quoniam unusquisque, quaecumque fecerit bonum, hoc recipiet à Domino, sive servus sive liber. Et vos Domini eadem facite illis, remittentes in eas: scientes quia & illorum & vester Dominus est in cælis & personarum acceptio non est apud eum.*

IN celeberrimo illo *Josephi somnio*, in quo ordinatissimæ *Oeconomix* Icon exhibetur, ut per Solem Patrem familiars Jacobum, per Lunam Matrem Nutriciam ejus Bolam; sic per stellas familiam & fratres significari extra dubium est. Sic Domus quæque Cælum fit, Dei sedes & Regia, in qua Herus,

Hærus, ut Sol, omnia collustrat; Hera, ut Luna, omnia ritè dispensat; familia, ut Stellæ jussu tenet ordinem. Principatum Dei ordinatione in cælo tenent, ut cum Festo Avieno dicam in Arat. Phænomen. ex Psalm. 136. 8. 9.

- - - Sol & Soror, ille diei

Tendat ut infusi rutilum jubar; altera noctis

Ut face flammati tenebrosos rumpat amictus.

Sol, non temporum modò terrarum, sed siderum etiam ipsorum Cæliq; rector. Plin. l. 2. cap. 6. - πᾶνδεξὴς ἔχων αἰώνιον ὄμμα, ut ait Orpheus, *omnituentem & aeternum habens oculum,*

Omnia quo videt, & per quem videt omnia tellus.

Itaque calore suo generationi; luce sensui; motu temporibus servit, facitq; , ut & omnia fiant, & vivant, & suo tempore producta vigeant. Cujus deliquio brevissimo magna sit omnium rerum immutatio. Hinc elogia: *Dux & Princeps & moderator luminum reliquorum,* à Cicerone de Somnio Scipion. *Principale Natura regimen & Mundi animus,* à Plinio l. cit. *Fons Lucis Cælestis* ab Heraclito, à Physicis *Cor Cæli* apud Macrob. l. de Somn. Scip. cap. 20. *Mundi oculus* ab Ovidio, &c. salutatur. *Ægyptii* μὲντοι ἕγενε θεόν, *unicum Cæli Numen* dixere, quòd *Dei invisibilis*, ut dixit Plato, *solus visibilium Imago* sit. *Sponso* denique *de thalamo suo procedenti & Centimano quasi Giganti* comparat David, Psalm. 19. de quo ut & aliis huc spectantibus egi in Theolog. Symbol. Quæ omnia ad Patrem-fami-

familiâs transferre facillimum. *Luna*, illa *Multimamma* Mater, de qua Symbolo Theolog. XLIX. *omnium viventium Nutrix*, Hieronym. in præf. ad Epist. Ephes. Quæ mariti fratrisq; sui radiis coruscet; Quæ *mortalium corporum Author & conditrix*, Macrobi. l. 1. cit. cap. XI. à qua ad nos pervenit τὸ φῶς, *natura crescendi*, ut à Sole τὸ αἰσθῆναι, *natura sentiendi*, Idem cap. 19. Itaq; *Solis annula* ab Apulejo de Deo Socrat. & *Sol alter quasi minor*, ab Aristotele dicta, l. 4. de Generat. Anim. cap. ult. *Sidus in tenebrarum remedium à natura repertum*, à Plinio l. 2. cap. 9. nunquid ad unguem bonam refert Matremfamiliâs? Sidera verò & *stellæ*, quas inter tanta varietas, munerum, officiorum, virium; quas *ad servitutem, Gentium in usum*, deputavit Providentia, Deut. 4. 19. [Nam ut apud Statium 3. Silvat. *Servit & astrorum velox chorus*: currunt & nuspiam declinant, vigilant & nunquam deficiunt; Sirac. 43. 9.] *Noctis oculi, Solis flammula, Lunæ famula, &c.* Servorum ac ancillarum imaginem præ se ferunt, undè & in Onirocriticis, *Stellæ à Cælo deficere visæ paupertatem divitibus, & solitudinem dicuntur præfigere*, Artemidorus lib. 2. c. 38. ubi *Luna materfamiliâs, Sol herus est*, cui & exorienti cedunt sidera, - & cum Luna conditur omne

Stellarum vulgus, fugiunt sine nomine signa, ut cum Manilio dicam. Lepida sunt, & ad rem pertinent, illa Albinus Flaccus ex Disp. cum Pipino: *Quid est annus? Quadriga mundi. Quis ducit? Nox & dies, frigus & calor. Quis est auriga ejus?*
Sol

Sol & Luna. Quot habet palatia? Duodecim. Qui sunt prætores palatiorum? Aries, Taurus, Gemini, Cancer, Leo, Virgo, Libra, Scorpius, Arcitenens, Capricornus, Aquarius, Pisces. Hæc ad somnium Josephi Gen. 37. de quo & in Symb. Theol. dixi.

Nunc ad rem accedamus, de Officio 1. *Servorum*, 2. *Herorum* dicturi distinctè & paulò pluribus.

I. DE SERVIS.

Servi, inquit Apostolus, *obedite*: Servitutis varia notio est. Est quædam solo nomine, re verà autem summa libertas; servire Deo, servire Justitiæ, servire Legibus, animo liberali nempè, quod plusquam regnare est. Nam reverà *solus liber est, qui solum Deum sequitur*: [exclamans Sophocleum illud, nihil differens à Pythiis oraculis: *Deum mi Princeps est, non ullus mortalium!*] Imò, ut equidem sentio, imperium habet in terrestria, tanquam immortalis summiq; Regis Vicarius, Philo, quoddam omnis probus liber. Sed de ea servitute mox commodiùs. Ex adverso quædam libertas dicitur, quæ fœdissima omnium servitus est, servire Carni, Mundo, Diabolo. Ab hac liberavit nos *HERILIS* Magni Patris familiars *Filius*, vindictâ suæ crucis, qui nos ad pileum vocavit per Evangelium, *Legem perfectam libertatis*, hæredesq; testamento suo scripsit ex asse omnium honorum, ut, liberi à iugo peccati, serviamus justitiæ, Rom. 6. 16. 17. 18. cap. 7. 14. 23.

Johan. 3. 36. Col. 1. 12. 14. Esai. 62. 3. Jacob. 1. 25. Rom. 8. 15. 17. &c. Extra hanc libertatem omnes servi sunt. *Alius libidini servit, alius avaritiæ, alius ambitioni, omnes timori*, ait Seneca Epist. 47. addo, quod pejus est: omnes Diabolo. Quodq; caput est inexplicabilis miseriæ, voluntate captivâ. *Nulla enim servitus turpior est, quàm voluntaria*: Seneca ibid. Hinc Philo loc. cit. *Servitus quadam animi, quadam corporis dicitur. Corporibus dominantur homines; animis affectus & vitia.* Hîc de ea, quæ corporum est, agimus. Quæ definitur à Florentino J. C. & Justiniano Imp. *constitutio juris gentium, quâ quis dominio alieno contra naturam subjicitur*, l. libertas, § servitus, de Statib. Hom. P. l. 1. tit. V. & lib. 1. Instit. tit. 3. §. 1. de jure Person. Originem debet peccato, in cujus pœnam Chamo ingrato filio inflictâ à Patre Noha, qui primus post diluvium servus fuit, *servus servorum fratribus suis*, Gen. 9. 25. - *primum inde repertum*

Servitii nomen: cuncti nam semine ab uno Prodiimus, patremq; omnis tibi vendicat unum Posteritas; deq; ingenuo mala crimina servum Efficiunt; quod si vitam post degat honestam, Natales faciens sibimet, jam nobilis inde est. Servitii cautas igitur fecisse reasus

Cernitur, & liber peccans, fit crimine servus.

Alcimus Avit. l. 4. de Diluvio, v. 410. Hinc naturæ illa pravitas, quâ quidam servi nascuntur, qui se regere nequeunt, de quibus Aristot. 1.

Polit.

Polit. cap. 3. de quibus Homerus : *Jovem dimidium mentis servis abstulisse* : & senarius ille apud Philon. l. cit.

Es servus & rationis expers natus es.

Hinc gravis fortunæ egestas, quæ multos ad servitutem, ut asinos ad clitellas, adegit *præsepis causâ*. Sic Mariandyni Heracleotis se subjecerunt; *servitutem pacti pro necessariis vitæ subsidiis; stipulatione tamen caventes, ne extra Heracleoticam regionem vendere liceret*, Athenæus l. 6. cap. 7. Dipnosoph. de quibus plura Grotius l. 2. de Jure Belli c. 5. num. 27. Hinc vis & tyrannis : Nam ut Varonis scitum habet illud :

Naturâ humanis omnia sunt paria :

Qui pote plus, urget : pisces ut sæpè minutos

Magnus comest ; ut aves enecat accipiter.

Itaque aurê illâ ætate, & ubi ad eam vitæ institutò propiùs acceditur, aut nulli servi, aut liberis pænè pares ; ut apud *Esseos*, de quibus Philo l. cit. &c. At apud Barbaros quantò magis descivère degeneres animi à primâ illa origine, tantò servitus arctior est. Hinc bella, quibus capti solenni jure gentium servi facti, de quibus Grotius l. 3. cap. 7. cit. *Apud Hebraeos* servi erant vel *alienigenæ*, Levit. 25. 44. servi æterni : vel *fratres*, qui in servitutem inciderunt aut *venditione voluntariâ*, Levit. 25. 39. aut *additione fori*, vel *Parentum*, Exod. 21. 2. 12. Deut. 15. 12. 18. quorum servitus liberalis, intra terminum anni remissionis restricta, certisq; privilegiis

aliis munita fuit, ut ibid. ll. cit. Confer Jerem. 34. 9. Sirac. 7. 23. *Apud Egyptios* quàm dura fuerit servitus, exemplo Hebræorum doceri potest. *Apud Græcos* Lycurgus Lege latâ Dominis jus dedit servos interficiendi impunè, Plutarch. in *Lycurgo*, quo jure ita acerbè usi sæpè, ut *Laodice* apud Quintum Calabr. *Priami filia*, captâ Patriâ, *manus ad æthera sustollens*, votum fecerit *Dius immortalibus*, ut terra ipsi dehisceret priùs quàm servilia ad opera manum admoveret, l. 13. §. 545. fertq; eam exauditam & à terra absorptam. Denique *Dardania mulieres* pueros suos, ne in hostium manum venirent, in flumen abjecerunt; *Vos*, inquebant, *certè non servietis*. *Xanthii*, obfessi à Bruto & ad extrema redacti, *uxores, Parentes, liberos domi conclusos mactaverunt*, congestisq; in acervos ignem subdiderunt, & seipsos insuper jugulârunt, mortem servituti præferentes, hæc Philo lib. cit. Nec apud Romanos minis fœda aut acerba fuit servitus. Certè pro mortuis, pro nullis habebantur servi, quorum miserum statum ex Seneca licet cognoscere Epist. 47. ne ad Comicos eamus, apud quos *utramque facit paginam servilis conditionis miseria*. Ad summam, *quicquid Dominus indebitè, iracundè, libens, nolens, oblitus, cogitans, sciens, nesciens circa servum fecerit, judicium, justitia, Lex est*. Imperantis ira subito jus est, & ad libitum Domini vocem non habet conditio servitutis, Petrus Chrysolog. serm. 161. *Parthasius* pictor Olynthium captivum emit, crudeliter torfit & exanimavit, ut ad exemplar expirantis pin-

pingeret Prometheum ad Caucasum alligatum, Seneca Pater Controv. 34. *Vedius Pollio servos mureanis invadendos objectabat, ut in visceribus earum aliquid de servorum suorum corporibus & ipse gustaret*, Tertullian. de Pallio cap. 5. alia feritatis exempla mox suo loco dabo. Quo pacto Turcæ hodieq; captivos & mancipia tractent, notum est, æmulæ Romanæ Græcæq; Tyrannidis, & Scythicæ suæ crudelitatis non degeneres. Nam *Scythæ orbant visu servos omnes lactis gratiâ, quo in potu utuntur, idq; ita conficiunt, ut alii ossa sufflatoria, fistulis similia, genitalibus equarum indant, & ore inslent, alii interim mulgeant*. Herodoto teste l. 4. cap. 2. Commemoranda hæc servitutis priscæ mala sunt servis nostris hodiernis, qui jam non ut servi, sed ut mercenarii & ut familiares tractantur. Debent Christo Deo Regiq; nostro hanc felicitatem suam, ut omnia. Itaq; Christiani Episcopi dederunt operam, ut fideles servos suos manumitterent in Ecclesia. Quin & thesauros Ecclesiasticos in captivorum liberationem liberaliter effuderunt, imò & se ipsos impenderunt. Nota S. Paulini pietas est, qui se vendi passus est, ut viduæ filium redimeret, ex l. 3. Dialog. Gregor. I Rom. cap. 1. Accessit altera misericordia, non inferior. Nam cùm invalescente Regno Christi innumeri greges servorum manumissi essent, quibus nihil præter libertatem erat, laboraretq; mundus tantâ multitudine inutili, *Xenodochia, Brephotrophia, Gerontocomia, Nosocomia, antea penitus ignota, institui cœperunt*. Deniq; cùm

Lex Mahumetica omnes suæ religionis affectas omni servitute exemisset, quâ remirères Turcica aucta est, Christiani Impp. Reges & Principes servitutem quoque inter Christianos abrogârunt, de quibus Bodinus 1. de Repub. cap. 5. pag. 60. 63. Qui & de prisæ servitutis miseriis videri potest. Par est, ut quantò tractantur liberaliùs, tantò operentur fideliùs, ac officio beneficium compensent, 1. Tim. 6. 1. 2. Nunc licentia, ut sit, omnes deteriores reddidit, & ut omnia ordine eunt inverso, dominantur servi, Domini verò tam nuper sub tricennali bello, quàm nunc quoque sub umbra pacis, servitutem passim serviunt plusquam Scythicam. Hæc de Subiecto Exhortationis Apostolicæ præfari opus erat, ut & occasio ejus rectiùs intelligatur.

Ejusmodi servos, quibus Domini, tum non modò ut naturæ instinctus & recta ratio suasit, utebantur, sed & fœdissimis modis abutebantur, ut mori quàm servire satiùs esset, exhortatur ad officium faciendum Apostolus, atq; monet 1. *Quid?* 2. *Quibus?* 3. *Quomodo?* 4. *Quare,* deberent?

I. *Quid?* an ut manu factâ coëant, author est, & quoquomodo se in libertatem asserant? quibus artibus multi sibi principatum regnumq; pepererunt, crevitq; inprimis religio Mahumetica, servis ab Homarò, Mahumetis Legato, ad pileum vocatis, ut apud Bodinum l. cit. p. 60. Ita quidem hostes Christiani nominis Apostolicam de libertate

tate Christiana doctrinam interpretati sunt, an-
samq; his exhortationibus præbuerunt, quibus à se
proditionis ac perduellionis crimen Dominicæ li-
bertatis præcones amolirentur, Gal. 5. 13. 1. Pet. 2.
16. Col. 3. 23. 1. Tim. 6. 1. 2. 1. Cor. 7. 22. Hinc &
S. Ignatius Martyr: *Servi ne ad iram provocetis Do-
minos, ulla in re, ne vobis ipsis malorum immedica-
bilitum sitis authores*, Epist. 9. ad Antioch. Et alibi:
Servi obedite Dominis in Deo, ut Christi sitis liberti,
Epist. 6. ad Philadelph. Nam & Bion dixit: οἱ ἀγα-
θοὶ οἱ κέτι ἐλεύθεροί. οἱ πονηροὶ ἐλεύθεροί, δ᾽ ἄλλοι πολ-
λῶν Ἰπθυμιῶν. Et S. Augustinus: *Bonus etsi ser-
viat, liber est; Malus etiamsi regnet, servus est*, Au-
gust. 1. 4. de Civ. Dei cap. 3. Quid ergò? an ut de-
speratâ libertate manus sibi afferant aut voluntariâ
morte se vindicent, suadent? Sic Philo lib. cit.
Quòd omnis probus sit liber, classicum videtur cane-
re & Judæos provocare ad eam desperationem, quæ
illis ultima tandem attraxit. Eò spectat senarius ille,

Quis servus est, mortem potest qui spernere?

Eò icon Gallorum gallinaceorum, usq; ad mortem
pro libertate certantium, *cujus*, ait, *certaminis eti-
am non meminit Tragicus*:

Nec jam corpore, utroque & oculo

Itibus obtuso, ille fatiscit;

Robore sed labente gemiscit,

Et vivus servire recusat, &c.

Sic Diogenes dixit: *unam esse rationem retinende
libertatis, haud gravatè mori: & Persarum Regi
scripsit; eum Atheniensium civitatem non magis in*

serviutem redigere posse, quàm pisces, qui capti statim moriantur, Arrian. l. 3. Epicteti cap. 26. Sed absit, ut Christianis in mentem veniat, ut quicquam turpius, durius, miserius putent scelere. Quid autem isto scelere atrocius? Si hominis depositum violare pœna infamiae est, quantò magis violare depositum Dei? Qui hominem fugit, pœna est obnoxius: quamvis improbum fugerit Dominum; nos optimum omnium fugientes possumus non adstringi impietatis flagitio? Gubernatorem, si commissam sibi navem saxo illidat, persequimur: nos commissum nobis nostri corporis gubernaculum ferro extinguimus & voluntario naufragio addicimus? hæc & alia fortiter Josephus l. 3. Excid. Hierosol. cap. 27. apud Egesipp. undè & illa ejusdem apud Petrum Apollonium Collatium veterem Poëtam l. 2. Excidii:

*An si commoto jactetur navita ponto,
Et certent tumidi puppem discerpere venti,
In mare descendat præcep, clavumq, relinquat?
Quin potius, ducat quò sorsq, Deusq, sequatur?
Ponere non vitam, sed rectè tradere laus est, &c.*

Neque ad quietem hoc iter est, & dulcis quædam ad securitatem via; Ita delirabant stultæ sapientiæ professores, ut apud Quintilian. Declam. 377. Nos meliora edocti sumus: Scimus non patere talibus fores æternæ Quietis. - Nec tartara quæquam

Acriùs excipiunt, quàm qui sibi fata recidit,
ait Josephus apud eund. Collatium, quem in VII. post Christum centenariò collocavit Margarinus in Biblioth. PP. Quid tandem? an fugam consu-
lit?

lit? de qua an licita sit? vide Grotium de Jure Belli cap. 7. lib. 3. Nihil istiusmodi. *Obedite*, inquit: uno verbo complexus, *Amorem, Honorem, Timorem*. Cogitent illud Plautini servuli in Menæchm. act. 2. scen. 3.

*Ego inscitus, qui me hero postulem moderarier,
Dilectio me erigit audientem, haut imperatorem sibi.*

2. Quibus? *Dominis* & *ὁράματα*: Qui *ἀποστολῆς* & *informationis* vim habet; omnibus ex æquo serviendum esse, cum æquo jure Domini sint, quibus carnem & externum hunc hominem divina addixerit dispositio, non imites modò, sed & *σκολοι*, 1. Pet. 2. v. 18. & *refutationis*; ne quis excipiat illud Domini:

Nemo potest Dominis pariter servire duobus.

Matth. 6. 24. Nam qui tantum & *ὁράματα* Domini, subordinati sunt Magno illi & omnipotenti Hero, sub cujus ditione & corpora sunt & animæ, Matth. 10. 28. & *consolationis*; Dominium enim istud juxta carnem temporale est & breve. Nam quicquid carnale est, caducum est, ait hoc loco Chrysostom. Adhæc potissimâ tui parte liber esse potes, qui solâ carne servis. Corpora obnoxia sunt & adscripta Domini, mens autem sui juris est, Seneca l. 3. de Benef. cap. 20. Denique etiam *dehortationis*; ne plus tribuatur Dominis, quàm oportet, quibus ut carne serviendum est, ita Spiritus ac Conscientia servanda Deo. Plura mox.

3. Quomodo? 1. Cum timore & tre-
X 5 more;

more: Quod pacto? cùm hominum metus prohibitus sit? Esai. 51. 12. 1. Pet. 3. 14. Matth. 10. 28. Sic quærit h. l. Hieronymus, Respondet 1. hæc præcipi *servis non perfectis, sed his, qui fidei principia habebant*: 2. *iis, qui adhuc habebant spiritum servitutis*: 3. Timorem positum *pro reverentia*: Quod etsi repudiet, quia additus timori sit *tremor*, qui non sonet *reverentiam*; tamen ex collatione locorum Scripturæ verè huic loco congruit, vide Dan. 5. 19. & 6. 26. Psalm. 2. 11. 1. Cor. 2. 3. 2. Cor. 7. 15. Philipp. 2. 12. Quibus locis ista vocabula humilem animi demissionem ex reverentia & metu offensæ ac stimulo conscientix ortam significant. Fallitur, qui h. l. annotavit *servos non modò Dominos timere, sed & ad illorum imperia tremere debere*. Non enim aliud exigit Apostolus quàm *solicitam & liberalem servitutem*, ait Estius contra Cornel. à Lap. Sic enim καὶ ἐλεύθεροι ἐλευθέροις μετὰ πολλὰ φόβη καὶ τρόμος ἰδύσθων, *etiam liberi liberis cum timore & tremore non rarò serviunt*, Chrysostom. h. l. hom. 22. Itaq; hæc servitutis conditio servili superbiæ, contumaciæq; opponitur, quâ Dominos contemnunt, iis oblatrant, eorumq; imperia pedibus trahunt, ut apud nostrum Apostolum τὸ φοβεῖσθαι opponitur τῷ ὑψηλοφρονεῖν, Rom. 11. 20. quo morbo servili nihil frequentius est, nihil pestilentius. Undè Euripides apud Stobæum:

*Sapiente servo sapere plusquam convenit,
Nullum est onus gravius, nec ulla in edibus
Possessio peior minusq; commoda.*

Talis

Talis famula fuit Hagar responsatrix: sed ad exemplar Apostoli, centurionis familia Capernaitica, Matth. 8. 9. Deindè 2. cum simplicitate, quæ contrariatur τῇ ὀφθαλμοδουλείᾳ καὶ ἀνθρωπῶ-
 ρεσκέῳ, quâ, ad conciliandam herorum gratiam, servi officium faciunt, dum in eorum conspectu sunt, aut ubi deprehendi metuunt, clam non modò oderunt, sed & famæ fortunisque insidiantur. Undè Proverbia: *Quot servi, tot hostes*, apud Senecam Epist. 47. *Quot servi, tot fures*, &c. *Crede mihi, plures Dominos servi comedere quàm canes. Quod si Actæon occupasset, & prius suos canes comedisset, non nugas saltatoribus in theatro faceret*, Varronis sententia est. Sanè à canibus perniciosus, unum Actæonem ajunt perditum, & his quidem in rabiem actus; à perniciosus verò hominibus dici non potest, quot perierint, & plebeji & Reges totaq; civitates; hi quidem à servis, illi autem à militibus, & satellitibus, alii ab amicis quibusdam nominetenus amicis, alii à filiis, fratribusq; & uxoribus, ut ait Dio Prusæus Orat. X. Qui eadem oratione Dominos, quibus multi servi ejus commatis sunt, vermibus comparat, *julis dictis, qui quamvis plurimos pedes habeant, tardissimi tamen sunt inter reptilia. Tales flagritriba hac habent consilia,*

- ubi data occasio est: rape, clepe, tene, harpaga,
 Bibe, es, fuge: hoc est eorum opus:

Ut mavelis lupos apud oves linquere, quàm hos
 domi custodes.

Plaut. in Pseudolo act. 1, scen. 2. At

Qui

Qui hero suo servire vult bene servus servitutum,

Na adepol illum multa in pectore suo collocare oportet,

Quæ hero placere sentiat, præsentī atque absenti suo.

Idem in Persa act. 1. scen. 1. Simplex animus cum studio satagit rerum Domini sui, & quod simplicitatis Christianæ propriè est, non curat, an adspiciatur à Domino, cum sciat ubiq; se spectari à Christo, cui uni placere laborat, cui dolosi, exosi. Hinc jam 3. cum pietate monet obedire Apostolus, & præ oculis habere oculum illum omnividentem, Dominum omnium Dominorum: *Servire Domino & non hominibus*, id est, magis illi, quàm his, sic enim *simpliciter dicta comparative accipi debent*, vide D. Glass. lib. 3. Gramin. de Adverb. can. 22. Servit autem Domino, qui Dominis suis, quòtusquisque hunc ordinis hujus recognoscit authorem, omnium officiorum inspectorem & judicem, omnium actionum suarum finem & regulam. Hujus pietatis fructus est illa ἀπλότης τῆς καρδίας. Itaq; propter timorem Dei *justa & fidelia vult hominibus exhiberi servitia*. Deo enim servit, cujus jura in obsequiis Domini carnalis custodit, quem sibi pro justis actibus in die judicii vicem reddere, & cæteris omnibus, audit testari, Ambros. h. l. Deo servit, qui Dominis suis propter Deum: *Maximè cum Dominus carnis à Domino Spiritus diversa non imperat*, Hieronym. h. l. Itaq; servos Dei voluntatem facere

facere jubet, hac quoq; tenùs, *ut scilicet servus non audiat carnalem Dominum, si contraria Dei praeceptis voluerit imperare*, Idem. Hoc uno casu excepto hæc est Dei voluntas, obedire semper, quos subesse voluit. Nam qui Dominos præfecit, servos subjecit; illis imperium dedit; his obsequii gloria relicta est, Proverb. 20. 12. & 22. 2. Sir. 11. 14. Superest, ut serviant 4. cum benivolentia: ex amore, quia animus facit promptum *in obediendo*, hilarem *in expediendo*, fidelem *in operibus*, patientem *in laboribus*, constantem *in prosperis ac adversis*; nam utraque frangunt animos, nisi firmet *ευνοια*. Es müssen starke Bein seyn/die gute Tage ertragen können. Ament ergò Christiani servi Dominos ut Patres, res ipsorum ut sua propria. Commoda & damna omnia in suis numerent, - *vultum è vultu comparent, Tristes sint, heri si tristes: hilari sint, si gaudeant*, Plaut. in Amphitr. act. 3. scen. 3. Præcurrant Dominorum non iussa tantùm, verùm etiam vota. *Præsentunt enim bona mentes eorum desideria, quibus cum integritate famulantur*: Ennod. de Epiphan. cap. 11. Deniq; quàm nihil arduum sit amantibus, quàm nullum tempus diuturnum, Jacobus Labanis servus argumento crit, Gen. 29. & 30. capp. Talem servum nactus, The-saurum invenit. Bene Alexander:

*Servum benivolum quispiam cùm adeptus est,
Ei melior in vita obvenire res nequit.*

4. Quare? Non carebit obedientia ista
præ-

præmio. Reddet Deus pro factis operæ pretium. Utut negabitur ab iniquis Dominis, - *merces erit altera cælo!* iusta, larga, immensa, certa, quia à Deo. Nam ut erga Evergetas ingrati, qui beneficiis acceptis non respondent, Deum ipsum illis Debitorem faciunt: Ita si Domini non faciant paria, nec tum quoque, cum non referunt gratiam, non retulerunt, quia Deum tibi Debitorem constituerunt. Chrysost. h. l. Excitent ergò animos in servili & addicto corpore ingenuos

1. Divini oris autoritas; hæc Dei voluntas est testatissima, & sacris literis, Coloss. 3. 23. 1. Tim. 6. 1. 2. 1. Pet. 2. 16. 18. Tit. 2. 10. Malach. 1. 6. &c. & communi sensu: *Vos servi debetis Domino fidem in ipsa, quam geritis, servitute: quia qui puro & pio corde carnali Dominio debitum non reddit obsequium. Deo antè, qui corda videt, quàm homini tenetur obnoxius*, P. Chrysolog. serm. 26.

2. Divini oculi claritas: Αὐτὸν ἐφесῶναι τὸν Θεὸν πῶςδε, ἐν οἷς πᾶσις ἐκείσιν, ait S. Nilus in Parænes.

Speculator adstat desuper,

Qui nos diebus omnibus

Actusq; nostros prospicit,

A Solis ortu in vesperam, &c.

Job. 24. 15. Psalm. 7. 10. & 139. 2. Jer. 32. 19. &c.

3. Divinæ manus largitas. Erunt præmia bene servantibus, Proverb. 17. 2. Sirac. 10. 28. ut Jacobi & Josephi Patriarcharum exemplum demon-

monstrant. Celebraturq; eorum memoria historiarum monumentis, qui bonam servitutem servierunt, fidelitatem suam Dominis probârunt, vide Senecam Epist. 47. Appian. l. 4. de Bell. Civil. Macrobi. Saturnal. cap. 11. & ut exemplorum scriptores præteream, Piccartum Vir. Clar. in Decad. 1. Observ. Histor. cap. 2. &c. Sed & pœnæ non deerunt servientibus malè: vide Sirac. 33. v. 27. ut sementem fecerint, ita & metent. O quàm multis evenit, quod illi apud Arrianum: *Si manumissus fuero, inquit, statim omnia prospera: proficiscor, quò volo, &c. curo neminem: cum verò libertus factus est, statim non habet, ubi edat; quarit, cui aduletur, apud quem cœnet. Deindè vel corpore opus facit & gravissimas ærumnas perfert: Vel si quod præsepe invenit, in servitutem incidit priore longè graviorem;* &c. l. 3. c. 26. Perfidix pœnas lege apud Appian. loc. cit. Valer. Max. l. 6. cap. 5. &c. Quibus omnibus addi potest, quòd & improbi servi tortores acerrimos in pectore circumferunt, & probi asylum habent apud Deum semper patens, semper tutum, vide Bodin. loc. cit. pag. 57. & Grotium l. 3. cit. cap. 14. num. 6. Quibus & aliquando annus diesq; illè Remissionis veniet, plenaq; libertas, illo magno futuro Jubilæo. Serviant modò Christo: Nam ut Paulinus ad Licent.

*Hac bona Libertas Christo servire, & in ipso
Omnibus esse supra: non Dominis hominum:
Non vitiis servit, non Regibus ille superbis,
Tantum qui Christo se dedit Domino.*

Hic,

Hic, ait Apostolus, reddet cuique; Servus aut Liber sit, perindè est. Quo ipso ostendit dominium & servitutem præsentì vitâ esse circumscripta: sed postquam ab hac peregrinatione excesserimus, non futuram ampliùs dominii & servitutis differentiam, virtutis & vitii, Theodoret. h. l.

II. DE DOMINIS.

Et vos Domini; Hebræis אֲדֹנָי Adonim, quòd sint Eden, Basis domus; Græcis κύριοι dicti, quòd ipsorum sit τὸ κύριον, id est, ἐξουσία, dignitas & authoritas, ut Germanis Herren ab honore, undè in antiquioribus scriptis Ehr Johannes &c. nisi fortè τὸ κύριον ab Hebræo שׂר Jarsch, hæreditavit, à quo Cyri nomen nonnulli derivant, ut sit à Caph similitudinis & Joresch possessor, quasi hæres, etsi Plutarchus in Artaxerxe annotet sic Solem dici, Hebræo - Persico vocabulo, de quo Gregor. Gregorii Lex. Sanct. num. DXCI. DCLXXXII. & DCCLXXXIII. Latini à domo dixisse videntur. Jocatur Palladas in Epigramm. cùm à dando derivat,

ὄκ ἐθέλω Δόμινε, ἔ γὰρ ἔχω δόμεναι,

Non cupio Dominus, Do quia nempè minús. Integrum habes apud Lipsium in Tacitum lib. 2. Annal. num. 179. & Rittershus. in Cyneget. Opiiani l. i. v. 4. Qui Poëta Δόμναν dixit, elisâ vocali longâ in medio, ut scriptores novissimæ Latinitatis, seculo jam semibarbaro plerunque: Domnos & dulces meos reverenter saluto; Domnum meum per omnia

omnia dulcissimum filium vestrum, Adventum pro me multipliciter supplico saluari, Fortunat. ad Eufron. Episcop. &c. Propriè servorum correlatum est: qua de causa Augustus Dominum se ne à liberis quidem aut nepotibus suis appellari voluit, Sueton. in Octav. cap. 53. Quod tamen majore afflatum Numine fecisse nihil vetat; quasi commonitus fuerit, quòd sub ipsius imperio Dominus totius generis humani inter homines nasciturus esset, P. Orosius lib. 6. cap. 21. At successores adeò descivère ab hac modestia, ut & Dii appellari haberiq; vellent. Nota Tyranni vox est: Dominus & Deus noster sic fieri jubet! Sueton. in Domitiano cap. 13. Quid consecutus? quòd tandem à libertis & gladiatoribus vulneribus septem trucidatus, populari sandapilâ per vespillones exportatus à Senatu contumeliosissimo atque acerbissimo acclamationum genere laceratus sit, imagines ejus Senatus Consulto detractæ, erasi tituli, omnisq; memoria abolita. Enimverò nec factum unquam, certò rarò, quin divini nominis usurpatores pœnas spectabiles non luerint & apertas, ait Bernartius in 1. Silvar. StatI. Et invexit tamen fastus has adulationes etiam in Ecclesiam, gavisiq; sunt Episcopi Minorum titulo, qui vel maximè respuere debebant. Sic Sidonio ad Episcopos scribenti solennis inscriptio est: Domino Papæ, ut lib. 6. omnes & l. 7. ferè omnes Epistolæ docent. Ipse, qui Gregorii M. l. 4. Registr. Epist. 32. & Gregorii IX. in præf. Decretal. secutus exemplum, Servum se Sacerdotum omnium,

& *Servum* *Servorum Dei* nominat, ab assentatoribus Dominum Deumq, dici patitur. Sed hæc alius sunt loci. Nec de ea vocis hujus acceptione pluribus agendum est, quâ obvios, si nomen non succurrit, *Dominos salutamus*, de qua Seneca Epist. 3. ubi Muretus in Not. Id potiùs observandum ex Theodoro in h. l. Admirandum esse ordinem suasionis in h. l. *Primò enim maritis & uxoribus legem statuit: Liberorum enim procreationem præcedit matrimonium. Deindè filiis & Parentibus: Liberorum enim susceptio matrimonii fructus est. Post partum enim ille Pater, hic Filius nominatur. Ultimam autem servorum & Dominorum posuit conjugationem; ea enim ex eventu facta est; at illa naturæ privilegiis honorata sunt. De horum officio accipe nunc*

I. Documenta; quorum hoc est 1. *Eadem facite: Quomodo eadem: Num & Domini servis servient? Certè si rem bene exputabis, quid Dominus est aliud, nisi servorum servus? Nostri dicunt:*

Soll es im Hause gehen recht!

So muß der Herr selber seyn Knecht.

Et Græci: *εἰς οἰκίαν δὲλ & ὁ δεσπότης*, unus in familia servus est ipse Dominus, apud Aristid. Orat. 2. Platon. Tom. 3. Sic in Repub.

Populi est mancipium, quisquis patriæ est utilis.

Ita h. l. ex Chrysostomo Oecumenius: *Et Domini servis serviunt. Quando enim servus dormit ac ster- tit, Dominus, de cibo & indumento sollicitus, non dormit, nonne servit? Theophylactus: Servit & ope- ram*

ram præstat mancipiis Dominus, cum cura habet, ut his necessaria subministret, cum eos tolerat, & iisdem multis in rebus condescendit & assentitur, & ut Salomon ait, horum gratiâ circumfertur, vide Ecclef. 5. 10. 11. Taceo servitutem illam fœdiorem omnibus pistrinis & ergastulis, cujus tamen capistro, tum cum ista scriberet Apostolus, multi quasi ora sua indebant, de qua S. Paulinus:

Quem cernis tantâ sibi libertate videri,

Ut dedignetur flectere colla Deo,

Multis ille miser mortalibus, & quoque servis

Servit, & ancillas, ut dominantur, emit,

ad Licinium l. cit. Ipsi Cæsares tum temporis plerique servilis libidinis mancipiâ fuere, libertorum suorum ludibria, à quibus, quoquò vellent, trahi flective poterant,

Ducitur ut nervis alienis mobile lignum.

Notumq; est convitium ancillariolorum, in eos jactatum, qui ne ingenuum quidem sanguinem amando deperibant, vide Senec. 1. de Benef. cap. 9. Sed absit, ut Apostolum statuamus Dominorum dignitatem eò deicere velle. Itaque τὸ αὐτὸ Camerarius adverbialiter exponit, similiter, q. d. ita vos pari ratione gerite erga servos Domini, ut decet. Hieronym. ad illa præcedentia refert: in simplicitate cordis, facientes voluntatem Domini, & cum fidelitate seu benivolentia, nam vox εὐνοίας utrumque significare potest. Verbo: non officii eandem formalem rationem præscribit; sed modum & proportionem. *Quales vultis esse erga vos servos, tales*

exhibete illis Dominos. Nam quomodo regetis ser vos, ipsi ser vientes pravis & insanis cupiditatibus ut mancipia? Basiliius M. contra Ebrios. hom. extremâ. Qui postulat ut famulus, seipso sit melior, id quod sæpè nobis accidit, qui peccata servulorum agrè ferimus, stultus est: cùm ea desideret; quæ fieri nequeunt, Simplicius ad cap. 20. Epictet. Dominas, ajunt, imitantur catella, &

Servos herilis usque morbus inficit juxta Euripid. apud Stob. Itaque quemadmodum militis virtus aut servi probitas redundat in gloriam ducis aut heri; Ita militis ignavia aut servi nequitia à decori est Duci aut hero: Propterea quòd horum mores magna ex parte pendent ab illorum moribus, in quorum potestate sunt. Qui etiamsi prorsus absunt ab omni culpa, tamen popularis existimatio solet Dominorum mores ex servorum moribus aestimare, Auctor de Dupl. Martyr. apud Cyprianum. Vultis ergò Domini servos 1. Pios, pietatem colite, impios procul à vobis effugate, veluti apes, optimæ familiæ magistræ,

Ignavum fucos pecus à præsепibus arcent. Educentur rectè, non solùm ipsorum gratiâ, sed multò magis Dominorum; Plato VI. de Legib. Sit domus vestra Ecclesia, Chrysost. de Jejun. Pater familiâs Episcopus, August. Tract. 51. in Johann. novòq; genere vivendi Monachum compleat, non sub Pallio, sed sub paludamento, Sidonius Apollin. l. 4. Epist. 9. Plus ego, inquit, admiror Sacerdotalem virum, quàm Sacerdotem; vide Prov. 29. 12. Ps. 101. 3.

Astor.

Actor. 10. 7. 22. &c. Vultis 2. Simples; hypocrisin, fraudes, fallacias, malas artes fugite, ne à vobis discant. Ὁ γὰρ μολυσμὸς ἀφ' ὧν ζῆτε, contagia facile serpunt in plures, Synesius Epist. 58. Paterfamiliàs, qui familiam vult bonis præditam moribus, animo sibi hilario ad serviendum promptam, non sit ebriosus, non invidus, non contentiosus, non fictus, non malignus, non litigiosus, non rapax, non avarus. Quantum ad ipsum attinet, pacem habere cum omnibus querat; perniciem non teneat; nulli detrahat: Cum amicis fidem teneat; inimicis nunquam perfidus aut perjurus existat: aliena non rapiat; equitati pecuniam non preponat: sit in negotiis justus; in operibus pius; mitis ad tolerandas, tardus ad retribuendas injurias: in fide stabilis, amator castitatis & pacis, Fulgent. Epist. 1. Vultis porro 3. Timidos; ne mites, ne familiares nimium sitis; ne derisui, ne ludibrio vos exponatis, Sir. 33. 25. 26. Job mitissimus Dominus servos habuit superbissimos, cap. 19. 16. Ad acerbam injuriam pertinet, ut Domini cum servis blandè loquantur, & servi contemnant, ibidem Philipp. Presbyt. Ita fit: Mitium Dominorum apud servos ipsâ consuetudine metus exolefcit, Plin. l. 1. Epist. 4. Præcipuè cum consuetudine lasciviæq; seductorum assuefacti, patientiâ Domini sui ad contemptum ipsius abutuntur, Orosius l. 6. cap. 1. Sit remissio non vitians; correptio non cruentans; & severitas ejus temperamenti, quæ non sit tetra, sed tetrica, Sidonius Apoll. loc. cit. Quis-

quis patitur peccare peccantem, is vires subministra
audacia, Arnob. l. 4. adv. Gent. Argum denique
oportet esse Patrem familiâs, & centum habere o-
culos, juxta Phædrum l. 2. Fab. 39. *Oculus Domini,*
ajunt, *saginat equum; & letamen optimum Domini*
vestigium. Præsentia Domini proventus est agri, Pal-
lad. l. 1. de Re Rust. & P. Syrus:

Adspicere oportet, quod possis deperdere.

Vultis tandem 4. Benivolos; benivolentiam ex-
hibete; amor enim amoris esca est. Tu Pater esto,
qui lege Dominus audis: *Majores nostri,* ait ex Se-
necæ Epist. 47. Macrobius l. Saturn. cap. 11. *om-*
nem Dominis invidiam, omnem servis contume-
liam detrahentes, Dominum Patrem familiâs, ser vos,
familiares appellaverunt. Ament te tui potius vis
exige τὸν ἀρχόντα, ut Principem electum, quàm ti-
meant vis νόμου δεσπότην, ut lege Dominum, Epist.
145. Synesij. Tu Mater esto, quæ vis haberi Do-
mina. *Familiam tuam ita rege & confove, ut te Ma-*
trem magis tuorum quàm Dominam videri velis: à
quibus benignitate potius quàm severitate exige re-
verentiam. Fidelius & gratius semper obsequium
est, quod ab amore, quàm quod à metu proficiscitur,
Paulin. ad Celantiam. Alioqui ὁ δὲ ἐκ τῶν οἰμῶν δε-
δεύειν βέλεται. *Nemo suâ sponte servit,* Aristid. O-
rat. Siculâ poster. Solent autem etiam nequissimos
servos, quos supplicia non correxerunt, blandimenta
corrigen; & quos Dominis suis verbera non submi-
serint, beneficia submittere, Salvian. l. 6. de Gub.

Dei.

Dei. Luceat animus benivolens in I. in conjunctione operis; Servis non ut jumentis utendum docet Clemens Alex. l. 3. Pædag. cap. 11. Quanquam Bonus Paterfamiliâs etiam jumentis onera novit *ὑπηρετεῖν*, Macar. hom. 26. 2. in exhibitione mercedis, cujus pars ipsa cibaria, *Δόλω μισθὸς τοῦ Φη*, servo merces alimonia, Aristotel. 1. Oecon. cap. 5. Certè servi si fures sunt, ad furandum sæpè egestate coguntur: quia etiamsi eis stipendia usitata præstantur, consuetudini hæc magis quàm sufficientia satisfaciunt, & ita implent canonem, quod non explent satietatem, &c. Salvian. l. 4. cit. Sed & 3. in ostensione commiserationis, erga ægros, erga senes: Claudius Imper. lege latâ liberos esse jussit, qui in morbo à Dominis exturbati postea convaluissent, Dio l. 60. Hist. meritoq; reprehensus est Cato Major, qui senes servos vendidit, ne gratis vel alere vel dimittere necesse haberet. Beatior Athenis ille Palladis mulus, qui senio confectus liberè vagari sine capistro, sine labore consuevisset, ait Bodinus l. 1. de Rep. cap. 5. cui & victus publicitùs præbitus, ut in Prytaneo Athletis senio confectis, Ælian. 6. Hist. Anim. cap. 49. &c. Sed ad Documentum pergo:

2. *Minas remittite*; ne sævite tantoperè, ne quasi Leones sitis in domo vestra, Sirac. 4. 35. *Quid est aliud irasci, quàm insanire, quàm furere, quam in ultionis libidinem ferri, & in alterius doloris crucem, efferati pectoris alienatione, bacchari?* Arnob.

l. i. adv. Gent. Sit Paterfam. erga familiam suam nec in proferendo eloquio minax, nec in admittendo consilio spernax, nec in reatu investigando persequax. Sidon. Apollin. l. c. Sit, quantum potest, in eleemosynis largus & hilaris, & ad dimittendum peccantibus facilis ac suavis. Nec tamen se putet ita peccantibus tribuere veniam, ut disciplinam sua domus existimet negligendam: sed rigoris retinens clementiaq, temperiem, servet in correptione modestiam, & in remissione censuram, &c. Fulgent. Epist. i.

II. Incitamenta: Habetis enim quoque
I. Dominum:

Omne sub regno graviore regnum est.

Unde ille apud Philemonem servus citante Stobæo:

Mihi est herus tantum quidem vir unicus;

Tibi milleq, aliis civitatis lex herus,

Aliis Tyrannus, & Tyrannis est metus:

Reges ministris imperant; Regi Deus:

*Deoq, fatum! [impia vox!] Quicquid est, si
computes,*

Totum subest; minora sic majoribus,

Lex est perennis, obsequenter serviant.

Ad Dominum ergo respicite Domini, & qualem vultis eum vobis; tales vos præstare vestris. Qui servum habet, non vult contemni ab eo, ideoq, nec ipse debet contemnere Dominum suum. Et sicut vult secum agere Dominum suum, ita etiam ipse agere debet cum servo suo, Ambros. h. l. Majores nostri domum nostram pusillam Rempub. esse judicârunt, Seneca Epist. 47. Est enim omnis domus initium sive particula

cula civitatis, Augustin. de Civ. Dei l. 19. cap. 16. Ita fit, ut ex lege civitatis præcepta sumere patremfamilias oporteat, quibus domum sic regat, ut sit paci accommodata civitatis, Ibid. Sed de eo Domino nunc non agimus. Habetis vos Dominum 2. in Cælis,

Hic testis, hic est arbiter,

Hic intuetur, quicquid est,

Humana quod mens concipit,

Hunc nemo fallit judicem!

Prudent. Cathemer. hymn. 2. Hic judicat solus tantum voluntates, & juxta eas deteriori præfert meliorem, eligens facta, non homines, Hieronym. Cum autem vis, ut serviat tibi servus tuus, & tu non vis servire Deo, quod tu pati non vis, August. de decem Chord. Habetis ergo Domini æquè ac servi Dominum 3. Communem: Itaque in te si propitium vis Deum habere, ipse subjectis tuis esto propitius: nam etsi aliorum Dominus es constitutus, ipse tamen etiam servus es. Dominum enim habemus universi, eum videlicet, qui rerum omnium dominationem manet: totius autem humani generis author & propagator est unus, & idem, nempe limus terræ, cisi alius pulvis adversus alium intumescimus, Imp. Basil. ad Leon. Fil. Parænes. cap. 14. Denique habetis Dominum 4. αὐτοῦ σωπολήτην, in cujus judicio non personæ examinantur, sed facta. Non ignorantes itaque carnales Domini, Deum omnium Dominum esse communem, talia exigant servitia, qualia à se exigi non ferant agrè: In qua enim quisque mensura mensuraverit, eadem remetiatur ei. Dominus enim

justus iudex causas discernit, non personas, Ambros. h.l. *Qualem in te vis esse Dominum, tale te exhibe in servum. Dominus enim nescit Domini & servi differentiam. Omnes enim ex æquo formavit*, Theodoret. h.l. *Quod ad animum revocavit S. Jobus, cap. 31. 13. Servis, inquit, meis libera orationis & sue causæ defendendæ potestatem faciebam, ut si quid fortè à me per injuriam in eos committi suspicarentur, dicerent audacter*, Olympiod. in Catena. *Impulit respectus hujus summi Domini, ubi jus idem servis & Dominis. Præcipuè cùm per mortem ventum est ad illud tribunal, ubi Præconis quasi voce edicitur: Discede ambitio: omnium, quæ terram premunt, siremps Lex esto*, Seneca Epist. 91.

Hæc ergò Dominorum officia sunt, quæ Phocylides versibus aureis complexus:

*Servo justa dabis, si ut in te mente benignâ;
Stigmata ne inscribas, servili opprobria fronti;
Consilium servi prudentis spernere noli, &c.*

Justa; τὰ δίκαια vocat de mensum, quæq; ad victum & amictum pertinent. *Servis, non malè præcipiunt, qui ita jubent uti ut mercenariis; operam exigendam, justâ præbenda*, Cicero 1. Offic. Stigmata fugitivis aut nequam servis inscripta notum ex Lipsii l. 1. Elector. cap. 15. ubi de ergastulis & omni servorum miseria quoque. *Movere debeat Dominos*

I. Servilis conditionis acerbitas; certè nihil si aliud accedat, homo tamen homini non libenter servit, naturâ factum se ad dominandum persentiens. *Nomen istud, servi, culpa meruit,*

non

non natura, August. l. 19. de D. Civ. cap. 15. Vide, avicula, cum capta in cavea aluntur, quomodo affectæ sint? ut effugere cupiunt? nonnullæ fame perire malunt, quam vitam istam tolerare. Quæ autem conservantur, quod agrè quidem ac difficulter & cum tæbe fit, [quâ sensim conficiuntur, Φθίοντες] statim, ubi ullum foramen deprehenderint, exsiliunt, &c. Arrian. l. 3. Epiçt. cap. 26. Nolo hîc inculcare trita, mortem prælatam servituti, quâ nihil homini nato terribilius videri solet. Triplex illi circa cor æs & rigido stant adamante fibræ, qui nullâ tangitur commiseratione.

Homo, qui in homine calamitoso est misericors, meminit sui.

2. *Originis humanæ æqualitas : Domini servis vos exhibete benivolos, ut Sanctus Job docuit : una enim natura, unum humanitatis universæ genus est, S. Ignatius ad Philadelph. confer eund. Epist. 9. ad Antioch. Hinc illud pervulgatum : Neminem Regem non ex servis esse oriundum ; neminem non servum ex Regibus, apud Senec. Epist. 44. Sic S. Asterius hom. in servum Centur. Dominos monet, ut clementer humaneq; servos tanquam fodales & fratres tractent. Eâdem enim ambo terrâ, eâdem artificis dextrâ conditi sunt, eadem utrisque opera natura, eademq; patiuntur, sed & constitutionis eadem forma ac figura in utrisq; apparet, apud Photium Cod. 271. Bene ille apud Philemon.*

Here, qualibet sit quispiam servus, tamen Homo si fuit, manet idem homo nihilominus.

Vis

Vis tu cogitare istum, quem servum tuum vocas, ex iisdem seminibus ortum, eodem frui cœlo, aquè spirare, aquè vivere, aquè mori? Seneca Epist. cit. 47. Servi sunt? imò homines: servi sunt? imò conservi, &c. Idem ibid. At quo pacto ferri queant tales? Mancipium; non feres fratrem tuum, qui genus à Jove summo ducit? ut filius ex iisdem seminibus procreatus est, eodemq; nititur fundamento? Arrian. l. 1. Epict. cap. 13. vide Malach. 2. 10. Actor. 17. 26. Pertinent huc Persarum Sacaa, Cretensium Cydonia, & Hermaa, Thessalorum Peloria, Romanorum Saturnalia, & similia festa, per quæ servis naturali libertate frui, aut etiam Dominis imperare fas erat, de quibus aliàs, vide nunc Dempsterum ad Rosin. Antiq. Rom. l. 4. sub fin.

3. Fortunæ communis instabilitas :

Sapè qui potuit misereri, misericordiam rogat. Pone supercilium, quid despicias hoc tam vile caput? Tam tu illum ingenuum videre potes, quàm ille te servum, Seneca l. modò alleg. ubi plura, confer Eccles. 4. 14. & 10. 7. Multi cum Josepho è carcere prodierunt ad regnum; multi è folio cum Sedecia exciderunt in ergastulum, vide Plin. l. 35. cap. 18. Valer. Max. l. 6. cap. 10. &c. Sic ludit Divina potentia, & mutare gaudet ima summis, aurem vellens omnibus: homines se meminerint, & neque desperent jacentes, neque superbiunt stantes.

4. Servorum fidelium necessitas & utilitas; Sunt enim Dominorum oculi & aures,

manus

manus & pedes, ὄργαια καὶ οὐδὲν ὄργανον, ut dixit Aristoteles. Wann wir alle Herren weren/ wer trüge uns die Suppen auf den Tisch/ ajunt nostrates. Quòd Indi apud Strabonem, & Essæi apud Philonem servis caruisse dicuntur, de ejusmodi intelligendum, quales alibi Gentium tam miserâ conditione. Aliàs ubi nulli servi, quomodo aliqui ibi Domini?

Quàm suave servis est habere bonos heros?

Quamq̃ est heris servos bonos in adibus?

ait Euripid. in Meleagro apud Stobæum.

5. Sævitiæ herilis damnositas ; undè plerunque rebelliones, & horrenda in Dominos exempla, historiis omnibus testatissima: De Largio Macedone vide Plin. Jun. l. 3. Epist. 14. Aliud recentius & atrocius ex Joyiano Pontano recitat Bodinus de Repub. l. cit. Quid Chiis venerit! Athenæus l. 6. cap. 7. Quid bello servili Siculis? Diodor. Sicul. l. 34. & apud Photium Biblioth. Cod. 244. Taceo damna, quæ in re familiari soleant emergere, cùm invitos boves aratro jungimus, aut canes venatum ducimus. Sirac. 33. 31. Deniq;

6. Ipsa in Christo fraternitas ; *Servis victum & vestitum debitum reddas, remittas culpas, minas temperes, imperes disciplinam: Et habeas eos fratres progenie cœlesti, quos subditos mundanâ possides serviute*, P. Chrysolog. serm. 26.

• Καὶ Χεῖρὸς ὠφθη δ᾽ ἄλγεα, ἀλλ' ἠλδοθέρεα,

Servus fuit Christus quoque, & misit manu,

ait Greg. Naz. in Tetraltich. Summa : *Qui veri patres*

patresfamiliās sunt omnibus in familia sua, tanquam filius, ad colendum & promerendum Deum consulunt: desiderantes atque optantes venire ad coelestem domum, ubi necessarium non sit officium imperandi mortalibus; quia necessarium non erit officium consulendi jam in illa immortalitate felicibus; quò donec veniatur, magis debent Patres, quò dominantur, quam servi tolerare, quò serviunt, ait August. de C. Dei l. 19. cap. 16. At fideles servi, si non possunt à Domini liberi fieri, suam servitutem ipsi quodammodo liberam faciant; non timore subdolo, sed fideli dilectione serviendo, donec transeat iniquitas & evacuetur omnis principatus, & potestas humana, & sit Deus omnia in omnibus, Ibid. cap. 15.

MEDITATIO ULTIMA,
DE
SENIBUS ET JUVENIBUS.

1. Pet. 5. 5. 6. *Similiter adolescentes subditi estote senioribus: Omnes autem invicem humilitatem insinuate; quia Deus superbis resistit, humilibus autem dat gratiam. Humiliamini igitur sub potenti manu Dei, ut vos exaltet in tempore visitationis.*

MI Deus! ne revoces me in dimidio dierum meorum! Votum est sive Davidis sive alius pii,

p̄ii; Psalm. 102. 25. Paucis in limine delibandum. *Sensum* cū intueor, comparo cum illo Bileami, quod ille, aliās Prophetā Diaboli, tum majore afflatu effudit: *Hec quis victurus est, quando ista faciet Deus!* Num. 24. 23. statuunt quidem Interpp. diversimodè: Alii verba esse 1. *Prophetiam suam confirmantis*; Non ita quidem mox eveniet, quod dicturus sum, es wird viel Wasser den Jordan hinab fließen/ nemo eorum, qui vivunt, victurus est, eveniet tamen certissimè. Psalm. 33. 11.. Esai. 40. 6. 8. sic Marbach. Osiander, Pelargus, Dd. nostri. Alii 2. *Posteris territantis*; vā illis, qui tum, cū fides vaticinio huic constabit ex eventu, vitam in terris colent! Malach. 3. 2. 3. & 4. 1. sic ex Abulensi Corn. à Lap. sed præstat accipere ut verba 3. *Adventum Messia exoptantis*; de ejus enim Regno omnia Mundi regna subacturo agit, Dan. 2. 44. vocemq; & votum fidelium omnium exprimit, illud quod & Sibylla olim:

O mihi tam longè maneat pars ultima vitæ!

Quis erit ille tam beatus, tam felix, qui hac videat, hoc est, qui sentiat, & intelligat, & credat, quia hac ita fecerit Deus? sic Rabanus in Numer. Eadem voti nostri sententia est, circa quod spectare libet 1. Petentem; Quis ille? incertum: Pauperem in spiritu & afflictum aliquem, sub tempus finitæ jam, aut ferè finitæ, captivitatis Babylonicæ fuisse, qui summo cum desiderio instaurationem novæ Hierosolymæ Regemq; Messiam expectaverit ac exflagitaverit, ipsa inscriptio, contextus, & antecedentia

dentia testantur, ut Apostoli allegationem taceam
 Hebr. I. §. 10. 11. confer Gesner. h. l. 2. Petitum;
 cujus *præfatio* fiduciali & amabili constat Dei allo-
 quio: *Mj Deus*, spes & fiducia mea, in cujus mani-
 bus sortes meæ, fons vitæ, baculus senectutis meæ:
Petitio ipsa emphaticū habet verbum: אֶל-תְּהַלְנִי
Al-thaalenī, ne facias me adscendere Arias M. alii;
 ne auferas, tollas, succidas, avellas me &c. Variæ
 Metaphoræ, humanæ vitæ fugacitatem explicantes:
 Est enim quasi fumus, aut *pulvis*, quem facilè susci-
 tat ventulus, ut adscendat & evanescat, vide h. l.
 Mollerum. Est quasi *flosculus* aut herba solstitia-
 lis, mille casibus exposita: Similis est *stationi mili-
 tis*, quæ & certam habet ex lege horam, & ex Ducis
 imperio nullam, undè Vulgatus; *ne revoces me!*
 Cū vita ergò nostra adeò vana sit; *Nam insomni-
 um quasi fumus minimè consistens, spectrum, quod
 teneri nequit; avis prætereuntis volatus, navis in
 mari vestigium non habens, pulvis, vapor, ros matu-
 rinus, flos suo tempore nascens, & suo tempore mar-
 cesens, &c.* Greg. Naz. Orat. 10. obsecrat Deum
 vitæ authorem & moderatorem suæ, & diutiùs se
 velit superesse, nec adeò properet auferre è medio:
 Non quòd mori deprecetur, in quo sitam scit bea-
 tissimam fidelium requiem, sed quòd in dimidio die-
 rum suorum mori; ut solent crudeles & impii, qui-
 bus fatale tamen ante diem vindex Dei manus ab-
 rumpere consuevit, Psalm. 55. 24. Hæc petitio;
 considero autem 3. quoque Petitionis finem;
 nec

nec enim piis per se sola longa vita optabilis adeo est; quam Seneca *Vermium & Muscarum Bonum* vocat l. 3. de Benef. cap. 31. ut graviter moneat S. Augustinus l. Quinquag. serm. 1. *Quisquis es amator longæ vitæ, esto potius bonæ vitæ. Nam si malè vivere volueris, longa vita non erit verum bonum, sed longum malum*: & Paulinus ad Licent. scitè dixit:

Vive, precor, sed vive Deo: nam vivere mundo

Mortis opus; viva est vivere vita Deo!

Alioqui ζὼν θανάτῳ πάντος χαλεπωτέρεα, *vita omni peior est morte*, Chrysost. de jejun. nec nullo certo, aut verò etiam improbo fine exoptat se longæviorē pia illa mens; non ut diutiùs opibus inhiare, voluptatibus indulgere, Genio litare, dignitates ambire liceat, quæ stultorum vota sunt, quos tandem mors inopina opprimit, frustrà invidiam obiectantes, quòd destinata ad umbilicum perducere non licuerit. *Hæc sunt consilia mortalium! hæc vota magnarum cogitationum!* Petron. in Satyr. Absit, ut tale πᾶσι eveniat Bonæ Menti! Itaque quæ petitionis hujus causa fuerit, præmisit noster ille petitor, Psalm. 102. cit. ψ. 14. 17. 22. 23. *Videre gestiit novam Jerusalem, videre Regem Christum &c. Ne tollas me, inquit, de mundo isto in dimidio dierum meorum: adduc me ad mundum venturum,* juxta Chaldaum Interp. in quo pax & justitia se exosculabuntur, &c.

Habes ergò in hoc voto, præter exemplum ardentissimi desiderii fruendi Rege & Regno Mes-

fiæ, quod in ruborem meritò dare debet ôscitantiam & fastidium nostrum ; Documenta *de vitæ longævitate*, cujus 1. *Author* Deus, Fons ille vivus, Psalm. 42. 2. qui vitam ut omnibus dat, datamq; conservat; Actor. 17. 25. 27. Job. 10. 12. sic longævam piis sæpè promissit, promissamq; præstitit, Exod. 20. 12. Psalm. 91. 16. &c. *Author* solus & quidem omnis veræ vitæ, naturalis, gratiosæ, gloriosæ, quem & pro isto dono fideles implorare soliti sunt, ut David Psalm. 119. 17. 116. 175. & 143. v. 11. Hiskias Esai. c. 38. 2. *Finis verus* : Vivere Deo, qui vitam dedit, ac meritò reposcit,

Totoq; nostra jure Domini vindicat

& corda, & ora, & tempora;

Se cogitari, intelligi, credi, legi,

Se vult timeri, & diligere.

S. Paulin. Epist. 1. ad Auson. Vivit autem Deo, qui, mundo & peccato mortuus, sic proximo vivit, ut propter Deum; sic sibi, ut discat bene nôsse Deum & bene possemori. *Ita vivere totâ vitâ discendum est: & quod magis fortasse miraberis, totâ vitâ discendum est mori*, Seneca de Brev. Vitæ cap. 7. Quæ pro dignitate si vellem exsequi, spaciosus ineundus esset campus; hîc angustiore me gyro inclusi. 3. *Media & Remedia*, quibus longævitas comparetur, ostendunt 1. *dieta* à Deo Medico præscripta, passim per Sacras literas, quæ donum hoc obedientiæ, pietati, misericordiæ, sobrietati, castitati, mansuetudini aliisq; virtutibus promittunt, Deut. 6. 2. Prov. 3. 2. 16. 21. & cap. 21. 21. 1. Tim. 4. 8. Matth. 5. 5. Sirac.

Sirac. 37. 34. Job. 5. 17. 25. &c. 2. *exempla longæ-
vorum*, ut Patrum antediluvianorum, de quorum
longævitate, & causis, Interpp. in Genes. cap. 5.
hîc non inculcanda. Alia Ravisii Officina suppe-
ditat. Ex quibus omnibus extruî potest 1. *Infor-
matio*; vitam longævam licitè à Deo peti; mortem
autem temerè optari non debere; qua de re D. Ger-
hard. de Morte Tom. VIII. num. 67. 2. *Refutatio*;
Stoici illius & Astronomici fati, quod multos ho-
diè defensores invenit: *Ortum finemq; vitæ, actus
etiam nostros universos, studia, cupiditatesq;, & quic-
quid illud est, quod ad humane rationis conversatio-
nem pertinet, fatalis necessitatis inevitabili sententiâ
contineri*, ut Firmicus ait l. 1. Astronom. cap. 3.
Nam, si ante & extra omnem causarum prævisi-
onem fatale punctum absoluto Dei decreto cuique
ab æterno fixum est, irritæ non modò sunt omnes
illiusmodi preces, sed & impiæ: Rectè responde-
retur ad omnes illud vulgatum:

Desine fata Deum flecti sperare precando.

Vide D. Gerhard: l. cit. num. 61. 3. *Exhortatio*;
vitam ergò piè prudenterq; instituamus, ne fatalem
illam horam acceleremus: Mortem venientem
promptè excipiamus, ut missam à Deo &c. De-
nique ut ad pensum meum tandem accedam; Di-
scant Juvenes, *Senectutis coronam obedientie pal-
mam esse*: Discant Senes *longævitatem suam Dei do-
num esse*, ne de ea querantur, ut fieri amat. Nam *Se-
nectutem ut adipiscantur, omnes optant, eandem accu-*

sant adepti, Cicero de Senect. ut verè dictum fuerit à Theodectæ apud Stobæum serm. 66:

Similis senectus est in hac renuptiis;

Et has & illam cupimus admodum adsequi;

Et has & illam dein adepti, ringimur.

Agemus igitur de Officiis

I. JUVENUM.

Apostolica hæc Periocha continet Exhortationem 1. Specialem ad Juniores: 2. Generalem ad omnes.

De Priore; *Subiectum* sunt *νεώτεροι* & quidem *Presbyteris* relativè oppositi. Beda ergò per juniores intellexit *ordinis inferioris clericos*; per Presbyteros *Senatum Ecclesiæ*. Sequitur Bened. Justinianus & argumenta affert 1. ex vocabulo *ὀψιμωτός*, quo ad præcedentem admonitionem respicitur, ad Presbyteros dignitate directam. 2. Quia non est verisimile, nomine hoc Presbyterorum Apostolum aliter usum ψ. 5. atque ψ. 1. Jam 3. S. Ignatii M. similis sententia est ad Philadelph. *Laici subsint Diaconis; Diaconi Presbyteris; Presbyteri Episcopo; Episcopus Christo, ut ipse Patri*. Objicit Beza consuetudinem Ecclesiæ, quæ juvenes procul dubio ad sacra munia non promovit. Estius itaq; juvenes intelligit subditos, 1. Quia & alibi *νεώτεροι* subditi, ut Luc. 22. 26. 2. Quia illud, similiter, significare videtur officium reciprocum bene regendi & promptè obediendi. 3. Quia idem S. Paulus:

lus : Obedite præpositis vestris & subjacete eis, Hebr. 13. 17. Communis tamen expositio est, agi de junioribus & senioribus ætate. Transfert enim Apostolus hypothesein ad thesin, & compendio sic ostendit officii, quod Dei Ministris debent auditores, qualitatem, ut simul expromat æquitatem ac necessitatem. Æquum enim, imò necessarium est, ut ætate inferiores majorum sequantur ductum, ne fiat illud, quod dici solet: *ἀνω ποταμῶν, sursum flumina!* aut istud: *ἡ ἄμαξα τὸν βῆν ἐλαύνει, currus trahit bovem.* Ergò, inquit, non vos modò auditores discite subesse vestris in Domino Patribus & Doctoribus; sed in universum similiter omnes ætate juniores, provectioribus, dignitate, virtute, rerumq; usu præstantibus. Probatur hæc explicatio sequentibus, ubi adhuc altiùs evehitur Apostolus: *Omnes, omnes,* inquit, *subjecti estote,* de quo suo mox loco. Ex quo & illud apparet, frustrà objici huic sensui ab Estio, quòd juvenes senibus reverentiam tantum debeant, non etiam propriè obedientiam. Ultramq; debere mox elucescet.

Predicatum continet officium erga senes. His enim sociat illos. Nec sine causa. Ætas hæc lubrica est. Eget duce & gubernatore bono: Eccl. 11. v. 10. Nam *qui venturi sunt in virtutis adoptionem, illo tamen adolescentie lubrico, ut non cadant, titubant,* Latin. Pacatus in Panegy. Theodolj. Multa multis perperam

Persuadet teneris heu lubrica moribus ætas,
Claudian. de Raptu Proserp. l. 3. Ergò

Regenda magis est fervida adolescentia,
Seneca in Octav. cum in varia & enormia feratur
vitia gradu præcipiti. Notus est characterismus
Horatianus; juxta quem adolescens

*Cereus in vitium flecti, monitoribus asper,
Utilium tardus provisor, prodigus æris,*

Sublimis, cupidusq; amata relinquere pernix &c.
Verissimè ergò quisquis est apud August. serm. 246.
in princ. *Elos ætatis, periculum mentis.* Cumq; o-
mnis vita humana septa sit variis tentationibus, qua
de causa homo cum seculo nascitur, vitam plenam mi-
seria, velut Propheta futuri laboris sui, præconio la-
crymosæ vocis ingreditur, ibid. Quid sentiendum
est de flagrantia juvenilis ætatis? utique hæc pluribus
atque majoribus tentationum tempestatibus qualitur.
Hæc fluctuum crebriore impetu seculi inundantis o-
peritur, &c. Eadem ætas flexibilis interea est, fle-
cti corrigiq; se sinit. *In cunctis ferè rebus citius af-*
suesciunt, quod tenerum est. Novellas adhuc & vix
firmæ radicis arbusculas, dum ad omnem ductum se-
quaces sunt, in quamlibet partem flecti facile est, quæ
naturâ plerunque curvata citò ad arbitrium colentis
corriguntur, Hieronym. ad Demetriad. Ne feras
ergò graviter, ô Bonæ Spei juvenis, senibus te de-
di in contubernium, & ætates tam disparatas uno
necti vinculo.

Udum & molle lutum es, nunc nunc properan-
das, & acris

Fingendus sine fine rotâ, - Persius Satyr. 3.

Ver est hæc aitas, sic enim Eratosthenes Cyrenæus
etatem

atatem vigentem ver, quæ eam consequitur, ætatem
 & autumnum, & senectutem hiemem esse dicebat
 apud Stobæum serm. 263. Culturâ igitur opus ha-
 bet, quâ concupiscentiæ, voluptatis, iræ furorisq; ac
 similium passionum stirpes exscindantur; inserantur
 autem primum in puerilis ætatis animas surculi, quo-
 rum fructus ipsas enutriet: Bonarum artium & li-
 terarum; &c. in juveniles verò perfectiores, planta
 prudentiæ, fortitudinis, temperantiæ, justitiæ, omnisq;
 virtutis, Philo de Agricult. Idq; faciendum tantò
 est studiosius, quantò ver hoc interit citius.

- Festinat enim decurrere velox

Elosculus, angustæ miseræq; brevissima vitæ

Portio. Dum bibimus, dum serti, unguenta,
 puellas,

Poscimus, obrepit non intellecta senectus.

Juvenal. Satyr. 9.

Indicat ergò S. Petrus juvenilis conversationis,
 objectum, actum, effectum.

I. Objectum; Non sint impii, non Har-
 pyiæ, non Sirenes illæ, de quibus Prov. 1. 10. Sap. 4.
 12. Prov. 5. 2. Sirac. 13. 1. Des Teuffels Doctvögel.
 Anima, quæ capta est, fit aliis laqueus &c. Nam ut
 perdix comprehensa alius quasi esca proponitur, quæ
 nondum capta sunt: circa illam enim auceps laqueos
 disponit, ut voce suâ reliquas circumvolitantes ad eos
 alliciat, S. Ephrem de Recta Vitæ Rat. num. 22. Ita
 hîc: nec minore compendio perit virtus, fama, a-
 nima. Paucorum est, quod Tharsia canit in Histor.
 Apollonii Tyrii, ut dicere liceat:

*Per sordes gradior, sed sordium conscia non sum:
Sic rosa de spinis nescit violari ullis.*

*Solis radius etsi commercium habeat cum luto, purus
tamen manet & impollutus: at ego idipsum faciens*
πῦρ ἢ καὶ θαλάττης δεήσομαι, *fontibus & ipso opus
habebo Oceano. Conversantem improbis manere in
ingenio, nulloq; modo commoveri, τὸ τοῦ Θεοῦ μὴ
ὄν & εἶναι, hæc Dei laus est; homo meritò recuset,
sua sibi conscius & metuens infirmitatis, &c. Syne-
sius Epist. 57.*

*Ut qui se flammæ aut fumo junxere propinquos,
Aut flammæ aut fumi referunt in corpore signa;*
Gregor. Naz. Carm. 1. de Reb. suis; *Ita in conver-
satione. Qui apud claudum habitat, claudicare di-
scit. Qui cum canibus dormit, cum pulicibus surgit.*
Adhæc verè dictum illud est:

*Noscitur ex comite, qui non cognoscitur ex se,
Nati hominis mores divulgat inventa sodalitas, & qui
ignoratur per originem, similium clarescit affectu,*
Ennodius in vita Anton. cap. 4. *Deniq; it anima
in præceps, malis associata, & quorum inscitur cul-
pis, eorum feritur & pœnis. Liberanda est igitur vi-
gilanter de periculosis locis navis, ne inter scopulos &
saxa frangatur. Exuenda est velociter de incendio
sarcina, priusquam flammis supervenientibus cre-
mentur. Nemo diu tutus est periculo proximus, Cy-
prian. l. 1. Epist. 11. Væ improbo, & væ vicino ejus!*
Hebræorum Proverbium est. *Nec Charon dæ mo-
dò Lex fuit: Ne quis malorum familiaritate utere-
tur; qui & Actionem prave societatis instituit, gra-
vemq;*

veniq; reis multam dixit, Diodor. Sicul. l. 12. Eadem antè unici Legislatoris jussio Dei, qui & mysticè immundis ideò animalibus abstinere jussit, vide Aristæam de LXX. Interpp. & Clem. Alex. l. 3. Pædag. c. 2. Gen. 19. 17. Num. 16. 26. Esai. 52. 11. Psalm. 1. 5. 1. Prov. 4. 14. & 13. 20. 1. Cor. 15. 33. 2. Cor. 6. 14. &c. Demum aut scuto aut pedibus mors vitanda est. Tu qui pugnare & superari potes & vincere. Ego cum fugero, non vincor in eo, quod fugio, sed ideò fugio, ne vincar; nulla securitas est vicino serpente dormire; potest fieri, ut me non mordeat; tamen potest fieri, ut aliquando me mordeat, Hieron. contra Vigilant. Bonis ergò adhærendum. Pastori & Lanio unà iter facientibus occurrit agnus pinguisissimus. Is deliberans, in cujus se dederet societatem & fidem, quis uterque esset, exquisivit. Re compertâ Lanium fugit, Pastori se tradidit, & ad illum conversus; Tu, inquit, generis nostri carnifex es; hic verò altor & nutricius, apud Maxim. Tyrium Dissert. 9. Sit igitur conversationis electio, ut adjungamur probatissimis quibusq; senioribus, Nam ut aequalium usus dulcior;

[Ætatum parium similis concordia: narrat
Cum sene canicies, ludit cum pube juvenus,

Author Daretis de Bello Trojano l. 2. 5. 100.] ita senum tutior est: qui magisterio quodam & ductu vite colorat mores adolescentium, & velut murice probitatis inficit. Nam si hi, qui sunt ignari locorum, cum solertibus viarum iter adoriri gestiunt; quanto magis adolescentes cum senibus debent novum sibi

dentia testantur, ut Apostoli allegationem taceam
 Hebr. i. 10. 11. confer Gesner. h. l. 2. Petitum;
 cujus *præfatio* fiduciali & amabili constat Dei allo-
 quio: *Mj Deus*, spes & fiducia mea, in cujus mani-
 bus sortes meæ, fons vitæ, baculus senectutis meæ:
Petitio ipsa emphaticū habet verbum: אֶל-תְּעַלְנִי
Al-thaalen, ne facias me adscendere Arias M. alii;
 ne auferas, tollas, succidas, avellas me &c. Variæ
 Metaphoræ, humanæ vitæ fugacitatem explicantes:
 Est enim quasi fumus, aut *pulvis*, quem facilè susci-
 tat ventulus, ut adscendat & evanescat, vide h. l.
 Mollerum. Est quasi *flosculus* aut herba solstitia-
 lis, mille casibus exposita: Similis est *stationi mili-*
ris, quæ & certam habet ex lege horam, & ex Ducis
 imperio nullam, undè Vulgatus; *ne revoces me!*
 Cū vita ergò nostra adeò vana sit; *Nam in somni-*
um quasi sumus minimè consistens, *spectrum*, quod
teneri nequit; *avis prætereuntis volatus*, *navis in*
mari vestigium non habens, *pulvis*, *vapor*, *ros matu-*
tinus, *flos suo tempore nascens*, & *suo tempore mar-*
cescens, &c. Greg. Naz. Orat. 10. obsecrat Deum
 vitæ authorem & moderatorem suæ, & diutiùs se
 velit superesse, nec adeò properet auferre è medio:
 Non quòd mori deprecetur, in quo sitam scit bea-
 tissimam fidelium requiem, sed quòd in dimidio die-
 rum suorum mori; ut solent crudeles & impii, qui-
 bus fatale tamen ante diem vindæ Dei manus ab-
 rumpere consuevit, Psalm. 55. 24. Hæc petitio;
 considero autem 3. quoque Petitionis finem;
 nec

nec enim piis per se sola longa vita optabilis adeo est; quam Seneca *Vermium & Muscarum Bonum* vocat l. 3. de Benef. cap. 31. ut graviter moneat S. Augustinus l. Quinquag. serm. 1. *Quisquis es amator longæ vitæ, esto potius bonæ vitæ. Nam si malè vivere volueris, longa vita non erit verum bonum, sed longum malum: & Paulinus ad Licent. scitè dixit:*

*Vive, precor, sed vive Deo: nam vivere mundo
Mortis opus; viva est vivere vita Deo!*

Alioqui ζὼὴ θανάτου παντὸς χαλεπωτέρα, *vita omni peior est morte*, Chrysost. de jejun. nec nullo certo, aut verò etiam improbo fine exoptat se longævio-rem pia illa mens; non ut diutiùs opibus inhiare, voluptatibus indulgere, Genio litare, dignitates ambire liceat, quæ stultorum vota sunt, quos tandem mors inopina opprimit, frustrà invidiam objectantes, quòd destinata ad umbilicum perducere non licuerit. *Hæc sunt consilia mortalium! hæc vota magnarum cogitationum!* Petron. in Satyr. Absit, ut tale παῖς & eveniat Bonæ Menti! Itaque quæ petitionis hujus causa fuerit, præmisit noster ille petitor, Psalm. 102. cit. v. 14. 17. 22. 23. Videre gestiit novam Jerusalem, videre Regem Christum &c. *Ne tollas me*, inquit, *de mundo isto in dimidio dierum meorum: adduc me ad mundum venturum*, juxta Chaldaum Interp. in quo pax & justitia se exosculabuntur, &c.

Habes ergò in hoc voto, præter exemplum ardentissimi desiderii fruendi Rege & Regno Mes-

fiæ, quod in ruborem meritò dare debet oscitan-
tiam & fastidium nostrum; Documenta *de vitæ
longævitate*, cujus 1. *Author* Deus, Fons ille vivus,
Psalm. 42. 2. qui vitam ut omnibus dat, datamq;
conservat; Actor. 17. 25. 27. Job. 10. 12. sic lon-
gævam piis sæpè promisit, promissamq; præstitit,
Exod. 20. 12. Psalm. 91. 16. &c. *Author* solus &
quidem omnis veræ vitæ, naturalis, gratiosæ, glo-
riosæ, quem & pro isto dono fideles implorare so-
liti sunt, ut David Psalm. 119. 17. 116. 175. & 143. v. 11.
Hiskias Esai. c. 38. 2. *Finis verus*: Vivere Deo,
qui vitam dedit, ac meritò reposcit,

Totoq; nostra jure Dominj vindicat

& corda, & ora, & tempora;

Se cogitari, intelligi, credi, legi,

Se vult timeri, & diligi.

S. Paulin. Epist. 1. ad Auson. Vivit autem Deo, qui,
mundo & peccato mortuus, sic proximo vivit, ut
propter Deum; sic sibi, ut discat bene nôsse Deum
& bene possemori. *Ita vivere totâ vitâ discendum
est: & quod magis fortasse miraberis, totâ vitâ discen-
dum est mori*, Seneca de Brev. Vitæ cap. 7. Quæ
pro dignitate si vellem exsequi, spaciosus ineundus
esset campus; hîc angustiore me gyro inclusi.
3. *Media & Remedia*, quibus longævitas compare-
tur, ostendunt 1. *diata* à Deo Medico præscripta,
passim per Sacras literas, quæ donum hoc obedien-
tiæ, pietati, misericordiæ, sobrietati, castitati, man-
suetudini aliisq; virtutibus promittunt, Deut. 6. 2.
Prov. 3. 2. 16. 21. & cap. 21. 21. 1. Tim. 4. 8. Matth. 5. 5.
Sirac.

Sirac. 37. 34. Job. 5. 17. 25. &c. 2. *exempla longæ-
vorum*, ut Patrum antediluvianorum, de quorum
longævitate, & causis, Interpp. in Genes. cap. 5.
hic non inculcanda. Alia Ravisii Officina suppe-
ditat. Ex quibus omnibus extrui potest 1. *Infor-
matio*; vitam longævam licitè à Deo peti; mortem
autem temerè optari non debere: qua de re D. Ger-
hard. de Morte Tom. VIII. num. 67. 2. *Refutatio*;
Stoici illius & Astronomici fati, quod multos ho-
diè defensores invenit: *Ortum finemq; vita; actus
etiam nostros universos, studia, cupiditatesq; & quic-
quid illud est, quod ad humane rationis conversatio-
nem pertinet, fatalis necessitatis inevitabili sententiâ
contineri*, ut Firmicus ait l. 1. Astronom. cap. 3.
Nam, si ante & extra omnem causarum prævisio-
nem fatale punctum absoluto Dei decreto cuique
ab æterno fixum est, irritæ non modò sunt omnes
illiusmodi preces, sed & impiæ: Rectè responde-
retur ad omnes illud vulgatum:

Desine fata Deum flecti sperare precando.

Vide D. Gerhard. l. cit. num. 61. 3. *Exhortatio*;
vitam ergò piè prudenterq; instituamus, ne fatalem
illam horam acceleremus: Mortem venientem
promptè excipiamus, ut missam à Deo &c. De-
nique ut ad pensum meum tandem accedam; Di-
scant Juvenes, *Senectutis coronam obedientia pal-
mam esse*: Discant Senes *longævitatem suam Dei do-
num esse*, ne de ea querantur, ut fieri amat. Nam *Se-
nectutem ut adipiscantur, omnes optant, eandem accu-*

sant adepti, Cicero de Senect. ut verè dictum fuerit à Theodectæ apud Stobæum serm. 66:

Similis senectus est in hac renuptiis;

Et has & illam cupimus admodum adsequi;

Et has & illam dein adepti, ringimur.

Ageinus igitur de Officiis

I. JUVENUM.

Apostolica hæc Periocha continet Exhortationem 1. Specialem ad Juniores: 2. Generalem ad omnes.

De Priore; Subjectum sunt *νεώτεροι* & quidem *Presbyteris* relativè oppositi. Beda ergò per juniores intellexit *ordinis inferioris clericos*; per Presbyteros *Senatum Ecclesiæ*. Sequitur Bened. Justinianus & argumenta affert 1. ex vocabulo *οἰκίως*, quo ad præcedentem admonitionem respicitur, ad Presbyteros dignitate directam. 2. Quia non est verisimile, nomine hoc Presbyterorum Apostolum aliter usum *ψ. 5.* atque *ψ. 1.* Jam 3. S. Ignatii M. similis sententia est ad Philadelph. *Laici subsint Diaconis; Diaconi Presbyteris; Presbyteri Episcopo; Episcopus Christo, ut ipse Patri.* Objicit Beza consuetudinem Ecclesiæ, quæ juvenes procul dubio ad sacra munia non promovit. Estius itaq; juvenes intelligit subditos, 1. Quia & alibi *νεώτεροι* subditi, ut Luc. 22. 26. 2. Quia illud, similiter, significare videtur officium reciprocum bene regendi & promptè obediendi. 3. Quia idem S. Paulus:

lus: Obedite præpositis vestris & subjacete eis, Hebr. 13. 17. Communis tamen expositio est, agi de junioribus & senioribus ætate. Transfert enim Apostolus hypothesein ad thesin, & compendio sic ostendit officii, quod Dei Ministris debent auditores, qualitatem, ut simul expromat æquitatem ac necessitatem. Æquum enim, imò necessarium est, ut ætate inferiores majorum sequantur ductum, ne fiat illud, quod dici solet: ἄνω ποταμῶν, *sursum flumina!* aut istud: ἢ ἄμαξα τὸν βῆν ἐλαύνει, *currus trahit bovem.* Ergò, inquit, non vos modò auditores discite subesse vestris in Domino Patribus & Doctoribus; sed in universum similiter omnes ætate juniores, provectioribus, dignitate, virtute, rerumq; usu præstantibus. Probatur hæc explicatio sequentibus, ubi adhuc altiùs evehitur Apostolus: *Omnes, omnes*, inquit, *subjecti estote*, de quo suo mox loco. Ex quo & illud apparet, frustrà objici huic sensui ab Estio, quòd juvenes senibus reverentiam tantum debeant, non etiam propriè obedientiam. Ultramq; debere mox elucescet.

Prædicatum continet officium erga senes. His enim sociat illos. Nec sine causa. Ætas hæc lubrica est. Eget duce & gubernatore bono: Eccl. 11. v. 10. Nam & qui venturi sunt in virtutis adoptionem, illo tamen adolescentiæ lubrico, ut non cadant, titubant, Latin. Pacatus in Panegy. Theodolj. Multa multis perperam

Persuadet teneris heu lubrica moribus ætas,
Claudian. de Raptu Proserp. l. 3. Ergò

Regenda magis est servida adolescentia,
 Seneca in Octav. cum in varia & enormia feratur
 vitia gradu præcipiti. Notus est characterismus
 Horatianus; juxta quem adolescens

*Cereus in vitium flecti, monitoribus asper,
 Utilium tardus provisor, prodigus æris,*

Sublimis, cupidusq; amata relinquere pernix &c.
 Verissimè ergò quisquis est apud August. serm. 246.
 in princ. *Elos ætatis, periculum mentis.* Cumq; o-
 mnis vita humana septa sit variis tentationibus, qua
 de causa homo cum seculo nascitur, vitam plenam mi-
 seria, velut Propheta futuri laboris sui, præconio la-
 crymose vocis ingreditur, ibid. Quid sentiendum
 est de flagrantia juvenilis ætatis? utique hæc pluribus
 atque majoribus tentationum tempestatibus quatitur.
Hæc fluctuum crebriore impetu seculi inundantis o-
peritur, &c. Eadem ætas flexibilis interea est, fle-
 cti corrigiq; se sinit. In cunctis ferè rebus citius af-
 fuescitur, quod tenerum est. Novellas adhuc & vix
 firmæ radicis arbusculas, dum ad omnem ductum se-
 quaces sunt, in quamlibet partem flecti facile est, quæ
 naturâ plerumque curvata citò ad arbitrium colentis
 corriguntur, Hieronym. ad Demetriad. Ne feras
 ergò graviter, ô Bonæ Spei juvenis, senibus te de-
 di in contubernium, & ætates tam disparatas uno
 necti vinculo.

Udum & molle lutum es, nunc nunc properan-
das, & acri

Fingendus sine fine rotâ, - Persius Satyr. 3.

Ver est hæc ætas, sic enim Eratosthenes Cyrenæus
etatem

etatem vigentem ver, quæ eam consequitur, ætatem
 & autumnum, & senectutem hiemem esse dicebat
 apud Stobæum serm. 263. Culturâ igitur opus ha-
 bet, quâ concupiscentiæ, voluptatis, iræ furorisq; ac
 similitum passionum stirpes exscindantur; inserantur
 autem primum in puerilis ætatis animas furculi, quo-
 rum fructus ipsas enutriet: Bonarum artium & li-
 terarum; &c. in juveniles verò perfectiores, planta
 prudentiæ, fortitudinis, temperantiæ, justitiæ, omnisq;
 virtutis, Philo de Agricult. Idq; faciendum tantò
 est studiosius, quantò ver hoc interit citius.

- Festinat enim decurrere velox

Elosculus, angustæ miseræq; brevissima vita

Portio. Dum bibimus, dum seria, unguenta,
 puellas,

Poscimus, obrepit non intellecta senectus.

Juvenal. Satyr. 9.

Indicat ergò S. Petrus juvenilis conversationis,
 objectum, actum, effectum.

I. Objectum; Non sint impii, non Har-
 pyiæ, non Sirenes illæ, de quibus Prov. 1. 10. Sap. 4.
 12. Prov. 5. 2. Sirac. 13. 1. Des Teuffels Lockvögel.
 Anima, quæ capta est, sit alius laqueus &c. Nam ut
 perdix comprehensa aliis quasi esca proponitur, quæ
 nondum capta sunt: circa illam enim auceps laqueos
 disponit, ut voce suâ reliquas circumvolitantes ad eos
 alliciat, S. Ephrem de Recta Vitæ Rat. num. 22. Ita
 hîc: nec minore compendio perit virtus, fama, a-
 nima. Paucorum est, quod Tharsia canit in Histor:
 Apollonii Tyrii, ut dicere liceat:

*Per sordes gradior, sed sordium conscia non sum :
Sic rosa de spinis nescit violari ullis.*

*Solis radius etsi commercium habeat cum luto, purus
tamen manet & impollutus : at ego idipsum faciens*
πηγῶν καὶ θαλάττης δεήσομαι, fontibus & ipso opus
habebo Oceano. Conversantem improbis manere in
ingenio, nulloq; modo commoveri, τῷτο Θεὸς μὴ
ῥῶν & ἔστω, hac Dei laus est ; homo meritò recuset,
sua sibi conscius & metuens infirmitatis, &c. Synec-
sus Epist. 57.

*Ut qui se flammæ aut fumo junxere propinquos,
Aut flammæ aut fumi referunt in corpore signa ;*
 Gregor. Naz. Carm. 1. de Reb. suis ; Ita in conver-
 satione. *Qui apud claudum habitat, claudicare di-*
scit. Qui cum canibus dormit, cum pulicibus surgit.
 Adhæc verè dictum illud est :

*Noscitur ex comite, qui non cognoscitur ex se,
Nati hominis mores divulgat inventa sodalitas, & qui*
ignoratur per originem, similium clarescit affectu,
 Ennodius in vita Anton. cap. 4. Deniq; it anima
 in præceptis, malis associata, & quorum inficitur cul-
 pis, eorum feritur & pœnis. Liberanda est igitur vi-
 gilanter de periculosis locis navis, ne inter scopulos &
 saxa frangatur. Exuenda est velociter de incendio
 sarcina, priusquam flammis supervenientibus cre-
 mentur. Nemo diu tutus est periculo proximus, Cy-
 prian. l. 1. Epist. 11. *Væ improbo, & vae vicino ejus!*
 Hebræorum Proverbium est. Nec Charon jam mo-
 dò Lex fuit : *Ne quis malorum familiaritate utere-*
tur ; qui & Actionem prave societatis instituit, gra-
vemq;

venm̃q; reis multam dixit, Diodor. Sicul. l. 12. Eadem antè unici Legislatoris jussio Dei, qui & mysticè immundis idè animalibus abstinere jussit, vide Aristæam de LXX. Interpp. & Clem. Alex. l. 3. Pædag. c. 2. Gen. 19. 17. Num. 16. 26. Esai. 52. 11. Psalm. 1. 1. Prov. 4. 14. & 13. 20. 1. Cor. 15. 33. 2. Cor. 6. 14. &c. Demum aut scuto aut pedibus mors vitanda est. Tu qui pugnas & superari potes & vincere. Ego cum fugero, non vincor in eo, quod fugio, sed idè fugio, ne vincar; nulla securitas est vicino serpente dormire; potest fieri, ut me non mordeat; tamen potest fieri, ut aliquando me mordeat, Hieron. contra Vigilant. Bonis ergò adhærendum. Pastori & Lanio unà iter facientibus occurrit agnus pinguis. Is deliberans, in cujus se dederet societatem & fidem, quis uterque esset, exquisivit. Re compertâ Lanium fugit, Pastori se tradidit, & ad illum conversus; Tu, inquit, generis nostri carnifex es; hic verò altor & nutricius, apud Maxim. Tyrium Dissert. 9. Sit igitur conversationis electio, ut adjungamur probatissimis quibusq; senioribus, Nam ut equalium usus dulcior;

[Ætatum parium similis concordia: narrat
Cum sene canicies, ludit cum pube juvenus,

Author Daretis de Bello Trojano l. 2. 100.] ita senum iunior est: qui magisterio quodam & ductu vite colorat mores adolescentium, & velut murice probitatis inficit. Nam si hi, qui sunt ignari locorum, cum solertibus viarum iter adoriri gestiunt; quàm magis adolescentes cum senibus debent novum sibi

vita & iter aggredi, quò minùs errare possint, (in bivio illo Herculis constituti) & à vero tramite virtutis deflectere, Ambrosius l. 1. Offic. cap. 43.

2. Actus ipsumq; officium consistit in eo, ut juvenes seniores 1. Non spernant, quod & animi affectu fit, cum odere, aut vilipendunt; & vario gestu, opereq; ipso. Das Ey will immer gescheider seyn als die Henne. *Quid est aliud vir senex quam vox & umbra!* ait ille apud Euripid. *Senes bis pueri.*

Vir est molestus junioribus senex, ait Menander. *Odiosa hæc ætas est adolescentulis, Terent.* Et quantò horum ingenium magè præcox est; tantò & procax. Quo fit, ut senum prudentia & in consiliis maturitas juvenibus ipsis senio fit & odio. Qui contemptus magno sæpè stetit, ut vel sacra exempla testantur, vide 1. Reg. 12. 10. & 2. Reg. 2. & 23. *At frustra flores suos majoris æstimat juvenitus, quam fructus senectutis. Cassi illi sæpè & inanes; hi dulces & salubres. Ego nisi de messe non gratulor, ut solet avarus agricola, qui ubertatem anni nisi in horreis non metitur,* ait Ennodius ad Johann. in Monum. Orthod. p. 284. *Senes docere vis, nunquid Sus Minervam? aut ceca cauda viam ostendet capiti oculato?* vide Esai. 9. 14. ubi senes caput, cauda juvenes. Quid ergò? 2. Colant, audiant, obediunt, vide Levit. 19. 32. Esai. 3. 2. 5. Sirac. 6. 35. & 8. 7. 11. *Colant;* Prov. 16. 31. ut Rerump. fulcra, Ecclesiæ columina, familiæ lumina.

Plus

Plus valet umbra senum, quàm gladius juvenum.

Nive hac solutâ multum fit luti. Obice hoc remoto, perumpunt malorum torrentes. Cadentibus his tibicinibus, stare Resp. diu nequit. Clausis his oculis, omnia tenebescunt. Remotis his naucleris, in Syrtes & scopulos fertur navigium. Exempla notissima sunt, nec opus est, ut Soli præferam facem. Ergò, ut ait Phocylides,

*Incanum reverere caput; concede senectæ
Sede & honore omni: majorem denique natæ
Æqualemve Patri aequali cole semper honore.*

Qua de causa rectè à Platone illud inter leges relat-
tum: *Quisq; seniore, re & verbo, colat. Ac si vi-
ginti annis major est, quasi Patrem, si vir fuerit; aut
si mulier, quasi Matrem revereatur, lib. 9.*

Magna fuit quondam capitis reverentia cani:
In populo Dei, cujus legem & mores Levit. 19. l. c.
Thren. 5. 12. 14. Job. 29. 8. *Ægyptii* apud He-
rodot. l. 2. *Lacedæmonii* ex lege Lycurgi, Xeno-
phon. de Lacedæmon. Repub. Plytarch. an seni
ger. Resp. &c. *Romani* Halicarnass. l. 6. cap. 57.
A. Gell. l. 2. cap. 15. aliæq; nationes imitatae: undè
Juvenalis;

*Credebant hoc grande nefas & morte piandum,
Si juvenis vetulo non assurrexerat*

Satyr. 13. Adcò in honore senectutis omnes gen-
tes nationesq; , degeneres paucas humani ritus &
genii excipe, conspirasse videntur. *Audiant; & ab
illis discant. Nam*

Ultima

*Ultima consiliis melior, sed viribus agra,
Corpore succumbit, mentem purgata senectus,*
Prudent. l. 2. adv. Symmach.

Quare si sapiens, & si pius es puer: audi

Et cape verba Patrum consiliūq; senum,
S. Paulin. ad Licent. Deut. 32. 7. Job. 8. 8. 9. Joël. 1.
3. Sir. 8. 11. Hic enim ordo est; *omnem disciplinam
pueri discunt, juvenes ostentant, senes docent,* Apu-
lejus 4. Florid. Sic

A bove majori discit arare minor.

Sed & denique obediunt; Quid enim prodest audi-
entia, si desit obedientia? quæ senibus debetur, &
quia Patrum loco sunt, & quia prudentiâ rerumq;
usu antecellunt: ut sperni eorum consilia neque il-
linc possint sine impietate, neque hinc sine temeri-
tate. Παιδαρχὸν ἢ νεότης, ἡγεμονικὸν δὲ τὸ γέρας,
*ad parendum facti sunt juvenes, ad imperandum se-
nes,* Plutarch. An seni ger. Resp. Itaque apud ple-
rasque gentes senibus clavi Rerum publ. traditi, de
quo mox,

Nomen & ætatis mite Senatus habet,

ut & apud Hebræos, & Græcos. Habet tamen o-
bedientia quoq; hæc, ut omnis post eam, quæ Deo
debetur, fines suos. Et ut alicubi dixit Petrus Chry-
solog. *Obsequium, ratione cælens, fervor est; ratio-
ne carens, furor.* Non itaque simpliciter sequendi sunt
nobis Parentes, qui secuti sunt feliciter suos, ut puta-
vit Symmach. in Relat. *Non annorum canicies est
laudanda, sed morum,* Ambros. contra Relat. vide
Job. 32. 8. 9. Ezech. 20. 18, *Neque vetulus canthe-
rins*

rius quàm novellus melior, nec canitudini comes virtus, Varro Aborig. apud Non. Marcell. &c.

3. Effectus ; sic Gratiam dabit Deus. Coronabit juvenes coronâ *virtutum, honorum, late conscientia*. Virtutum ; ad quas Senum ipse adspectus illex esse potest, & dux. *Magna pars peccatorum tollitur, si peccaturis testis adjistat. Et ô felicem illum, qui sic aliquem vereri potest, ut ad memoriam quoque ejus se componat, atque ordinet. Qui sic aliquem vereri potest, citò erit verendus, Seneca Epist. 11. Nulla est libido tam vecors, quam non capiat, quum in consortium temperantia venerit : Dejecit oculos deformis ignavia, ubi ei pulchritudo virtutis objecta : tergiversari atque herere petulantiam videas, gravitate modestia & decore confusam ; Nazarius in Panegy. Constantini Imp. ut Chamaeleon, ad quoscunq; se applicuerit, eos induit colores ; sic juvenus. Fitq; sæpè, ut ante canos capitis canescat animo. Talis fuit S. Macarius Ægyptiis, ob præcocem virtutem παῖδα εὐνοίῳ dictus, Pallad. Lausiac. Hist. cap. 19. etate juvenis, maturitate senex, Hieron. l. 1. Comm. in Esai. Talis Aurelius apud Cyprianum, in annis adhuc novellus, sed in virtutis ac fidei laude provectus. Minor in etatis sue indole, sed major in honore, l. 2. Epist. 5. Sic Scipio Africanus & Pompejus etatis cursum virtute provecti, Panegy. Max. & Constant. Sic Julianus ἐν μετῇ καὶ πρεσβύτης, Eunap. in Maximo, & apud Ammian. Marcell. l. 25. Virtute senior quàm etate. Sic Piso apud Silium Italic. l. 8.*

Ore puer, pueriq, habitu, sed corde sagaci

Aequabat senium, atq, actu superaverat annos.

Sic Carolus Ludov. Imp. Filius agili prudentia studio immaturam vincendo propriam superabat etatem, apud Frechulph. in præfat. l. 8. Chron. Sic Fridericus Barbarossa apud Günther. l. I. v. 285.

Mente senex, etate puer, - & v. 110:

- meritisq, supervenit annos,

ubi vide Rittershus. Notas. Sic ille Chæremonis Medici discipulus adspectu adolescens, & quantum ad ingenium pertinet senex, Symphosius in Hist. Apollon. Tyrii. Habetis, juvenes, quod & sectari & sperare debeatis. Porro juventutis decus, corona virtutum, non uno tantum aut altero constat flore. Nobilia ferta nisi multiplicibus pratorum non componuntur spoliis: ex variis gemmis una diadematis solet constare formatio: semper admirabilis electri corpus numerosa metallorum membra pepererunt, ait de hac ipsa Ennodius in Epist. ad Ambros. & Beat. Monum. Orthod. pag. 469. Præcipuè tamen ornant hanc ætatem I. Caltha Pietatis, Solem quasi suum semper respiciens; Psalm. 119. 9. Eccles. 12. 1. Tob. 4. 6.

Nulla Dei siquidem est acceptior hostia, quàm quæ Immaculata tibi primis offertur in annis,

Alcim. Avit. ad Soror. Fuscin. Beatus planè, qui vel in senectute correxit errorem; beatus, qui vel sub ictu mortis animum convertit à vitiis. Ambros. de Obitu Valentin. Sed quantò beatiùs juvenem ferre jugum Domini ab adolescentia, Thren. 3. 27.

Matth.

Matth. 11. 28. Nam in his, qui jam provectioris ætatis crediderunt, inest quidem præteritorum, per donum gratiæ, indulgentia; sed non abest, per conscientie naturam, gestorum recordatio, Hilarius in Psalm. 118. lit. Beth. Itaq; ei, qui post decursæ juventutis annos jugum tulerit, non est statim perfectum bonum. Stimulant enim eum peccata sua, exagitat conscientiam consuetudo peccandi, & usus erroris instabilem facit. Luctandum est diu hujusmodi viro, ut abolere faciat inveterata atque diuturna. Ambros. in eund. Psalm.

*Quid retrahis fera colla jugo? mea sarcina lenis,
Suave jugum: Christi est vox pia; crede Deo.*

S. Paulin. ad Licent. 2. Liliū castitatis; flos, in quo omnes juventutis Veneres & venustates, qui ubi emarcuit,

Nulli ullum pueri, nulla optavere puella.

Castitas munimentum est sanctimonie, & expugnationis fortis infamie: Pronuba sanctitatis, & repudium turpitudinis: honestatis portus, & ignominie naufragalis locus, &c. Cyprian. aut quisquis est de singular. Cleric. vide 1. Cor. 7. 34. Tit. 2. 5. Sap. 6. 20. & exempla Josephi Gen. 39. 8. Tobie cap. 8. 5. Salomonis Sap. 8. 20. &c. nota sunt. Acolasti illi, qui in omni se volutabro mergunt, ad exitium festinant, velut avis ad laqueum, nec patrimonia tantum prodigunt, sed & corpora & animas, Proverb. 5. 3. 6. cap. 7. 23. Luc. 15. 13. Libidinosa & intemperans adolescentia effæctum corpus tradit senectuti, ait Cicero de Senect. & probat experientia. Bene autem

tem Ennodius l. cit. ad Ambros. & Beat. cùm ad castitatem exhortatus esset adolescentes ; *hac tamen*, inquit, *ventris castigatione procuretur, ne inimica ejus ferculorum populosis nutriatur erroribus.*

Pingua nam tenuem suffocant corpora sensum,

Et malefarcta suas conculcant viscera mentes,

Ita ille. Cohæret 3. Rosa verecundiæ ; non Veneris adulterino, ut de Rosa fingunt Poëtæ ; sed Bonæ Mentis ingenuo sanguine purpurans ; proprium adolescentiæ ornamentum : *Ut enim in senibus gravitas, in juvenibus alacritas ; ita in adolescentibus verecundia velut quâdam dote commendatur nature*, Ambros. l. i. Offic. cap. 17. Exemplum Joseph : *Ita castus, ut ne sermonem quidem audire vellet nisi pudicum ; humilis, usque ad servitutem ; verecundus, usque ad fugam ; patiens, usque ad carcerem ; remissor injuriæ, usque ad remunerationem. Cujus tanta verecundia fuit, ut comprehensus à muliere, vestem in manibus ejus fugiens mallet relinquere, quàm verecundiam deponere*, ibid. *Est verecundia pudicitie comes, cujus societate castitas ipsa tutior est*, &c. Ibid. Sed & cæterarum virtutum quasi pædagogus est & custos ingenuus pudor. Estq ; inter verecundiæ innumera præconia hoc verissimû, quòd sit Bonæ Spei nuncia, bonæ indolis index, apud Bernhard. serm. 86. in Cant. Gratia & gloriæ Pronuba, Sirac. 32. 14. Nullum æquè manifestum indicium columbinæ simplicitatis, & idè etiam testis innocentie, Bernh. l. cit. Ergò ad disciplinarum arcem properantes, matrem bonorum operum
amate

amate veracundiam, quæ ita ex se variarum species virtutum, fecunda & virgo, parturit, ut impudentia procax & corrupta, vitiorum, Ennod. loc. cit. His omnibus ante omnia inferatur 4. Fidei & Sapientię Christianæ Amarātus purpureus, immarcessibilis, gloriæ & æternæ coronam tandem pariens amarantinam, 1. Pet. 5. 3. Mater virtutum omnium, vitiorum victrix & triumphatrix, undè pudicitia apud Ennodium l. cit. sic ait:

*At mihi crux cuspis, crux scutum, cruxq; corona:
Hac tegar, hac feriam, hac pacis fœdera firmem.
Hæc mihi Dux belli, quo victrix, lubrica calcans,
Dira cupidinei detestor mella veneni.*

Fides, inquit, sicut in emendatis moribus principem locum obtinet; Ita suis spoliata dotibus non tenetur &c. Et vel ob hanc solam senibus adhærescere juvenes oportebat, canamq; ex eorum ore bibere fidem, quâ & ipsi animo canescant, & dicere possint illud:

*Canescant alii mento, nos mente: capillo;
Nos animo: facie; nos pectore: tempora quippè
Virtutem non prima negant, non ultima donant,*
sic Poëta Britannus in Daret. Bello Trojano, l. 1. v. 20. Hoc studium fuit Davidis, Psalm. 119. 9. 99. Salomonis, Sap. 8. 1. Timothei, 2. Tim. 3. 15. Sapienter ergò Siracides commendat, cap. 6. 18. & passim. Sic Vicelinus, Aldenburgerensis pòst circa ann. 1128. Episcopus, sub Hartmanno quodam Padebornensi studiis operatus, perdius & pernox in bonis literis assiduus & accubus, dicenti aliquando

Præceptorî; ô Viceline, Inimîs præcipitanter agis, habes sat multum adhuc temporis, in quo plurima possis addiscere; respondit, ut est apud Helmold. in Chron. Slavor. cap. 43. Cranz. in Metropol. l. 6. c. 11. his versibus; - *Ecce recorder,*

Me libris tardas applicuisse manus:

Festinare decet, patitur dum tempus & atas.

Quali diceret cum Ben Sira: *Dies brevis, & opus multum:* aut cum Hippocrate: *Vita brevis, ars longa, occasio praecept, &c.* Vos ergò, ô juvenes, maximè monemus & hortamur, ut verè virtutis pulchritudine capiàmini. Nulla species terrena vel caelestis, nullus fulgor metallorum, nulla nemorum amœnitas, nulla florum purpura, nullus vel naturalis vel adhibitus carnis ornatus, nullus quarumlibet chordarum atque tibiarum sonus, nulla odorum jucunditas, nulla saporum suavitas, nulli amplexus; pulchritudini, inspirationi, dulcedini, fomentis Sapiëntia comparantur, August. serm. cit. 247. de Temp. Superest 5. Viôla illa humilitatis, quâ ad Sapiëntiam contentibus nullum magis necessariû est ἐφ'ὅδῳ. Tum quia, ut Bion rectè censuit apud Laërtium, *stulta illa philantia persuasio*, τῆς φιλοφρονείας ἐγγυρὴ, profectus impedimentum est: [Multi ad Sapiëntiam pervenirent, quibus ipsa quasi Minerva tœniam porrigit ut apud Petronium Trimalchioni, nisi stultè crederent, se jam pervenisse. Statim sapiunt, statim sciunt omnia: neminem verentur, imitantur neminem, atq; ipsi sibi exempla sunt, Plin. l. 8. Epist. 23.]

Τὸ νείον ἀπὸ τοῦ ὑψηλοῦ ἐστὶ καὶ θεῖον,

Juve-

Juvenilis indoles superba est & procax.

Atq; adeò semper magno ingenio adolescentes refrenandi potius à gloria, quàm incitandi sunt, Cicero pro Cælio.] cum quia ante Virtutem, ante Sapientiam sudorem, ut ait Hesiodus, posuit divina providentia, quæ tantum thesaurum noluit obvenire dormitantibus: tum & denique, quia ipsa senum conversatio, animus morosus, aspera Virtutum exactio, patientiam desiderant, cujus humilitas comes aut potius nutricula est.

Doctor amarus enim discenti semper Ephebo,

Nec dulcis ulli disciplina infantie est,

Prudent. Peri Steph. hymn. 12. v. 27. Esto igitur humilis, esto patiens, cole Virtutem hanc, quàm raram tam charam in juventute. Rara sanè est in juvenibus humilitas, ideoq; miranda. In qua etate subjectio degeneris conscientie æstimatur esse infirmitas, ut docet S. Ambros. in Psalm. 118. 141. serm. 18. Specta granda præmium & securus expecta. Quid enim? Multi multa patiuntur propter pecuniam perituram; & tu non vis pati propter vitam mansuram? Sic recusas laborare pro Dei promissis; quasi non laborares pro cupiditatibus tuis? Quanta patiuntur pro sua iniquitate latrones? quanta patiuntur pro suis sceleribus perdit? pro sua nequitia luxuriosi? pro sua avaritia negotiatores, mare transmeantes, ventis tempestatibusq; corpus & animam committentes, sua relinquentes, ignota quærentes? Quid ergo magnum imperat tibi Sapientia, quod non posset imperare & avaritia? Augustin. serm. 245. Potuit Jasonem

juvenem per saxa per ignes ducere famæ cupiditas, - *tu sola animos mentemq; peruris,*

Gloria: Te viridem videt immunemq; senecta

Phasidis in ripa stantem, juvenesq; vocantem,

Valer. Flacc. l. i. Argonaut. Non possit te vera illa & æterna gloria suscitare, quæ humilitatem, patientiam, fidem consequitur? Nam, quod & præmonuimus, coronam Virtutum excipit certo ordine corona honorum. A Virtutis sacella in Honoris sanum rectà transitur, Valer. Max. l. i. cap. i. Itaque plurimum laudis juvenes nostri moribus suis applicant, quoties, de negotiorum meritis ambigentes, ad peritorum consilia decurrunt, Sidonius Apollin. l. i. Epist. 10. *Quadam*, ait Symmachus, *scintilla est Sapientia Virtutum luminibus applicari.* Et Plinio iudice l. i. Epist. 17. *Virtutibus abundat, qui alienas amat.* Sic Hesychius in Levit. 19. l. 6. Comm. p. 459. duas allegat rationes, cur honorare senes æquum bonumq; sit? *Habet enim tempus, inquit, aliquid amplius procul dubio ad prudentiam; sed & honorem, quem provectoribus impendimus, nos quoque à minoribus merebimur.* Deniq; quanta fuit Josephi gloria, quanta Danielis? fuit ille Principum Princeps, hic iudex judicum. Tantum valet Virtus in animo juvenili senilis! Tandem læta conscientia beabit, cujus præmium inæstimabile est. *Da labores juventutis tuæ Christo, & in senectute gaudebis super pacatissimæ quietis opibus: ea, qua in juventute congregaverimus, cum in senectute postea debiles fuerimus, non nutriunt & consolantur.* Laboremus
juvenes

juvenes ardentem, curramus sobriè & vigilanter: mors enim incerta horis omnibus imminet, ait Johannes Climacus Scolæ Paradisi gradu primo sub fin. Ergo, ut cum Columella dicam,

Invigilate viri; tacito nam tempora gressu

Diffugiunt, nulloq; sono convertitur annus,

At si surdâ hæc aure spreveris, teq; omnibus immerferis vitiis, ô mea juvenus, frustra pôst paulò que reris:

O mihi transactos referat si pristina soles

Latificis aurora rotis! cum Licentio ad August.

Cui evenit, quod antè prædixerat S. Paul. ad Licent.

Serus, & incassum spes accusabis inanes,

Et modò, quæ nectis, rumpere vincla voles.

Heu quàm sæpè id usus reipsâ comprobat, nec solus Tibullus dixerit:

Vidi jam juvenem, premeret cùm serior etas,

Mœrentem stultos præterisse dies.

Lib. I. eleg. 4. Ita ille:

Damna fleo rerum, sed plus fleo damna dierum,

Quisq; potest rebus succurrere, nemo diebus.

Tantum de Officio Juvenum, de quo summatim Ambros. I. Offic. c. 17. Est igitur bonorum adolescentium timorem Dei habere, deferre Parentibus honorem, habere senioribus reverentiam, castitatem tueri, non aspernari humilitatem, diligere clementiam ac verecundiam, quæ ornamento sunt minori etati. Eò spectat pulcherrimum jusjurandum. Persarum juvenum, cùm ex Ephëbis excessissent: Ego contemnâ omne malum lucrum, contemnâ corporis

voluptatem, contemnā inānem gloriā: amē labor,
autem Virtutem, & colam divinū Numen ac Pa-
rentes, vera dicens, & bona agens, neque horū quip-
piam sciens violabo & valens, apud Isidorū Pelu-
siot. l. 4. Epist. 198. Pulchrū quoque simile jura-
mentum juvenum Atticorū in fano Agrauli, quæ
filia fuit Cecropis, præstitum anno XX. ætatis, quo
inscribi solebant, τῷ ἀνξιαρχικῷ δεσµοτείῳ, alio
civium: Non dehonestabo arma, neque præstitem re-
seram, quicumque obtigerit. Pugnabo pro aris & fo-
cis, & solus & cum multis, neque patriam tradam
detiorem. Navigabo adversus terram quamcunq.,
Decernentibus auscultabo ac legibus constitutis, &
quas alias populus prudenter feret, morem geram. Si
quisquam tollere leges aut non obedire velit, non per-
mittam. Pugnabo verò & solus & cum omnibus, sa-
craq., patriæ honorabo. Horū mihi Dii agrestes ie-
stes sunt, [nisi mavis Θεοὶ Ἀγραυλῶν, Dii Agrauli]
Enyalios, Mars, Jupiter! Jul. Pollux l. 8. cap. 9. O-
nomast. Meurs. Athen. Attic. l. 1. c. 7. & c. Hæc de
admonitione Petrina Priore, nunc agendum quoq;

De Posteriorē; ea constat, ut breviter me
expediam, 1. Propositione, 2. Confirmatione,
3. Exhortatione.

Propositio apud Vulgatum sic habet: omnes au-
tem invicem humilitatem insinuate: Sed ut Estius
annotat, plus est in Græco: Omnes invicem subji-
cientes vos, humilitatem ἐν ὑποβώσῃ δε. Allesamt send
untereinander unterthan/ und haltet eest an der De-
mut. In quo præcepto spectandum 1. Quis, 2. Qui-
bus,

bus, 3. Quid, 4. Quomodo præstare debeat? *Quis?* Omnes. Non simpliciter, sed quisque in suo ordine; ὑποτάσσόμενοι, *subordinati*, ut vertit Cornelius à Lap. Agitenim Apostolus cum ordine inferiori iisdem verbis, quibus S. Paulus antè dixerat: ὑποτάσσόμενοι ἀλλήλοις ἐν φόβῳ Θεοῦ, *subjicientes vosmet invicem in timore Dei*, quod per μετὰ τὸν deducit, uxores puta Viris, liberi Parentibus, servi Dominis, Ephes. 5. ψ. 21. & seqq. Quanquam hæc Regula aliquâ parte ad omnes omninò spectet. Nam licèt ὑποτάξι non sit omnium, est tamen omnium ταπεινοφροσύνη. Certè *modestia neque summis mortalium spernenda est*, & à Djs, ait Tacitus, *æstimatur*, 15. Annal. *Quantò majores, tantò magis humilitatem cole!* Sirac. 3. ψ. 20. Ratio multiplex: Quia excelsis adjacent prærupta, & ex alto facilior casus est. Quia *felicитatis plerunque & celsitudinis pedisequia est superbia*. Quia quantò rarior est in isto statu, tantò pretiosior & clarior modestia. *Non enim magnum est, humilem esse in abjectione: magna prorsus & rara virtus est humilitas honorata*, Bernhardus serm. 4. super; *Missus est*. Quia nullis majori opus est Dei gratiâ, quàm quos in sublimi constituit. *Nam cùm augentur dona, rationes etiam crescunt donorum*, Gregor. M. hom. 9. in Evang. Quod exempla Evangelici Dispensatoris, & Servi Nequam demonstrant, Luc. 16. & 18. Matth. Quo respectu ne summis quidem dedecori erit ὑποτάξι aliqua, quâ se Sapientibus subjiciant & regi sinant, ut regere alios possint. Sed pergo;

Quibus? omnibus invicem, quibus par est. Undè S. Paulus adjecit: ἐν φόβῳ Θεοῦ. *Obsequium ratione calens fervor est*, ait Petrus Chrysologus, *ratione carens furor est*. Nec cæcam exigit Apostolus obedientiam; sed oculatam, cui viam præluceat Pietas, - *tutissima Virtus!* *Quid?* ἡσυχία requirit Apostolus, & ἡπειροφροσύνη; illa magis externa, hæc interna; hæc radix, illa fructus est. *Subjectio* consistit in agnitione divinæ subordinationis; ut inferior agnoscat, à Deo sibi superiorem præpositum, qui Deus est ordinis: in exhibitione debitæ observationis; quâ verbo, quâ opere, quâ patientiâ, de quibus jam sæpius. Ταπεινοφροσύνη modesta *mentis submissio* est, quâ quis immemor quasi collatæ dignitatis aut præcellentiæ, in consideratione suæ propriæ vilitatis, memor se hominem esse, nihil magni de se, sed demissè planè sentit, vi vocabuli. *Humilitas*, ajunt ex Bernhardo, *est Virtus, quâ homo verissimâ sui agnitione sibi vilescit*. *Quomodo?* hoc indicat verbum illud Græcum ab Apostolo hîc positum: quasi diceret: *amicite vos intrinsecus*, Syrus, Tremell. *sitis intus ornati*, Beza, *infixam habete*, Erasmus, *devincite vobis*, & *compingite*, Camerarius in Annotat. Περιβάλεθε, *induite*, Oecumen. Apud Hesychium est ἐγκυμβωθεὶς, δεθεὶς. Et ἐγκυμβωμα, σόλισμα. Etymologici Magni Autor notat: ἐγκυμβωμα esse δεσμὸν τῶν χειρῶν, qui ab Atticis dicatur ὄχθοιβα, vel ab aliis κρούμβη. Ἐγκυμβώσα δὲ est propriè nodo vestem adstringere, & succingere, sich schürzen und vest gürtten. Vult igitur Apo-

Apo-

Apostolus modestiam quasi *penulam viatoriam* optimè astringi debere, daß die Demut gegeneinander verknüpfft / und ineinander geflochten sey / daß sie der Teuffel mit keiner List noch Kunst trennen möge / ut habet glossa D. Lutheri marginalis. Pulcherrima Metaphora: variisq; piis cogitationibus præbens materiam: *Vita viatoris quasi transiens: Transivére patres, simul hinc transibimus omnes.* Via lutulenta & lubrica est: peregrinatio ipsa periculosa, per sentes, per insidias, per procellas & tempestates. Et nudus se aliquis committat itineri? sine chlamyde, sine perone, sine galero, sine machæra, sine viatico? habebit omnia, qui modestiam, qui humilitatem. *Ei non erit querenda penula, ut ajunt, in imbri.* Sit tantùm succincta & nodo insolubili adstricta. Nam ut in fabulis *Viatori Sol & Venus certabant penulam eripere*, vide Camerarii Fab. ita modestiam prospera & adversa. Hæc persequi si velim, finem non habebit hæc tractatio. Bene & appositè Martialis:

Ingrediare viam cælo licet usque sereno:

Ad subitas nunquam scortea desit aquas.

Confirmatio: Quia *Deus superbis*, ὁ ὑπερφύσους, qui super omnes se conspiciendos efferunt, *resistit*, ἀντὶ τῆς ὑπερφύσεως, gradum quasi in pugna contrà componit, totoq; nisu & omnibus quasi copiis opponit se: *humilibus autem dat gratiam.* Hæc ipsa sententia extat Prov. 3. v. 34. juxta versionem LXX. Interpp. ubi in fontibus: *Deus deludet illusores, & mansuetis dabit gratiam.* Deus tanquam sine contumeliæ propulsa,

pulsator, velut quoddam suscepit adversus superbiam speciale certamen, *Ambrosius in Ps. 118.* Adeò frequens, adeò innumeris comprobata hæc sententia est exemplis, ut apud omnes ferè populos in Proverbum abierit. *Æsopus* interrogatus à *Chilone*, *quid ageret in cælo Deus?* *Alta*, inquit, *humiliat; & humilia exaltat.* Sic - *feriunt summis Fulmina montes!* In vallibus ros cadit, & flores crescunt, &c. Superest

Exhortatio: Humiliamini igitur sub potenti manu Dei, ut vos exaltet in tempore visitationis, sic Vulgatus: Græcè simpliciter: ἐν καιρῷ, quando erit opportunum, zur rechten Zeit. In quo nova argumenta humilitatē suadentia. *Potens Dei manus*, quâ sternit insolentes; & *consequens exaltatio*, & *sapiens Providentia directio*, quâ omnia fiunt in tempore. Omnia ad deterrendos superbos, ad erigendos humiles comparata. Quid superbiat vermis, cinis, fimus? qui sub potenti manu Dei vix tantillum est, quantillum pulex aut cimex? Nam & his vilissimis insectis sæpè ultus est Deus contemptum superbiorum, ut in *Joëlem* docui. Hæc sola manus exaltare potest: quâ sine qui cupiunt tolli, inflati rumpentur, ut rana *Æsopia*. *Unica ad sublimitatem via est humilitas, quam exemplo suo prævit Dei Filius, ut docet Greg. Naz. Orat. 48.* Nec festinare licet, ac frustra est. *Omnia tempus habent.* Quicquid certum deserit ordinem, *Latos non habet exitus*, canit *Boëthius*. Tu verò bona mens confide; respice omnipotentem Dei dextram. Quàm facile infimat sublimes, - *Tolluntur in altum, ut lapsu graviore ruant*, *Ps. 73. 19.*

tam facilè sublimat humiles, Ps. 113. 5. 6. Exaltabit te; hoc certò crede Ps. 18. 28. Job. 5. 11. Luc. 14. 11. Tu tantùm *morem* disce, *moram* suffer. Fiet id, quando illi visum, tibi commodum erit, Ps. 9. 5. 10. Fiet: si non in terris & in hac vita; tamen *in die visitationis*, in glorioso die sui adventus ad iudicium! Sed de his satis. Addemus paucula de Officiis

II. SENUM:

Tit. 2. 5. 1. *Senes sobrii sint, graves, temperantes, sani in fide, in dilectione, in patientia.*

Subjectum sunt *Senes*, πρεσβύτευ: non dignitatis, aut solo virtutis, sed ætatis respectu: dicti ἀπὸ τοῦ πρεσβεῖν εἰς τὸ τέλος τοῦ βίου. Est enim senectus peractio ætatis tanquam fabula, & quasi extremus actus, ut ait Cicero de Senect. qui eandem *vite occasum*; ut Plutarchus, ejus coronidem & facem, quæ domum à cœna redeuntibus præferri solet, appellârunt.

Prædicata. Varia, ut ait hîc Chrysostomus, habet hæc ætas ἐλαττώματα: τὸ νωθρὸν, τὸ ὀκνηρὸν, τὸ ληθαργικὸν, τὸ ἀμβλύ, τὸ ἀκρόχολον. De quibus Horatius: *Multa senem circumveniunt incommoda, &c.* Remedia apponit Apostolus. Quanquam sera videatur senum disciplina, ut Diogenes dixerit, *mortuum curare, & senem informare idem esse.* Vetuli canes loris non assuescunt. Senes pîttacus ferulam contemnit. *Arbor vetusta facilè transferri nequit.* Sed neq. ulla ad discendum ætas sera est, ut ait Ambro-

Ambrosius contra Symm. neq; gratiæ Dei obicem ponit per semetipsam senectus: qui quosdam vocat horâ novissimâ, Matth. 20. Quin & cum corpore deficiente ac marcescente, sensim peccatorum causæ & semina extinguuntur, *Stobæus serm. 116.* Sint ergò senes

I. *Sobrii*, νηφάλοι, quo vocabulo & abstinencia corporis à potu nimio, & mentis vigilantia ac circumspectio denotatur: ut in illo Epicharmi: νῆφε καὶ μέμνησο ἀπίσιν. Hoc tamen loco prior virtus propriè; nam de prudentia mox seorsim; est q; hæc sobrietas ejus quasi radix. *Anima sicca, anima sobria*, Heracliti verbo. Est quidem *vinum lac senum*: ac rectè disputat Clemens Alexandrinus 2. Pædag. c. 2. *permissum esse senibus, ut vino se hilarius invitent, quòd vitis hoc medicamen contra frigus ætatis salubre sit: animus verò senum quasi in portu stans, fundatus ætatis ac rationis anchoris, cupiditatum tempestates facilius sustineat, nec facile ex ebrietate patitur naufragium. Ceterum modum hunc tenendum esse, ut & mens illabefacta & memoria in officio maneat, corpusq; ipsum inconcussum servent, quales vocentur ἀκροθώγεκες, beräuschte: Quibus accidere solet, quod Zenoni Cittæo; qui interrogantibus, cur cùm alioqui durus, difficilis & morosus esset, tamen appotus fieret placidus & hilaris? respondisse fertur; idem sibi evenire, quod Lupinis, priusquam madefiant amarissimis, sed si irrigati macerentur, jucundis & dulcioribus, apud Athenæum.* Ebrietas verò ut omnibus, ita senibus maximè probrosa est.

Ridi-

Ridiculos facit pueris & juvenibus, exemploq; corrumpit, ac sæpe in extrema flagitia, pericula, mortemq; præcipitat. Exemplain S. Literis nota sunt, & in Historiis pervulgata.

2. *Graves, σεμνοί, venerabiles; pudici habet Vulgatus, quia gravitati & venerationi nil magis obstat, quàm lascivia & petulantia. Morum honestate comparatur. Honestè acta superior ætas fructus capit autoritatis extremos, Cicero de Senect. Hac de causâ, ut canit Ovidius,*

Magna fuit quondam capitis reverentia cani,

Inq; suo pretio ruga senilis erat.

vide Jobi cap. 29. v. 8. & seqq. Et nota est Catonis gravitas, quo præsentem ne meretrices quidem in Floralibus nudari ausæ sunt, *Seneca Epist. 96. Valer. Max. l. 2. c. 10.*

3. *Temperantes, σώφρονες, qui prudenter & moderatè se gerant in omnibus actionibus, nihil agant ex libidine, ira, aliisq; pravis cupiditatibus. Qui veterem hominem crucifixerint. Sophocles, cùm quidam ex eo jam affectâ ætate quæreret: utereturne rebus Veneris? Dj meliora! inquit. Libenter enim isthinc tanquam à Domino agresti ac furioso profugi, apud Ciceron:*

Turpe senex miles, turpe senilis amor.

4. *Sani in fide, in dilectione, in patientia. Hæc Christianarum Virtutum triga; hæc triplex senum corona est. Est alioqui hæc ætas proclivis ad superstitionem, cui & ideo anilis agnomen addi solet: prona ad diffidentiam & desperationem, atque*
indè

indè querula, ac avara, quò viæ minus superest, eò plus quærit viatici. Undè *tristis & queribunda senectus*:

*Stat dubius, tremulusq; senex, semperq; malorum
Credulus, & stultus, quæ facit, ipse timet,*

Cornel. Gallus eleg. 1. Charitas refrigescit, erga Deum & proximum: hinc invidia, hinc iracundia, quæ novissima dicitur senescere. His opponenda Pietas in Deum, fides in Christum, fiducia bona de perseverantia & futura remuneratione, precesq; ut Psalm. 72. & constantia in adversis, ex longo usu & assuetudine, ac inprimis spe finis, ac propinquitate coronæ. - *Algida Borra* (brumæ ac frigidi aquilonis) *etæ decrepitam* vocet ad pia sacra senectam, Prudent. in Psychomach. Bene Gregorius Nazianz.

*Semper saluti tu quidem stude tuæ,
Potissimam autem sub diem vitæ ultimum:
Venit senectus: exitum præco canit.
Parentur omnes, imminet iudex Deus!*

Seminet, ut mox metat, senex æternum.

*Colligis in cœlis, quicquid dispergis in arvis:
Semina nunc fundens post meliora metes.*

*Quicquid mundus habet, fugitivo tempore transit,
Tempore tu modico semper habenda facis.*

*Hic tibi longævis sit vitæ superstes in annis,
Rursus in æternum sit tibi vera salus.*

Venantius Fortunat. de Berthechilde. Sed finiendum hîc quoq; est. Movere possunt & debent senes

1. Mor-

1. Mortis meditatio : quæ juvenibus in infidiis,
senibus in januis.

Ecce caduca volant præsentia secula mundi:

Sola fides meriti nescit honore mori,

Fortunat. in Epitaph. Orientii. *Senex* dicitur quasi *seminex*. Alterum pedem habet in cymba Charontis. - *Letho vicina senectus*, Claudianus. Senectus aliam ætatem, quam speret, non habet; Incertum est, ipsa senectus quamdiu sit homini: illud tamen certum est, nullam remanere ætatem, quæ succedere possit senectuti, quia sic voluit Deus, *Augustinus Epist. 110.* 2. Conscientiæ tranquillatio : Cæteræ voluptates evanescent, imò amarescent, ut Barsillai docet 2. Samuel. 19. v. 35. hæc sola superest, & malam hanc ætatem edulcare potest. *Conscientia bene actæ vitæ, multorumq; benefactorum recordatio, jucundissima est*, Cicero, l. cit. Quàm dulce est voluptates fugâsse & fugisse? *Seneca Epist. 12.* 3. Peccatorum juvenilium recordatio, 1. Pet. 4. v. 1. 2. Damasus in Elegia de Cruce:

Lusimus in teneris Venerem lasciviis annis,

Lusimus unguentum, pocula, festa, jocos:

Crinis inest canus capiti: ver fluxit, & æstas,

Præstat in autumnno carpere poma senem.

Instat terminus, & diem vicinum senio jam Deus applicat? | *Quid nos utile tanti spatio temporis egimus?* Prudent. Procem. Carthemerin. Denique

4. Larga remuneratio. Beatus quidem & juvenis,

venis, qui bene vivit; sed magis beatus est senex, qui bene vixit. Quod enim juvenis sperat, adeptus est senex. Quod senex fuit, optat esse, qui juvenis est. Quod autem possideas, eo, quod adhuc speres, præstabilius est, *Ambrosius de Jacob. & Beata Vita l. 2. cap. 8.* Semper in civitate nostra senectus venerabilis fuit: namque majores nostri eundem prænè honorem senibus, quem magistratibus tribuebant, ait *Callistratus de Romanis, L. semper. De jur. immun.* Sequitur mors facilis. *Matura anima facile corticem corporeum relinquit*, ut ait Varro. Et post mortem in terris honesta fama:

Suavis justorum fragrat odor tumulo,
ut canit Venantius Fortunat. ad Jovinum, *Eccles. 7. v. 2.* Denique vita sine fine, juvenus sine senio, sanitas sine morbo, satietas sine fastidio, gloria sine periculo, in cœlis perennis! In qua consideratione hunc quoque Commentarium finio.

GRATIA TIBI DOMINE
JESU!



INDEX RERUM PRÆ- CIPUARUM.

A.

A Bnegatio sui,	59
Acciffare, Proverbium,	<u>226</u>
Actæonis fabula,	331
Adami calvaria,	71
Admonitionum utilitas,	<u>270</u>
Adventus Christi,	54. 61. 69
Agapæ,	211
Agricoltura spiritualis,	<u>359</u>
Alcyon,	<u>178</u>
Ambitio caprificus,	100
Ambrosii ordinatio,	118
Amor firmissimum præsidium,	<u>176</u>
Anabaptistæ,	152. vide Libertini.
Animalium <i>σερπεις</i> ,	<u>256</u>
Animorum indicia,	110
Aquila Parens,	<u>262</u>
Aranea mater infelix,	<u>265</u>
Ariani,	<u>41. 63</u>
Artes,	257. & seqq.
Atheniensium leges,	<u>36. 256. 264</u>
Avaritia,	68. 115
Auditus V. D. Auditorum officia,	<u>121. 127. 141. &c.</u>

Bb

Aurium

INDEX RERUM

Aurium pruritus, 92
 ΑΥΤΟΧΗΕΙΑ. 328

B.

Beneficentia, V. Bona opera, 247
 Beneficia Parentum compensari non possunt. 296

Bibliorum Versiones, 7

Bona Ecclesiastica, 239

Bonorum operum necessitas, 30. requisita, 16. 225

spiritualis agricultura & satio, 224

Bos arator, leges de eo, & honores habiti. 137

C.

Cajus & Caja, 305

Calvinianorum errores, 26. 58. 62

Calumniarum capita in Christianos olim, 146. 188

Canonistæ Episcopi, III. 112

Canthari in foribus Templorum, 126

Castitas, 68. 367. Conjugal. 185. 202. 205

Catechismus Lutheri, 9. 10. Paradisus. II. 12

Charitas imperfecta, 24. sine fide nulla, 25. 28. necessitas, 29

Christi Jesu cognitio, 41. Vid. Notitia. Verus Deus, ibid. duplex adventus. 54. Epiphania, 55. Magnus Deus, 61. 62

Christianismus, 23. & seqq. nomen, 31. quinam? 33. quæ in re consistat? ibid. & seqq.

Ciconiarum lex, 276

Civitas, Cives, 174

Clericorum exemptio, 148

Coma capitis, 179

Concio.

PRÆCIPUARUM.

Concionatoris officium, fusè 73. & seqq. V. Pa-
stores.

Concupiscentia triplex, 65

Confessio fidei, 67

Conjugium quid? 197. Conjugum officia, Me-
dit. 10. an vovèrè continentiam possint? 198

par cum pare, 200

Conjugium Sacerdotum. 103. 116

Consilarii Regum &c. 166. 169

Consolationes, 81

Consuetudines Ecclesiæ Apostolicæ paulatim in
desuetudinem venerunt, 135. 211. mala incor-
rigibilis. 258

Conversatio cum sapientibus, 50. 360. cum malis,
ibid.

Credere in Christum, 25. V. Fides.

Curiositas in fide. 53

D.

Debita charitas, 32. Debita solvenda, 162

Delphin pater liberorum amans. 296

Deo gratias agenda publicè, quomodo? 1. Dei di-
lectio, 29. notitia suo loco, præstantia cogi-
tanda. 66. ubiq; omnia speculatur, 172

Desertio Conjugum. 198

Diaconissæ in Veteri Ecclesia, 212

Digami an ordinari possint? 107. & seqq. 118.
119

Docendum verbis & factis, 80. 102. plura in ante-
ced. & seqq. V. Concionator. Doctrina, V.
Evang. Verbum Dei, sana quæ? 91

Bb 2

Docto-

INDEX RERUM

Doctores sint Patres.	270
Dominorum conditio & officium,	336
E.	
Ebrietas,	113. 313. 380
Ecclesiasticus status, Vide Episcopi, Pastores, &c. an Personæ Magistratui Politico subjectæ?	7 148
Educatio liberorum,	264. & passim, ibid.
Efficacia ministerii non dependet à persona mini- stri,	102
Eleemosynà, ejus præmium,	299. 300
Epileptici,	101
Epiphania quid? 57. quotuplex?	ibid.
Episcopi munus an desiderare liceat? aut appete- re? & alia multa, Medit. 6. & 7. an & quo- modo differant à Presbyteris? 96. Vocatio, & portæ illegitimæ, 99. An leges ferre pos- sint Ecclesiæ? 140. 149. 273. minus difficile,	210
Ericius, Patrisfamiliàs hieroglyphicum,	255
Eruditio necessaria Doctori Ecclesiæ,	87. III
Evangelica doctrina quid? ejus efficacia omnibus illuxit, 55. & seqq. Lex libertatis, 130. non ab- olet politias,	146
Exempla Parentum,	261
Exempli, bonæ conversationis, efficacia.	190. 193
Exhortationes,	80

F.

Fides quid? quæ causæ? 25. actus, 26. objectum, ibid. non est cæca, 27. non oralis, 28. non infru-	
--	--

PRÆCIPUARUM.

infructuosa, ibid. nequit divelli à charitate,
31. 230. fiducia, 43. 44. subjectum inhæsi-
 nis, 44. quomodo vita æterna? 45. quomo-
 do initium vitæ? 45. 46. sola iustificat, 46. fi-
 dem abnegare factis, 221

Fortuna alata, aurea, 167

G.

Galli gallinacei pro libertate moriuntur, 327

Glacies peccati hieroglyphicum, 301

Gladii jus, gladius prælatus Magistratibus, 159. cul-
 tusq; gladius pro Deo, ibid. stringendus in
 fures. 160

Gratia Dei quid? 56

Gratiæ agendæ Deo, 1. II

H.

Hæretici quomodo refutandi? 77

Honorare est sustentare, 136. 211

Honor, qui debitus, superioribus, in quo consi-
 stat? 290

Hospitalitas, 110

Humilitas, 185. 371. 375

Hymni Lutherani, 8. 9

Hypocrisis, 64. Paralogismo fallitur, 128

I.

Impietas quid? quæ partes? &c. 63. & seqq.

Implantatio, sive insitio arborum, 123. & seqq.

Infantes sine dentibus nascuntur cur? 142

Interpp. V. D. sint boni trapezitæ, 126

Iracundi quoniam? 186

Bb 3

Judi.

INDEX RERUM

Judices, eorumq; officia,	169. 170
Judicium extremum,	69
Juramentum Persarum & Atheniensium,	374
Justitia quid? &c.	67. 68
Juventus, Juvenum vitia, officia,	358. & seqq.
<i>L.</i>	
Laborantes digni mercede,	138
Lamiæ dracones,	255
Laodice à terra absorpta,	324
Leges Ecclesiasticæ,	V. Episcopi.
Leges in Tabulis, 14. earum authores,	15
quid? 160. an Politicæ obligent in conscientia?	161. & alia.
Liberorum officium, 250. & seqq. similes oleæ, 249	
pedibus,	250
Libertas Christiana, 130. vera servire Deo,	321
Libertas Christiana, malè intellecta,	146
Libertini, 62. & similes Fanatici,	124
Longanimitas erga peccantes,	84
Longævitas promissa quale præmium? 253. 284.	
	352. & seqq.
Luna Materfamiliàs,	320
Lutheri ministerio Ecclesiæ exhibitæ Dei beneficia, 1. & seqq. Biblia Germanica,	7
Hymni, 9. calumnia in Ecclesiam Lutheranam,	147

M.

Magistratus Politicus, fusè Medit. 9. p. 148. & seqq.	
quomodo timendus & contra? 158. V. Subditi. Finis ejus, 160. officia,	164. & seqq.
Male-	

PRÆCIPUARUM.

Maledictiones Parentum non irritæ sunt,	293
Maritorum officium, imperium, &c. 188. & seqq.	197. & seqq.
Matris honos, potestas, officium, 258. 277. & seqq.	290
curæ & ærumnæ,	120
Memoriæ bonæ hieroglyphicum,	71
Ministerium Ecclesiasticum, ejus dignitas, &c.	72. & seqq. fulc. V. Episcopus, Vocatio, totâ differt.
Modestia,	375. V. Humilitas.
Monachorum habitus, 110. vota.	Vide infra.
Monasteria in Ecclesia primitiva nulla,	236
Monasteria ingredi dissuadentibus Parentibus,	289
Monstruosi partus unde?	313
Mulierum cultus verus & falsus, 179. & seqq. malæ, 199. 200. officium docendi vetitum, 304.	V. Diaconissæ, creatio, an imago Dei? seductio, 307. 308

N.

Naturæ ingenium spectandum,	260
Negotiationes an licitæ Ministro Ecclesiæ?	115
Neophytus quis?	117
Nestoriani,	63
Nomen pro re nominata,	25
Notitia fidei, quanta necessaria?	27
objectum salviificæ, 40. principium,	43
naturalis & supernaturalis,	ibid.
Nuptiæ secundæ,	231. V. Conjugium.

INDEX RERUM

O.

Obedientia, <u>157.</u> & passim <u>ibid. 175.</u> in Domino,	<u>251</u>
Officium quid? quotuplex? 15. quisque suum faciat,	<u>20</u>
Oleæ termites hieroglyphicum liberorum,	<u>249</u>
Oratio & preces,	<u>51</u>
Ordo tenendus,	<u>18</u>
Origenis error, de animarum existentia inter corpora,	<u>213</u>

P.

Palmæ cor & cerebrum,	<u>31</u>
Paradisus, unde nomen? & alia,	<u>11</u>
Parentes quinquam? <u>251.</u> officium, 253. Patria potestas,	<u>262. 275. 288</u>
Pastores Ecclesiæ, V. Episcopi, Ministerium, Presbyteri, an verus, qui non docet? <u>134.</u> quo honore digni? <u>136. 139.</u> periculosa functio, <u>72. 73. 140.</u> stipendia.	<u>143</u>
Paterfamilias bonus, idoneus ad regnum est, Rex domus suæ,	<u>117. 272</u>
Patientiæ incitamenta,	<u>81. 82. 84</u>
Paulinus Nolanus vendit seipsum,	<u>315</u>
Pax & concordia,	<u>178</u>
Peccata venialia etiam cavenda,	<u>103. 185. 186</u>
Pelagiani,	<u>25. 26. 56. 62. 122. 182</u>
Phocionis apophthegma,	<u>267</u>

Pietas

PRÆCIPUARUM.

- Pietas bonum æternum, 38. sine ea nil prodest scientia, 47. 48. quid? quæ partes, &c. 65. & seqq. Vide p. 164.
- Pontificiorum errores de religione, S. cultu Dei & SS. 6. via salutis, 4. statibus hominum, 19. V. Dei efficacia, 26. 124. fide implicita, 27. fide sine charitate, 230. V. Christianismus. Bonorum operum necessitate, 30. Christianismo, 33. justificatione per fidem, 45. 131. vocatione & gratia universali, 58. de desiderio Episcopatus, 97. de conjugio Sacerdotum, 103. de meritis bonorum operum, 299. 300. purgatorio, ibid. &c.
- Potestas pro Magistratu, cur? 150
- Præmia & pœnæ. 261
- Præparatio cordis ad V. D. audiendum &c. 126
- Presbyteri quid differant ab Episcopis? 96. quinam? 133. quotuplices, ibid. & seqq. ut & 356
- Principatus, V. Magistratus, officia boni Principis, 164. & seqq.
- Proximus quis? 29
- Psalterium Davidis. 8. Germanicum Vetus, ibid.
- Publicani quales? 162
- Pueri, V. Liberi, & de institutione eorum, 270. & seqq. 257. & seqq.
- Puerperæ, puerperium officia utrinque, 303. & seqq.

INDEX RERUM.

Q.

Quantum Præceptum de honorandis Parentibus.

252. 259.

R.

Reges, Regna, eorum origo, 154. Vide Magistratus.

Religio quid? objectum, ratio, 5. 65.
hominis, maledicta, 6. non cogenda, 78

Reprehensio vitiorum, 79. 80. ingrata, 91. 92.

Rhenus explorat natos legitimos, 263

S.

Sacerdotium Christianorum N. T., 23

Sacerdotum V. T. requisita, 94. conjugia, 103

Sacrificia, 279. & seq.

Sanctæ mulieres, 193

Sancti qui? 225

Sapientiæ imago, 36. 47. nomen, divisio, definitio,
media acquirendi & alia, 47. usque 82.
ut & 86. & seqq.

Sara matronarum exemplum, 194

Scriptura S. fons, speculum, 47. & alia, V. Fidei
principium regula fidei. 74

Senectutis incommoda, 295. 356. officia, 379

Senes quomodo colendi? 295. & seqq. 357. &
seqq.

Serapis, simulachrum additum ei, 120

Servitutis olim mala, 324

Servorum status & officium, 321

Siculi fratres pii in Parentes, 296

Simia-

PRÆCIPUARUM.

Simiarum amor in catulos,	287
Simplicitas fidei,	55
Sobrietas,	380. V. Ebrietas.
Sol dominus Domus, 319. Stellæ servi,	320
Solatorum fontes,	81. 82
Σόφρων quis?	60
Sorte an eligendi Ecclesiæ ministri?	103
Speculum V. Dei,	128. & seqq. V. Script. S.
Status hominum,	16. 17
Stipendia Pastorum Ecclesiæ,	143
Stomachus Rex corporis,	147
Subditi,	150. & seqq. 174
Supplicia capitalis an licita?	160
Syllogismus practicus efficacissimus,	190. 191

T.

Temperantia,	60. 109
Tempus observandum,	75
Tentatio quàm utilis?	88. 89
Thesaurus Persarum Regis,	282
Timor & tremor quid?	330
Timor Dei, 50. 158. servilis Dei,	189
Tonfores,	180
Tributa & vectigalia,	149. 162. 176
Triptolemi leges,	269
Tritores eorumq; officium,	218.
Tyranni à Deo potestatem habent,	155. 158

U.

Vasculum humani corporis,	205
Verberare an liceat uxorem?	201
Ver-	

INDEX RERUM

Verberibus nemo benè instituitur,	271
Verbum Dei sapientiæ fons,	46. 47
efficacia,	26. 57. 121
Verbum Dei ἐμφυαν quidnam?	122
quomodo audiendum?	125. V. Auditus.
Verecundia,	368
Vestium cultus & luxus,	181. & seqq.
Via ad salutem quæ?	3
Vicinus bonus,	178
Viduatus Ecclesiæ,	210. & seqq.
Viduarum ingenium, officia, & vicissim quomodo curandæ? &c.	211. & seqq. 239. & seqq.
Viduarum miseria, 239. solatia, 281. officia,	242. &c.
Vigilantia,	109
Virginitas sine fide nihil,	185
Vita æterna in quo consistat? 44. longæva,	284
Vitæ emendatio, sine ea scientia nocet, 47. V. Pie- tas. & p. 63. ac seqq.	
Vitâ præsentī agenda pœnitentia,	61
Viventes mortui,	219
Unctio spiritualis,	31. 32
Vocatio Ministrorum, V. Episcopus,	98. & seqq.
Voluptas scabiei similis,	92. Vide 220
Vota Pontificia contra regulam Apostoli,	234
Urim & Thummim,	21
Urfa fingit natos,	266
Weigeliani, V. Libertini,	124
Uxores dominæ,	305

Uxoris

PRÆCIPUARUM.

Uxoris unius vir quis? 103. & seqq.
officium, 188. & seqq.


X.

Xanthiorum desperatio, 324
Xantippe pia in Patrem, 296

Z.

Zelotypia, 199
Zelus temperandus. 84

FINIS.



Errata.

Pag. 22. l. 9. l. infereretur. 23. 14. *consecratum*.
26. 11. protrudit. 46. 1. *hominem*. 51. 26. certatur.
53. 13. prostat. 55. 8. ollam. 56. 19. *creatorum*. 58. 2.
ad. 59. 7. claritatem. 60. 5. *quæ*. 65. 24. turmatim.
68. 28. exeat. 69. 26. *arescentem*. 73. 12. adjuratio.
23. mihi! 76. 22. prologo. 77. 10. esse. 83. 3. *frigent*.
84. 4. *Foris*. 8. *sonuerit*. 94. 10. *quæq;*. 100. 4. appa-
ruerit. 28. *casura*. 102. 8. *terra*. 112. 28. *virtutibus*.
125. 12. nos. 127. 13. *Multos*. 132. 12. post 4. *in*ferre
Si &c. 133. 24. *quæ*. 136. 25. Præcepto. 28. *æm*.
137. 29. *impenditur*, 139. 8. post *vobis* *in*ferre *in &c*.
142. 13. *omnes*. 146. 24. autem. 149. 22. *his*. 24. præ-
mittit. 150. 10. multi. 156. 26. contemptum. 161. 29.
vulneretis. 173. 13. debebat. 174. 2. ordine. 179. 28.
condem-

tondendo. 181. 25. *infelicit.* 182. 25. *concurrit.* 190.
6. *nondum.* 191. 6. *illabuntur.* 192. 2. *muliebribus.*
195. 10. *parendo.* 199. 16. *Exigui.* 201. 22. *pipulo.*
203. 23. *ut,* 204. 4. *me.* 21. Trajan. 205. 21. *partici-*
pes. 209. 15. *viduas.* 212. 20. *instructa,* 218. 10. *mul-*
tæ. 220. 12. *viperas,* 222. 9. *similes.* 224. 7. *senili.*
8. *quem.* 227. 6. *demonstret.* 12. *otia.* 229. 19. *ve-*
rè. 243. 5. *delectetur.* 245. 8. *suos.* 246. 24. *reve-*
reantur. 253. 20. *dicenda.* 263. 11. *leg.* 127. 265. 26.
meditatur. 268. 25. S. Paulus. 270. 9. *est.* 277. 18.
post factum *insere plus.* 26. *Empedocliq.* 281. 4. *Job.*
285. 6. *discedunt.* 28. *mater.* 288. 8. *rostris.* 14. *Ple-*
bis. 289. 20. *manifestam.* 291. 25. *gravissima.* 298.
21. *tandem.* 306. 17. *Ischanus.* 307. 6. *atqui.* 313. 24.
dormierit. 314. 28. *quæ.* 317. 3. *luctum.* 322. 21. *sibi.*
25. *causas & reatus.* 336. 1. 6. *sed virtutis.* 351. ult.
efflagitaverit. 352. 27. *stamen.* 358. 7. *adamata.* 360.
18. *Novi.* 371. 19. *grande.* 372. 9. *facello.* *penult.*
nos. 377. ult. *suæ,* & alia *Lectoris benevolentia*
relicta.

BIBLIOTECA NAZ.
ROMA
VITTORIO EMANUELE.











10-2-2





no